



This is a digital copy of a book that was preserved for generations on library shelves before it was carefully scanned by Google as part of a project to make the world's books discoverable online.

It has survived long enough for the copyright to expire and the book to enter the public domain. A public domain book is one that was never subject to copyright or whose legal copyright term has expired. Whether a book is in the public domain may vary country to country. Public domain books are our gateways to the past, representing a wealth of history, culture and knowledge that's often difficult to discover.

Marks, notations and other marginalia present in the original volume will appear in this file - a reminder of this book's long journey from the publisher to a library and finally to you.

### Usage guidelines

Google is proud to partner with libraries to digitize public domain materials and make them widely accessible. Public domain books belong to the public and we are merely their custodians. Nevertheless, this work is expensive, so in order to keep providing this resource, we have taken steps to prevent abuse by commercial parties, including placing technical restrictions on automated querying.

We also ask that you:

- + *Make non-commercial use of the files* We designed Google Book Search for use by individuals, and we request that you use these files for personal, non-commercial purposes.
- + *Refrain from automated querying* Do not send automated queries of any sort to Google's system: If you are conducting research on machine translation, optical character recognition or other areas where access to a large amount of text is helpful, please contact us. We encourage the use of public domain materials for these purposes and may be able to help.
- + *Maintain attribution* The Google "watermark" you see on each file is essential for informing people about this project and helping them find additional materials through Google Book Search. Please do not remove it.
- + *Keep it legal* Whatever your use, remember that you are responsible for ensuring that what you are doing is legal. Do not assume that just because we believe a book is in the public domain for users in the United States, that the work is also in the public domain for users in other countries. Whether a book is still in copyright varies from country to country, and we can't offer guidance on whether any specific use of any specific book is allowed. Please do not assume that a book's appearance in Google Book Search means it can be used in any manner anywhere in the world. Copyright infringement liability can be quite severe.

### About Google Book Search

Google's mission is to organize the world's information and to make it universally accessible and useful. Google Book Search helps readers discover the world's books while helping authors and publishers reach new audiences. You can search through the full text of this book on the web at <http://books.google.com/>




3 3433 08156270 8





L 100  
Rue de la Montagne

L35 A-1111









**T I T I L I V I I**  
**P A T A V I N I**  
**H I S T O R I A R U M**  
**A B U R B E C O N D I T A**  
**LIBRI QUI SUPERSUNT,**  
**C U M**  
**O M N I U M E P I T O M I S,**  
**A C**  
**DEPERDITORUM FRAGMENTIS:**

*Ad optimas editiones castigati,*

*Accurante THO. RUDDIMANNO, A. M.*

**T O M U S I I.**

**E D I N B U R G I,**

*In ædibus T. & W. RUDDIMANNI,*

*Veneunt autem apud G. HAMILTON, A. KINCAID,  
ac socios, & J. BROWN.*

**M. DCC. LI.**



T. LIVII PATAVINI  
HISTORIARUM  
LIBER NONUS.

E P I T O M E.

II, III, &c. **T**. Veturius & Sp. Postumius apud Caudinas Furcas, deducto in locum arctum exercitu, quum nulla spes evadendi esset, fœdere cum Samnitibus facto, & sexcentis equitibus Romanis obsidibus datis, ita exercitum abduxerunt, ut omnes sub jugum mitterentur. VIII, IX, &c. Iidemque, auctore Sp. Postumio consule, (qui in senatu suaserat, ut eorum deditione, quorum culpâ tam deforme fœdus ictum erat, publica fides liberaretur) cum duobus tribunis plebis & omnibus, qui fœdus sponponderant, dediti Samnitibus, non sunt recepti. XIV, &c. nec multo post, fufis à Papirio Cursore Samnitibus & sub jugum missis, receptisque sexcentis equitibus Romanis, qui obsides dati erant, pudor prioris flagitii abolitus est. XX. Tribus duæ adjectæ sunt, Ufentina & Falerina. XXVIII. Sueffa & Pontia colonie deductæ sunt. XXIX. Ap. Claudius censor aquam perduxit: viam stravit, quæ Appia vocata est: libertinorum filios in senatum legit. XXX. Ideoque, quoniam is ordo videbatur inquinatus indignis, sequentis anni consules in senatu legendo observaverunt, quemadmodum ante per proximos censores observatum fuerat. XXXV, &c. Res præterea contra Apulos, Etruscos, Umbros, Marsos, Pelignos, Æquos & Samnites, quibus fœdus erat restitutum, prospere gestas continet. XLVI. Flavius scriba, libertino patre natus, edilis curulis fuit perforensem factionem creatus: quæ quum comitia & campum

TOM. II. A turbaret,

turbaret, & in iis propter nimias vires dominaretur, à Q. Fabio censore in quatuor tribus redacta est, quas urbanas appellavit. Eaque res Fabio Maximo nomen dedit. XVII, &c. In hoc libro mentio Alexandri Magni, qui temporibus his fuit; & aestimatis populi Romani viribus, quæ tunc erant, colligitur, si Alexander in Italiam trajecisset, non tam facilem ei victoriam de populo Romano fore, quàm de iis gentibus, quas ad Orientem imperio suo subjecerat.

I. **S**EQUITUR hunc annum nobilis clade Romanà Caudina pax, T. Veturio Calvino, Sp. Postumio consulibus. Samnites eo anno imperatorem C. Pontium, Herennii filium, habuerunt, patre longè prudentissimo natum, primum ipsum bellatorem ducemque. Is, ubi legati, qui ad dedendas res missi erant, pace infecti redierunt, Ne nihil actum, inquit, hac legatione censeatis, expiatum est, quicquid ex fœdere rupto irarum in nos cœlestium fuit. Satis scio, quibuscunque Diis cordi fuit, subigi nos ad necessitatem dedendi res, quæ à nobis ex fœdere repetita fuerant, iis non fuisse cordi tam superbè ab Romanis fœderis expiationem spectatam. Quid enim ultra fieri ad placandos Deos mitigandosque homines potuit, quàm quod nos fecimus? Res hostium in prada captas, quæ belli jure nostræ videbantur, remisimus: auctores belli, quia vivos non potuimus, perfunctos jam fato dedidimus: bona eorum, ne quid ex contagione noxa remaneret penes nos, Romam portavimus. Quid ultra tibi, Romane, quid fœderi, quid Diis arbitris fœderis debeo? quem tibi tuarum irarum, quem meorum suppliciorum judicem feram, neminem, neque populum, neque privatum, fugio. Quod si nihil cum potentiore juris humani relinquitur inopi, at ego ad Deos vindices intoleranda superbia confugiam; & precabor, ut iras suas vertant in eos, quibus non suæ redditæ res, non aliena accumulata satis sint; quorum sævitiam non mors noxiorum, non deditio exanimatorum corporum, non bona sequentia domini deditonem exsatiarent. Placari nequeunt, nisi baurien-

dum

*dum sanguinem laniandaque viscera nostra præbuerimus. Justum est bellum, Samnites, quibus necessarium; & pia arma, quibus nulla nisi in armis relinquitur spes. Proinde, quum rerum humanarum maximum momentum sit, quàm propitiis rem, quàm adversis agant Dii, pro certo habete, priora bella adversus Deos magis, quàm homines, gessisse; hoc, quod instat, ducibus ipsis Dii gesturos.*

II. Hæc, non læta magis, quàm vera, vaticinatus, exercitu educto, circa Caudium castra, quàm potest occultissimè, locat: inde ad Calatiam, ubi jam confules Romanos castraque esse audiebat, milites decem pastorum habitu mittit: pecoraque diversos, alium alibi, haud procul Romanis pascere jubet præsidii: ubi inciderint in prædatores, ut idem omnibus sermo consuet, *legiones Samnitium in Apulia esse, Luceriam omnibus copiis circumfedere: nec procubuisse, quin vi capiant.* Jam is etiam rumor antè, de industria vulgatus, venerat ad Romanos; sed fidem auxere captivi, eo maximè, quod sermo inter omnes congruebat. Haud erat dubium, quin Lucerinis opem Romanus ferret, bonis ac fidelibus sociis; simul ne Apulia omnis ad præsentem terrorem deficeret. ea modò, quæ irent, consultatio fuit. Duæ ad Luceriam ferebant viæ; altera præter oram superi maris patens aperta que, sed, quanto tutior, tanto ferè longior; altera per Furculas Caudinas brevior. Sed ita natus locus est. saltus duo alti angusti silvosi que sunt, montibus circà perpetuis inter se juncti. jacet inter eos satis patens clausus in medio campus, herbidus aquosusque, per quem medium iter est. Sed antè, quàm venias ad eum, intrandæ primæ angustiae sunt: & aut eadem, quæ te insinuaveris, retro via repetenda; aut, si ire porrò pergas, per alium saltum arctiorem impeditioremque evadendum. In eum campum viâ aliâ per cavam rupem, Romani, demisso agmine, quum ad alias angustias protinus pergerent, septas dejectu arborum, saxorumque ingentium ob-



centem molem invenere. quum fraus hostilis apparuisset, præsidium etiam in summo saltu conspicitur. Citati inde retro, quâ venerant, pergunt repetere viam. eam quoque clausam suâ obice armisque inveniunt. sistunt inde gradum sine ullius imperio: stuporque omnium animos, ac velut torpor quidam insolitus membrâ tenet: intuentesque alii alios (quum alterum quisque compotem magis mentis ac consilii ducerent) diu immobiles silent. Deinde ubi prætoriam consulum erigi videre, & expedire quosdam utilia operi, quanquam ludibrio fore munientes, perditis rebus ac spe omni ademptâ, cernebant; tamen, ne culpam malis adderent, pro se quisque, nec hortante ullo nec imperante, ad muniendum versi, castra propter aquam vallo circumdant; sua ipsi opera laboremque irritum (præterquam quod hostes superbè increpabant) cum miserabili confessione eludentes. Ad consules mœstos, ne advocantes quidem in consilium, (quando nec consilio nec auxilio locus esset) suâ sponte legati ac tribuni conveniunt: militesque ad prætorium versi, opem, quam vix Dii immortales ferre poterant, ab ducibus exposcunt.

III. Querentes magis, quàm consultantes, nox oppressit. quum pro ingenio quisque fremerent: alius, *per obices viarum*; alius, *per adversa montium, per silvas, quâ ferri arma poterunt, eamus*. Modò ad hostem pervenire liceat, quem per annos jam prope triginta vincimus; omnia aqua & plana erunt Romano, in perfidum Samnitum pugnanti. alius, *Quò, aut quâ eamus? Num montes moliri sede suâ paramus? Dum hac imminebunt juga, quâ tu ad hostem venies? Armati, inermes, fortes, ignavi, pariter omnes capti atque victi sumus. Ne ferrum quidem ad bene moriendum oblaturus est hostis: sedens bellum conficiet*. His in vicem sermonibus, quâ cibi, quâ quietis immemor, nox traducta est. Ne Samnitibus quidem consilium in tam lætis suppetebat rebus. itaque universi Herennium Pontium, patrem imperatoris, per literas consulendum

lendum censent. Jam is gravis annis non militaribus solum, sed civilibus quoque, abscesserat muneribus: in corpore tamen affecto vigeat. vis animi consilique. Is, ubi accepit, ad Furculas Caudinas inter duos saltus clausos esse exercitus Romanos, consultus ab nuncio filii, censuit, omnes inde quàm primùm inviolatos dimittendos. quæ ubi sprete sententia est, iterumque, eodem remeante nuncio, consulebatur, censuit, ad unum omnes interficiendos. Quæ ubi tam discordia inter se, velut ex ancipiti oraculo, responsa data sunt; quamquam filius ipse in primis jam animum quoque patris consensuisse in affecto corpore rebatur; tamen consensu omnium victus est, ut ipsum in concilium accirer. Nec gravatus senex plaustro in castra dicitur advectus, vocatusque in concilium ita ferme locutus esse, ut nihil sententiæ suæ mutaret; causas tantùm adjiceret: *Priore se consilio, quod optimum duceret, cum potentissimo populo per ingens beneficium perpetuam firmare pacem amicitiamque: altero consilio in multas ætates, quibus, amissis duobus exercitibus, haud faciliè receptura vires Romana res esset, bellum differre: tertium nullum consiliùm esse.* Quum filius aliique principes percunctando exsequerentur, *Quid si media via consilii caperetur; ut & dimitterentur incolumes, & leges iis jure belli victis imponerentur?* ista quidem sententia, inquit, ea est, quæ neque amicos parat, neque inimicos tollit. *Servato modò, quos ignominia irritaveritis. ea est Romana gens, quæ victa quiescere nesciat. Vivet semper in pectoribus illorum, quicquid istuc præsens necessitas inusserit; neque eos ante multiplices pœnas expetitas à vobis quiescere sinet.*

IV. Neutra sententiâ accepta. Herennius domum è castris est avectus. Et in castris Romanis quum frustra multi conatus ad erumpendum capti essent, & jam omnium rerum inopia esset; victi necessitate legatos mittunt, qui primùm pacem æquam peterent: si pacem non impetrarent, uti provocarent ad pugnam.

Tum Pontius, *debellatum esse*, respondit: & quoniam ne victi quidem ac capti fortunam fateri scirent, inermes cum singulis vestimentis sub jugum missurum: alias conditiones pacis aquas victis ac victoribus fore; si agro Samnitium decederetur, colonie abducerentur, suis deinde legibus Romanum ac Samnitum aequo fœdere victurum. His conditionibus paratum se esse fœdus cum consulibus ferire: si quid eorum displiceat, legatos redire ad se vetuit. Hæc quum legatio renunciaretur, tantus gemitus omnium subito exortus est, tantaque mœstitia incessit, ut non gravius accepturi viderentur, si nunciaretur, omnibus eò loco mortem oppetendam esse. Quum diu silentium fuisset, nec consules aut pro fœdere tam turpi, aut contra fœdus tam necessarium hîscere possent; tum L. Lentulus, qui tum princeps legatorum virtute atque honoribus erat, Patrem meum, inquit, consules, sæpe audiui memorantem, se in Capitolio unum non fuisse auctorem senatui redimenda auro à Gallis civitatis, quando nec fossâ valloque ab ignavissimo ad opera ac muniendum hoste clausi essent; & erumpere se non sine periculo magno, tamen sine certa perniciæ possent. Quod si, ut illis decurrere ex Capitolio armatis in hostem licuit, (quo sæpe modo obsessi in obsidentes eruperunt) ita nobis aequo aut iniquo loco dimicandi tantummodo cum hoste copia esset, non mihi paterni animi indoles in consilio dando deesset. Equidem mortem pro patria præclaram esse fateor: & me vel devovere pro populo Romano legionibusque, vel in medios me immittere hostes paratus sum. Sed hîc patriam video, hîc quicquid Romanarum legionum est. quæ, nisi pro se ipsis ad mortem ruere volunt, quid habent, quod morte suâ servant? Tecta urbis, dicat aliquis, & mœnia, & eam turbam, à qua urbs incolitur. immo, hercule, produntur ea omnia, deleta hoc exercitu, non servantur. Quis enim ea tuebitur? imbellis videlicet atque inermis multitudo? tam, hercule, quàm à Gallorum impetu defendit. An à Vejis exercitum Camillumque ducem implorabunt? Hîc omnes spes opesque sunt, quas servando patriam servamus; dedendo ad necem patriam deserimus.

*mas ac prodimus. At fœda atque ignominiosa deditio est. Sed ea caritas patriæ est, ut tam ignominia eam, quam morte nostrâ, si opus sit, servemus. Subeatur ergo ista, quantacunque est, indignitas; & pareatur necessitati, quam ne Dii quidem superant. Ite, consules, redimite armis civitatem, quam auro majores vestri redemerunt.*

V. Consules profecti ad Pontium in colloquium, quum de fœdere victor agitare, negârunt, injussu populi fœdus fieri posse: nec sine fecialibus ceremoniaque alia solenni. Itaque non, ut vulgò credunt, Claudiusque etiam scribit, fœdere pax Caudina, sed per sponsonem, facta est. Quid enim aut sponsonibus in fœdere opus esset aut obsidibus, ubi precatione res transigitur? *per quem populum fiat, quo minùs legibus dictis stetur, ut cum ita Jupiter feriat, quemadmodum à fecialibus porcus feriat.* Sponponderunt consules, legati, quæstores, tribunî militum; nominaque omnium, qui sponponderunt, exstant: ubi, si ex fœdere acta res esset, præterquam duorum fecialium, non exstarent; & propter necessariam fœderis dilationem obsides etiam sexcenti equites imperati, qui capite luerent, si pacto non staretur. Tempus inde statutum tradendis obsidibus exercituque inermi mittendo. Redintegravit luctum in castris consulum adventus, ut vix ab iis abstinerent manus, quorum temeritate in eum locum deducti essent; quorum ignaviâ fœdiùs inde, quàm venissent, abituri. Nîlis non ducem locorum, non exploratorem fuisse: bel-luarum modo cæcos in foveam missos. Alii alios intueri, contemplari arma mox tradenda, & inermes futuras dextras, obnoxiaque corpora hosti. proponere sibimet ipsi ante oculos jugum hostile, & ludibria victoris, & vultus superbos, & per armatos inermium iter: inde fœdi agminis miserabilem viam, per fociorum urbes reditum in patriam ad parentes, quò sæpe ipsi majoresque eorum triumphantes venissent. Se solos sine vulnere, sine ferro, sine acie victos: sibi non

stringere licuisse gladios, non manum cum hoste conferre: sibi nequicquam arma, nequicquam vires, nequicquam animos datos. Hæc frementibus hora fatalis ignominie advenit, omnia tristiora experiundo factura, quam quæ præceperant animis. Jam primum cum singulis vestimentis inermes extra vallum exire jussi, & primi traditi obsides, atque in custodiam abducti. Tum à consulibus abire lictores jussi, paludamentaque detracta; tantam inter ipsos qui, paulo antè eos execrantes, dedendos lacerandosque censuerant, miserationem fecit, ut, suæ quisque conditionis oblitus, ab illa deformatione tantæ majestatis, velut ab nefando spectaculo, averteret oculos.

VI. Primi consules propè seminudi sub jugum missi: tum, ut quisque gradu proximus erat, ita ignominie objectus: tum deinceps singulæ legiones, circumstabant armati hostes, exprobrantes eludentesque: gladii etiam plerisque intentati: & vulnerati quidam necatique, si vultus eorum indignitate rerum acrior victorem offendisset. ita traducti sub jugum, &, quod penè gravius erat, per hostium oculos. quum è saltu evasisent, etsi, velut ab inferis extracti, tum primum lucem adspicere visi sunt, tamen ipsa lux ita deforme intuentibus agmen omni morte tristior fuit. Itaque, quum ante noctem Capuam pervenire possent, incerti de fide sociorum, & quòd pudor præpediebat, circa viam haud procul Capuam omnium egeni corpora humi prostraverunt. Quod ubi est Capuam nunciatum, evicit misratio iuxta sociorum superbiam ingentem Campanis. confestim insignia sua consulibus, fascēs, lictores, arma, equos, vestimenta, comæatus militibus benignè mittunt: & venientibus Capuam cunctus senatus populusque, obviam egressi, justis omnibus hospitalibus, privatisque & publicis funguntur officiis: neque illis sociorum comitas, vultusque benigni, & alloquia non modò sermonem elicere, sed ne, ut oculos

los quidem attollerent, aut consolantes amicos contra intuerentur, efficere poterant. Adeo super mœrorem pudor quidam fugere colloquia & cœtus hominum cōgebat. Postero die quum juvenes nobiles, missi a Capua, ut proficiscentes ad finem Campanum prosequerentur, revertissent; vocatique in curiam percunctantibus majoribus natu, multo sibi mœstiores & abjectioris animi visos, referrent; adeo silens, ac propè mutum agmen iacuisse: tacere indolem illam Romanam, ablatisque cum armis animos. non reddere salutem, non salutantibus dare responsum, non hîscere quenquam pra metu potuisse, tanquam ferentibus adhuc cervicibus jugum, sub quo emissi essent. Habere Samnites victoriam, non præclaram solum, sed etiam perpetuam. cepisse enim eos non Romam, sicut antè Gallos; sed, quod multo bellicosius fuerit, Romanam virtutem ferociamque.

VII. Quum hæc dicerentur audirenturque, & deploratum penè Romanum nomen in concilio sociorum fidelium esset; dicitur Ofilius Calavius, Ovii filius, clarus genere factisque, tum etiam ætate verendus, longè aliter se habere rem dixisse: Silentium illud obstinatum, fixosque in terram oculos, & surdas ad omnia solatæ aures, & pudorem intuendæ lucis, ingentem molem irarum ex alto animo cientis indicia esse: aut Romana se ignorare ingenia, aut silentium illud Samnitibus flebiles brevi clamores gemitusque excitaturum; Caudinæque pacis aliquanto Samnitibus, quàm Romanis, tristioremem memoriam fore. Quippe suos quemque eorum animos habiturum, ubicunque congressuri sint: saltus Caudinos non ubique Samnitibus fore. Jàm Romæ etiam sua infamis clades erat. Obsessos primùm audierunt: tristior deinde ignominiosæ pacis magis, quàm periculi, nuncius fuit. Ad famam obsidionis delectus haberi cœptus erat: dimissus deindè auxiliorum apparatus, postquam deditionem tam fœdè factam acceperant: extemploque sine ulla publica auctoritate consensum in omnem formam luctus est. Tabernæ circa

forum clausæ, iustitiumque in foro suâ sponte cœptum prius, quàm indictum: lati clavi, annuli aurei positi; penè mœstior exercitu ipso civitas esse: nec ducibus solum atque auctoribus sponsoribusque pacis irasci, sed innoxios etiam milites odisse, & negare urbe testisve accipiendos. Quam concitationem animorum fregit adventus exercitus, etiam iratis miserabilis. non enim tanquam in patriam revertentes ex insperato incolumes, sed, captorum habitu vultuque ingressi serò in urbem, ita se in suis quisque testis abdiderunt, ut postero atque insequentibus diebus nemo eorum forum aut publicum adspicere vellet. Consules, in privato abditi, nihil pro magistratu agere, nisi quod expressum senatusconsulto est, ut dictatorem dicerent comitiorum causâ. Q. Fabium Ambustum dixerunt, & P. Ælium Pætum magistrum equitum. quibus vitio creatis, suffecti M. Æmilius Papus dictator, L. Valerius Flaccus magister equitum. Nec per eos comitia habita: &, quia tædebat populum omnium magistratuum ejus anni, res ad interregnum rediit. Interreges Q. Fabius Maximus, M. Valerius Corvus. is consules creavit Q. Publilium Philonem & L. Papirium Cursorem iterum, haud dubio consensu civitatis, quòd nulli eâ tempestate duces clariores essent.

VIII. Quo creati sunt die, eo (sic enim placuerat Patribus) magistratum inierunt, solennibusque senatusconsultis perfectis, de pace Caudina retulerunt. & Publilius, penes quem fasces erant, *Dic Sp. Postumi,* inquit. Qui ubi surrexit, eodem illo vultu, quo subjugum missus erat, *Haud sum ignarus,* inquit, *consules, ignominia, non honoris causâ me primum excitatum jussumque dicere, non tanquam senatorem, sed tanquam reum quâ infelicis belli, quâ ignominiosa pacis. Ego tamen, quando neque de noxa nostra neque de pœna retulistis, omisâ defensione, quâ non difficillima esset apud haud ignaros fortunarum humanarum necessitatumque, sententiam de eo, de quo retulistis, pau-*  
cis

dis perogam: quæ sententia testis erit, mibine, an legionibus vestris pepercerim, quum me seu turpi seu necessariâ sponfione obstrinxi. Quâ tamen, quando injussu populû facta est, non tenetur populus Romanus; nec quicquam ex ea, præterquam corpora nostra debentur Samnitibus. Dedamur per feciales nudi vinctique: exsolvamus religionem populum, si quid obligavimus; ne quid divini humanive obstet, quo minùs justum piumque de integro ineatur bellum. Interea consules exercitum scribere, armare, educere placet; nec priùs ingredi hostium fines, quàm omnia justa in deditiõem nostram perfecta erunt. Vos, Dii immortales, precor quasque, si vobis non fuit cordi, Sp. Postumium, T. Veturium consules cum Samnitibus prospere bellum gerere; at vos satis habeatis, vidisse nos sub jugum missos; vidisse sponfione infami obligatos, videre nudos vinctosque hostibus deditos; omnem iram hostium nostris capitibus excipientes. Novos consules legionesque Romanas ita cum Samnite gerere bellum velitis, ut omnia ante nos consules bella gesta sunt. Quæ ubi dixit, tanta simul admiratio miserationeque viri incescit omnes; ut modò vix crederent, illum eundem esse Sp. Postumium, qui auctor tam fœdæ pacis fuisset: modò miserarentur, quòd vir talis etiàm præcipuum apud hostes supplicium passurus esset ob iram diremptæ pacis. Quum omnes, laudibus modò prosequentes virum, in sententiam ejus pedibus irent; tentata paulisper intercessio est ab L. Liviõ & Q. Mællõ, tribunis plebis: qui, neque exsolvi religionem populum, aiebant, deditiõne suâ, nisi omnia Samnitibus, qualia apud Caudium fuissent, restituerentur: neque se pro eo, quòd, spondendo pacem, servassent exercitum populi Romani, pœnam ullam meritos esse; neque ad extremum, quum sacrosancti essent, dedi hostibus violari posse.

IX. Tum Postumius, Interea deditæ, inquit, profanos nos, quos salvâ religionem potestis: dedetis deinde & istos sacrosanctos, quum primùm magistratu abierint; sed, si me audiat, priùs, quàm dedantur, hic in comitiõ virgis casus, hanc jam ut intercalata pœna usuram habeant. Nam quòd



· deditiōe nostrā negant exsolvi religione populum, id istos magis, ne dedantur, quā quia ita se res habeat, dicere, quis adeo juris fecjalium expertus est, qui ignoret? Neque ego inficias eo, Patres conscripti, tam sponsiones quā fœdera sancta esse apud eos homines, apud quos juxta divinas religiones fides humana colitur: sed injussu populi nego quicquam sanciri posse, quod populum teneat. An, si eādem superbiā, quā sponsionem istam expresserunt nobis Samnites, coëgissent nos verba legitima deditum urbes nuncupare, deditum populum Romanum vos tribuni diceretis, & hanc urbem, templa, delubra, fines, aquas, Samnitium esse? Omitto deditiōem, quoniam de sponsione agitur. quid tandem, si spondidissemus, urbem hanc relicturnum populum Romanum? si incensurum? si magistratus, si senatum, si leges non habiturum? si sub regibus futurum? Dii meliora, inquis! atqui non indignitas rerum sponsionis vinculum levat. Si quid est, in quo obligari populus possit, in omnia potest. & ne illud quidem, quod quosdam forsitan moveat, refert, consul, an dictator, an prætor sponderit. Et hoc ipsi etiam Samnites judicaverunt, quibus non fuit satis consules spondere, sed legatos, quæstores, tribunos militum spondere coëgerunt. Nec à me nunc quisquam quæsierit, quid ita sponderim? quum id nec consulis jus esset; nec illis spondere pacem, quæ mei non erat arbitrii, nec pro vobis, qui nihil mandaveratis, possem. Nihil ad Caudium, Patres conscripti, humanis consiliis gestum est. Dii immortales & vestris & hostium imperatoribus mentem ademerunt. nec nos in bello satis cavimus; & illi male partam victoriam male perdiderunt, dum vix locis, quibus vicerant, credunt, dum quocumque conditione arma viris in arma natis auferre festinant. An, si sana mens fuisset, difficile illis fuit, dum senes ab domo ad consultandum arcessunt, mittere Romam legatos? cum senatu, cum populo, de pace ac fœdere agere? tridui iter expeditis erat. interea in induciis res fuisset, donec ab Roma legati aut victoriam illis certam, aut pacem afferrent. ea demum sponsio esset, quam populi jussu spondidissemus. Sed neque vos tulissetis, nec nos spondidissemus: nec fas fuit  
alium

aliū rerū exitū esse, quā ut illi, velut somnio letiora, quā quod mentes eorū capere possent, nequisquam eluderentur: & nostrum exercitū eadem, quā impediērat, fortuna expediret: vanā victoriā vanior irritā faceret pax: sponso interponeretur, quā neminem, prater sponsores, obligaret. Quid enim vobiscum, Patres conscripti, quid cum populo Romano actū est? quis vos appellare potest? quis se à vobis dicere deceptū? hostis? an civis? Hosti nihil spondistis: civem neminem spondere pro vobis iussistis. Nihil ergo vobis nec nobiscum est, quibus nihil mandastis; nec cum Samnitibus, cum quibus nihil egistis. Samnitibus sponsores nos sumus, rei satis locupletes. in id, quod nostrum est; in id, quod prestare possumus, corpora nostra & animos; in hac saviant, in hac ferrum, in hac iras acuant. Quod ad tribunos attinet, consulite, utrū presens deditio eorū fieri possit, an in diem differatur, nos interim, T. Veturi, vosque ceteri, vilia hac capita luenda sponsonis feramus, & nostro supplicio liberemus Romanā armā.

X. Movit Patres conscriptos tum causa, tum auctor; nec ceteros solum, sed tribunos etiam plebei, ut se in senatus dicerent fore potestate. Magistratu inde se extemplo abdicaverunt, traditique fecialibus cum ceteris Caudium ducendi. Hoc facto senatusconsulto, lux quædam affulisse civitati visa est. Postumius in ore erat; cum laudibusque ad cælum ferebant: devotioni P. Decii consulis, aliisque claris facinoribus æquabant. Emergisse civitatem ex obnoxia pace illius consilio & operâ: ipsum se cruciatibus & hostium ira offerre, piaculæque pro populo Romano dare. Arma cuncti spectant & bellum. En unquam futurum, ut congredi armatis cum Samnite liceat? In civitate, irâ odioque ardente, delectus prope omnium voluntariorum fuit, rescriptæ ex eodem milite novæ legiones, ductusque ad Caudium exercitus. Prægressi feciales, ubi ad portam venerē, vestem detrahi pacis sponsores jubent, manus post tergum vinciri. Quum apparitor verecundiæ maiestatis Postumium,

mium laxè vinciret, *Quin tu, inquit, adducis lorum, ut iusta fiat deditio?* Tum, ubi in cœtum Samnitium & ad tribunal ventum Pontili est, A. Cornelius Arvina. fecialis ita verba fecit: *Quandoque hīc homines injussu populi Romani Quiritium fœdas ictum iri sponponderunt, atque ob eam rem noxam nocuerunt; ob eam rem, quo populus Romanus scelere impio sit solutus, hosce homines vobis dedo.* Hæc dicenti feciali Postumius genu femur, quantà maximè poterat vi, perculit, & clarà voce ait, *se Samnitē civem esse, illum legatū; fecialem à se contra jus gentium violatū; eo justius bellū gesturos.*

XI. Tum Pontius, *Nec ego istam dēditionem accipiam, inquit, nec Samnites ratum habebunt. Quin tu, Sp. Postumi, si Deos esse censes, aut omnia irrita facis, aut pacto stas?* Samniti populo omnes, quos in potestate habuit, aut pro eis pax debetur. *Sed quid ego te appello, qui te captū victori, cum qua potes fide, restitais?* Populum Romanum appello; quem si sponsionis ad Furculas Caudinas facta pœnitet, restituat legiones intra saltum, quo septa fuerunt. *Nemo quēquam deceperit: omnia pro infecto sint: recipiant arma, quæ per pactionem tradiderunt: redeant in castra sua, quicquid pridie habuerunt, quā in colloquium est ventum, habeant. tum bellum & fortia consilia placeant; tunc sponsio & pax repudietur.* Ed fortunā, iis locis, quæ ante pacis mentionem habuimus; geramus bellum: *nec populus Romanus consulum sponsionem, nec nos fidem populi Romani accusemus. Nunquamne causa defict; cur vilti pacto non stetis?* Obsides. *Porſenæ dedistis; furto eos subduxistis: auro civitatem à Gallis redemistis; inter accipiendum aurum caſi sunt: pacem nobiscum pepigistis, ut legiones vobis captas restitueremus; eam pacem irritam facitis, & semper aliquam fraudi speciem juris imponitis. Non probat populus Romanus ignominiosā pace legiones servatas? pacem sibi habeat; legiones captas victori restituat: hoc fide, hoc fœderibus; hoc fecialibus ceremoniis dignum erat. Ut tu quidem, quod petisti, per pactionem habeas, tot cives incolumes; ego pacem, quam hosti tibi remittendo*

mittendo pactus sum, non habeam: hoc tu, A. Corneli, hoc vos, fœciales, juris gentibus dicitis? Ego verò istos, quos dedî simulatis, nec accipio, nec dedî arbitror; nec moror, quo minus in civitatem obligatam sponsione commissâ, iratis omnibus Diis, quorum eluditur numen, redeant. Gerite bellum, quando Sp. Postumius modò legatum fœcialem genu perculit. Ita Diî credent, Samnitum civem Postumium, non civem Romanum, esse, & à Samnite legatum Romanum violatum. eo vobis justum in nos factum esse bellum. Hec ludibria religionum non pudere in lucem proferre? & vix pueris dignas ambages senes ac consulares fallendæ fidei exquirere? I, lictor, deme viacula Romanis: moratus sit nemo, quo minus, ubi visum fuerit, abeant. Et illi quidem, forsitan & publicâ, suâ, certè liberatâ fide, ab Caudio in castra Romana inviolati redierunt.

XII. Samnitibus, pro superba pace infestissimum ceramentibus renatum bellum, omnia, quæ deinde venerunt, non in animis solum, sed propè in oculis esse: & serò ac nequicquam laudare senis Pontii utraque consilia; inter quæ se media lapsos victoriæ possessionem pace incertâ mutasse, & beneficii & maleficii occasione amissâ, pugnatueros cum eis, quos potuerint in perpetuum vel inimicos tollere, vel amicos facere. adeoque, nullo dum certamine inclinatis viribus, post Caudinam pacem animi mutaverant, ut clariorem inter Romanos deditio Postumium, quàm Pontium incruenta victoriâ inter Samnites, faceret: & gessi posse bellum Romani pro victoriâ certâ haberent, Samnites simul rebellasse & vicisse crederent Romanum. Inter hæc Satricani ad Samnites defecerunt, & Fregellæ colonia necopinato adventu Samnitum (fuisse & Satrianos cum his satis constat) nocte occupata est. timor inde mutuus utrosque usque ad lucem quietos tenuit: lux pugnæ initium fuit; quam aliquandiu æquam, & quia pro aris ac focis dimicabatur, & quia ex testis adjuvabat imbellis multitudo, tamen Fregellani sustine-

runt.

runt. Fraus deinde rem inclinavit, quod vocem audiri præconis passi sunt; *incolumem abiturum, qui arma posuisset*. ea spes remisit à certamine animos, & passim arma jactari cœpta. Pertinacior pars armata per aversam portam erupit; tutiorque eis audacia fuit, quam incautus ad credendum ceteris pavor: quos circumdatos igni, nequicquam Deos fidemque invocantes, Samnites concremaverunt. Consules, inter se partiti provincias, Papirius in Apuliam ad Luceriam pergit, ubi equites Romani obsides ad Caudium dati custodiebantur: Publius in Samnio substitit adversus Caudinas legiones. Distendit ea res Samnitium animos; quod nec ad Luceriam ire, ne ab tergo instaret hostis, nec manere, ne Luceria interim amitteretur, satis audebant. Optimum visum est committere rem fortunæ, & transigere cum Publio certamen. Itaque in aciem copias educunt.

XIII. Adversus quos Publius consul quum dimicaturus esset, prius alloquendos milites ratus, concionem advocari jussit. ceterum sicut ingenti alacritate ad prætorium concursum est, ita præ clamore poscentium pugnam nulla adhortatio imperatoris audita est. Suus cuique animus memor ignominie adhortator aderat. Vadunt igitur in prælium urgentes signiferos: & ne mora in concursu, pilis emittendis stringendisque inde gladiis esset, pila, velut dato ad id signo, abjiciunt, strictisque gladiis cursu in hostem feruntur. Nihil illic imperatorie artis ordinibus aut subsidiis locandis fuit: omnia ira militaris propè vesano impetu egit. Itaque non fusi modò hostes sunt; sed, ne castris quidem suis fugam impedire ausi, Apuliam dissipati petiere: Luceriam tamen, coacto rursus in unum agmine, est perventum. Romanos ira eadem, quæ per mediam aciem hostium tulerat, & in castra pertulit. ibi plus, quam in acie, sanguinis ac cadis factum, prædæque pars major irâ corrupta. Exercitus

exercitus alter cum Papirio consule locis maritimis pervenerat Arpos per omnia pacata, Samnitium magis injuriis & odio, quàm beneficio ullo populi Romani. Nam Samnites, eà tempestate in montibus vicatim habitantes, campestria & maritima loca, contempto cultorum molliore atque, ut evenit ferè, locis simili genere, ipsi montani atque agrestes depopulabantur. quæ regio si fida Samnitibus fuisset, aut pervenire Arpos exercitus Romanus nequisset, aut interjecta inter Romanam & Arpos, penuriâ rerum omnium, exclusos à comitatibus absumpsisset. Tum quoque profectos inde ad Luceriam, juxtâ obsidentes obsessosque, inopia vexavit. omnia ab Arpis Romanis suppeditabantur; ceterum adeo exigue, ut militi, occupato stationibus vigiliisque & opere, eques folliculis in castra ab Arpis frumentum veheret; interdum occursum hostium cogere, abjecto ex equo frumento, pugnare. obsessi prius, quàm alter consul victore exercitu advenit, & comitatus ex montibus Samnitium in vestri erant, & auxilia intramissa. Arctiora omnia adventus Publii fecit; qui, obsidione delegatâ in curam collegæ, vacuus per agros cuncta infesta comitatibus hostium fecerat. Itaque quum spes nulla esset, diutius obsessos inopiam laturos, coacti Samnites, qui ad Luceriam castra habebant, undique contractis viribus, signa cum Papirio conferre.

XIV. Per id tempus, parantibus utrisque se ad prælium, legati Tarentini interveniunt, denunciante Samnitibus Romanisque, ut bellum omitterent. per utros stetit, quo minus discederetur ab armis, adversus eos se pro alteris pugnuros. Eà legatione Papirius auditâ, perinde ac motus dictis eorum, cum collega se communicaturum respondit: accitoque eo, quum tempus omne in apparatu consumpsisset, collocutus de re haud dubia, signum pugne proposuit. Agentibus divina humanaque, quæ assolent, quum acie dimican-

dum

dum est, consulibus, Tarentini legati occurrere, responsum expectantes, quibus Papirius ait : *Auspicia secunda esse, Tarentini, pullarius nunciat. litatum præterea est egregie. auctoribus Diis, ut videtis, ad rem gerendam proficiscimur.* Signa inde ferri iussit, & copias eduxit, vanissimam increpans gentem, quæ, suarum impotens rerum præ domesticis seditionibus discordiisque, aliis modum pacis ac belli facere æquum censeret. Samnites ex parte altera, quum omnem curam belli remisissent, quia aut pacem verè cupiebant, aut expediebat simulare, ut Tarentinos sibi conciliarent, quum instructos repentè ad pugnam Romanos conspexissent, vociferari, se in auctoritate Tarentinorum manere, nec descendere in aciem, nec extra vallum arma ferre. Deceptos potiùs, quodcumque casus ferat, passuros, quàm ut sprevisse pacis auctores Tarentinos videantur. Accipere se omen, consules aiunt, & eam precari mentem hostibus, ut ne vallum quidem defendant. Ipsi, inter se partitis copiis, succedunt hostium munimentis, &, simul undique adorti, quum pars fossas explerent, pars vellerent vallum, atque in fossas proruerent, nec virtus modò insita, sed ira etiam, exulceratos ignominia stimulare animos, castra invadere : & pro se quisque, non hæc Furculas, nec Caudium, nec saltus invios esse, ubi errorem fraus superbè vicisset ; sed Romanam virtutem, quam nec vallum, nec fossa arcerent, memorantes, cædunt pariter resistentes fusosque, inermes atque armatos, servos, liberos, puberes, impuberes, homines, jumentaque. nec ullum superfuisset animal, nisi consules receptui signum dedissent, avidosque cædis milites è castris hostium imperio ac minis expulissent. Itaque apud infensos ob interpellatam dulcedinem iræ confestim oratio habita est, ut doceretur miles, minimè cuiquam militum consules odio in hostes cessisse, aut cessuros : quin duces, sicut belli, ita insatiabilis supplicii, futuros fuisse, nisi respectus equitum sexcentorum, qui Luceria obsides tenerentur, præpedisset animos : ne desperata venia hostes cacos in supplicia

*plicia eorum ageret, perdere prius, quam perire, optantes. Laudare ea milites, lætarique obviā itum iræ suæ esse, ac fateri, omnia patiēda potius, quam proderetur salus tot principum Romanæ juventutis.*

XV. Dimissā concione, consilium habitum, omnibusne copiis Luceriam premerent, an altero exercitu & duce Apuli circā, gens dubiæ ad id voluntatis, tentarentur. Publius consul, ad peragrandam profectus Apuliam, aliquot expeditione unā populos aut vi subegit, aut conditionibus in societatem accepit. Papirio quoque, qui obsessor Luceriæ restiterat, brevi ad spem eventus respondit. nam, infestis omnibus viis, per quas commeatus ex Samnio subvehebantur, fame domiti Samnites, qui Luceriæ in præsidio erant, legatos misere ad consulem Romanum, ut, receptis equitibus, qui causa belli essent, absteret obsidione. His Papirius ita respondit: *Debuisse eos Pontium, Herennii filium, quo auctore Romanos sub jugum misissent, consulere, quid victis patiendum censeret. ceterum, quoniam ab hostibus in se aqua statui, quā in se ipsi ferre, maluerint, nunciare Luceriam jussit, arma, sarcinas, jumenta, multitudinem omnem imbellem intra mœnia relinquerent: militem se cum singulis vestimentis sub jugum missurum, ulciscētem illatam, non novam inferentem ignominiam. Nihil recusatum. septem millia militum sub jugum missa, prædaque ingens Luceriæ capta, receptis omnibus signis armisque, quæ ad Caudium amiserant; & quod omnia superabat gaudia, equitibus recuperatis, quos pignora pacis custodiendos Luceriam Samnites dederant. Haud ferme alia mutatione subitā rerum clarior victoria populi Romani est: siquidem etiam (quod quibusdam in annalibus invenio) Pontius, Herennii filius, Samnitium imperator, ut expiaret consulum ignominiam, sub jugum cum ceteris est missus. Ceterum id minùs miror, obscurum esse de hostium duce dedito missoque sub jugum: id magis mirabile est, ambigi, Luciusne Cornelius dictator cum*

L. Pa-



L. Papirio Cursore, magistro equitum, eas res ad Caudium, atque inde Luceriam gesserit, ultorque unicus Romanæ ignominiae, haud sciam an justissimo triumpho ad eam ætatem secundum Furium Camillum, triumphaverit; an consulum Papiriique præcipuum id decus sit. Sequitur hunc errorem alius error, Cursore Papirius proximis comitiis cum Q. Aulio Cereetano iterum, ob rem bene gestam Luceriæ continuato magistratu, consul tertium creatus sit; an L. Papirius Mugillanus, & in cognomine erratum sit.

XVI. Convenit, jam inde per consules reliqua belli perfecta. Aulius cum Ferentanis uno secundo prælio debellavit; urbemque ipsam, quò se fusa contulerat acies, obsidibus imperatis, in deditionem accepit. Pari fortunâ consulum alter cum Satricanis, qui cives Romani post Caudinam cladem ad Samnites defecerant, præsidiumque eorum in urbem acceperant, rem gessit. nam quum ad mœniâ Satrici admotus esset exercitus, legatisque, missis ad pacem cum precibus petendam, triste responsum ab consule redditum esset, *nisi præsidio Samnitium interfecto aut tradito, ne ad se remearent*; plus eâ voce, quàm armis illatis, terroris colonis injectum. Itaque subinde exsequentes quærendo à consule legati, quonam se pacto paucos & infirmos crederet præsidio tam valido & armato vim allaturos, ab iisdem consilium petere jussi, quibus auctoribus præsidium in urbem accepissent, discedunt: ægreque impetrato, ut de ea re consuli senatum, responsaque ad se referri fineret, ad suos redeunt. Duæ factiones senatum distinebant; una, cujus principes erant defectionis à populo Romano auctores; altera, fidelium civium. certatum ab utrisque tamen est, ut ad reconciliandam pacem consuli opera navaretur. Pars altera (quum præsidium Samnitium, quia nihil satis præparati erat ad obsidionem tolerandam, excessurum proximâ nocte esset) enunciare consuli satis habuit, quâ noctis horâ, quâque por-

et, & quam in viam egressurus hostis foret. altera,  
 quibus invitis descitum ad Samnites erat, eadem nocte  
 portam etiam consuli aperuerunt, armatosque clam  
 hostes in urbem acceperunt. Ita duplici proditione  
 & praesidium Samnitium, infestis circa viam silvestri-  
 bus locis, necopinato oppressum est, & ab urbe plena  
 hostium clamor sublatum, momentoque unius horae ca-  
 sus Samnis, Satricanus captus, & omnia in potestate  
 consulis erant. Qui, quaestione habitâ, quorum ope-  
 ra defectio esset facta, quos fontes comperit, virgis  
 caesos securi percussit: praesidioque valido imposito,  
 arma Satricanis ademit. Inde ad triumphum decessisse  
 Romam Papirium Cursorem scribunt, qui eo duce  
 Luceriam receptam, Samnitesque sub jugum missos  
 auctores sunt. Et fuit vir haud dubie dignus omni  
 bellicâ laude, non animi solum vigore, sed etiam cor-  
 poris viribus excellens. Praecipua pedum pernicitas  
 inerat, quae cognomen etiam dedit: victoremque cur-  
 su omnium ætatis suae fuisse ferunt: & seu virium vi,  
 seu exercitatione multâ, cibi vinique eundem capacis-  
 simum: nec cum ullo asperiores (quia ipse invicti ad  
 laborem corporis esset) fuisse militiam pediti pariter  
 equitique. Equites etiam aliquando ausos ab eo pe-  
 tere, ut sibi pro re bene gesta laxaret aliquid laboris:  
 quibus ille, *Ne nihil remissum dicatis, remitto, inquit, ne  
 atque dorsum demulceatis, quum ex equis descendetis.* & vis  
 erat in eo viro imperii ingens pariter in socios civem-  
 que. Praenestinus praetor per timorem segnius ex sub-  
 fidiis suos duxerat in primam aciem. quem quum in-  
 ambulans ante tabernaculum vocari iussisset, listorem  
 expedire securim iussit. ad quam vocem exanimi stan-  
 te Praenestino, *Agedum, listor, excide radicem hanc,* in-  
 quit, *incommodam ambulantiibus:* perfusumque ultimi sup-  
 plicii metu, multa dictâ, dimisit. Haud dubie illâ æ-  
 tate, quâ nulla virtutum feracior fuit, nemo unus erat  
 vir, quo magis innisa res Romana staret. quin eum pa-  
 rem

rem destinant animis Māgno Alexandro ducem, si arma, Asiā perdomitā, in Europam vertisset.

XVII. Nihil minùs quæsitum à principio hujus operis videri potest, quàm ut plus justo ab rerum ordine declinarem; varietatibusquè distinguendo opere, & legentibus velut deverticula amœna, & requiem animo meo quærerem: tamen tanti regis ac ducis mentio, quibus sæpe tacitis cogitationibus volutavit animum, eas evocat in medium: ut quærere libeat, quinam eventus Romanis rebus, si cum Alexandro foret bellatum, futurus fuerit. Plurimum in bello pollere videntur militum copia & virtus, ingenia imperatorum, fortuna per omnia humanā, maximè in res bellicas, potens. Ea, & singula intuenti & universa, sicut ab alijs regibus gentibusque, ita ab hoc quoque, facilè præstant invictum Romanum imperium. Jam primùm, ut ordiar ab ducibus comparandis, haud equidem abnuo, egregium ducem fuisse Alexandrum; sed clariorem tamen eum facit, quòd unus fuit, quòd adolescens in incremento rerum, nondum alteram fortunam expertus, decessit. Ut alios reges claros ducesque omittam, magna exempla casuum humanorum; Cyrum, quem maximè Græci laudibus celebrant, quid, nisi longa vita, sicut Magnum modò Pompeium, verterenti præbuit fortunæ? Recenseam duces Romanos, nec omnes omnium ætatum, sed ipsos eos, cum quibus consulibus aut dictatoribus Alexandro fuit bellandum; M. Valerium Corvum, C. Marcium Rutilum, C. Sulpicium, T. Manlium Torquatum, Q. Publilium Philonem, L. Papirium Cursorem, Q. Fabium Maximum, duos Decios, L. Volumnium, M. Curium. Deinceps ingentes sequuntur viri, si Punicum Romano prævertisset bellum, seniorque in Italiam trajecisset. Horum in quolibet tum indoles eadem, quæ in Alexandro erat, animi ingenique; tum disciplina militaris, jam inde ab initiis urbis tradita per manus, in artis perpetuis prz-

præceptis ordinatæ modum venerat. Ita reges gesserant bella; ita deinde exactores regum Junii Valerii-que; ita deinceps Fabii, Quinctii, Cornelii; ita Furius Camillus, quem juvenes ii, quibus cum Alexandro dimicandum erat, senem viderant. Militaria opera pugnando obeunti Alexandro (nam ea quoque haud minus clarum cum faciunt) cessisset videlicet in acie oblati par Manlius Torquatus, aut Valerius Corvus, insignes antè milites, quàm duces? cessissent Decii, devotis corporibus in hostem ruentes? cessisset Papirius Cursor, illo corporis robore, illo animi? victus esset consiliis juvenis unius, ne singulos nominem, senatus ille, quem qui *ex regibus constare* dixit, unus veram speciem Romani senatus cepit? Id verò erat periculum, ne solertiùs, quàm quilibet unus ex eis, quos nominavi, castris locum caperet, commeatus expediret, ab insidiis præcaveret, tempus pugnæ deligeret, aciem instrueret, subsidiis firmaret. Non cum Dario rem esse dixisset: quem, mulierum ac spadonum agmen trahentem, inter purpuram atque aurum, oneratum fortunæ apparatus suæ, prædam veriùs, quàm hostem, nihil aliud quàm bene ausus vana contemnere, incruentus devicit. Longè alius Italiæ, quàm Indiæ, per quam temulento agmine comissabundus incessit, visus illi habitus esset, saltus Apuliæ ac montes Lucanos cernenti & vestigia recentia domesticæ cladis, ubi avunculus ejus nuper Epiri rex Alexander absumptus erat.

XVIII. Et loquimur de Alexandro nondummerso secundis rebus, quarum nemo intolerantior fuit. qui, si ex habitu novæ fortunæ novique, ut ita dicam, ingenii, quod sibi victor induerat, spectetur, Dario magis similis, quàm Alexandro, in Italiam venisset, & exercitum Macedoniæ oblitum degenerantemque jam in Persarum mores adduxisset. Referre in tanto rege piget superbam mutationem vestis, & desideratas humi jacentium adulationes, etiam victis Macedonibus graves,

ves, nedum victoribus; & fœda supplicia, & inter vñ-  
hum & epulas cædes amicorum, & vanitatem ementi-  
endæ stirpis. Quid, si vini amor in dies fieret acrior?  
quid, si trux ac præservida ira? (nec quicquam du-  
bium inter scriptores refero) nullane hæc damna im-  
peratoris virtutibus ducimus? Id verò periculum e-  
rat, quod levissimi ex Græcis, qui Parthorum quoque  
contra nomen Romanum gloriæ favent, distitare so-  
lent, ne majestatem nominis Alexandri (quem ne famâ  
quidem illis notum arbitror fuisse) sustinere non potu-  
erit populus Romanus; &, adversus quem Athenis, in  
civitate fracta Macedonum armis, cernente tum maxi-  
mè propè fumantes Thebarum ruinas, concionari li-  
bere ausi sint homines, (id quod ex monumentis orati-  
onum patet) adversus eum nemo ex tot proceribus  
Romanis vocem liberam missurus fuerit. Quantalibet  
magnitudo hominis concipiatur animo, unius tamen  
ea magnitudo hominis erit, collecta paulo plus decem  
annorum felicitate: quam qui eo extollunt; quòd po-  
pulus Romanus, etsi nullo bello, multis tamen præliis  
victus sit, Alexandro nullius pugnæ non secunda for-  
tuna fuerit; non intelligunt, se hominis res gestas, &  
ejus juvenis, cum populi jam octingentesimum bellan-  
tis annum rebus conferre. Miremur, si, quum ex hac  
parte secula plura numerentur, quàm ex illa anni, plus  
in tam longo spatio, quàm in ætate tredecim annorum,  
fortuna variaverit? Quin tu hominis cum homine, &  
ducis cum duce, fortunam cum fortuna confers? Quot  
Romanos duces nominem, quibus nunquam adversa  
fortuna pugnæ fuit? Paginas in annalibus magistra-  
tum fastisque percurrere licet, consulum, dictatorum-  
que, quorum nec virtutis, nec fortunæ ullo die popu-  
lum Romanum pœnituit. Et, quo sint mirabilio-  
res, quàm Alexander aut quisquam rex, denos vice-  
nosque dies quidam dictaturam, nemo plus quàm an-  
num consulatum gessit: ab tribunis plebis delectus im-  
pediti

pediti sunt: post tempus ad bella ierunt: ante tempus comitiorum causâ revocati sunt: in ipso conatu rerum circumegit se annus: collegæ nunc temeritas, nunc pravitas, impedimento aut damno fuit: malè gestis rebus alterius successum est: tironem aut malâ disciplinâ institutum exercitum acceperunt. At, Hercule, reges non liberi: solum impedimentis omnibus, sed domini rerum temporumque, trahunt consiliis cuncta, non sequuntur. Inviſtus ergo Alexander cum inviſis ducibus bella gessiſſet, & eadem fortunæ pigora in discrimen detuliſſet. imò etiam eo plus periculi subſiſſet, quòd Macedones unum Alexandrum habuiſſent, multis caſibus non ſolum obnoxium, ſed etiam offerentem ſe: Romanis multi fuiſſent, Alexandro, vel gloriâ, vel rerum magnitudine, pares; quorum ſuo quiſque fato, ſine publico diſcrimine, viveret morereturque.

XIX. Reſtat, ut copiarum copiis comparantur vel numero, vel militum genere, vel multitudine auxiliorum. Cenſebantur ejus ætatis luſtris duçena quinquagena millia capitum. Itaque, in omni defeſſione ſociorum Latini nominis, urbano propè deſectu decem ſcribebantur legiones. quaterni quinque exercitus ſæpe per eos annos in Etruria, in Umbria, Gallis hoſtibus adjuñtis, in Samnio, in Lucanis gerebant bellum. Latium deinde omne cum Sabinis, & Volſcis, & Æquis, & omni Campania, & parte Umbræ Etruriæque, & Picentibus, & Marſis, Pelignisque, ac Veſtinis, atque Apulis, adjuñtæque omni orâ Græcorum iñſeri maris à Thurijs Neapolim & Cumas, & inde Antio atque Oſtius tenus Samnites, aut ſocios validos Romanis, aut frañtos bello inveniffet hoſtes. Ipſe trajeciſſet mare cum veteranis Macedonibus, non plus triginta millibus hominum & quatuor millibus equitum, maximè Theſſalorum. hoc enim roboris erat. Perſas, Indos, aliasque ſi adjuñxiſſet gentes, impedimentum

majus, quàm auxilium, traheret. Adde, quòd Romanis ad manum domi supplementum esset: Alexandro, (quod postea Hannibali accidit) alieno in agro bellanti, exercitus consenuisset. Arma, clypeus farissæque illis; Romano scutum, majus corpori tegumentum, & pilum, haud paulo, quàm hasta, vehementius ictu missuque telum. Statarius uterque milēs, ordines servans: sed illa phalanx immobilis, & unius generis: Romana acies distinctior, ex pluribus partibus constans: facilis partienti, quacunque opus esset, facilis jungenti. Jam in opere quis par Romano miles? quis ad tolerandum laborem melior? Uno prælio victus Alexander, bello victus esset. Romanum, quem Caudium, quem Cannæ non fregerunt; quæ fregisset acies? Næ ille sæpe, etsi prima prospere evenissent, Persas & Indos & imbellem Asiam quæsisset, & cum feminis sibi bellum fuisse dixisset: quod Epiri regem Alexandrum, mortifero vulnere ictum, dixisse ferunt, sortem bellorum in Asia gestorum ab hoc ipso juvene cum suo conferentem. Equidem, quum per annos quatuor & viginti primo Punico bello classibus certatum cum Pœnis recorder, vix ætatem Alexandri suffecturam fuisse reor ad unum bellum. & forsitan, quum & foederibus vetustis juncta Punica res Romanæ esset, & timor par adversus communem hostem duas potentissimas armis virisque urbes armaret, simul Punico Romanoque obrutus bello esset. Non quidem Alexandro duce, nec integris Macedonum rebus, sed experti tamen sunt Romani Macedonem hostem adversus Antiochum, Philippum, Persen, non modò cum clade ulla, sed ne cum periculo quidem suo. Absit invidia verbo, & civilia bella sileant, nunquam ab equite hoste, nunquam à pedite, nunquam apertà acie, nunquam æquis, utique nunquam nostris locis laboravimus. Equitem, sagittas, saltus impeditos, avia com meatibus loca gravis armis miles timere potest. Mille  
acies

acies, graviores quàm Macedonum atque Alexandri, avertit, avertetque; modò sit perpetuus hujus, quàm vivimus, pacis amor & civilis cura concordiz.

XX. M. Foslius Flaccinator inde & L. Plautius Venno consules facti. Eo anno ab frequentibus Samnitium populis de fœdere renovando legati, quum senatum humi strati movissent, rejecti ad populum haudquaquam tam efficaces habebant preces. Itaque, fœdere negato, induciæ biennii, quum per aliquot dies fatigassent singulos precibus, impetratæ. Et ex Apulia Teanenses Canusinique populationibus fessi, obsidibus L. Plautio consuli datis, in deditionem venerunt. Eodem anno primùm præfecti Capuam creari cœpti, legibus ab L. Furio prætore datis: quum utrumque ipsi pro remedio ægris rebus discordiâ intestinâ petissent. Et duæ Romæ additæ tribus, Usentina ac Falerina. Inclinatoris semel in Apulia rebus, Teates quoque Apuli ad novos consules, C. Junium Bubulcum, Q. Æmilius Barbulam, fœdus petitum venerunt, pacis per omnem Apuliam præstandæ populo Romano auctores. id audacter spondendo impetravere, ut fœdus daretur: neque ut æquo tamen fœdere, sed ut in ditione populi Romani essent. Apuliâ perdomitâ, (nam Forento quoque valido oppido Junius potitus erat) in Lucanos perrectum. inde repentino adventu Æmilii consulis Nerulum vi captum. Et postquam res Capuæ stabilitas Romanâ disciplinâ fama per socios vulgavit; Antiatibus quoque, qui se sine legibus certis, sine magistratibus agere querebantur, dati ab senatu ad jura statuenda ipsius coloniz patroni: nec arma modò, sed jura etiam Romana latè pollebant.

XXI. C. Junius Bubulcus & Q. Æmilius Barbula consules exitu anni non consulibus ab se creatis, Sp. Nautio & M. Popillio, ceterùm dictatori L. Æmilio legiones tradiderunt. Is, cum L. Fulvio magistro equitum Saticulam oppugnare adortus, rebellandi cau-



Samnitibus dedit. Duplex inde terror illatus Romanis. hinc Samnis, magno exercitu coacto ad eximendos obsidione socios, haud procul castris Romanorum castra posuit: hinc Saticulani magno cum tumultu, patefactis repente portis, in stationes hostium incurrerunt. Inde pars utraque, spe alieni magis auxilii, quam viribus freta suis, iusto mox proelio inito Romanos urgent. &, quanquam anceps dimicatio erat, tamen utrinque tutam aciem dictator habuit; quia & locum haud facilem ad circumveniendum cepit, & diversa statuit signa. Insestior tamen in erumpentes incessit: nec magno certamine intra mœnia compulit. Tum totam aciem in Samnites obvertit. ibi plus certaminis fuit. Victoria sicut sera, ita nec dubia, nec varia fuit. Fusi in castra Samnites, extinctis nocte ignibus, tacito agmine abeunt: &, spe abjectâ Saticulæ tuendæ, Plisiam ipsi, socios Romanorum, ut parem dolorem hosti redderent, circumfidunt.

XXII. Anno circumacto, bellum deinceps ab dictatore Q. Fabio gestum est. Consules novi, sicut superiores, Romæ manserunt: Fabius, ad accipiendum ab Æmilio exercitum, ad Saticulam cum supplemento venit. neque enim Samnites ad Plisiam manserant: sed, accitis ab domo novis militibus, multitudine freti, castra eodem, quo antea, loco posuerunt: laceissentque proelio Romanos avertere ab obsidione conabantur. Eo intentius dictator in mœnia hostium versus, id bellum tantum ducere, quod urbem oppugnabat; securior ab Samnitibus agere, stationibus modo oppositis, ne qua in castra vis fieret. Eo ferocius adequitare Samnites vallo, neque otium pati. et quam jam propè iâ portis castrorum esset hostis, nihil consulto dictatore, magister equitum Q. Aulius Cerretanus, magno tumultu cum omnibus turmis equitum e-  
 vectus, summovit hostem. tum in minimè pertinaci genere pugne sic fortuna exercuit opes, ut insignes  
 utrinque

utrinque clades & clara ipſorum ducum ederet funera. Prior Samnitium imperator, ægre patiens, quò tam ferociter adequitàſſet, inde ſe fundi fugarique, orando hortandoque equites prælium integravit. in quem, inſignem inter ſuos cientem pugnam, magiſter equitum Romanus inſeſtâ cuspide ita permiſit equum, ut uno iſtu exanimem equo præcipitaret: nec, ut ſit, ad ducis caſum percuſſa magis, quàm irritatâ, eſt multitudo. Omnes, qui circa erant, in Aulium, temere invecſtum per hoſtium turmas, tela conjecerunt. Fratri præcipuum decus uli Samnitium imperatoris dederunt. is victorem detractum ex equo magiſtrum equitum, plenus mœroris atque iræ, trucidavit: nec multum aſuit, quin corpore etiam, quia inter hoſtiles ceciderat turmas, Samnites potirentur. Sed extemplo ad pedes deſcenſum ab Romanis eſt, coactique idem Samnites facere. & repentina acies circa corpora ducum pedestre prælium iniit, quo haud dubiè ſuperat Romanus: recuperatumque Aulii corpus, mixtâ cum dolore lætitiâ, victores in caſtra referunt. Samnites, duce amiſſo, & per equeſtre certamen tentatis viribus, omiſſâ Saticulâ, quam nequicquam defendi rebantur, ad Plifiæ obſidionem redeunt; intraque paucos dies Saticulâ Romanus per deditionem, Plifiâ per vim Samnis potitur.

XXIII. Mutata inde belli ſedes eſt. ad Soram ex Samnio Apuliaque traductæ legiones. Sora ad Samnites deſecerat, interfectis colonis Romanorum. quò quum prior Romanus exercitus, ad ulciſcendam civium necem recuperandamque coloniam, magnis itinoribus præveniſſet, & ſparſi per vias ſpeculatores, ſequi legiones Samnitium, nec jam præcul abeſſe, aliis ſuper alios, nunciarent; obviâ itum hoſti, atque ad Lautulas ancipiti prælio dimicatum eſt. non cades, non fuga alterius partis, ſed nox incertos, viſti victoreſne eſſent, diremit. Invenio apud quosdam, adver-

sam eam pugnam Romanis fuisse, atque in ea cecidisse Q. Aulium, magistrum equitum. Suffectus in locum Aulii C. Fabius magister equitum cum exercitu novo ab Roma advenit; & per præmissos nuncios consulto dictatore, ubi subsisteret, quove tempore, & qua ex parte hostem aggredereetur, substitit occultus, ad omnia satis exploratis consiliis. Dictator, quum per aliquot dies post pugnam continuisset suos intra vallum, obsessi magis quam obsidentis modo, signum repente pugnae proposuit; & efficacius ratus ad accendendos virorum fortium animos, nullam alibi, quam in semet ipso, cuiquam relictam spem, de magistro equitum novoque exercitu militem celavit. & tanquam nulla, nisi in eruptione, spes esset, *Locis*, inquit, *angustis*, *milites*, *deprebensi*, *nisi quam victoriâ patefecerimus, viam nullam habemus*. *Stativa nostra munimento satis tuta sunt; sed inopiâ eadem infesta. nam & circa omnia defecerunt, unde subvehi commeatus poterant; & si homines juvare velint, iniqua loca sunt. Itaque non frustrabor ego vos, castra hîc relinquendo, in quâ, infectâ victoriâ, sicut pristino die, vos recipiatis. armis munimenta, non munimentis arma tuta esse debent. Castra habeant repetantque, quibus opera est trahere bellum: nos omnium rerum respectum, præterquam victoriæ, nobis abscindamus. Ferte signa in hostem: ubi extra vallum agmen excesserit, castra, quibus imperatum est, incendant: damna vestra, milites, omnium circa, qui defecerunt, populorum prædâ sarcientur*. Et oratione dictatoris, quæ necessitatis ultimæ index erat, milites accensi vadunt in hostem, & respectus ipse ardentium castrorum, quanquam proximis tantum (ita enim iusserrat dictator) ignis est subditus, haud parvum fuit irritamentum. Itaque, velut vecordes illati, signa primo impetu hostium turbant; & in tempore, postquam ardentia procul vidit castra magister equitum, (id convenerat signum) hostium terga invadit. ita circumventi Samnites, quâ potest quisque, fugam per diversa petunt.

petunt. Ingens multitudo, in unum metu cōglobata, ac semet ipsam turbā impediens, in medio cæsa. Capta hostium castra direptaquē; quorum prædā onustum militem in Romana castra dictator reducit, haudquaquam tam victoriā lætum, quàm quòd, præter exiguam deformatam incendio partem, cetera contra spem salva invenit.

XXIV. Ad Soram inde reditum; novique consules M. Pœtelius, C. Sulpicius exercitum ab dictatore Fabio accipiunt, magnā parte veterum militum dimissā, novisque cohortibus in supplementum adductis. Ceterum, quum propter difficilem urbis situm nec oppugnandi satis certa ratio iniretur, & aut tempore longinqua, aut præceps periculo victoria esset; Soranus transfuga, clam ex oppido profectus, quum ad vigiles Romanos penetrasset, duci se extemplo ad consules jubet, deductusque traditurum urbem promittit. Visus inde (quum, quonam modo id præstaturus esset, percunctantes doceret) haud vana asserere, perpulit, propè adjuncta mœnibus Romana castra ut sex millia ab oppido removerentur: fore, ut minùs intentæ in custodiam urbis diurnæ stationes ac nocturnæ vigilæ essent. ipse insequenti nocte, sub oppido silvestribus locis cohortibus insidere jussis, decem milites delectos secum per ardua ac propè invia in arcem ducit; pluribus, quàm pro numero virorum, missilibus telis eò collatis. Ad hæc saxa erant, & temere jacentia (ut sit) in aspretis, & de industria etiam, quo locus tutior esset, ab oppidanis congesta. Ubi quum constituisset Romanos, semitamque angustam & arduam, erectam ex oppido in arcem, ostendisset; *Hoc quidem adscensu, inquit, vel tres armati quamlibet multitudinem arcuerint: vos & decem numero, & quod plus est, Romani, Romanorumque fortissimi viri estis, & locus pro vobis, & nox erit, que omnia ex incerto majora territis ostentat. Ego jam terrore omnia implebo: vos arcem intenti tenete. Decurrit*

inde quāto maxime poterat, cum tumultu, *ad arma, & pro vestram fidem, cives!* clamitans, *Arx ab hostibus capta est; ite, defendite.* Hæc incidens principum foribus, hæc obviis, hæc excurrentibus in publicum pavidis increpat. Acceptum ab uno pavorem plures per urbem ferunt. Trepidī magistratus, missis ad arcem exploratoribus, quum tela & armatos tenere arcem multiplicato numero audirent, avertunt animos à spe recuperandæ arcis. Fugā cuncta complentur, portæque ab semisomnis ac maximā parte inermibus refringuntur: quarum per unam præsidium Romanum clamore excitatum irrumpit, & concursantes per vias pavidos cædit. Jam Sora capta erat, quum consules primā luce advenire; & quos reliquos fortuna ex nocturna eadē ac fuga fecerat, in deditionem accipiunt. Ex his ducentos viginti quinque, qui omnium consensu destinabantur & infandæ colonorum cædis & defectionis auctores, victos Romam deducunt. ceteram multitudinem incolumem, præsidio imposito, Soræ relinquunt. Omnes, qui Romam deducti erant, virgis in foro cæsi, ac securi percussi summo gaudio plebis; cuius maxime intererat, tutam ubique, quæ passim in colonias mitteretur, multitudinem esse.

XXV. Consules, ab Sorā profecti, in agros atque urbes Ausonum bellum intulerunt. mota namque omnia adventu Samnitium, quum apud Lautulas dimicatum est, fuerant, conjurationesque circa Campaniam passim factæ. nec Capua ipsa crimine caruit. quin Romam quoque & ad principum quosdam inquirendos ventum est. Ceterum Ausonum gens proditiōne urbium, sicut Sorā, in potestatem venit. Ausona, & Minturnæ, & Vescia, urbes erant: ex quibus principes juventutis duodecim numero, in proditiōnem urbium suarum conjurati, ad consules veniunt: docent, suos, jampridem exoptantes Samnitium adventum, simul ad Lautulas pugnatum audierant, pro victis Romanos habuisse,

*habuisse, juventute, armis Samnites juvisse. fugatis inde Samnitibus, incertâ pace agere, nec claudentes portas Romanis, ne arcessant bellum; & obstinatos claudere, si exercitus admoveatur. In ea fluctuatione animorum opprimi incautos posse.* His auctoribus mota propius castra: missique eodem tempore circa tria oppida milites, partim armati, qui occulti propinqua mœnibus insiderent loca; partim togati, testis veste gladiis, qui sub lucem apertis portis urbes ingrederentur. Ab his simul custodes trucidari cœpti, simul datum signum armatis, ut ex insidiis concurrerent. ita portæ occupatæ, triaque oppida eâdem horâ eodemque consilio capta. Sed, quia absentibus ducibus impetus est factus, nullus modus cædibus fuit; deletaque Ausonum gens, vix certo defectionis crimine, perinde ac si internecivo bello certasset.

XXVI. Eodem anno, prædito hostibus Romano præsidio, Luceria Samnitium facta. nec diu proditori-  
bus impunita res fuit. Haud procul inde exercitus Romanus erat: cujus primo impetu urbs, sita in plano, capitur. Lucerini ac Samnites ad internecionem eæsi. eoque ira processit, ut Romæ quoque, quum de colonis mittendis Luceriam consuleretur senatus, mul-  
ti delendam urbem censerent. Præter odium, quod execrabile in his captos erat, longinquitas quoque abhorrere à relegandis tam procul ab domo civibus inter tam infestas gentes cogebat. Vicit tamen sententia, ut mitterentur coloni. duo millia & quingenti missi. Eodem anno, quum omnia infida Romanis essent, Capuæ quoque occultæ principum conjurationes factæ. De quibus quum ad senatum relatum esset, haudquaquam neglecta res est. quæstiones decretæ, dictatoremque quæstionibus exercendis dici placuit. C. Mænius dictus. is M. Fostium magistrum equitum dixit. Ingens erat magistratûs ejus terror. itaque si-  
ve timore ejus, seu consensu, Calavios, Ovium

Novumque, (ea capita conjurationis fuerant) priusquam nominarentur apud dictatorem, mors haud dubie ab ipsis conscita judicio subtraxit. Deinde, ut quaestioni Campanae materia decessit, versa Romam interpretando res: non nominatim, qui Capuae, sed in universum, qui usquam coissent conjurassentve adversus rempublicam, quaeri senatum jussisse: & coitiones honorum adipiscendorum causa factas, adversus rempublicam esse: latiorque & re & personis quaestio fieri; haud abnuente dictatore, sine fine ulla quaestio, nis suae jus esse. Postulabantur ergo nobiles homines. appellantisque tribunos nemo erat auxilio, quin nomina reciperentur. Inde nobilitas, nec hi modò, in quos crimen intendebatur, sed universi simul, negare, nobilium id crimen esse; quibus, si nullà obstitetur fraude, pateat via ad honorem, sed hominum novorum. ipsos adeo dictatorem magistrumque equitum reos magis, quàm quaestitores idoneos ejus criminis esse: intellecturosque ita id esse, simul magistratu abissent. Tum enimvero Mænius, jam famae magis, quàm imperii, memor, progressus in concionem ita verba fecit: *Et omnes antea vita vos conscios habeo, Quirites, & hic ipse honos, delatus ad me, testis est innocentia mea. neque enim, quod saepe aliàs, quia ita tempora postulabant reipublica, qui bello clarissimus esset, sed qui maxime procul ab his coitionibus vitam egisset, dictator deligendus exercendis quaestionibus fuit. Sed quoniam quidam nobiles homines (quae de causa, vos existimare, quàm me pro magistratu quicquam incertum dicere, melius est) primum ipsas expugnare quaestiones omni ope annisi sunt: dein, postquam ad id parum potentes erant, ne causam dicerent, in praesidia adversariorum, appellationem & tribunicium auxilium, patricii confugerunt. postremo repulsi inde (adeo omnia tutiora, quàm ut innocentiam suam purgarent, visa) in nos irruerunt, & privatis dictatorem postulare reum verecundiae non fuit: ut omnes Dii hominesque sciant, ab illis, etiam quae non possint, tentari.*

*ne rationem vite reddant; me obviam ire crimini; & offerre me inimicis reum, dictaturam me abdicam. Vos queso, consules, si vobis datum ab senatu negotium fuerit, in me primum & hunc M. Fostium quaestiones exerceatis; ut appareat, innocentiam nostram nos, non maiestate honoris, tutos à criminationibus istis esse.* Abdicat inde se dictaturam, & post eum confestim Fostius magisterio equitum: primique apud consules (iis enim ab senatu mandata res est) rei facti, adversus nobilium testimonia egregie absolvuntur. Publilius etiam Philo, multiplicatis summis honoribus, post res tot domi belloque gestas, ceterum invictus nobilitati, causam dixit, absolutusque est. Nec diutius, ut fit, quam dum recens erat, quaestio per clara nomina reorum viguit. inde labi coepit ad viliora capita, donec coitionibus factionibusque, adversus quas comparata erat, oppressa est.

XXVII. Earum fama rerum, magis tamen spes Campanae defectionis, in quam conjuratum erat, Samnites, in Apuliam versos, rursus ad Caudium revocavit: ut inde ex propinquo, si qui motus occasionem aperiret, Capuam Romanis eriperent. Eo consules cum valido exercitu venerunt. & primo circa saltus, quum utrinque ad hostem iniqua via esset, cunctati sunt: deinde Samnites per aperta loca brevi circuitu in loca plana, Campanos campos, agmen demittunt, ibique primum castra in conspectu hostibus data: deinde levibus proeliis, equitum saepius, quam peditum, utrinque periculum factum: nec aut eventus eorum Romanum, aut morae, quam trahebant bellum, poenitebat. Samnitium contra ducibus, & carpi parvis quotidie damnis, & senescere dilatione belli vires suae videbantur. itaque in aciem procedunt, equitibus in cornua divisus: quibus praecipuum erat, intentiores ad respectum castrorum, ne qua eo vis fieret, quam ad proelium, starent: aciem pediti tutam fore. Consul Sulpicius in dextro, Poetelius in laevo cornu



consistunt. Dextra pars, quæ & Samnites raris ordinibus, aut ad circumeundos hostes, aut ne ipsi circumirentur, constiterant, latius patefacta stetit. Sinistris, præterquam quod confertiores steterant, repentino consilio Pœtelii consulis additæ vires: qui subsidiarias cohortes, quæ integræ ad longioris pugnæ casus reservabantur, in primam aciem extemplo emisit; universisque hostem primo impetu viribus impulit. Commotâ pedestri acie Samnitium, eques in pugnam succedit. in hunc, transverso agmine inter duas acies se inferentem, Romanus equitatus concitat equos; signaque & ordines peditum atque equitum confundit, donec universam ab ea parte avertit aciem. In eo cornu non Pœtelius solus, sed Sulpicius etiam, hortator adfuerat, avectus ab suis nondum conferentibus manus ad clamorem, ab sinistra parte prius exortum. unde, haud dubiam victoriam cernens, quum ad suum cornu tenderet cum mille ducentis viris, dissimilem ibi fortunam invenit: Romanos loco pulsos, victorem hostem signa in perculos inferentem. Ceterum omnia mutavit repente consulis adventus. nam & conspectus ducis refectus militum est animus: &, majus quam pro numero auxilium, advenerant fortes viri: & partis alterius victoria audita, mox visa etiam, proelium restituit. Totâ deinde jam vincere acie Romanus, &, omisso certamine, cædi capique Samnites; nisi qui Maleventum, cui nunc urbi Beneventum nomen est, perfugerunt. Ad triginta millia cæsa aut capta Samnitium, proditum memoriæ est.

XXVIII. Consules, egregiâ victoriâ partâ, protinus inde ad Bovianum oppugnandum legiones ducunt: ibique hiberna egerunt, donec ab novis consulibus L. Papirio Cursore quintum, C. Junio Bubulco iterum, nominatus dictator C. Pœtelius cum M. Fostio magistro equitum exercitum accepit. Is, quum audisset arcem Fregellanam ab Samnitibus captam, omisso Boviano  
ad

ad Fregellas pergit. unde, nocturnâ Samnitium fugâ sine certamine receptis Fregellis, præsidioque valido imposito, in Campaniam reditum maximè ad Nolam armis repetendam. eò se intra mœnia, sub adventum dictatoris, & Samnitium omnis multitudo & Nolani agrestes contulerant. Dictator, urbis situ circumspetto, quo apertior aditus ad mœnia esset, omnia ædificia (& frequenter ibi habitabatur) circumjecta muris incendit. nec ita multo post, sive à Poetelio dictatore, sive ab C. Junio consule, (nam utrumque traditur) Nola est capta. Qui captæ decus Nolæ ad consulera trabunt, adjiciunt, Atinam & Calatiam ab eodem captas; Poetelium autem, pestilentia ortâ, clavi figendæ causâ dictatorem dictum. Sueffa & Pontia eodem anno coloniz deductæ sunt. Sueffa Auruncorum fuerat: Volsci Pontias, insulam sitam in conspectu litoris sui, incoluerant. & Interamna & Casinum ut deducerentur coloniz, senatusconsultum factum est. sed triumviros creavere, ac misere colonorum quatuor millia insequentes consules M. Valerius, P. Decius.

XXIX. Profligato ferè Samnitium bello, priusquam ea cura decederet Patribus Romanis, Etrusci belli fama exorta est. nec erat eâ tempestate gens alia, cujus secundum Gallicos tumultus arma terribiliora essent, quum propinquitate agri, tum multitudine hominum. Itaque, altero consulum in Samnio reliquias belli persequente, P. Decius, qui graviter æger Romæ resisterat, auctore senatu dictatorem C. Junium Bubulcum dixit. is, prout rei magnitudo postulabat, omnes juniores sacramento adigit: arma, quæque alia res poscit, summâ industriâ parat: nec tantis apparatibus elatus de inferendo bello agitat, quieturus haud dubiè, nisi ultro arma Etrusci inferrent. Eadem in comparando cohibendoque bello consilia & apud Etruscos fuere. hentri finibus egressi. & censura clara eo anno Ap. Claudii & C. Plautii fuit; memoriz tamen scilicioris

licioris ad posteros nomen Appii, quod viam munivit, & aquam in urbem duxit, eaque unus perfecit; quia, ob infamem atque invidiosam senatûs lectionem verecundiâ victus, collega magistratu se abdicaverat. Appius, jam inde antiquitus insitam pertinaciam familiæ gerendo, solus censuram obtinuit. Eodem Appio auctore, Potitii, gens, cujus ad aram Maximam Herculis familiare sacerdotium fuerat, servos publicos, ministerii delegandi causâ, solennia ejus sacri docuerat. Traditur inde dictu mirabile, & quod dimovendis statu suo sacris religionem facere posset, quum duodecim familiæ eâ tempestate Potitiorum essent, puberes ad triginta, omnes intra annum cum stirpe extinctos: nec nomen tantum Potitiorum interisse, sed censorem etiam Appium, memori Deum irâ, post aliquot annos luminibus captum.

XXX. Itaque consules, qui eum annum secuti sunt, C. Junius Bubulcus tertium & Q. Æmilius Barbula iterum, initio anni questi apud populum, deformatum ordinem pravâ lectione senatûs, quâ potiores aliquot lectis præteriti essent; negaverunt, eam lectionem se, quæ sine recti pravique discrimine ad gratiam ac libidinem facta esset, observaturos: & senatum extemplo citaverunt eo ordine, qui ante censores Ap. Claudium & C. Plautium fuerat. Et duo imperia eo anno dari cœpta per populum, utraque pertinentia ad rem militarem: unum, ut tribuni militum senideni in quatuor legiones à populo crearentur; quæ antea, perquam paucis suffragio populi relictis locis, dictatorum & consulum ferme fuerant beneficia. tulere eam rogationem tribuni plebei L. Atilius, C. Marcius. Alterum, ut duumviros navales classis ornandæ reficiendæque causâ idem populus juberet. lator hujus plebisciti fuit M. Decius tribunus plebis. Ejusdem anni rem dictu parvam præterire, ni ad religionem visa esset pertinere. Tibicines, quia prohibiti à proximis censoribus

ſotibus erant in æde Jovis veſci, quod traditum antiquitus erat, ægre paſſi, Tibur uno agmine abierunt: adeo ut nemo in urbe eſſet qui ſacrificiis præcineret. Ejus rei religio tenuit ſenatum; legatosque Tibur miſerunt, ut darent operam, ut hi homines Romanis reſtituerentur. Tiburtini, benignè polliciti, primùm accitos eos in curiam hortati ſunt, uti reverterentur Romam: poſtquam percelli nequibant, conſilio, haud abhorrente ab ingeniis hominum, eos aggrediuntur. Die feſto alii alios per ſpeciem celebrandarum cantu epularum cauſà invitant, & vino, cujus avidum ferme genus eſt, oneratos ſopiunt: atque ita in plauſtra ſomno vinctos conjiciunt, ac Romam deportant. nec priùs ſenſere, quàm, plauſtris in foro relictis, plenos crapulæ eos lux oppreſſit. Tunc concurſus populi factus, impetratoque, ut manerent, datum, ut triduum quotannis ornati, cum cantu atque hac, quæ nunc ſolennis eſt, licentia per urbem vagarentur: reſtitutumque in æde veſcendi juſ iis, qui ſacris præcinerent. Hæc inter duorum ingentium bellorum curam gerebantur.

XXXI. Conſules inter ſe provincias partiti; Junio Samnites, Æmilio novum bellum Etruria ſorte obvenit. In Samnio Cluviam, præſidium Romanum, quia nequiverat vi capi, obſeſſum fame in deditionem acceperant Samnites, verberibusque ſœdum in modum laceratos occiderant deditos. Huic inſenſus crudelitati Junius, nihil antiquius oppugnatione Cluvianâ ratus, quo die aggreſſus eſt mœnia, vi cepit, atque omnes puberes interfecit. Inde victor exercitus Bovianum ductus. caput hoc erat Pentrorum Samnitium, longè ditiffimum atque opulentiffimum armis virisque. Ibi quia haud tantum irarum erat, ſpe prædæ milites accenſi, oppido potiuntur. minùs itaque ſævitum in hoſtes eſt: prædæ plus penè, quàm ex omni Samnio unquam, egeſtum, benignèque omnis militi conceſſa.

Et postquam præpotentem armis Romanum nec acies  
 subsistere ullæ, nec castra, nec urbes poterant; omni-  
 um principum in Samnio eò curæ sunt intentæ, ut in-  
 fidiis quæreretur locus, si quâ licentiâ populando effu-  
 sus exercitus excipi ac circumveniri posset. Transfu-  
 gæ agrestes & captivi quidam, pars forte, pars consi-  
 lio oblati, congruentia ad consulem afferentes, quæ &  
 vera erant, pecoris vim ingentem in saltum avium  
 compulsam esse, perpulerunt, ut prædatum eò expedi-  
 tæ ducerentur legiones. Ibi ingens hostium exercitus  
 itinera occultus insederat, &, postquam intrasse Ro-  
 manos vidit saltum, repente exortus cum clamore ac  
 tumultu incautos invadit. Et primò nova res trepi-  
 dationem fecit, dum arma capiunt, sarcinas congerunt  
 in medium: dein, postquam, ut quisque liberaverat se  
 onere, aptaveratque armis, ad signa undique coibant,  
 &, notis ordinibus in veteri disciplina militiæ, jam sine  
 præcepto ullius suâ sponte struebatur acies, consul,  
 ad ancipitem maximè pugnam advectus, desiluit ex e-  
 quo, & Jovem, Martemque atque alios testatur De-  
 os, *se nullam suam gloriam inde, sed prædam militi quæren-  
 tem, in eum locum devenisse. neque in se aliud, quàm nimi-  
 am ditandi ex hoste militis curam, reprehendi posse: ab eo se  
 dedecore nullam rem aliam, quàm virtutem militum, vindi-  
 caturam. conniterentur modò uno animo omnes invadere ho-  
 stem, victum acie, cæstris exutum, nudatum urbibus, ulti-  
 mam spem furto insidiarum tentantem, & loco, non armis,  
 fretum. Sed quem esse jam virtuti Romanæ inexpugnabilem  
 locum?* Fregellana arx, Soranaque, & ubicunque in-  
 iquo successum erat loco, memorabantur. His ac-  
 census miles, omnium immemor difficultatum, vadit  
 adversus imminentem hostium aciem. ibi paulum la-  
 boris fuit, dum in adversum clium erigitur agmen:  
 ceterum, postquam prima signa planiciem summam  
 ceperunt, sensitque acies æquo se jam institisse loco,  
 versus extemplo est terros in insidiatores, easdemque  
 latebras,

latebras, quibus se paulo antè texerant, palati atque inermes fugà repetebant: sed loca difficilia, hosti quæsitâ, ipsos tum suâ fraude impediabant. Itaque ergo perpaucis effugium patuit: cæsa ad viginti millia hominum, victorque Romanus ad oblatam ultro ab hoste prædam pecorum discurrit.

XXXII. Dum hæc geruntur in Samnio, jam omnes Etruriæ populi præter Arretinos ad arma ierant, ab oppugnando Sutrio, quæ urbs, socia Romanis, velut claustra Etruriæ erat, ingens orsi bellum. Eò alter consulum Æmilius cum exercitu ad liberandos obsidione socios venit. Advenientibus Romanis, Sutrini commæatus benignè in castra ante urbem posita advenire. Etrusci diem primum consultando, maturarent, traherentne bellum, traduxerunt. Postero die, ubi celeriora, quàm tutiora, consilia magis placuere ducibus, sole orto signum pugnæ propositum est, armatique in aciem procedunt. Quod postquam consuli nunciatum est, extemplo tesseram dari jubet, ut prandeat miles, firmatque cibo viribus arma capiat. dicto paretur. Consul, ubi armatos paratosque vidit, signa extra vallum proferri jussit, & haud procul hoste instruxit aciem. Aliquandiu intenti utrinque steterunt, exspectantes ut ab adversariis clamor & pugna inciperet. & priùs sol meridis se inclinavit, quàm telum hinc aut illinc emissum est. inde, ne infectâ re abiretur, clamor ab Etruscis oritur, concinuntque tubæ, & signa inferuntur. Nec segniùs ab Romanis pugna initur. concurrunt insensis animis. numero hostis, virtute Romanus superat. Anceps prælium multos utrinque, & fortissimum quemque, absomit: nec priùs inclinata res est, quàm secunda acies Romana ad prima signa, integri fessis, successerunt. Etrusci, quia nullis recentibus subsidiiis fulta prima acies fuit, ante signa circaque omnes ceciderunt. Nullo unquam prælio fugæ minus, nec plus cædis fuisset, ni obstinatos morâ

mori Tuscos nox texisset; ita ut victores prius, quam victi, pugnandi finem facerent. Post occasum solis signum receptui datum est: nocte ab utroque in castra reditum. Nec deinde quicquam eo anno rei memoriæ dignæ apud Sutrium gestum est; quia & ex hostium exercitu prima tota acies deleta uno prælio fuerat, subsidiariis modò relictis, vix quod satis esset ad castrorum præsidium: & apud Romanos tantum vulnerrum fuit, ut plures post prælium faucii decesserint, quam ceciderant in acie.

XXXIII. Q. Fabius, insequentis anni consul, bellum ad Sutrium excepit. collega Fabio C. Marcius Rutilus datus est. Ceterum & Fabius supplementum ab Roma adduxit, & novus exercitus domo accitus Etruscis venit. Permulti anni jam erant, quum inter patricios magistratus tribunosque nulla certamina fuerant: quum ex ea familia, quæ velut fatalis tum tribunis ac plebi erat, certamen oritur. Ap. Claudius censor, circumactis decem & octo mensibus, quod Æmiliâ lege finitum censuræ spatium temporis erat, quum C. Plautius collega ejus magistratu se abdicasset, nullâ vi compelli, ut abdicaret, potuit. P. Sempromnius erat tribunus plebis; qui finiendæ censuræ intra legitimum tempus actionem susceperat, non popularem magis, quam justam; nec in vulgus, quam optimo cuique, gratiorem. Is, quum identidem legem Æmiliam recitaret, auctoremque ejus Mam. Æmilium dictatorem laudibus ferret; qui quinquennalem antè censuram, & longinquitate potestatem dominantem, intra sex mensium & anni coëgisset spatium: *Dic, agedum, inquit, Ap. Claudi, quidnam facturus fueris, si eo tempore, quo C. Furius & M. Geganius censores fuerunt, censor fuisses?* Negare Appius, interrogationem tribuni magno opere ad causam pertinere suam. nam, etsi tenuerit lex Æmilia eos censores, quorum in magistratu lata esset, quia post illos censores creatos eam legem populus jussisset, quodque postre-

mum

num jussisset, id jus ratumque esset; non tamen aut se, aut eorum quemquam, qui post eam legem latam creati censores essent, teneri eâ lege potuisse.

XXXIV. Hæc sine ullius assensu cavillante Appio, En, inquit, Quirites, illius Appii progenies, qui, decemvir in annum creatus, altero anno se ipse creavit: tertio, nec ab se, nec ab ullo creatus, privatus fasces & imperium obtinuit. nec antè continuando abstinit magistratu, quàm obruerent eum male parta, male gesta, male retenta imperia. Hæc est eadem familia, Quirites, cujus vi atque injuriis compulsi, extorres patriâ, Sacrum montem cepistis: hæc, adversus quam tribuniciû auxilium vobis comparastis: hæc, propter quam duo exercitus Aventinum insedistis: hæc, quæ sæcubres leges; hæc, quæ agrarias semper impugnavit: hæc connubia Patrum & plebis interrupit: hæc plebi ad curules magistratus iter obsepfit: hoc est nomen multo, quàm Tarquiniorum, infestius vestra libertati. Itane tandem, Ap. Claudii, quum centesimus jam annus sit ab Mam. Æmilio dictatore, tot censores fuerint, nobilissimi fortissimique viri, nemo eorum duodecim tabulas legit? nemo id jus esse, quod postremò populus jussisset, scivit? Immo verò omnes sciverunt; & ideo Æmilia potius legi paruerunt, quàm illi antiquæ, quæ primùm censores creati erant, quia banc postremam jusserat populus: & quia, ubi due contrariæ leges sunt, semper antiquæ obrogat novæ. An hoc dicis, Appi, non teneri Æmiliâ lege populum? an populum teneri, te unum ex legem esse? Tenuit Æmilia lex violentos illos censores, C. Furium & M. Geganium; qui, quid iste magistratus in republica mali facere posset, indicârunt: quum, irâ finita potestatis, Mam. Æmiliû, principem ætatis suæ belli domique, ararium fecerunt: tenuit deinceps omnes censores intra centum annorum spatium: tenet C. Plautium collegam tuum, iisdem auspiciis, eodem jure creatum. An hunc non, ut qui optimo jure censor creatus esset, populus creavit? tu unus eximius es, in quo hoc præcipuum ac singulare valeat? Quem tu regem sacrificiorum crees, amplexus regni nomen, ut qui optimo jure rex Romæ creatus sit, creatum se dicet?



*dicet? quem semestri dictaturâ, quem interregno quinque dierum contentum fore putes? quem clavi figendi, aut ludorum causâ dictatorem audacter crees? Quàm isti stolidos ac socordes videri creditis eos, qui intra vicesimum diem, ingentibus rebus gestis, dictaturâ se abdicaverunt, aut qui vitio creati abierunt magistratu? Quid ego antiqua repetam? Nuper intra decem annos C. Manius dictator, quia, quum quaestiones severius, quàm quibusdam potentibus tutum erat, exerceret, contagio ejus, quod querebat ipse, criminis objectata ab inimicis est, ut privatus obviam iret crimini, dictaturâ se abdicavit. Nolo ego istam in te modestiam, ne degeneraveris à familia imperiosissima & superbissima: non die, non hora citius, quàm necesse est, magistratu abieris; modò ne excedas finitum tempus. Satis est, aut diem, aut mensem censura adicere? Triennium, inquit, & sex menses ultra, quàm licet Æmilîâ lege, censuram geram, & solus geram. hoc quidem jam regno simile est. An collegam subrogabis, quem ne in demortui quidem locum subrogari fas est? Pœnitet enim, quodd antiquissimum solenne, & solum ab ipso, cui fit, institutum Deo, ab nobilissimis antistitibus ejus sacri ad servorum ministerium religiosus censor deduxisti. gens antiquior originibus urbis hujus, hospitio Deorum immortalium sancta, propter te ac tuam censuram intra annum ab stirpe extincta est: nisi universam rempublicam eo nefario obstrinxeris, quod ominari etiam reformidat animus. Urbs eo lustro capta est, quo, demortuo collegâ C. Julio censore, L. Papirius Cursor, ne abiret magistratu, M. Cornetium Maluginensem collegam subrogavit. Et quanto modestior illius cupiditas fuit, quàm tua, Appi? Nec solus, nec ultra finitum lege tempus L. Papirius censuram gessit, tamen neminem invenit, qui se postea auctorem sequeretur. omnes deinceps censes post mortem collegæ se magistratu abdicarunt. Te, nec quodd dies exit censura, nec quodd collega magistratu abiit, nec lex, nec pudor coërcet: virtutem in superbia, in audacia, in contemptu Deorum hominumque ponis. Ego te, Ap. Claudî, pro istius magistratûs majestate ac verecundia, quem gessisti, non mo-*

*de manu violatum, sed ne verbo quidem inclementiori à me appellatum vellem : sed & hac, quæ adhuc egi, pervicacia tua & superbia coëgit me loqui ; & , nisi Æmilia legi parueris, in vincula duci jubebo : nec, quum ita comparatum à majoribus sit, ut, comitiis censoriis nisi duo confecerint legitima suffragia, non renunciato altero comitia differantur, ego te, qui solus censor creari non possis, solum censuram gerere patiar. Hæc taliaque quum dixisset, prædi censorem, & in vincula duci jussit. Approbantibus sex tribunis actionem collegæ, tres appellanti Appio auxilio fuerunt ; summæque invidiæ omnium ordinum solus censuram gessit.*

XXXV. Dum ea Romæ geruntur, jam Sutrium ab Etruscis obsidebatur : consulque Fabio, imis montibus ducenti ad ferendam opem sociis tentandasque munitiones, si quâ posset, acies hostium instructa occurrat ; quorum ingentem multitudinem quum ostenderet subiecta latè planicies ; consul, ut loco paucitatem suorum adjuvaret, flectit paululum in clivos agmen ; (aspersa erant strata saxis) inde signa in hostem obvertit. Etrusci, omnium, præterquam multitudinis suæ, quâ solâ freti erant, immemores, prælium ineunt adeo raptim & avidè, ut, abjectis missilibus, quo celerius manus conferrent, stringerent gladios, videntes in hostem. Romanus contrà nunc tela, nunc saxa, quibus eos assatim locus ipse armabat, ingerere. Igitur scuta galeæque istæ, quum etiam, quos non vulneraverant, turbarent, (neque subire erat facile ad propiorem pugnam, neque missilia habebant, quibus eminens rem gererent) stantes & expositos ad ictus quum jam satis nihil tegeret, quosdam etiam pedem referentes, fluctuantemque & instabilem aciem, redintegrato clamore, strictis gladiis hastati & principes invadunt. eum impetum non tulerunt Etrusci, versisque signis, fugâ effusa castra repetunt. Sed equites Romani, prævesti per obliqua campi, quum se fugientibus obtulissent,

ferent, omisso ad castra itinere, montes petunt. Inde inermi penè agmine ac vexato vulneribus in silvam Ciminiam penetratum. Romanus, multis millibus Etruscorum cæsis, duodequadraginta signis militaribus captis, castris etiam hostium cum præda ingenti potitur. Tum de persequendo hoste agitari cœptum.

XXXVI. Silva erat Ciminia magis tum invia atque horrenda, quàm nuper fuere Germanici saltus, nulli ad eam diem ne mercatorum quidem adita. eam intrare haud ferè quisquam, præter ducem ipsum, audebat. aliis omnibus cladis Caudinæ nondum memoria aboleverat. Tum ex iis, qui aderant, (consulis fratrem M. Fabium, Kæsonem alii, C. Claudium quidam matre eadem, quâ consulem, genitum tradunt) speculatum se iturum professus, brevique omnia certa allaturum. Cære educatus apud hospites, Etruscis inde literis eruditus erat, linguamque Etruscam probè noverat. Habeo auctores, vulgò tum Romanos pueros, sicut nunc Græcis, ita Etruscis literis erudiri solitos. Sed propius est vero, præcipuum aliquid fuisse in eo, qui se tam audaci simulatione hostibus immiscuerit. servus ei dicitur comes unus fuisse, nutritus unà, eoque haud ignarus linguæ ejusdem : nec quicquam aliud proficiscentes, quàm summatim regionis, quæ intranda erat, naturam ac nomina principum in populis acceperere ; ne quâ inter colloquia insigni notâ hæsitantes deprehendi possent. Iere pastoralis habitu, agrestibus telis, falcibus gæsisque binis armati. Sed neque commercium linguæ, nec vestis armorumve habitus sic eos texit, quàm quòd abhorrebat à fide, quemquam externum Ciminios saltus intraturum. Usque ad Camertes Umbros penetrâsse dicuntur. ibi, qui essent, facili Romanum ausum : introductumque in senatum consulis verbis egisse de societate amicitiaque : atque inde comi hospitio acceptum, nunciare Romanis iussum, comneatum exercitui dierum triginta præsto fore,

re, si ea loca intrasset; juventutemque Camertium Umbro-  
 rorum in armis paratam imperio futuram. Hæc  
 quum relata consuli essent, impedimentis primâ vigi-  
 liâ præmissis, legionibus post impedimenta ire jussis,  
 ipse substitit cum equitatu: & luce ortâ, postero die  
 obequitavit stationibus hostium, quæ extra saltum dis-  
 positæ erant: & quum satis diu tenuisset hostem, in  
 castra sese recepit; portâque alterâ egressus, ante no-  
 ctem agmen assequitur. Postero die, luce primâ, juga  
 Ciminii montis tenebat. inde, contemplatus opulenta  
 Etruriæ arva, milites emittit. Ingenti jam abactâ præ-  
 dâ, tumultuariæ agrestium Etruscorum cohortes, re-  
 pentè à principibus regionis ejus concitatæ, Romanis  
 occurrunt, adeo incompressæ, ut vindices prædarum  
 propè ipsi prædæ fuerint. Cæsis fugatisque iis, latè  
 depopulato agro, victor Romanus, opulentusque re-  
 rum omnium copiâ, in castra rediit. Eò fortè quin-  
 que legati cum duobus tribunis plebis venerant, de-  
 nunciatum Fabio senatûs verbis, ne saltum Ciminium  
 transiret. lætati seriùs se, quàm ut impedire bellum  
 possent, venisse; nuncii victoriæ Romam revertuntur.

XXXVII. Hac expeditione consulis motum latius  
 erat, quàm profligatum, bellum. vastationem namque  
 sub Ciminii montis radicibus jacens ora senserat, con-  
 oiveratque indignatione non Etruriæ modò populos,  
 sed Umbriæ finitima. Itaque, quantus non unquam  
 antea, exercitus ad Sutrium venit: neque è silvis tan-  
 tummodo promota castra, sed etiam aviditate duni-  
 candi quàm primùm in campos delata acies: deinde  
 instructa primò suo stare loco, relicto hostibus ad in-  
 struendum contrâ spatio: dein, postquam detrectare  
 hostem sensere pugnam, ad vallum subeunt. Ubi post-  
 quam stationes quoque receptas intra munimenta sen-  
 sere, clamor repentè circa duces ortus, ut eò sibi è ca-  
 stris cibaria ejus diei deferri juberent; mansuros se sub ar-  
 mis, & aut nocte, aut certè luce primâ castra hostium inva-  
 suos.

*furos. Nihilò quietior Romanus exercitus imperio ducis continetur. decima erat fere dici hora, quum cibum capere consul milites jubet; præcipit, ut in armis sint, quacunque dici noctisve horâ signum dederit. Paucis milites alloquitur, Samnitium bella extollit, elevat Etruscos: nec hostem hosti, nec multitudinem multitudini comparandam ait esse. Præterea telum aliud occultum scituros in tempore: interea taceri opus esse. His ambagibus prodi simulabat hostes, quo animus militum multitudine territus restitueretur; & quòd sine munimento confederant, verisimilius erat, quod simulabatur. Curati cibo corpora quieti dant, & quartâ ferè vigiliâ sine tumultu excitati arma capiunt. Dolabræ calonibus dividuntur ad vallum prorucendum fossasque implendas. intra munimenta instruitur acies: delectæ cohortes ad portarum exitus collocantur. dato deinde signo paulo ante lucem, quod æstivis noctibus sopitæ maximè quietis tempus est, proruto vallo erupit acies: stratos passim invadit hostes: alios immobiles, alios semisomnos in cubilibus suis, maximam partem ad arma trepidantes, cædes oppressit. paucis armandi sedatum spatium est. Eos ipsos, non signum certum, non ducem sequentes, fundit Romanus, fugatos eques persequitur. ad castra, ad silvas diversi tendebant. Silvæ tutius dedere refugium. nam castra in campis sita eodem die capiuntur. aurum argentumque jussu referri ad consulem: cetera præda militis fuit. Cæsa aut capta eo die hostium millia ad sexaginta. Eam tam claram pugnam trans Ciminiam silvam ad Perusiam pugnatam, quidam auctores sunt; metuque in magnâ civitatem fuisse, ne interclusus exercitus tam infesto saltu, coortis undique Tuscis Umbrisque, opprimeretur. Sed, ubicunque pugnatum est, res Romana superior fuit: itaque à Perusia, & Cortona, & Arretio, quæ ferme capita Etruriæ populorum cā tempestate erant,*

rant, legati, pacem fœdusque ab Romanis petentes, inducias in triginta annos impetraverunt.

XXXVIII. Dum hæc in Etruria geruntur, consul alter C. Marcius Rutilus Allifas de Samnitibus vi cepit. multa alia castella vicique, aut deleta hostiliter, aut integra in potestatem venire. Per idem tempus & classis Romana à P. Cornelio, quem senatus maritimæ oræ præfecerat, in Campaniam acta, quum appulsa Pompejos esset; focii inde navales ad depopulandum agrum Nucerinum profecti, proximis raptim vastatis, unde reditus tutus ad naves esset, dulcedine (ut fit) prædæ longius progressi, excivere hostes. Palatis per agros nemo obvius fuit, quum occisione occidî possent: redeuntes agmine incauto haud procul navibus assecuti agrestes exuerunt prædâ, partem etiam occiderunt: quæ superfuit cædi, trepida multitudo ad naves compulsæ est. Profectio Q. Fabii trans Ciminiam silvam quantum Romæ terrorem fecerat, tam lætam famam in Samnium ad hostes tulerat: *interclusum Romanum exercitum obsideri, cladique imaginem Furculas Caudinas memorabant. eâdem temeritate avidam ultimum semper gentem in saltus invios deductam, septam non hostium magis armis, quàm locorum iniquitatibus, esse.* Jam gaudium invidiâ quâdam miscebatur, quod belli Romani decus ab Samnitibus fortuna ad Etruscos avertisset. itaque armis virisque ad obterendum C. Marcium consulem concurrunt; protinus inde Etruriam per Marfos ac Sabinos petituræ, si Marcius dimicandi potestatem non faciat. Obvius lis consul fuit. dimicatum prælio utrinque atroci, atque incerto eventu est. & quum anceps cædes fuisset, adversæ tamen rei fama in Romanos vertit, ob amissos quosdam equestris ordinis, tribunosque militum, atque unum legatum, & (quod insigne maximè fuit) consulis ipsius vulnus. Ob hæc etiam aucta famâ (ut solet) ingens terror Patres invasit, dictatoremque dici placebat: necj  
 . Tom. II. C quin

quin Curſor Papirius diceretur, in quo tum ſumma rei bellicæ ponebatur, dubium cuiquam erat: ſed nec in Samnium nuncium perferri, omnibus infeſtis, tutò poſſe; nec vivere Marcium conſulem ſatis fidebant. Alter conſul Fabius infeſtus privatim Papirio erat: quæ ne ira obſtaret bono publico, legatos ex conſularium numero mittendos ad eum ſenatus cenſuit: qui ſua quoque eum, non publicâ ſolùm, auctoritate moverent, ut memoriam ſimulatiùm patriæ remitteret. Profeſti legati ad Fabium quum ſenatuſconſultum tradidiſſent, adjeciſſentque orationem convenientem mandatis, conſul, demiffis in terram oculis, tacitus ab incertis, quidnam acturus eſſet, legatis receſſit. nocte deinde ſilentio (ut mos eſt) L. Papirium dictatorem dixit, cui quum ob animum egregiè victum legati gratias agerent, obſtinatum ſilentium obtinuit, ac ſine reſponſo ac mentione facti ſui legatos dimiſit, ut appareret, inſignem dolorem ingenti comprimi animo. Papirius C. Junium Bubulcum magiſtrum equitum dixit: atque ei, legem curiatam de imperio ferenti, triſte omen diem diffidit, quòd Faucia curia fuit principium, duabus inſignis cladibus, captæ urbis, & Caudinæ pacis: quòd utroque anno eadem curia fuerat principium. Macer Licinius tertiâ etiam clade, quæ ad Cremeram accepta eſt, abominandam eam curiam facit.

XXXIX. Dictator poſtero die, auſpiciis repetitis, pertulit legem; &, profeſtus cum legionibus, ad terrorem traducti ſilvam Ciminiam exercitûs nuper ſcriptis, ad Longulam pervenit: acceptiſque à Marcio conſule veteribus militibus, in aciem copias eduxit. nec hoſtes detrectare viſi pugnam, inſtructos deinde armatoſque (quum ab neutris prælium inciperet) nox oppreſſit. Quieti aliquandiu, nec ſuis diffidentes viribus, nec hoſtem ſpernentes, ſtativa in propinquo habuere. Interea res in Etruria geſtæ. nam & cum Umbroꝝ exercitu acie depugnatum eſt; (ſuſi tamen  
magis,

magis, quàm cæsi, hostes, quia cœptam acriter non tolerârunt pugnam). & ad Vadimonis lacum Etrusci; lege sacratâ coacto exercitu, quum vir virum legisset, quantis nunquam aliàs antea simul copijs, simul animis, dimicârunt: tantoque irarum certamine gesta res est, ut ab neutra parte emissâ sint tela. gladiis pugna cœpit, &, acerrimè commissa, ipso certamine, quod aliquandiu anceps fuit, accensa est: ut non cum Etruscis toties victis, sed cum aliqua nova gente, videretur dimplicatio esse. Nihil ab ulla parte movetur fugæ: cadunt antesignani: &, ne nudentur præpugnatoribus signa, fit ex secunda prima acies. Ab ultimis deinde subsidiis cietur miles: adeoque ad ultimum laboris ac periculi ventum est, ut equites Romani, omissis equis, ad primos ordines peditum per arma, per corpora evaserint: ea velut nova inter fessos exorta acies turbavit signa Etruscorum. Secuta deinde impetum eorum, utcunque affecta erat, cetera multitudo tandem perumpit ordines hostium. Tunc vinci pertinacia cœpta, & averti manipuli quidam: &, ut semel dedere terga, etiam certiores capessere fugam. Ille primum dies fortunâ veteri abundantes Etruscorum fregit opes. cæsam in acie, quod roboris fuit; castra eo impetu capta direptaque.

XL. Pari subinde periculo gloriæque eventu bellum in Samnitibus erat; qui, præter ceteros belli apparatus, ut acies sua fulgeret novis armorum insignibus, fecerunt. Duo exercitus erant: scuta altatius auro, alterius argento calaverunt. Forma erat scuti: summum latius, quâ pectus atque humeri teguntur, fastigio æquali; ad imum cuneatior, mobilitatis causâ. sponsa pectori tegumentum: & sinistrum crus ocreâ tectum. galeæ cristatæ, quæ speciem magnitudini corporum adderent. tunicæ auratis militibus versicolores, argentatis linteæ candidæ. his dextrum cornu datum: illi in sinistro consistunt. Notus jam Romanis appa-



ratum insignium armorum fuerat; doctique à ducibus erant, *horridum militem esse debere; non calatum auro & argento, sed ferro & animis fretum. quippe illa prædam verius, quam arma, esse; nitentia ante rem, deformia inter sanguinem & vulnera. Virtutem esse militis decus, & omnia illa victoriam sequi; & ditem hostem quamvis pauperis victoris præmium esse.* His Cursor vocibus instinctos milites in prælium ducit. dextro ipse cornu consistit; sinistro præfecit magistrum equitum. Simul est concursus, ingens fuit cum hoste certamen; non segnius inter dictatorem & magistrum equitum, ab utraque parte victoria inciperet. Prior fortè Junius commovit hostem, lævo dextrum cornu, sacros more Samnitium milites, eoque candidâ veste & paribus candore armis insignes. *eos se Orco mactare* Junius dictitans, quum intulisset signa, turbavit ordines, & haud dubiè impulit aciem. Quod ubi sensit dictator, *Ab lævone cornu victoria incipiet?* inquit, *& dextrum cornu, dictatoris acies, alienam pugnam sequetur, non partem maximam victoriae trahet?* Concitat milites. nec peditum virtuti equites, aut legatorum studia ducibus cedunt. M. Valerius à dextro, P. Decius ab lævo cornu, ambo consulares, ad equites in cornibus positos evehuntur: adhortatique eos, ut partem secum capefferent decoris, in transversa latera hostium incurrunt. Is novus additus terror quum ex parte utraque circumvalisset aciem, & ad terrorem hostium legiones Romanæ, redintegrato clamore, intulissent gradum, tum fuga ab Samnitibus cœpta. Jam strage hominum armorumque insignium campi repleri; ac primò pavidos Samnites castra sua accepere: deinde ne ea quidem retenta. captis direptisque ante noctem injectus ignis. Dictator ex senatusconsulto triumphavit. cujus triumpho longè maximam speciem captiva arma præbuere. tantum magnificentia visum in iis, ut aurata scuta dominis argentariarum ad forum ornandum dividerentur. inde natum

tum initium dicitur fori ornandi ab ædilibus, quum tensæ ducerentur. Et Romani quidem ad honorem Deum insignibus armis hostium usi sunt: Campani, ab superbia & odio Samnitium, gladiatores (quod spectaculum inter epulas erat) eo ornatu armarunt, Samnitiumque nomine compellarunt. Eodem anno cum reliquis Etruscorum ad Perusiam, quæ & ipsa induciarum fidem ruperat, Fabius consul nec dubiâ nec difficili victoriâ dimicat. ipsum oppidum (nam ad moenia victor accessit) cepisset, ni legati dedentes urbem exissent. Præsidio Perusie imposito, legationibus Etruriæ amicitiam petentibus præ se Romani ad senatum missi, consul, præstantiore etiam, quam dictator, victoriâ triumphans, urbem est investus. Quin etiam devictorum Samnitium decus magna ex parte ad legatos, P. Decium & M. Valerium, est versum: quos populus proximis comitiis ingenti consensu consulem alterum, alterum prætorem declaravit.

XLI. Fabio ob egregiè perdomitam Etruriam continuatur consulatus; Decius collega datur. Valerius prætor quartum creatus. Consules partiti provincias. Etruria Decio, Samnium Fabio evenit. Is profectus ad Nuceriam Alfaternam, tum pacem petentes, quod uti eâ, quum daretur, nolissent, aspernatus, oppugnando ad deditionem subegit. Cum Samnitibus acie dimicatum. haud magno certamine hostes victi: neque ejus pugnæ memoria tradita foret, nisi Marci eo primum prælio cum Romanis bellassent. Secuti Marforum defectionem Peligni, eandem fortunam habuerunt. Decio quoque alteri consuli secunda belli fortuna erat. Tarquiniensem metu subegerat frumentum exercitui præbere, atque inducias in quadraginta annos petere. Volsiniensium castella aliquot vi cepit: quædam ex iis diruit, ne receptaculo hostibus essent: circumferendoque passim bello, tantum terrorem sui fecit, ut nomen omne Etruscum sædus ab consule peteret.

teret. Ac de eo quidem nihil impetratum. induciæ annuæ datæ. stipendium exercitui Romano ab hoste in eum annum pensum, & binæ tunicæ in militem exactæ. ea merces induciarum fuit. Tranquillas res jam Etruscis turbavit repentina defectio Umbrorum, gentis integræ à cladibus belli, nisi quòd transitum exercitus ager senserat. Ii, concitatà omni juventute suâ, & magnâ parte Etruscorum ad rebellionem compulsâ, tantum exercitum fecerant, ut, relicto post se in Etruria Decio, ad oppugnandam inde Romam ituros, magnificè de se, ac contemptim de Romanis loquentes, jactarent. Quod inceptum eorum ubi ad Decium consulem perlatum est, ad urbem ex Etruria magnis itineribus pergit, & in agro Pupiniensi ad famam intentus hostium confedit. Nec Romæ spernebatur Umbrorum bellum: & ipsæ minæ actum fecerant expertis à Gallica clade, quàm intutam urbem incolerent. Itaque legati ad Fabium consulem missi sunt, ut, si quid laxamenti à bellò Samnitium esset, in Umbriam properè exercitum duceret. Dicto paruit consul, magnisque itineribus ad Mevaniam, ubi tum copię Umbrorum erant, porrexit. Repens adventus consulis, quem procul Umbria in Samnio bello alio occupatum crediderant, ita exterruit Umbros, ut alii recedendum ad urbes munitas, quidam omittendum bellum censerent. Plaga una (Matrinam ipsi appellant) non continuit modò ceteros in armis, sed confestim ad certamen egit, castra vallantem Fabium adorti sunt. Quos ubi effusos ruere in munimenta consul vidit, revocatos milites ab opere, prout loci natura tempusque patiebatur, ita instruxit: cohortatusque prædicatione verâ quâ in Tuscis, quâ in Samnio partorum decorum, exiguam appendicem Etrusci belli conficere jubet: & vocis impiæ poenas expetere, quâ se urbem Romanam oppugnaturus minati sunt. Hæc tantâ sunt alacritate militum audita, ut clamor, suâ sponte ortus, loquen-

loquentem interpellaverit ducem. ante imperium deinde concentu tubarum ac cornuum cursu effuso in hostem feruntur. Non tanquam in viros aut armatos incurrunt: (mirabilia dictu!) signa primò eripi cœpta signiferis; deinde ipsi signiferi trahi ad consulem, armatique milites ex acie in aciem transferri. &, sicubi est certamen, scutis magis, quàm gladiis, geritur res. umbonibus incussaque alâ sternuntur hostes. plus capitur hominum, quàm cœditur: atque una vox ponere arma jubentium per totam fertur aciem. Itaque inter ipsum certamen facta deditio est à primis auctoribus belli. postero insequentibusque diebus & ceteri Umbrorum populi deduntur. Ocriculani sponsione in amicitiam accepti.

XLII. Fabius, alienæ sortis victor belli, in suam provinciam exercitum reduxit. itaque ei, ob res tam feliciter gestas, sicut priore anno populus continuaverat consulatum, ita senatus in insequentem annum, quo Ap. Claudius, L. Volumnius consules fuerunt, prorogavit, maximè Appio adversante, imperium. Appium censorem petisse consulatum, comitiaque ejus ab L. Furio tribuno plebis interpellata, donec se censurâ abdicavit, in quibusdam annalibus invenio. Creatus consul, quum collegæ novum bellum, Salentini hostes decernerentur, Romæ mansit, ut urbanis artibus opes augeret, quando belli decus penes alios esset. Volumnium provinciæ haud pœnituit. multa secunda prælia fecit: aliquot urbes hostium vi cepit. prædæ erat largitor, & benignitatem per se gratam comitate adjuvabat; militemque iis artibus fecerat & periculi & laboris avidum. Q. Fabius proconsul ad urbem Allifas cum Samnitium exercitu signis collatis configit. minimè ambigua res fuit. Fusi hostes, atque in castra compulsi. nec castra forent retenta, ni exiguum superfuisset diei: ante noctem tamen sunt circumfessa, & nocte custodita, ne quis elabi posset. Postero die, vix-

dum luce certâ, deditio fieri cœpta : & pacti, qui Samnitium forent, ut cum singulis vestimentis emitterentur. Hi omnes sub jugum missi. sociis Samnitium nihil cautum. ad septem millia sub corona venire. qui se civem Hernicum dixerat, seorsum in custodia habitus. Eos omnes Fabius Romam ad senatum misit : & quum quæsitum esset, delectu, an voluntarii pro Samnitibus adversus Romanos bellâssent, per Latinos populos custodiendi dantur. iussique eam integram rem novi consules, P. Cornelius Arvina, Q. Marcius Tremulus, (ii enim jam creati erant) ad senatum referre. id ægre passi Hernici, concilium populorum omnium habentibus Anagninis in circo, quem Maritimum vocant, præter Alatrinatem, Ferentinatemque, & Verulanum, omnes Hernici nominis populo Romano bellum indixerunt.

XLIII. In Samnio quoque, quia decesserat inde Fabius, novi motus exorti. Calatia & Sora, præsidiaque, quæ in iis Romana erant, expugnata : & in captivorum corpora militum sædè sævitum. itaque eò P. Cornelius cum exercitu missus. Marcio novi hostes (jam enim Anagninis Hernicisque aliis bellum iussum erat) decernuntur. Primò ita omnia opportuna loca hostes inter consulum castra interceperunt, ut pervadere expeditus nuncius non posset, & per aliquot dies incerti rerum omnium, suspensique de statu alterius, uterque consul ageret, Romamque is metus manaret ; adeo ut omnes juniores sacramento adigerentur, atque ad subita rerum duo iusti scriberentur exercitus. Ceterùm Hernicum bellum nequaquam pro præsentis terrore ac vetustate gentis gloriæ fuit. nihil usquam dictu dignum ausi, trinis castris intra paucos dies exuti, triginta dierum inducias, ita ut ad senatum Romam legatos mitterent, pacti sunt bimestri stipendio frumentoque, & singulis in militem tunicis. Ab senatu ad Marcium rejehti, cui senatusconsulto per-

missum

missum de Hernicis erat : isque eam gentem in dediti-  
onem accepit. Et in Samnio alter consul superior vi-  
ribus, locis impeditior erat. Omnia itinera obsepsc-  
rant hostes, saltusque pervios ceperant, ne quâ sub-  
vehi commeatus possent : neque eos, quum quotidie  
signa in aciem consul proferret, elicere ad certamen  
poterat : satisque apparebat, neque Samnitum certa-  
men præsens, nec Romanum dilationem belli laturum.  
Adventus Marcii, qui, Hernicis subactis, maturavit  
collegæ venire auxilio, moram certaminis hosti exe-  
mit. nam, ut qui ne alteri quidem exercitui se ad cer-  
tamen credidissent pares, conjungi utique passi duos  
consulares exercitus nihil crederent superesse spei, ad-  
venientem in composito agmine Marcium aggrediun-  
tur. Raptim collatæ sarcinæ in medium ; &, prout  
tempus patiebatur, instructa acies. Clamor primum  
in stativa perlatus, dein conspectus procul pulvis, tu-  
multum apud alterum consulem in castris fecit. isque,  
confestim arma capere jussis, raptimque eductis in a-  
ciem militibus, transversam hostium aciem, atque alio  
certamine occupatam, invadit ; clamitans, *summum fla-  
gitium fore, si alterum exercitum utriusque victoria compo-  
tem sinerent fieri, nec ad se sui belli vindicarent decus*. Quæ  
impetum dederat, perrumpit ; aciemque per mediam  
in castra hostium tendit, & vacua defensoribus capit  
atque incendit. Quæ ubi flagrantia Marcianus miles  
conspexit, & hostes respexere, tum passim fuga cœpta  
Samnitium fieri. sed omnia obtinet ædes, nec in ul-  
lam partem tutum perfugium est. Jam, triginta mil-  
libus hostium cæsis, signum receptui consules dede-  
rant, colligebantque in unum copias, in vicem inter  
se gratantes : quum repente visæ procul hostium novæ  
cohortes, quæ in supplementum scriptæ fuerant, inte-  
gravere cædem. in quas, nec jussu consulum, nec si-  
gno accepto, victores vadunt ; *malo tirocinio imbuendum  
Samnitum, clamitantes*. Indulgent consules legionum

ardori, ut qui probè scirent, novum militem hostium inter percussos fugà veteranos ne tentando quidem satis certamini fore. Nec eos opinio fefellit, omnes Samnitium copiar, veteres novæque, montes proximos fugà capiunt, eò & Romana erigitur acies; nec quicquam satis tuti loci victis est. & de jugis, quæ ceperant, funduntur; jamque unà voce omnes pacem petebant. Tum, trium mensium frumento imperato, & annuo stipendio, ac singulis in militem tunicis, ad senatum patris oratores missi. Cornelius in Samnio relictus. Marcius de Hernicis triumphans in urbem rediit; statuaque equestris in foro decreta est, quæ ante templum Castoris posita est. Hernicorum tribus populis, Alatrinati, Verulano, Ferentinati, quia maluerunt, quàm civitatem, suæ leges redditæ: connubiumque inter ipsos, quod aliquandiu soli Hernicorum habuerunt, permissum. Anagninis, quique arma Romanis intulerant, civitas sine suffragii latione data: concilia connubiaque adempta: & magistratibus, præterquam sacrorum curatione, interdictum. Eodem anno ædes Salutis à C. Junio Bubulco censore locata est, quam consul bello Samnitium voverat. ab eodem collegaque ejus M. Valerio Maximo viæ per agros publicâ impensâ factæ. Et cum Karthaginensibus eodem anno foedus tertio renovatum: legatisque eorum, qui ad id venerant, comiter munera missa.

XLIV. Dictatorem idem annus habuit P. Cornelium Scipionem, cum magistro equitum P. Decio Mure. ab iis, propter quæ creati erant, comitia consularia habita, quia neuter consulum potuerat bello abesse. Creati consules L. Postumius, Ti. Minucius. Hos consules Piso Q. Fabio & P. Decio suggerit, biennio exempto, quo Claudium Volumniumque, & Cornelium cum Marcio consules factos tradidimus. memoriane fugerit in annalibus digerendis, an consultò binos consules, falsos ratus, transcenderit, incertum est. Eodem

dem anno in campum Stellatæ agri Campani Samnitium incursionēs factæ. Itaque ambobus consules, in Samnium missi, quum diversas regiones, Tifernum Postumius, Bovianum Minucius, petissent; Postumii prius ductu ad Tifernum pugnatum. Alii haud dubie Samnites victos, ac viginti millia hominum capta tradunt: alii Marte æquo discessum, & Postumium, metum simulantem nocturno itinere, clam in montes copias abduxisse: hostes secutos duo millia inde locis munitis & ipsos consedissee. Consul, ut stativa tuta copiosaque (& ita erant) petisse videretur, postquam & munimentis castra firmavit, & omni apparatu rerum utilium instruxit; relicto firmo praesidio, de vigilia tertia, quam luci proxime potest, expeditas legiones ad collegam, & ipsum adversus alios sedentem, ducit. ibi, auctore Postumio, Minucius cum hostibus signa confert; & quum anceps praelium in multum diei processisset, tum Postumius integris legionibus defessam jam aciem hostium improvisò invadit. Itaque, quum lassitudo ac vulnera fugam quoque praepedissent, occisione occisi hostes, signa unum & viginti capta: atque inde ad castra Postumii perreptum. Ibi duo victores exercitus perculsum jam famam hostem adorti fundunt fugantque: signa militaria sex & viginti capta, & imperator Samnitium Statius Gellius, multique alii mortales, & castra utraque capta: & Bovianum, ubi postero die coeptum oppugnari, brevi capitur. magnaque gloriam rerum gestarum consules triumpharunt. Minucium consulem, cum vulnere gravi relatum in castra, mortuum, quidam auctores sunt, & M. Fulvium in locum ejus consulem successum: & ab eo, quum ad exercitum Minucii missus esset, Bovianum captum. Eodem anno Sora, Arpinum, Censennia, recepta ab Samnitibus. Herculis magnum simulacrum in Capitolio positum dedicatumque.

XLV. P. Sulpicio Saverione, P. Sempronio Sopho



consulibus, Samnites, seu finem, seu dilationem belli querentes, legatos de pace Romam misere. quibus suppliciter agentibus responsum est, *nisi saepe bellum parantes pacem petissent Samnites, oratione ultro citroque habitâ, de pace transigi potuisse. nunc, quando verba vana ad id locorum fuerint, rebus standum esse.* P. Sempronium consulem cum exercitu brevi in Samnio fore : eum, ad bellum pacemne inclinent animi, falli non posse : comperta omnia senatui rehatarum : decedentem ex Samnio consulem legati sequerentur. Eo anno quum pacatum Samnium exercitus Romanus, benignè præbito comneatu, peragrâisset, foedus antiquum Samnitibus redditum. Ad Æquos inde veteres hostes, ceterum per multos annos sub specie infidæ pacis quietos, versa arma Romana : quod, incolumi Hernico nomine, missitaverant simul cum iis, Samniti auxilia ; & post Hernicos subactos, universa, propè gens, sine dissimulatione consilii publici, ad hostes desciverat : & postquam, isto Romæ cum Samnitibus foedere, feciales venerant res repetitum, tentationem aiebant esse, ut, *terrore incusso belli, Romanos se fieri : poterentur : quod quantopere optandum foret, Hernicos docuisse : quum, quibus licuerit, suas leges Romana civitati præoptaverint : quibus legendi, quid mallerent, copia non fuerit, pro pœna necessariam civitatem fore.* Ob hæc vulgò in conciliis jactata, populus Romanus bellum fieri Æquis jussit : consulesque ambo, ad novum profecti bellum, quatuor millibus à castris hostium confederunt. Æquorum exercitus, (ut qui suo nomine per multos annos imbelles egissent) tumultuario similis, sine ducibus certis, sine imperio, trepidare. alii exeundum in aciem, alii castra tuenda censent : movet plerosque vastatio futura agrorum, ac deinceps cum levibus præsidiiis urbium relictarum excidia. Itaque, postquam inter multas sententias una, quæ, omisâ curâ communium, ad respectum suarum quemque rerum vertisset, audita ; ut primâ vigiliâ diversi è castris ad deportanda omnia

omnia tuendaque moenibus in urbes abirent; cuncticam sententiam ingenti assensu accipere. Palatis hostibus per agros, primâ luce Romani, signis prolatis, in acie consistunt; &, ubi nemo obvius ibat, pleno gradu ad castra hostium tendunt. Ceterum, postquam ibi neque stationes pro portis, nec quemquam in vallo, nec fremitum consuetum castrorum animadvertunt; insolito silentio moti, metu insidiarum subsistunt. transgressi deinde vallum, quum deserta omnia invenissent, pergunt hostem vestigiis sequi: sed vestigia, in omnes æquè ferentia partes, ut in dilapsis passim, primò errorem faciebant; post, per exploratores, compertis hostium consiliis, ad singulas urbes circumferendo bello, unum & quadraginta oppida intra dies quinquaginta omnia oppugnando ceperunt; quorum pleraque diruta atque incensa, nomenque Æquorum prope ad internecionem deletum. De Æquis triumphatum: exemploque eorum clades fuit, ut Marrucini, Marsi, Peligni, Frentani mitterent Romam oratores pacis petendæ amicitiaque. iis populis fœdus potentibus datum.

XLVI. Eodem anno Cn. Flavius Cn. filius scriba, patre libertino, humili fortunâ ortus, ceterum callidus, vir & facundus, ædilis curulis fuit. Invenio in quibusdam annalibus, quum appareret ædilibus, fierique se pro tribu ædilem videret, neque accipi nomen, quia scriptum faceret; tabulam posuisse, & jurasse, se scriptum non facturum. quem aliquanto antea desisse scriptum facere, arguit Macer Licinius, tribunatu antè gesto triumviratibusque, nocturno altero, altero coloniarum deducendæ. Ceterum (id quod hand discrepat) contumaciâ adversus contemnentes humilitatem suam, nobiles certavit: civile jus, repositum in penetralibus pontificum, evulgavit, fastosque circa forum in albo proposuit, ut, quando lege agi posset, sciretur: ædem Concordiæ in arca Vulcani summâ invidiâ nobili-

um dedicavit; coactusque consensu populi Cornelius Barbatus pontifex maximus verba præire, quum more majorum negaret, nisi consulem aut imperatorem, posse templum dedicare. Itaque ex auctoritate senatus latum ad populum est, ne quis templum aramve injussu senatus aut tribunorum plebei partis majoris dedicaret. Haud memorabilem rem per se, nisi documentum sit adversus superbiam nobilium plebeique libertatis, referam. Ad collegam ægrum visendi causâ Flavius quum venisset, consensuque nobilium adolescentium, qui ibi assidebant, assurrectum ei non esset, curulem afferri sellam eò jussit, ac sedè honoris sui anxios invidia inimicos spectavit. Ceterum Flavium dixerat ædilem forensis factio, Ap. Claudii censurâ vires nacta, qui senatum primus libertinorum filiis lectis inquinaverat. & postquam eam lectionem nemo ratam habuit, nec in curia adeptus erat, quas petierat, opes urbanas; humilibus per omnes tribus divisas, forum & campum corripit. tantumque Flavii comitia indignitatis habuerunt, ut plerique nobilium annulos aureos & phaleras deponerent. Ex eo tempore in duas partes discessit civitas. aliud integer populus, fautor & cultor bonorum; aliud forensis factio tenebat; donec Q. Fabius & P. Decius censores facti: & Fabius, simul concordie causâ, simul ne humillimorum in manu comitia essent, omnem forensensem turbam excretam in quatuor tribus conjecit, urbanasque eas appellavit. adeoque eam rem acceptam gratis animis ferunt, ut Maximi cognomen, quod tot victoriis non pepererat, hac ordinum temperatione pareret. Ab eodem institutum dicitur, ut equites Idibus Quinctilibus transverberentur.

# LIBER X.

## EPITOME.

I. **C**olonia deductæ sunt Sora, & Alba, III. & Carseoli. Marfi in deditionem accepti sunt. VI, VII, VIII. Collegium augurum ampliatur, ut essent novem, quoniam antea quaterni fuissent. IX. Lex de provocatione ad populum à Valerio consule tunc tertiâ lata est. Dua tribus adjectæ sunt, Aniensis & Terentina. XII, &c. Samnitibus bellum indictum, & adversus eos sæpe prospere pugnatum est. XVIII, &c. Quum adversus Etruscos, Umbros, Samnites, Gallos, P. Decio & Q. Fabio ducibus, pugnaretur, XXVII, &c. Romanusque exercitus in maximo esset discrimine, P. Decius, secutus exemplum patris, devovit se pro exercitu, & morte sua victoriam ejus pugna populo Romano dedit. XXXVIII, XXXIX. Papirius Cursor Samnitium exercitum, qui jurejurando obstrictus, quo majore constantiâ virtutis pugnaret, in aciem descenderat, fudit. XLVII. Census actus est. lustrum conditum. censa sunt civium capita ducenta sexaginta duo millia, & trecenta viginti duo.

I. **L** Genucio, Ser. Cornelio consulibus, ab externis ferme bellis otium fuit. Soram atque Albam coloniarum deductæ. Albam in Æquos sex millia colonorum scripta. Sora agri Volsci fuerat; sed possederant Samnites. eò quatuor millia hominum missa. Eodem anno Arpinatibus Trebulanisque civitas data. Frusnates tertiâ parte agri damnati, quod Herhicos ab eis sollicitatos compertum: capitaque conjurationis ejus, quæstione ab consulibus ex senatusconsulto habitâ, virgis cæsi ac securi percussi. Tamen, ne proflus imbellem agerent annum, par-

va expeditio in Umbria facta est; quòd nunciabatur, ex spelunca quadam excursiones armatorum in agros fieri. In eam speluncam penetratum cum signis est: & ex eo loco obscuro multa vulnera accepta, maximèque lapidum ictu; donec, altero specus ejus ore (nam pervius erat) invento, utræque fauces congestis lignis accensæ: ita intus fumo ac vapore ad duo millia armatorum, ruentia novissimè in ipsas flammæ, dum evadere tendunt, absumpta. Marcis Livio Dentre & Æmilio consulibus, redintegratum Æquicum bellum. Coloniam, ægre patientes velut arcem suis finibus impositam, summâ vi expugnare adorti, ab ipsis colonis pelluntur. Ceterum tantum Romæ terrorem fecere, quia vix credibile erat, tam affectis rebus solos per se Æquos ad bellum coortos, ut tumultus ejus causâ dictator diceretur C. Junius Bubulcus. is, cum M. Titinio magistro equitum profectus, primo congressu Æquos subegit, ac, die octavo triumphans in urbem quum redisset, ædem Salutis, quam consul voverat, censor locaverat, dictator dedicavit.

II. Eodem anno classis Græcorum, Cleonymo duce Lacedæmonio, ad Italiæ littora appulsa, Thurias urbem in Salentinis cepit. Adversus hunc hostem consul Æmilius missus prælio uno fugatum compulit in naves. Thuriæ redditæ veteri cultori: Salentinoque agro pax parta. Junium Bubulcum dictatorem missum in Salentinos, in quibusdam annalibus invenio: & Cleonymum prius, quàm configendum esset cum Romanis, Italiâ excessisse. circumvectus inde Brundisii promontorium, medioque sinu Hadriatico ventis: latus, quum lævâ importuosa Italiæ littora, dextrâ Illyrii Liburnique & Istri, gentes feræ, & magna ex parte latrociniis maritimis infames, terrerent, penitus ad littora Venetorum pervenit: ibi expositis paucis, qui loca explorarent, quum audisset, tenue prætentum litus esse; quod transgressis stagna ab tergo sint, irrigua

irrigua æstibus maritimis; agros haud procul proximos campestres cerni; ulteriora colles; inde esse ostium fluminis præalti, quò circumagi naves in stationem tutam vidisse: (Meduacus amnis erat) eò inyectam classem subire flumine adverso jussit. Gravissimas navium non pertulit alveus fluminis, in leviora navigia transgressa multitudo armatorum ad frequentes agros, tribus maritimis Patavinorum vicis colentibus eam oram, pervenit. Ibi egressi, levi præsidio navibus relicto, vicos expugnant, inflammant tecta, hominum pecudumque prædas agunt, & dulcedine prædandi longius usque à navibus procedunt. Hæc ubi Patavium sunt nunciata, (semper autem eos in armis accolæ Galli habebant) in duas partes juventutem dividunt. altera in regionem, quâ effusa populatio nunciabatur; altera, ne cui prædonum obvia fieret, altero itinere ad stationem navium (millia autem quatuordecim ab oppido aberat) ducta. In naves parvas, custodibus interemptis, impetus factus; territique nautæ coguntur naves in alteram ripam amnis transjicere. & in terra prosperum æquè in palatos prædatores proelium fuerat: refugientibusque ad stationem Græcis Veneti obstant. Ita in medio circumventi hostes cæsi; pars capti classem indicant regemque Cleonymum tria millia abesse. Inde, captivis proximo vico in custodiam datis, pars fluviatiles naves, ad superanda vada stagnorum aptè planis alveis fabricatas, pars captiva navigia armatis complent. profectique ad classem, immobiles naves, & loca ignota plus, quàm hostem, timentes, circumvadunt: fugientesque in altum acrius, quàm repugnantes, usque ad ostium amnis persecuti, captis quibusdam incensisque navibus hostium, quas trepidatio in vada intulerat, victores revertuntur. Cleonymus, vix quintâ parte navium incolumi, nullâ regione maris Hadriatici prospere aditâ, discessit. Rostra navium spoliæque Laconum, in æde Junonis veteri fi-

xa, multi superſunt, qui viderunt. Patavii monumētum navalis pugnae eo die, quo pugnatum eſt, quotannis ſolenni certamine navium in flumine oppidi medio exercetur.

III. Eodem anno Romae cum Veſtinis, petentibus amicitiam, iſtum eſt foedus. Multiplex deinde exortus terror. Etruriam rebellare, ab Aretinorum ſeditiōnibus motu orto, nunciabatur: ubi Cilnium genus praeptens, divitiarum invidia pelli armis ceptum: ſimul Marſos agrum vi tueri, in quem colonia Carſeoli deduſta erat, quatuor millibus hominum ſcriptis. Itaque propter eos tumultus dictus M. Valerius Maximus dictator, magiſtrum equitum ſibi legit M. Aemilium Paullum. id magis credo, quam Q. Fabium ea aetate atque eis honoribus Valerio ſubjectum. ceterum ex Maximi cognomine ortum errorem haud abnuerim. Profectus dictator cum exercitu praelio uno Marſos fundit. compulſis deinde in urbes munitas, Miloniam, Pleſtinam, Freſiliam intra dies paucos cepit: & parte agri mulctatis Marſis foedus reſtituit. Tum in Etruſcos verſum bellum. &, quum dictator auſpiciorum repetendorum cauſa profectus Romam eſſet, magiſter equitum, pabulatum egreſſus, ex inſidiis circumvenitur; ſignisque aliquot amiſſis, foeda militum caede ac fuga in caſtra eſt compulſus. qui terror non eo tantum a Fabio abhorret, quod ſi qua alia arte cognomen ſuum aequavit, tum maxime bellicis laudibus: ſed etiam, quod, memor Papirianae ſaevitiae, nunquam, ut dictatoris injuſſu dimicaret, adduci potuiſſet.

IV. Nunciata ea clades Romam majorem, quam res erat, terrorem excivit. nam, ut exercitu deletō, ita juſtitium indiſtum; cuſtodiae in portis, vigiliae vicatim exactae; arma, tela in muros congeſta. Omnibus junioribus ſacramento adaſtis, dictator, ad exercitum miſſus, omnia ſpe tranquilliora & compoſita magiſtri equitum cura, caſtra in tutiorem locum redacta,

sta, cohortes, quæ signa amiserant, extra vallum sine tentoriis destitutas invenit; exercitum avidum pugnae, quo maturius ignominia aboleretur. Itaque confestim castra inde in agrum Rufellanum promovit. Eo & hostes secuti. & quanquam ex bene gesta re summam & in aperto certamine virium spem habebant; tamen insidiis quoque, quas feliciter experti erant, hostem tentant. Testa semirutæ vici, per vastationem agrorum deusti, haud procul castris Romanorum aberant. ibi abditis armatis, pecus in conspectu praesidii Romani, cui praeerat Cn. Fulvius legatus, propulsum. ad quam illecebram quum moveretur nemo ab Romana statione, pastorum unus, progressus sub ipsas munitiones, inclamat alios, cunctanter ab ruinis vici pecus propellentes, *quid cessarent, quum per media castra Romana tutum agere possent?* Hæc quum legato Cærites quidam interpretarentur, & per omnes manipulos militum indignatio ingens esset, nec tamen injussu movere audent; jubet peritos linguæ attendere animum, pastorum sermo agresti, an urbano, propior esset. Quum referrent, sonum linguæ, & corporum habitum, & nitorem, cultiora, quam pastoralia, esse; *ite igitur, dicite, inquit, detegant nequicquam conditas insidias: omnia scire Romanum: nec magis jam dolo capi, quam armis vinci, posse.* Hæc ubi audita sunt, & ad eos, qui confederant in insidiis, perlata, consurrectum repente ex latebris est, & in patentem ad conspectum undique campum prolata signa. Visa legato major acies, quam quæ ab suo praesidio sustineri posset. itaque propere ad dictatorem auxilia accitum mittit; interea ipse impetus hostium sustinet.

V. Nuncio allato, dictator signa ferri, ac sequi armatos jubet. sed celeriora propè omnia imperio erant. Rapta extemplo signa armaque; & vix ab impetu & cursu tenebantur. quum ira ab accepta nuper clade stimulabat, tum concitator accidens clamor ab incremento



sciente certamine. Urgent itaque alii alios, hortanturque signiferos, ut ociùs eant. quo magis festinantes videt dictator, eo impensius retentat agmen, ac sensim incedere jubet. Etrusci contrà, principio exciti pugnae, omnibus copiis aderant. Et super alios alii nunciant dictatori, omnes legiones Etruscorum capeffisse pugnam; nec jam ab suis resisti posse: & ipse cernit ex superiore loco, in quanto discrimine praesidium esset. Ceterùm, fatis fretus esse etiam nunc tolerando certamini legatum, nec se procul abesse periculi vindicem, quàm maximè vult fatigari hostem, ut integris adoriatur viribus fessos. Quanquam lentè procedunt, jam tamen ad impetum capiendum, equiti utique, modicum erat spatium. prima incedebant signa legionum, ne quid occultum aut repentinum hostis timeret: sed reliquerat intervalla inter ordines peditum, quàm satis laxo spatio equi permitti possent. Pariter sustulit clamorem acies; & emissus eques libero cursu in hostem invehitur, incompósitosque adversus equestrem procel-  
lam subitum pavorem offundit. Itaque, ut propè ferum auxilium jam penè circumventis, ita universa requies data est. integri accepere pugnam: nec ea ipsa longa, aut anceps fuit. Fusi hostes castra repetunt, inferentibusque jam signa Romanis cedunt, & in ultimam castrorum partem conglobantur. Hærent fugientes in angustiis portarum: pars magna aggerem vallumque conscendunt, si aut ex superiore loco tueri se, aut superare aliquà & evadere possent. Fortè quodam loco malè densatus agger pondere superstantium in fossam procubuit: atque eà quum Deos pandere viam fugæ conclamassent, plures inermes, quàm armati, evadunt. Hoc prælio fractæ iterum Etruscorum vires: & pacto annuo stipendio, & duùm mensum frumento, permissum ab dictatore, ut de pace legatos mitterent Romam. Pax negata: induciæ biennii datæ. dictator triumphans in urbem rediit. Habeo auctores,  
sine

sine ullo memorabili prælio, pacatam ab dictatore Etruriam esse, seditionibus tantum Aretinorum compositis, & Cilnio genere cum plebe in gratiam reducto. Consul ex dictatura factus M. Valerius. non petentem, atque adeo etiam absentem, creatum credere quidam; & per interregem ea comitia facta. id unum non ambigitur, consulatum cum Appuleio Panfa gessisse.

VI. M. Valerio & Q. Appuleio consulibus, satis pacatae foris res fuere. Etruscum adversa belli res & induciae quietum tenebant: Samnitum, multorum annorum cladibus domitum, haud dum foederis novi poenitabat. Romae quoque plebem quietam & exoneratam deducta in colonias multitudo praestabat. tamen, ne undique tranquillae res essent, certamen injectum inter primores civitatis, patricios plebeiosque, ab tribunis plebis Q. & Cn. Ogulniis. qui, undique criminandorum Patrum apud plebem occasionibus quaesitis, postquam alia frustra tentata erant, eam actionem susceperunt, quam non infamam plebem accenderent, sed ipsa capita plebis, consulares triumphalesque plebeios: quorum honoribus nihil, praeter sacerdotia, quae nondum promiscua erant, deesset. Rogationem ergo promulgarunt, ut, quum quatuor augures, quatuor pontifices ea tempestate essent, placeretque augeri sacerdotum numerum, quatuor pontifices, quinque augures, de plebe omnes, adlegerentur. Quemadmodum ad quatuor augurum numerum, nisi morte duorum, id redigi collegium potuerit, non invenio; quum inter augures constet, imparem numerum debere esse, ut tres antiquae tribus, Ramnes, Titientes, Luceres, suum quaque augurem habeant; aut, si pluribus sit opus, pari inter se numero sacerdotes multiplicent: sicut multiplicati sunt, quum ad quatuor quinque adjecti novem numerum, ut terni in singulas essent, expleverunt. Ceterum, quia de plebe adlegebantur, juxta eam rem ægre

gre passi Patres, quàm quum consulatum vulgari viderent. Simulabant ad Deos id magis, quàm ad se, pertinere: ipsos visuros, ne sacra sua polluantur. id se optare tantum, ne qua in rempublicam clades veniat. Minus autem tetendere, assueti jam tali genere certaminum vinci. & cernebant, adversarios non id, quod olim vix speraverint, affectantes magnos honores, sed omnia jam, in quorum spem dubiam erat certatum, tamen adeptos, multiplices consulatus, censurasque & triumphos.

VII. Certatum tamen suadendâ dissuadendâque lege inter Ap. Claudium maximè ferunt, & inter P. Decium Murem. qui quum eadem ferme de jure Patrum ac plebis, quæ pro lege Licinia quondam contraque eam dicta erant, quum plebeiis consulatus rogabatur, disseruissent; retulisse dicitur Decius parentis sui speciem, qualem eum multi, qui in concione erant, viderant, incinctum Gabino cultu, super telum stantem, quo se habitu pro populo ac legionibus Romanis devovisset. tum P. Decium consulem purum piûmque Diis immortalibus visum, æquè ac si T. Manlius collega ejus devoveretur. eundem P. Decium, qui sacra publica populi Romani faceret, legi rite non potuisse? id esse periculum, ne suas preces minùs audirent Dii, quàm Ap. Claudii? castius eum sacra privata facere, & religiosius Deos colere, quàm se? quem poenitere votorum, quæ pro republica nuncupaverint tot consules plebei, tot dictatores, aut ad exercitus cunctes, aut inter ipsa bella? Numerarentur duces eorum annorum, quibus plebelorum ductu & auspicio res geri cæpta sunt: numerarentur triumphi. jam ne nobilitatis quidem suæ plebeios poenitere. pro certo habere, si quod repens bellum oriatur, non plus spei fore senatui populoque Romano in patriciis, quàm in plebeiis ducibus. Quod quum ita se habeat, cui Deciorum hominumve indignum videri potest, inquit, eos viros, quos vas sellis curulibus, togâ prætextâ, tunicâ palmatâ, & togâ pictâ; & coronâ triumphali laureâque honorâritis, quorum

ram domos spoliis hostium affixis insignes inter alias feceritis, pontificalia atque auguralia insignia adjicere? qui, Jovis Optimi Maximi ornatu decoratus, curru aurato per urbem ventus in Capitolium ascenderit, si conspiciatur cum capide ac lituo, capite velato victimam cadat, auguriumve ex arce capiat? Cujus imaginis titulo consulatus, censuraque, & triumphus, equo animo legetur; si auguratum aut pontificatum adjeceritis, non sustinebunt legentium oculi? Equidem (pace dixerim Deum) eos nos jam populi Romani beneficio esse spero, qui sacerdotiis non minus reddamus dignatione nostrâ bonoris, quàm acceperimus; & Deorum magis, quàm nostrâ causâ expetamus, ut, quos privatim colimus, publicè colamus.

VIII. Quid autem ego sic adhuc egi, tanquam integra sit causa patriciorum de sacerdotiis, & non jam in possessione unius amplissimi sinus sacerdotii? Decemviros sacris faciundis, carminum Sibyllæ ac fatorum populi hujus interpretes, antistites eosdem Apollinaris sacri ceremoniarumque aliarum, plebeios videmus. Nec tam patriciis ulla injuria facta est, quum duumviris sacris faciundis adjectus est propter plebeios numerus: & nunc tribunus, vir fortis ac strenuus, quinque augurum loca, quatuor pontificum adjecit, in quæ plebei nominentur; non ut vos, Appi, vestro loco pellant, sed ut adjuvent vos homines plebei divinis quoque rebus procurandis, sicut in ceteris humanis pro parte virili adjuvant. Noli erubescere, Appi, collegam in sacerdotio habere, quem in censura, quem in consulatu collegam habere potuisti: cujus tam dictatoris magister equitum, quàm magistri equitum dictator esse potes. Sabinum advenam, principem nobilitatis vestræ, seu Attum Clausum seu Ap. Claudium mavultis, illi antiqui patricii in suum numerum acceperunt. Ne fastidieris nos in sacerdotum numerum accipere. multa nobiscum decora afferimus: immo omnia eadem, quæ vos superbos fecerunt. L. Sextius primus de plebe consul est factus. C. Licinius Stolo primus magister equitum, C. Marcius Rutilus primus & dictator & censor, Q. Publilius Philo primus prætor. Semper ista audita sunt eadem, penes vos auspicia esse, vos solos gentem

*gentem habere, vos solos justum imperium & auspiciū domi militiaeque. Æquē adhuc prosperum plebeium ac patricium fuit, porroque erit. En unquam fando audistis, patricios primò esse factos, non de cælo demissos, sed qui patrem cire possent, id est, nihil ultrà quàm ingenuos? Consulem jam patrem cire possum, avumque jam poterit filius meus. Nihil est aliud in re, Quirites, nisi ut omnia negata adipiscamur. Certamen tantùm patricii petunt, nec curant, quem eventum certaminum habeant. Ego hanc legem, quod bonum, faustum, felixque sit vobis ac reipublicæ, uti rogas, jubendam censeo.*

IX. Vocare tribus extemplo populus jubebat, apparbatque accipi legem: ille tamen dies est intercessione sublatus. postero die, deterritis tribunis, ingenti consensu accepta est. Pontifices creantur suafor legis P. Decius Mus, P. Sempronius Sophus, C. Marcius Rutilus, M. Livius Denter. Quinque augures item de plebe, C. Genucius, P. Ælius Pætus, M. Minucius Fessus, C. Marcius, T. Publilius. Ita octo pontificum, novem augurum numerus factus. Eodem anno M. Valerius consul de provocatione legem tulit, diligentius sanctam. tertio ea tum post reges exactos lata est, semper à familia eadem. Causam renovandæ sæpius haud aliam fuisse reor, quàm quòd plus paucorum opes, quàm libertas plebis, poterant. Porcia tamen lex sola pro tergo civium lata videtur: quòd gravi pœnà, si quis verberasset necassetve civem Romanum, sanxit. Valeria lex, quum eum, qui provocasset, virgis cædi, securique necari vetuisset, si quis adversus ea fecisset, nihil ultrà, quàm improbè factum, adjecit. Id (qui tum pudor hominum erat) visum, credo, vinculum satis validum legis. nunc vix serio ita minetur quisquam. Bellum ab eodem consule haudquaquam memorabile adversus rebellantes Æquos, quum præter animos feroces nihil ex antiqua fortuna haberent, gestum est. Alter consul Appuleius in Umbria Nequitum oppidum circumfedit. locus erat arduus, atque in  
parte

parte una præceps, ubi nunc Narnia sita est. nec vi, nec munimento capi poterat. Itaque eam infectam rem M. Fulvius Pætinus, T. Manlius Torquatus, novi consules, acceperunt. In eum annum quum Q. Fabium consulem non petentem omnes dicerent centuriæ, ipsum auctorem fuisse Macer Licinius ac Tubero tradunt differendi sibi consulatûs in bellicosorem annum: eo anno majori se usui reipublicæ fore, urbano gesto magistratu. ita nec dissimulantem, quid mallet, nec petentem tamen, ædilem curulem cum L. Papirio Cursore factum. Id ne pro certo ponerem, vetustior annalium auctor Piso effecit; qui eo anno ædiles curules fuisse tradit C. Domitium Cn. F. Calvinum & Sp. Carviliûm Q. F. Maximum. Id credo cognomen errorem in ædilibus fecisse: secutamque fabulam mixtam ex ædilitiis & consularibus comitiis, convenientem errori. Et lustrum eo anno conditum à P. Sempronio Sopho & P. Sulpicio Saverione censoribus: tribusque additæ duæ, Anienâ ac Terentina. Hæc Romæ gesta.

X. Ceterum ad Nequinum oppidum quum segni obfidione tempus tereretur, duo ex oppidanis, quorum erant ædificia juncta muro, specu facto ad stationes Romanas itinere occulto perveniunt: inde ad consulem deducti, præsidium armatum se intra moenia & muros accepturos confirmant. Nec aspernanda res visa, neque incautè credenda. cum alter eorum (nam alter obses retentus) duo exploratores per cuniculum missi: per quos satis compertâ re, trecenti armati, transfugâ duce in urbem ingressi, nocte portam, quæ proxima erat, cepere. quâ refractâ, consul exercitusque Romanus sine certamine urbem invasere. Ita Nequinum in ditionem populi Romani venit. Colonia eò adversus Umbros missa, à flumine Narnia appellata: exercitus cum magna præda Romam reductus. Eodem anno ab Etruscis adversus inducias paratum bellum.

sed eos alia molientes Gallorum ingens exercitus, fines ingressus, paulisper à proposito avertit. Pecuniâ deinde, quâ nultum poterant, freti, socios ex hostibus facere Gallos conantur, ut eo adjuncto exercitu cum Romanis bellarent. De societate haud abnuunt barbari : de mercede agitur. quâ pactâ acceptâque, quum parata cetera ad bellum essent, sequique Etruscus juberet, inficias eunt, *mercedem se belli Romanis inferendi patros. quicquid acceperint, accepisse, ne agrum Etruscum vastarent, armisque lacefferent cultores. Militaturos tamen se, si utique Etrusci velint ; sed nullâ aliâ mercede, quàm ut in partem agri accipiantur, tandemque aliquâ sede certâ consistant.* Multa de eo concilia populorum Etruriæ habitata. nec perfici quicquam potuit ; non tam quia immiui agrum, quàm quia accolae sibi quisque adjungere tam effratae gentis homines horrebat. ita dimissi Galli pecuniam ingentem sine labore ac periculo partam retulerunt. Romæ terrorem præbuit fama Gallici tumultus ad bellum Etruscum adjecti : eo minùs cunctanter fœdus istum cum Picenti populo est.

XI. T. Manlio consuli Etruria provincia forte evenit ; qui, vixdum ingressus hostium fines, quum exerceretur inter equites, ab rapido cursu circumagendo equo effusus, extemplo propè exspiravit. tertius ab eo casu dies finis vitæ consuli fuit. Quo velut omine belli accepto, Deos pro se commisisse bellum memorantes Etrusci sustulere animos. Romæ, tum desiderio viri, tum incommoditate temporis, tristis nuncius fuit : ut Patres ab jubendo dictatore consulis subrogandi comitia, ex sententia principum habita, deterruerint. M. Valerium consulem omnes sententiæ centuriæque dixerunt, quem senatus dictatorem dici jussurus fuerat. tum extemplo in Etruriam ad legiones proficisci jussit. Adventus ejus compressit Etruscos, adeo ut nemo extra munimenta egredi auderet, timorque ipsorum obsidioni similis esset. neque illos novus consul

vastandis agris urendisque testis, quum passim non villæ solum, sed frequentes quoque vici, incendiis fumerent, elicere ad certamen potuit. Quum hoc segnius bellum opinione esset, alterius belli, quod multis in vicem cladibus haud immerito terribile erat, fama Picentium, novorum sociorum, indicio exorta est: *Samnites arma & rebellionem spectare, seque ab iis sollicitatos esse.* Picentibus gratiæ actæ, & magna pars curæ Patribus ab Etruria in Samnites versa est. Caritas etiam annonæ sollicitam civitatem habuit: ventumque ad inopiæ ultimum foret, ut scripsere, quibus ædilem fuisse eo anno Fabium Maximum placet, ni ejus viri cura, qualis in bellicis rebus multis tempestatibus fuerat, talis domi tum in annonæ dispensatione, præparando ac convehendo frumento, fuisset. Eo anno (nec traditur causa) interregnum initum. interreges fuere Ap. Claudius, dein P. Sulpicius. Is comitia consularia habuit. creavit L. Cornelium Scipionem, Cn. Fulvium consules. Principio hujus anni oratores Lucanorum ad novos consules venerunt; questum, quia conditionibus pellicere se nequiverint ad societatem armorum, Samnites infesto exercitu ingressos fines suos vastare, belloque ad bellum cogere. Lucano populo satis superque erratum quondam: nunc ita obstinatos animos esse, ut omnia ferre ac pati tolerabilius ducant, quàm ut unquam postea nomen Romanum violent. Orare Patres, ut & Lucanos in fidem accipiant, & vim atque injuriam ab se Samnitium arceant. Se, quamquam, bello cum Samnitibus suscepto, necessaria jam facta adversus Romanos fides sit, tamen obsides dare paratos esse.

XII. Brevis consultatio senatûs fuit. ad unum omnes jungendum fœdus cum Lucanis, resque repetendas ab Samnitibus, censent. Benignè responsum Lucanis, istumque fœdus. Feciales missi, qui Samnitem decedere agro sociorum, ac deducere exercitum finibus Lucanis juberent. quibus obviam missi ab Samnitibus, qui denunciarent, *Si quod adffent in Samnio concilium,*



*haud inviolatos abituros.* Hæc postquam audita sunt Romæ, bellum Samnitibus & Patres censuerunt, & populus jussit. Consules inter se provincias partiti sunt. Scipioni Etruria, Fulvio Samnites obvenierunt; diverſique, ad ſuum quiſque bellum, proficiſcuntur. Scipioni, ſegne bellum & ſimile prioris anni militiæ expectanti, hoſtes ad Volaterras inſtructo agmine occurrerunt. Pugnatum majore parte diei, magnâ utrinque cæde. nox incertis, quâ data victoriâ eſſet, intervenit. lux inſequens victorem victumque oſtendit. Nam Etruſci ſilentio noctis caſtra reliquerunt. Romanus, egreſſus in aciem, ubi proſeſſione hoſtium conſeſſam victoriâ videt, progreſſus ad caſtra, vacuis cum plurima præda (nam & ſtativa trepidè deſerta fuerant) potitur. inde in Falifcum agrum copiis reductis, quum impedimenta Faleriis cum modico præſidio reliquiſſet, expedito agmine ad depopulandos hoſtium fines incedit. Omnia ferro ignique vaſtantur; prædæ undique actæ: nec ſolum modò vaſtum hoſti relictum, ſed caſtellis etiam vicifque illatus ignis: urbibus oppugnandis temperatum, in quas timor Etruſcos compulerat. Cn. Fulvii conſulis clara pugna in Samnio ad Bovianum haudquaquam ambiguit victoriæ fuit. Bovianum inde aggreſſus, nec ita multo poſt Aufidenam vi cepit.

XIII. Eodem anno Carſeplos colonia in agrum Æquicorum deducta. Fulvius conſul de Samnitibus triumphavit. Quum comitia conſularia inſtarent, fama exorta, Etruſcos Samniteſque ingentes conſcribere exercitus; palam omnibus conciliis vexari principes Etruſcorum, quòd non Gallos quacunque conditione traxerint ad bellum: increpari magiſtratus Samnitium, quòd exercitum, adverſus Lucanum hoſtem comparatum, objecerint Romanis: itaque ſuis ſociorumque viribus conſurgere hoſtes ad bellum, & haudquaquam pari deſungendum eſſe certamine. Hic terror, quum  
illuſtres

illustres viri consulatum peterent, omnes in Q. Fabium Maximum, primò non petentem, deinde, ut inclinata studia vidit, etiam recusantem convertit. *Quid se jam senem, ac perfunctum laboribus laborumque præmiis, sollicitarent? Nec corporis, nec animi vigorem remanere eundem: & fortunam ipsam vereri, ne cui Deorum nimia jam in se, & constantior, quàm velint humana res, videatur. Et se gloria seniorum succrevisse, & ad suam gloriam consurgentes alios latum aspicere. nec honores magnos fortissimis viris Romæ, nec honoribus deesse fortes viros.* Acuebat hac moderatione tam iusta studia; quæ verecundiâ legum restringenda ratus, legem recitari iussit, quâ intra decem annos eundem consulem refici non liceret. Vix præ strepitu audita lex est: tribunique plebis, nihil id impediementi futurum, aiebant: *se ad populum laturos, uti legibus solveretur.* Et ille quidem in recusando perstabat, quid ergo attineret leges ferri, rogitans, quibus per eosdem, qui tulissent, fraus fieret? *Jam regi leges, non regere.* Populus nihilominus suffragia inibat: &, ut quæque intro vocata erat centuria, consulem haud dubiè Fabium dicebat. Tum demum consensu civitatis victus, *Dii approbent, inquit, quod agitis, acturique estis, Quirites. Ceterum, quoniam in me, quod vos vultis, facturum estis, in collega sit mea apud vos gratia locus.* P. Decium, expertum mihi concordî collegio virum, dignum vobis, dignum parente suo, *quæso, mecum consulem faciatis.* Iusta suffragatio visa. omnes, quæ supererant, centuriæ Q. Fabium, P. Decium consules dixerunt. Eo anno plerisque dies dicta ab ædilibus, quia plus, quàm quod lege finitum erat, agri possiderent. nec quisquam ferme est purgatus: vinculumque ingens immodicæ cupiditatis injectum est.

XIV. Consules novi, Q. Fabius Maximus quartum & P. Decius Mus tertium, quum inter se agitarent, uti alter Samnites hostes, alter Etruscos deligeret; quantæque in hanc aut in illam provinciam copiarum fa-

tis, & uter ad utrum bellum dux idoneus magis esset; ab Sutrio & Nepete & Faleriis legati, auctores, concilia Etruriæ populorum de petenda pace haberi, totam belli molem in Samnium averterunt. Profecti consules, quo expeditiores commeatus essent, & incertior hostis quâ venturum bellum foret, Fabius per Soranum, Decius per Sidicinum agrum, in Samnium legiones ducunt. Ubi in hostium fines ventum est, uterque populabundus effuso agmine incedit. explorant tamen latius, quàm populantur. Igitur non sefellere ad Tifernum hostes in occulta valle instructi, quam ingressos Romanos superiore ex loco adoriri parabant. Fabius, impedimentis in locum tutum remotis, præsidioque modico imposito, præmonitis militibus adesse certamen, quadrato agmine ad prædictas hostium latebras succedit. Samnites, desperato improvviso tumultu, quando in apertum semel discrimen evasura esset res, & ipsi acie justâ maluerunt concurrere. itaque & in æquum descendunt, ac fortunæ se, majore animo, quàm spe, committunt. Ceterum, sive quia ex omnium Samnitium populis, quodcunque roboris fuerat, contraxerant, seu quia discrimen summæ rerum augebat animos, aliquantum apertâ quoque pugnâ præbuerunt terroris. Fabius, ubi nulla ex parte hostem loco moveri vidit, M. Fulvium & M. Valerium, tribunos militum, cum quibus ad primam aciem procurrerat, ire ad equites jubet, & adhortari, *ut, si quando unquam equestri ope adjutam rempublicam meminerint, illo die antistantur, ut ordinis ejus gloriam invictam præsent.* Peditum certamine immobilem hostem restare; omnem reliquam spem in impetu esse equitum. & ipsos nominatim juvenes, pari comitate utrumque, nunc laudibus, nunc promissis onerat. Ceterum, quando ne ea quoque tentata vis proficeret, consilio grassandum, si nihil vires juvarent, ratus, Scipionem legatum hastatos primæ legionis subtrahere ex acie, & ad montes proximos, quàm posset occul-

occultissimè, circumducere jūbet: inde ascensu abdito à conspectu erigere in montes agmen, aversoque hosti ab tergo repente se ostendere. Equites, ducibus tribunis, haud multo plus hostibus, quàm suis, ex improvise ante signa eVecti, præbuerunt tumultus. Adversus incitatas turmas stetit immota Samnitium acies, nec parte ullà pelli aut perrumpi potuit. Et, postquam irritum inceptum erat, recepti post signa prælio excesserunt. Crevit ex eo hostium animus; nec sustinere frons prima tam longum certamen incrementemque fiducià sui vim potuisset, ni secunda acies jussu consulis in primum successisset. Ibi integræ vires sistant invohentem se jam Samnitē: & tempore improvisa ex montibus signa clamorque sublati non vero tantum metu terruere Samnitium animos. nam & Fabius Decium collegam appropinquare exclamavit, & pro se quisque miles, *adesse alterum consulem, adesse legiones*, gaudio alacres fremunt; errorque utilis Romanis oblatus fugæ formidinisque Samnites implevit, maximè terribitos, ne ab altero exercitu integro intactoque fessi opprimerentur: &, quia passim in fugam dissipati sunt, minor cædes, quàm pro tanta victoria, fuit, tria millia & quadringenti cæsi: capti trecenti ferme & triginta: signa militaria capta tria & viginti.

XV. Samnitibus Apuli se ante prælium conjunxissent, ni P. Decius consul iis ad Maleventum castra objecisset, extractos deinde ad certamen fudisset. Ibi quoque plus fugæ fuit, quàm cædis. duo millia Apulorum cæsa: spretoque eo hoste, Decius in Samnium legiones duxit. Ibi duo consulares exercitus, diversis vagati partibus, omnia spatio quinque mensium evastarunt. Quadraginta & quinque loca in Samnio fuisse, in quibus Decii castra fuerunt: alterius consulis sex & octoginta. nec valli tantum ac fossarum vestigia relicta, sed multo illis insigniora monumenta vastitatis circà regionumque depopulatarum. Fabius etiam

urbem Cimetricam cepit. ibi capta armatorum duo milia quadringenti: cæsi ferme pugnantes ad quadringentos triginta. Inde, comitiorum causâ Romam profectus, maturavit eam rem agere. quum primò vocatæ Q. Fabium consulem dicerent omnes centuriæ, Ap. Claudius consularis candidatus, vir acer & ambitiosus, non sui magis honoris causâ, quàm ut patricii reciperarent duo consularia loca, quum suis, tum totius nobilitatis viribus, incubuit, ut se cum Q. Fabio consulem dicerent. Fabius primò, de se eadem fere, quæ priore anno, dicendo, abnuere. circumstare sellam omnis nobilitas; orare, ut ex cæno plebeio consulatum extraheret, majestatemque pristinam tum honori, tum patriciis gentibus redderet. Fabius, silentio factò, mediâ oratione studia hominum sedavit. *facturum enim se fuisse dixit, ut duorum patriciorum nomina reciperet, si alium, quàm se, consulem fieri videret: nunc se sui rationem comitiis, quum contra leges futurum sit, pessimo exemplo non habiturum.* Ita L. Volumnius de plebe cum Ap. Claudio consul est factus, priore item consulatu inter se comparati. Nobilitas objectare Fabio, fugisse cum Ap. Claudium collegam, eloquentiâ civilibusque artibus haud dubiè præstantem.

XVI. Comitiiis perfectis, veteres consules jussi bellum in Samnio gerere, prorogato in sex menses imperio. Itaque insequenti quoque anno, L. Volumnio, Ap. Claudio consulibus, P. Decius, qui consul in Samnio relictus à collega fuerat, proconsul idem populari non destitit agros, donec Samnitium exercitum, nusquam se prælio committentem, postremò expulit finibus. Etruriam pulsi petierunt: &, quod legationibus nequicquam sæpe tentaverant, id se tanto agmine armatorum, mixtis terrore precibus, acturos efficacius rati, postulaverunt principum Etruriæ concilium. Quo coacto, per quot annos pro libertate dimicent cum Romanis, exponunt. *omnia expertos esse, si suismet ipsorum viribus*

viribus tolerare tantam molem belli possent: tentasse etiam baud magni momenti finitimarum gentium auxilia: petisse pacem à populo Romano, quam bellum tolerare non possent: rebellasse, quòd pax servientibus gravior, quàm liberis bellum, esset. Unam sibi spem reliquam in Etruscis restare. Scire, gentem Italia opulentissimam armis, viris, pecuniâ, esse: habere accolas Gallos, inter ferrum & arma natos, feroces quum suopte ingenio, tum adversus Romanum populum: quem captum à se auroque redemptum, baud vana jactantes, memorent. Nihil adesse, si sit animus Etruscis, qui Porseue quondam majoribusque eorum fuerit, quin Romanos, omni agro cis Tiberim pulsos, dimicare pro salute sua, non de intolerando Italia regno, cogant. Samnitum illis exercitum paratum, instructum armis, stipendio, venisse: confestim secuturos, vel si ad ipsam Romanam urbem oppugnandam ducant.

XVII. Hæc eos in Etruria jactantes molientesque bellum domi Romanum urebat. nam P. Decius, ubi comperit per exploratores profectum Samnitium exercitum, advocato concilio, *Quid per agros, inquit, vagamur, viciatim circumferentes bellum? quin urbes & mœnia aggredimur? nullus jam exercitus Samnio præsidet. cessare finibus, ac sibimet ipsi exilium conscivere.* Approbantibus cunctis, ad Murgantiam, validam urbem, oppugnandam ducit: tantusque ardor militum fuit, & caritate ducis, & spe majoris, quàm ex agrestibus populationibus, prædæ, ut uno die vi atque armis urbem caperent. ibi duo millia Samnitium & centum pugnantes circumventi captique: & alia præda ingens capta est. quæ ne impedimentis gravibus agmen oneraret, convocari milites Decius jubet. *Hæcine, inquit, victoriæ solâ, aut hac prædâ contenti estis futuri? Vultis vos pro virtute spes gerere? omnes Samnitium urbes, fortunæque in urbibus relicte, vestrae sunt; quando legiones eorum, tot præliis fusas, postremâ finibus expulistis. Vendite ista, & illicite lucro mercatorem, ut sequatur agmen: ego subinde suggeram, quæ vendatis.* Ad Romuleam urbem hinc eamus, ubi

*bi vos labor haud major, praeda major manet.* Divenditâ praeda, ultro adhortantes imperatorem ad Romuleam pergunt. Ibi quoque sine opere, sine tormentis, simul admota sunt signa, nullâ vi deterriti à muris, quâ cuique proximum fuit, scalis raptim admotis, in mœnia evasere. captum oppidum ac direptum est. ad duo millia & trecenti occisi; & sex millia hominum capta; & miles ingenti praeda potitus: quam vendere, sicut priorem, coactus, Ferentinum inde, quanquam nihil quietis dabatur, tamen summâ alacritate ductus. Ceterum ibi plus laboris ac periculi fuit. & defensa summâ vi mœnia sunt, & locus erat munimento naturâque tutus: sed evicit omnia assuetus praeda miles. ad tria millia hostium circa muros cæsa: praeda militis fuit. Hujus oppugnatarum urbium decoris pars major in quibusdam annalibus ad Maximum trahitur. Murgantiam ab Decio, à Fabio Ferentinum Romuleamque oppugnatas tradunt: sunt, qui novorum consulum hanc gloriam faciant. Quidam non amborum, sed alterius, L. Volumnii: ei Samnium provinciam evenisse.

XVIII. Dum ea in Samnio, cujuscunque ductu auspicioque, gererentur; Romanis in Etruria iterum bellum ingens multis ex gentibus concitur; cujus auctor Gellius Egnatius ex Samnitibus erat. Tusci fere omnes consciverant bellum: trahebat contagio proximos Umbriæ populos: & Gallica auxilia mercede sollicitabantur. omnis ea multitudo ad castra Samnitium conveniebat. Qui tumultus repens postquam Romam perlatus est, quum jam L. Volumnius consul cum legionibus secunda ac tertia; sociorumque millibus quindecim profectus in Samnium esset, Ap. Claudium primo quoque tempore in Etruriam ire placuit. duæ Romanæ legiones secutæ, prima & quarta, & sociorum duodecim millia. castra haud procul ab hoste posita. Ceterum magis eo profectum est, quod maturè ventum erat,

rat, ut quosdam spectantes jam arma Etruriæ populos metus Romani nominis comprimeret, quàm quòd ductu consulis quicquam ibi satis scitè aut fortunatè gestum sit. Multa prælia locis & temporibus iniquis commissa: spesque in dies graviolem hostem faciebat. & jam propè erat, ut nec duci milites, nec militibus dux satis fideret. Literas ad collegam arcessendum ex Samnio missas, in trinis annalibus invenio. piget tamen incertum ponere, quum ea ipsa inter consules populi Romani, jam iterum eodem honore fungentes, discrepatio fuerit: Appio abnuente missas; Volumnio affirmante, Appii se literis accitum. Jam Volumnius in Samnio tria castella ceperat, in quibus ad tria millia hostium cæsa erant, dimidium fere ejus captum: & Lucanorum seditiones, à plebeiis & egentibus ducibus ortas, summâ optimatum voluntate per Q. Fabium proconsulem, missum eò cum veteri exercitu, compresserat. Decio depopulandos hostium agros reliquit. ipse cum suis copiis in Etruriam ad collegam perguit: quem advenientem læti omnes accepere. Appium ex conscientia sua credo animum habuisse haud immeritò iratum, si nihil scripserat: illiberali & ingrato animo, si eguerat ope, dissimulantem. Vix enim salute mutuâ redditâ, quum obviâ egressus esset, *Satin' salve*, inquit, *L. Volumni? ut sese in Samnio res habent? Quæ te causa, ut provinciâ tuâ excederes, induxit?* Volumnius in Samnio res prosperas esse ait, literis ejus accitum venisse. *quæ si falsæ fuerint, nec usus sui sit in Etruriâ, extemplo conversis signis abiturum.* Tu verò abeas, inquit, *neque te quisquam moratur: etenim minimè consentaneum est, quum bello tuo forsitan vix sufficias, hîc te ad opem ferendam aliis gloriari venisse.* Bene, Hercules verteret, dicere Volumnius: *malle frustra operam insumptam, quàm quicquam intidisse, cur non satis esset Etruria unus consularis exercitus.*

XIX. Digredientes jam consules legati tribunique ex Appiano exercitu circumstunt; pars imperatorem



suum orare, ne collega auxilium, quod acciendum ultro fuerit, sua sponte oblatum sperneretur: plures abeunti Volumnio obistere atque obtestari, ne pravo cum collega certamine rempublicam prodat. Si qua clades incidisset, desertori magis, quam deserto, noxia fore. Eò rem adductam, ut omne rei bene aut secus gesta in Etruria decus dedecusque ad L. Volumnium sit delegatum. neminem quaesitum, quæ verba Appii, sed quæ fortuna exercitus fuerit. Dimitti ab Appio eum, sed à republica & ab exercitu retineri; experiretur modò voluntatem militum. Hæc monendo obtestandoque, propè resistentes consules in concionem pertraxerunt. ibi orationes longiores habitæ in eandem ferme sententiam, in quam inter paucos certatum verbis fuerat. Et quum Volumnius, causâ superior, ne infacundus quidem adversus eximiam eloquentiam collegæ visus esset; cavillansque Appius, sibi acceptum referre, diceret, debere, quòd ex muto atque elingui facundum etiam consulem haberent: priore consulatu, primis utique mensibus, hiscere eum nequisse, nunc jam populares orationes ferre. Quàm mallet, inquit Volumnius, tu à me strenuè facere, quàm ego abs te scitè loqui didicissem. Postremò conditionem ferre, quæ decretura sit, non orator, (neque enim id desiderare rempublicam) sed imperator uter sit melior. Etruriam & Samnium provincias esse: utram mallet, eligeret. suo exercitu se vel in Etruria, vel in Samnio rem gesturum. Tum militum clamor ortus, ut simul ambo bellum Etruscum susciperent. quo animadverso consensu, Volumnius, Quoniam in collega voluntate interpretanda, inquit, erravi; non committam, ut, quid vos velitis, obscurum sit. manere, an abire me velitis, clamore significate. Tum verò tantus est clamor exortus, ut hostes è castris exciret. armis arreptis in aciem descendunt. & Volumnius signa canere, ac vexilla efferri è castris iussit. Appium addubitasse ferunt, cernentem, seu pugnante, seu quieto se, fore collegæ victoriam: deinde veritum, ne suæ quoque legiones Volumnium sequerentur,

rentur, & ipsum flagitantibus suis signum dedisse. Ab neutra parte satis commodè instructi fuerunt. nam & Samnitium dux Gellius Egnatius pabulatum cum cohortibus paucis ierat; suoque impetu magis milites, quàm cujusquam ductu aut imperio, pugnam capessabant. & Romani exercitus nec pariter ambo ducti, nec satis temporis ad instruendum fuit. Prius concurret Volumnius, quàm Appius ad hostem perveniret. itaque fronte inæquali concursus est: &, velut forte quadam mutante assuetos inter se hostes, Etrusci Volumnio, Samnites, parumper cunctati, quia dux aberat, Appio occurrere. Dicitur Appius in medio pugne discrimine, ita ut inter prima signa manibus ad cælum sublatis conspiceretur, ita precatus esse, *Bellona, si hodie nobis victoriam duis, ast ego templum tibi voveo.* Hæc precatus, velut instigante Deâ, & ipse collegæ & exercitûs virtutem æquavit. Duces imperatoria opera exsequuntur; & milites, ne ab altera parte prius victoria incipiat, annituntur. Ergo fundunt fugantque hostes, majorem molem haud faciliè sustinentes, quàm cum qua manus conferere assueti fuerant. urgendo cedentes, insequendoque effusos compulere ad castra. Ibi, interventu Gellii cohortiumque Sabellarum, paulisper recruduit pugna. iis quoque mox fuffis, jam à victoribus castra oppugnabantur: &, quum Volumnius ipse portæ signa inferret; Appius, Bellonam victricem identidem celebrans, accenderet militum animos, per vallum, per fossas irruperunt. Castra capta direptaque: præda ingens parta & militi concessa est. septem millia ac trecenti hostium occisi, duo millia & centum viginti capti.

XX. Dum ambo consules omnisque Romana vis in Etruscum bellum magis inclinât, in Samnio novi exercitus, exorti ad depopulandos imperii Romani fines, per Vescinos in Campaniam Falernumque agrum transcendunt, ingentesque prædas faciunt. Volumnium,  
magnis

magnis itineribus in Samnium redeuntem, (jam enim Fabio Decioque prorogati imperii finis aderat) fama de Samnitium exercitu populationibusque Campani agri ad tuendos focios convertit. Ut in Calenum agrum venit, & ipse cernit recentia cladis vestigia, & Caleni narrant, tantum jam prædæ hostes trahere, ut vix explicare agmen possint: itaque jam propalam duces loqui, extemplo eundem in Samnium esse; ut, relicta ibi prædâ, in expeditionem redeant, nec tam oneratum agmen dimicationi committant. Ea, quam similia veris erant, certiùs tamen exploranda ratus, dimittit equites, qui vagos prædatores in agros palantes excipiant: ex quibus inquirendo cognoscit, ad Vulturum flumen federe hostem; inde tertiâ vigiliâ moturum: iter in Samnium esse. His satis exploratis profectus, tanto intervallo ab hostibus confedit, ut nec adventus suus propinquitate nimiam nosci posset, & egredientem è castris hostem opprimeret. Aliquanto ante lucem ad castra accessit; gnarosque Oscæ linguæ, exploratum quid agatur, mittit. Intermixti hostibus (quod facile erat in nocturna trepidatione) cognoscunt, infrequentia armatis signa egressa, prædam prædæque custodes exire, ignobile agmen, & sua quemque molientem, nullo inter alios consensu, nec satis certo imperio. Tempus aggrediendi aptissimum visum est: & jam lux appetebat. itaque signa canere jussit; agmenque hostium aggreditur. Samnites, prædâ impediti, infrequentes armati, pars addere gradum, ac præ se agere prædam, pars stare, incerti utrum progredi, an regredi in castra tutius foret, inter cunctationem opprimuntur. & Romani jam transcenderant vallum, caedesque ac tumultus erat in castris. Samnitium agmen, præterquam hostili tumultu, captivorum etiam repentinâ defectione turbatum erat: qui partim ipsi soluti viñctos solvebant: partim arma in sarcinis deligata rapiebant, tumultumque, prælio ipso terribiliorem, intermixti

termixti agmini præbebant. Memorandum deinde e-  
didere facinus: nam Stajum Minacium ducem, adeun-  
tem ordines hortantemque, invadunt. dissipatis inde  
equitibus, qui cum eo aderant, ipsum circumstant,  
insidentemque equo captum ad consulem Romanum  
rapiunt. Revocata eo tumultu prima signa Samniti-  
um: præliumque jam profligatum integratum est, nec  
diutius sustineri potuit. Cæsa ad sex millia hominum:  
duo millia & quingenti capti: in eis tribuni militum  
quatuor: signa militaria triginta: &, quod lætissimum  
victoribus fuit, captivorum recepta septem millia &  
quadringenti; præda ingens sociorum: accitque edi-  
cto domini ad res suas noscendas recipiendasque. Præ-  
stituta die, quarum rerum non existit dominus, mili-  
ti concessæ: coactique vendere prædam, ne alibi, quam  
in armis, animum haberent.

**XXI.** Magnum ea populatio Campani agri tumult-  
um Romæ præbuerat: & per eos fortè dies ex Etru-  
ria allatum erat, post deductum inde Volumnianum  
exercitum Etruriam concitam in arma, & Gellium E-  
gnatium, Samnitium ducem, & Umbros ad defectio-  
nem vocari, & Gallos pretio ingenti sollicitari. His  
nunciis senatus conterritus justitium indici, delectum  
omnis generis hominum haberi jussit. nec ingenui mo-  
dò aut juniores sacramento adaacti, sed senjorum etiam  
cohortes factæ, libertinique centuriati. & defendendæ  
urbis consilia agitabantur; summæque rerum prætor  
P. Sempronius præerat. Ceterum parte curæ exone-  
rârunt senatum L. Volumnii consulis literæ, quibus  
cæsos fusosque populatores Campaniæ cognitum est.  
Itaque & supplicationes ob rem bene gestam consulis  
nomine decernunt. justitium remittitur, quod fuerat  
dies decem & octo, supplicatioque perlata fuit. Tum  
de præsidio regionis, depopulatæ ab Samnitibus, agi-  
tari coeptum. Itaque placuit, ut duæ coloniæ circa  
Vescinum & Falerium agrum deducerentur: una ad  
ostium

ostium Liris fluvii, quæ Minturnæ appellata; altera in saltu Vescino, Falernum contingente agrum, ubi Sinope dicitur Græca urbs fuisse, Sinuesæ deinde ab colonis Romanis appellata. Tribunis plebis negotium datum est, ut plebeiscito juberetur P. Sempronius prætor triumviros in ea loca colonis deducendis creare. nec, qui nomina darent, facile inveniebantur, quia in stationem se propè perpetuam infestæ regionis, non in agros, mitti rebantur. Avertit ab eis curis senatum Etruriæ ingravescens bellum, & crebræ literæ Appii, monentis, ne regionis ejus motum neglegerent: *quatuor gentes conferre arma, Etruscos, Samnites, Umbros, Gallos. jam castra bifariam facta esse, quia unus locus capere tantam multitudinem non possit.* Ob hæc & (jam appetebat tempus) comitiorum causâ L. Volumnius consul Romanam revocatus: qui prius, quàm ad suffragium centurias vocaret, in concionem advocato populo, multa de magnitudine belli Etrusci disseruit. *jam tum, quum ipse ibi cum collega rem pariter gesserit, fuisse tantum bellum, ut nec duce uno, nec exercitu geri potuerit: accessisse postea dici Umbros, & ingentem exercitum Gallorum. Adversus quatuor populos duces consules illo die deligi meminissent. se, nisi consideret, eum consensu populi Romani consulem declaratum iri, qui haud dubiè tum primus omnium ductor habeatur, dictatorem fuisse extemplo dicturum.*

XXII. Nemini dubium erat, quin Q. Fabius omnium consensu destinaretur; eumque & prærogativæ, & primò vocatæ omnes centuriæ consulem cum L. Volumnio dicebant. Fabii oratio fuit, qualis biennio antè: deinde, ut vincebatur consensu, versa postremò ad collegam P. Decium poscendum. *id senectutis sue adminiculum fore: censurâ duobusque consulatibus simul gestis expertum se, nil concordii collegio firmitus ad rempublicam tuendam esse. novo imperii socio vix jam assuescere senilem animum posse: cum moribus notis faciliùs se communiaturum consilia.* Subscripsit orationi ejus consul; quum moris

P. Decii

P. Decii laudibus, tum, *quæ ex concordia consulum bona, quæque ex discordia mala in administratione rerum militarium evenirent*, memorando, *quàm prope ultimum discrimen suis & collega certaminibus nuper ventum foret*: admonendo Decium Fabiumque, *ut uno animo, una mente viverent. esse præterea viros natos militia, factis magnos, ad verborum lingueque certamina rudes: ea ingenia consularia esse. Callidos solertesque, juris atque eloquentia consultos, qualis Ap. Claudius esset, urbi ac foro præfides habendos, prætoresque ad reddenda jura creandos esse*. His agendis dies est consumptus. postridie ad præscriptum consulis & consularia & prætorialia comitia habita. Consules creati Q. Fabius & P. Decius: Ap. Claudius prætor; omnes absentes. & L. Volumnio ex senatusconsulto & scito plebis prorogatum in annum imperium est.

XXIII. Eo anno prodigia multa fuerunt: quorum averruncandorum causâ supplicationes in biduum senatus decrevit. Publicè vinum ac tus præbitum. supplicatum iere frequentes viri feminæque. Insignem supplicationem fecit certamen in sacello Pudicitæ patriciæ, quæ in foro boario est ad ædem rotundam Herculis, inter matronas ortum. Virginiam, Auli filiam, patriciam plebeio nuptam. L. Volumnio consuli, matronæ, quod è Patribus enupsisset, sacris arcuerant. Brevis altercatio inde ex iracundia muliebri in contentionem animorum exarsit. quum se Virginia & patriciam & pudicam in patriciæ Pudicitæ templum ingressam, & uni nuptam, ad quem virgo deducta sit; nec se viri honorumve ejus ac rerum gestarum poenitere, vero gloriaretur. Facto deinde egregio magnifica verba adauxit. in vico Longo, ubi habitabat, ex parte ædium, quod satis esset loci modico sacello, exclusit; aramque ibi posuit. &, convocatis plebeiis matronis, conquesta injuriam patriciarum, *Hanc ego aram, inquit, Pudicitæ plebeia dedico: vosque hortor, ut, quod certamen virtutis viros in hac civitate tenet, hoc pudicitia in-*  
ter

ter matronas sit: detisq; operam, ut hæc ara, quàm illas, si quid potest, sanctius & à castioribus coli dicatur. Eodem ferme ritu & hæc ara, quo illa antiquior, culta est; ut nulla, nisi spectatæ pudicitæ matrona, & quæ uni viro nupta fuisset, jus sacrificandi haberet. Vulgata dein religio à pollutis, nec matronis solùm, sed omnis ordinis feminis, postremò in oblivionem venit. Eodem anno Cn. & Q. Ogulnii ædiles curules aliquot fœneratoribus diem dixerunt: quorum bonis multatis, ex eo, quod in publicum redactum est, ænea in Capitolio limina, & trium mensarum argentea vasa in cella Jovis, Jovemque in culmine cum quadrigis, & ad Ficum Ruminalem simulacra infantium conditorum Urbis sub uberibus lupæ posuerunt; semitamque saxo quadrato à Capena porta ad Martis straverunt. & ab ædilibus plebeiis L. Ælio Pæto & C. Fulvio Curvo, ex multatitia item pecunia, quam exegerunt pecuariis damnatis, ludi facti; pateræque aureæ ad Cereris positæ.

XXIV. Q. inde Fabius quintum & P. Decius quartum consulatum incunt, tribus consulatibus censuræque collegæ; nec gloriâ magis rerum, quæ ingens erat, quàm concordia, inter se clari. quæ ne perpetua esset, ordinum magis, quàm ipsorum, inter se certamen intervenisse reor: patriciis tendentibus, ut Fabius Etruriam extra ordinem provinciam haberet; plebeiis auctoribus Decio, ut ad sortem revocaret. Fuit certè contentio in senatu; &, postquam ibi Fabius plus poterat, revocata res ad populum est. in concione, ut inter militares viros, & factis potius, quàm dictis, fretos, pauca verba habita: Fabius, *quam arborem conseruisset, sub ea legere alium fructum, indignum esse, dicere; se aperuisse Ciminiam silvam, viamque per devios saltus Romano bello fecisse. Quid se id atatis sollicitâssent, si alio duce bellum gesturi essent?* Nimirum, adversarium se, non socium imperii, legisse, sensim exprobrat: & invidisse Decium

cium concordibus collegiis tribus. Postremò, se tendere nihil ultra, quàm ut, si se dignum provinciâ ducerent, in eam mitterent : in senatûs arbitrio se fuisse, & in potestate populi futurum. P. Decius senatûs injuriam querebatur : quoad potuerint, Patres annisos, ne plebeiis aditus ad magnos honores esset : postquam ipsa virtus perwicerit, ne in ullo genere hominum inbonorata esset, queri, quemadmodum irrita sint non suffragia modò populi, sed arbitria etiam fortuna, & in paucorum potestatem vertantur. Omnes ante se consules sortitos provincias esse ; nunc extra sortem Fabio senatum provinciam dare. Si honoris ejus causâ : ita cum de se, deque republica meritum esse, ut faveat Q. Fabii gloria, quâ modò non suâ contumeliâ splendeat. Cui autem dubium esse, ubi novum bellum sit asperum ac difficile, quum id alteri extra sortem mandetur, quin alter consul pro supervacaneo atque inutili babeatur ? Gloriari Fabium rebus in Etruria gestis. velle & P. Decium gloriari : & forsitan, quem ille obrutum ignem reliquerit, ita ut toties novum ex improvîso incendium daret, cum se exstincturum. Postremò se collega honores præmiæque concessurum verecundiâ ætatis ejus majestatisque ; quum periculum, quum dimicatio propòsita sit, neque cedere suâ sponte, neque cessurum. & si nihil aliud ex eo certamine tulerit, illud certè laturum, ut, quod populi sit, populus jubeat potius, quàm Patres gratificentur. Jovem optimum maximum Deosque inmortales se precari, ut ita sortem æquam sibi cum collega dent, si eandem virtutem felicitatemque in bello administrando daturi sint. certè id & naturâ æquum, & exemplo utile esse, & ad famam populi Romani pertinere, eos consules esse, quorum utrolibet duce bellum Etruscum geri rectè possit. Fabius, nihil aliud precatus populum, quàm ut prius, quàm intro vocarentur ad suffragium tribus, Ap. Claudii prætoris allatas ex Etruria literas audirent, comitio abit. nec minore populi consensu, quàm senatûs, provincia Etruria extra sortem Fabio decreta est.

XXV. Concursus inde ad consulem factus omnium ferme juniorum : & pro se quisque nomina dabant.

tanta



tanta cupido erat sub eo duce stipendia faciendi. Quā circumfusus turbā, *Quatuor millia, inquit, peditum & sexcentos equites duntaxat scribere in animo est: hodierno & crastino die qui nomina dederitis, mecum ducam. majori mihi cura est, ut omnes locupletes reducam, quā ut multis rem geram militibus.* Profectus ap̄to exercitu, & eo plus fiducia ac spei gerente, quod non desiderata multitudo erat, ad oppidum Aharnam, unde haud procul hostes erant, ad castra Appii prætoris pergit. paucis citrà millibus lignatores ei cum præsidio occurrunt, qui, ut lictores prægredi viderunt, Fabiumque esse consulem accepere, læti atque alacres Diis populoque Romano grates agunt, quod eum sibi imperatorem misissent. Circumfusi deinde quum consulem salutarent, quærit Fabius, quod pergerent; respondentibusque, lignatum se ire, *ain' tandem, inquit, num castra vallata non habetis?* Ad hoc quum succlamatum esset; duplici quidem vallo, & fossâ, & tamen in ingenti metu esse: *habetis igitur, inquit, affatim lignorum. redite, & vellite vallam.* Redeunt in castra, terroremque ibi, vellentem vallum, & iis, qui in castris remanserant, militibus, & ipsi Appio fecerunt. Tum pro se quisque alii aliis dicere, *consulis se Q. Fabii facere jussu.* Postero inde die castra mota, & Appius prætor Romam dimissus. inde nusquam stativa Romanis fuere. negabat utile esse, uno loco sedere exercitum: itineribus ac mutatione locorum nobiliorem ac salubriorem esse. fiebant autem itinera, quanta fieri sinebat hiems haudum exacta. Vere inde primo, relicta secundâ legione ad Clusium, quod Camars olim appellabant, præpositoque castris L. Scipione proprætore, Romam ipse ad consultandum de bello rediit: sive ipse sponte suâ, quia bellum ei majus in conspectu erat, quā quantum esse famæ crederat; sive senatusconsulto accitus. nam in utrumque auctores sunt. Ab Ap. Claudio prætore retractum quidam videri volunt; quum in senatu & apud populum

(id

(id quod per literas assidue fecerat) terrorem belli Etrusci augeret: *non suffecturum ducem unum, nec exercitum unum, adversus quatuor populos. Periculosum esse, sive juncti unum premant, sive id diversi gerant bellum, ne ad omnia simul obire unus non possit. Duas se ibi legiones Romanas reliquisse: & minus quinque millia peditum equitumque cum Fabio venisse. sibi placere, P. Decium consulem primo quoque tempore in Etruriam ad collegam proficisci: L. Volumnio Samnium provinciam dari. Si consul malit in suam provinciam ire, Volumnium in Etruriam ad consulem cum exercitu iusto consulari proficisci.* Quum magnam partem moveret oratio prætoris, P. Decium censuisse ferunt, ut omnia integra ac libera Q. Fabio servarentur, donec vel ipse, si per commodum reipublicæ posset, Romam venisset, vel aliquem ex legatis misisset; à quo disceret senatus, quantum in Etruria belli esset, quantisque administrandum copiis, & quot per duces esset.

XXVI. Fabius, ut Romam rediit, & in senatu & productus ad populum mediam orationem habuit, ut nec augere, nec minuere videretur belli famam; magisque in altero assumendo duce aliorum indulgere timori, quàm suo aut reipublicæ periculo consulere. *ceterum, si sibi adiutorem belli sociumque imperii darent, quonam modo se oblivisci P. Decii consulis per tot collegia experti posse? Neminem omnium secum conjungi malle: & copiarum satis sibi cum P. Decio, & nunquam nimium hostium fore. Sin collega quid aliud malit, at sibi L. Volumnium darent adiutorem.* Omnium rerum arbitrium & à populo, & à senatu, & ab ipso collega, Fabio permisum est. & quum P. Decius se in Samnium vel in Etruriam proficisci paratum esse ostendisset, tanta lætitia ac gratulatio fuit, ut præciperetur victoria animis, triumphusque, non bellum, decretum consulibus videretur. Invenio apud quosdam, extemplo, consulatu inito, profectos in Etruriam Fabium Deciumque, sine ulla mentione sortis provinciarum certaminumque inter collegas,

collegas, quæ exposui. Sunt, quibus ne hæc quidem certamina exponere fatis fuerit. adjecerunt & Appii criminationes de Fabio absente ad populum, & pertinaciam adversus præsentem consulem prætoris, contentionemque aliam inter collegas, tendente Decio, ut suæ quisque provinciæ fortem tueretur. Constare res incipit ex eo tempore, quo profecti ambo consules ad bellum sunt. Ceterum, antequam consules in Etruriam pervenirent, Senones Galli multitudine ingenti ad Clusium venerunt, legionem Romanam castraque oppugnaturi. Scipio, qui castris præerat, loco adjuvandum paucitatem suorum militum ratus, in collem, qui inter urbem & castra erat, aciem erexit. Sed, ut in re subita, parum explorato itinere ad jugum perrexerit, quod hostes ceperant, parte aliâ egressi. ita cæsa ab tergo legio, atque in medio, quum hostis undique urgeret, circumventa. Deletam quoque ibi legionem, ita ut nuncius non superesset, quidam auctores sunt; nec ante ad consules, qui jam haud procul à Clusio aberant, famam ejus cladis perlatam, quam in conspectu fuere Gallorum equites, pectoribus equorum suspensa gestantes capita, & lanceis infixæ, ovantesque moris sui carmine. Sunt, qui Umbros fuisse, non Gallos, tradant; nec tantum cladis acceptum: & circumventis pabulatoribus cum L. Manlio Torquato legato Scipionem proprætorem subsidium è castris tulisse, viatoresque Umbros, redintegrato prælio, victos esse, captivosque eis ac prædam ademptam. Similius vero est, à Gallo hoste, quam Umbro, eam cladem acceptam; quod, quum sæpe aliàs, tum eo anno, Gallici tumultus præcipuus terror civitatem tenuit. Itaque præterquam quod ambo consules profecti ad bellum erant cum quatuor legionibus, & magno equitatu Romano, Campanisque mille equitibus delectis, ad id bellum missis, & sociorum nominisque Latini majori exercitu, quam Romani; alii duo exercitus haud procul urbe

urbe Etruriæ oppositi, unus in Falisco, alter in Vaticano agro. Cn. Fulvius & L. Postumius Megellus, proprætores ambo, stativa in eis locis habere jussi.

XXVII. Consules ad hostes, transgresso Apennino, in agrum Sentinatem pervenerunt. Ibi quatuor milium ferme intervallo castra posita. Inter hostes deinde consultationes habitæ: atque ita convenit, ne unis castris miscerentur omnes, neve in aciem descenderent simul. Samnitibus Galli, Etruscis Umbri adjecti. dies indicta pugnæ: Samniti Gallisque delegata pugna: inter ipsum certamen Etrusci Umbrique jussi castra Romana oppugnare. Hæc consilia turbârunt transfugæ Clusini tres, clam nocte ad Fabium consulem transgressi. qui, editis hostium consiliis, dimissi cum donis, ut subinde, ut quæque res nova decreta esset, exploratam perferrent. Consules Fulvio, ut ex Falisco, Postumio, ut ex Vaticano exercitum ad Clusium admoveant, summâque vi fines hostium depopulentur, scribunt. Hujus populationis fama Etruscos ex agro Sentinate ad suos fines tuendos movit. Instare inde consules, ut absentibus iis pugnaretur: per biduum laceffiere prælio hostem. biduo nihil dignum dictu actum. Pauci utrinque cecidere: magisque irritati sunt ad justum certamen animi, quàm ad discrimen summæ rerum adducta. tertio die descensum in campum omnibus copiis est. Quum instructæ acies starent, cerva fugiens lupum è montibus exacta per campos inter duas acies decurrit: inde diversæ feræ, cerva ad Gallos, lupus ad Romanos cursum deflexit. Lupo data inter ordines via; cervam Galli confixere. Tum ex antesignanis Romanus miles, *Illac fuga, inquit, & cedes vertit, ubi sacram Diana feram jacentem videtis. Hinc victor Martius lupus, integer & intactus, gentis nos Martia & conditoris nostri admonuit.* Dextro cornu Galli, sinistro Samnites constiterunt. adversus Samnites Q. Fabius primam ac tertiam legiones pro dextro cornu; ad-

versus

versus Gallos pro sinistro Decius quintam & sextam instruxit. secunda & quarta cum L. Volumnio proconsole in Samnio gerebant bellum. Primo concursu adeo æquis viribus gesta res est, ut, si adfuissent Etrusci & Umbri, aut in acie, aut in castris, quocunque se inclinassent, accipienda clades fuerit. -

XXVIII. Ceterum, quanquam communis adhuc Mars belli erat, necdum discrimen fortuna fecerat, quæ datura vires esset, haudquaquam similis pugna in dextro lævoque cornu erat. Romani apud Fabium arcebant magis, quam inferebant, pugnam; extrahebaturque in quàm maximè ferum diei certamen: quia ita persuasum erat duci, & Samnites & Gallos primo impetu feroces esse, quos sustineri satis sit; longiore certamine sensim residere Samnitium animos: Gallorum quidem etiam corpora intolerantissima laboris atque æstus fluere; primaque eorum prælia plus quàm virorum, postrema minus quàm feminarum esse. In id tempus igitur, quo vinci solebat hostis, quàm integerimas vires militi servabat. Ferocior Decius & ætate & vigore animi, quantumcunque virium habuit, certamine primo effudit. &, quia lentior videbatur pedestris pugna, equitatum in pugnam concitat: & ipse, fortissimæ juvenum turmæ immixtus, orat proceres juventutis, in hostem ut secum impetum faciant: duplicem illorum gloriam fore, si ab lævo cornu & ab equite victoria incipiat. Bis avertere Gallicum equitatum. iterum longius evestos, & jam inter media equitum agmina prælium cientes, novum pugnae conterruit genus: effedis carrisque superstans armatus hostis ingenti sonitu equorum rotarumque advenit, & insolitos ejus tumultus Romanorum conterruit equos. Ita victorem equitatum velut lymphaticus pavor dissipat: sternit inde ruentes equos virosque improvida fuga. Turbata hinc etiam signa legionum: multique impetu equorum ac vehiculorum raptorum per agmen obtriti antesignani:

ni: & infecuta, simul territos hostes vidit, Gallica acies nullum spatium respirandi recipiendique se dedit. Vociferari Decius, *Quò fugerent? quamve in fuga spem haberent?* obistere cedentibus, ac revocare fusos. deinde, ut nullà vi perculsos sustinere poterat, patrem P. Decium nomine compellans, *Quid ultrà moror, inquit, familiare fatum? Datum hoc nostro generi est, ut luendis periculis publicis piacula simus. Jam ego tecum hostium legiones mactandas Telluri ac Dìs Manibus dabo.* Hæc locutus M. Livium pontificem, quem, descendens in aciem, digredi vetuerat ab se, præire jussit verba, quibus se legionesque hostium pro exercitu populi Romani Quiritium devoveret. Devotus inde eadem precatione eodemque habitu, quo pater P. Decius ad Veferim bello Latino se jusserat devoveri. Quum secundum solennes precationes adjecisset, *præ se agere sese formidinem ac fugam, cademque ac cruorem, cælestium, inferorum iras: contacturum funebribus diris signa, tela, arma hostium; locumque eundem suæ pestis & Gallorum ac Samnitium fore.* Hæc exsecratus in se hostesque, quâ confertissimam cernebat Gallorum aciem, concitat equum: inferensque se ipse infectis telis est interfectus.

XXIX. Vix humanæ inde opis videri pugna potuit. Romani, duce amisso, quæ res terrori aliàs esse solet, sistere fugam, ac novam de integro velle instaurare pugnam. Galli, & maximè globus circumstantis confusis corpus, velut alienatâ mente, vana incassum jactare tela. torpere quidam, & nec pugnæ meminisse, nec fugæ. At ex parte altera pontifex Livius, cui liſtores Decius tradiderat, jusseratque proprætorem esse, vociferari, *Vicisse Romanos, defunctos consulis fato. Gallos Samnitesque Telluris matris ac Deorum Manium esse. Rapere ad se ac vocare Decium devotam secum aciem; furiarumque ac formidinis plena omnia ad hostes esse.* Superveniunt deinde his restituentibus pugnam L. Cornelius Scipio & C. Marcius, cum subsidis ex novissima acie jussu Q.

Fabii consulis ad præsidium collegæ missi. ibi auditur P. Decii eventus, ingens hortamen ad omnia pro republica audenda. Itaque quum Galli structis ante se scutis conferti starent, nec facilis pede collato videretur pugna; jussu legatorum collecta humi pila, quæ strata inter duas acies jacebant, atque in testudinem hostium coniecta. quibus plerisque in scuta, verutis in corpora ipsa fixis, sternitur cuneus; ita ut magna pars integris corporibus attoniti conciderent. hæc in sinistro cornu Romanorum fortuna variaverat. Fabius in dextro, primò (ut ante dictum est) cunctando extraxerat diem: deinde, postquam nec clamor hostium, nec impetus, nec tela missa, eandem vim habere visa; præfectis equitum jussis ad latus Samnitium circumducere alas, ut signo dato in transversos, quanto maximo possent impetu, incurrerent; sensim suos signa inferre jussit, & commovere hostem. Postquam non resisti vidit, & haud dubiam lassitudinem esse; tum, collectis omnibus subsidiis, quæ ad id tempus reservaverat, & legiones concitavit, & signum ad invadendos hostes equitibus dedit. Nec sustinuerunt Samnites impetum; præterque aciem ipsam Gallorum, relictis in dimicatione sociis, ad castra effuso cursu ferebantur. Galli, testudine factâ, conferti stabant. Tum Fabius, auditâ morte collegæ, Campanorum alam, quingentos ferè equites, excedere acie jubet, & circumvectos ab tergo Gallicam invadere aciem: tertiæ deinde legionis subsequi principes, & quâ turbatum agmen hostium viderent impetu equitum, instare ac terribiles cadere. Ipse ædem Jovi Victori spoliaque hostium quum vovisset, ad castra Samnitium perrexit; quo multitudo omnis confternata agebatur. Sub ipso vallo, quia tantam multitudinem portæ non recepere, tentata ab exclusis turbâ suorum pugna est. Ibi Gellius Egnatius imperator Samnitium cecidit. compulsi deinde intra vallum Samnites, parvoque certamine capta castra, & Galli

Galli ab tergo circumventi. Cæsa eo die hostium viginti quinque millia, octo capta. Nec incruenta victoria fuit. nam ex P. Decii exercitu cæsa septem millia; ex Fabii, mille ac ducenti. Fabius, dimissis ad quærendum collegæ corpus, spolia hostium coniecta in acervum Jovi Victori cremavit. Consulis corpus eo die, quia obrutum superstratis Gallorum cumulis erat, inveniri non potuit. postero die inventum relatumque est cum multis militum lacrimis. Intermissa inde omnium aliarum rerum curâ, Fabius collegæ super omni honore laudibusque moritis celebrat.

XXX. Et in Etruria per eisdem dies ab Cn. Fulvio prætoris res, ex sententia gesta; & præter ingentem illatam populationibus agrorum hosti cladem, pugnatum etiam egregie est. Perusinorumque & Clusinarum cæsa amplius millia tria, & signa militaria ad viginti capta. Samnitium agmen, quum per Pelignum agrum fugeret, circumventum à Pelignis est. ex millibus quinque ad mille cæsi. Magna ejus dici, quo in Scatinati agro bellatum, fama est, etiam vero stanti socii superjecere quidam augendo fidem; qui in hostium exercitu peditum centum quadraginta millia, trecentos triginta, equitum quadraginta sex millia, mille carpentorum scripsere fuisse: scilicet cum Umbris Tusculisque, quos & ipsos pugnae adfuisse. & ut Romanorum quoque augerent copias, L. Volumnium pro consule duce consulis, exercitumque ejus legionibus consulari adjiciunt. In pluribus annalibus duorum ea consulum propria victoria est. Volumnium in Samnio interea res gerit, Samnitiumque exercitum, in Tiferinum montem compulsum, non deterritus iniquitate loci, fundit fugatque. Q. Fabius, Deciano exercitu relicto in Etruria, suis legionibus deductis ad urbem, de Gallis Etruscisque ac Samnitibus triumphavit. milites triumphantem secuti sunt. Celebrata inconditis carminibus militibus non magis victoria Q. Fabii, quam



mors præclara P. Decii est: excitataque memoria parentis, æquata eventu publico privatoque filii laudibus. Data ex præda militibus æris octogeni bini, sagaque & tunicæ; præmia illâ tempestate militiæ haudquaquam spernenda.

XXXI. His ita rebus gestis, nec in Samnitibus adhuc, nec in Etruria pax erat. nam &, Perusinis auctoribus, post deductum ab consule exercitum rebellatum fuerat: & Samnites prædatum in agrum Vescinum Formianumque, & parte aliâ in Æserninum, quæ Vulturno adjacent flumini, descendere. Adversus eos Ap. Claudius prætor cum exercitu Deciano missus. Fabius in Etruria rebellante denuo quatuor millia & quingentos Perusinorum occidit: cepit ad mille septingentos quadraginta: qui redempti singuli æris trecentis decem. præda alia omnis militibus concessa. Samnitium legiones, quum partim Ap. Claudius prætor, partim L. Volumnus pro consule sequeretur, in agrum Stellatem convenerunt. ibi & Samnitium legiones omnes confidunt, & Appius Volumnusque castra conjungunt. Pugnatum infestissimis animis, hinc irâ stimulante adversus rebellantes toties, illinc ab ultima jam dimicantibus spe. Cæsa ergo Samnitium sexdecim millia trecenti, capta duo millia septingenti. ex Romano exercitu cecidere duo millia septingenti. Felix annus bellicis rebus, pestilentia gravis, prodigiisque sollicitus. nam, & terram multifariam pluuisse, & in exercitu Ap. Claudii plerosque fulminibus ictos, nuntiatus est: librique ob hæc aditi. Eo anno Q. Fabius Gurgæ, consulis filius, aliquot matronas ad populum stupri damnatas pecuniâ multavit. ex quo multaticio ære Veneris ædem, quæ prope Circum est, faciendam curavit. Superfunt etiam nunc Samnitium bella, quæ continua per quartum jam volumen annumque sextum & quadragesimum, à M. Valerio, A. Cornelio consulibus, qui primi Samnio arma intulerunt, agimus:

agimus : & ne tot annorum clades utriusque gentis laboresque actos nunc referam, quibus nequiverint tamen dura illa pectora vinci ; proximo anno Samnites in Sentinati agro, Pelignis, ad Tifernum, Stelatibus campis, suis ipsi legionibus, mixti alienis, ab quatuor exercitibus, quatuor ducibus Romanis cæsi fuerant, imperatorem clarissimum gentis suæ amiserant ; socios belli, Etruscos, Umbros, Gallos, in eadem fortuna videbant, quâ ipsi erant : nec suis, nec externis viribus jam stare poterant ; tamen bello non abstinebant. adeo ne infelicitè quidem defensæ libertatis tædebat : & vinci, quàm non tentare victoriam, malebant. Quinam sit ille, quem non pigeat longinquitatis bellorum scribendo legendoque, quæ gerentes non fatigaverunt ?

XXXII. Q. Fabium, P. Decium, L. Postumius Megellus & M. Atilius Regulus consules secuti sunt. Samnium ambobus decreta provincia est ; quia tres scriptos hostium exercitus, uno Etruriam, altero populationes Campaniæ repeti, tertium tuendis parari finibus, fama erat. Postumium valetudo adversa Romæ tenuit : Atilius extemplo profectus, ut in Samnio hostes (ita enim placuerat Patribus) nondum egressos opprimeret. Vekut ex composito ibi obvium habuere hostem ; ubi & intrare, nedum vastare, ipsi Samnitium agrum prohiberentur : & egredi inde in pacata sociorumque populi Romani fines Samnitum prohiberent. Quum castra castris collata essent, quod vix Romanus toties victor auderet, ausi Samnites sunt (tantum desperatio ultima temeritatis facit) castra Romana oppugnare. & quanquam non venit ad finem tam audax inceptum, tamen haud omnino vanum fuit. Nebula erat ad multum diei densa adeo, ut lucis usum eriperet, non prospectu modò extra vallum adempto, sed propinquo etiam congregientium inter se conspectu. Hac velut latebrâ insidiarum freti Samnites, vixdum satis certâ luce, & eam ipsam premente

caligine, ad stationem Romanam in porta segniter agentem vigilas perveniunt. Improvisò oppressis nec spemi satis ad resistendum, nec virium fuit. Ab tergo castrorum decernantà portà impetus factus. itaque captum quæstorium : quæstorque ibi L. Opimius Pansa occisus. conclamatum inde ad arma.

XXXIII. Consul, tumultu excitus, cohortes duas sociorum, Lucanam Sueffianamque, quæ proximæ fortè erant, tueri prætorium jubet : manipulos legionum principali viâ inducit. Vixdum satis aptatis armis, in ordines eunt : & clamore magis, quàm oculis, hostem noscunt : nec, quantus numerus sit, æstimari potest. Cedunt primò incerti fortunæ suæ, & hostem introrsum in media castra accipiunt. inde quum consul vertiseretur, *expulsine extra vallum, castra deinde sua oppugnaturi essent*, rogans ; clamore sublato commisi primò resistunt : deinde inferunt pedem urgentque, & impulsos semel terrore eodem agunt, quo cœperunt. Expellunt extra portam vallumque. inde pergere ac persequi (quia turbida lux metum circa insidiarum faciebat) non ausi, liberatis castris contenti, receperunt. Te intra vallum trecentis ferme hostium occisis. Romanorum stationis primæ vigiliumque & eorum, qui circa quæstorium oppressi, perire ad ducentos triginta. Animos inde Samnitibus non infelix audacia auxit ; & non modò proferre inde castra Romanum, sed ne pabulari quidem per agros suos, patiebantur. retro in pacatum Soranum agrum pabulatoris ibant. Quarum rerum fama, tumultuosior etiam, quàm res erant, perlata Romam, coëgit L. Postumium consulem, vixdum validum, proficisci ex urbe. Priùs tamen, quàm exiret, militibus edicto Soram jussis convenire, ipse ædem Victoriæ, quam ædilis curulis ex mulctaticia pecunia faciendam curaverat, dedicavit. Ita ad exercitum profectus, ab Sora in Samnium ad castra collegæ perrexit. inde postquam Samnites, diffusi duobus exerci-

exercitibus resisti posse, recesserunt; diversi consules ad vastandos agros urbesque oppugnandas discedunt.

XXXIV. Postumius Miloniam oppugnare adortus, vi primò atque impetu, dein, postquam ea parum procedebant, opere ac vineis demum injunctis muro cepit. Ibi, captà jam urbe, ab hora quarta usque ad octavam ferè horam omnibus partibus urbis diu incerto eventu pugnatum est. postremò potitur oppido Romanus. Samnitium cæsi tria millia ducenti: capti quatuor millia ducenti, præter prædam aliam. Inde Ferentinum ductæ legiones: unde oppidani cum omnibus rebus suis, quæ ferri agique potuerunt, nocte per averfam portam silentio excesserunt. Igitur, simul advenit consul, primò ita compositus instructusque mœnibus successit, tanquam idem, quod ad Miloniam fuerat, certaminis foret: deinde, ut silentium vastum in urbe, nec arma, nec viros in turribus ac muris vidit, avidum invadendi deserta mœnia militem detinet, ne quam occultam in fraudem incautus rueret. Duas turmas sociorum Latini nominis circumequitare mœnia, atque explorare omnia jubet. equites portam unam alteramque eadem regione in propinquo patentes conspiciunt, itineribusque iis vestigia nocturnæ hostium fugæ. Adequitant deinde sensim portis, urbemque ex tuto rectis itineribus perviam conspiciunt: ad consulem referunt, excessum urbe; solitudine hæud dubià id perspicuum esse, & recentibus vestigiis fugæ, ac strage rerum in trepidatione nocturna passim relictarum. His auditis, consul ad eam partem urbis, quâ adierant equites, circumducit agmen: constitutisque hæud procul porta signis, quinque equites jubet intrare urbem, & modicum spatium progressos, tres manere eodem loco, si tuta videantur; duos explorata ad se referre. Qui ubi redierunt, retuleruntque, eò se progressos, unde in omnes partes circumspectus esset, longè latèque silentium ac solitudinem vidisse; extemplo consul

cohortes expeditas in urbem induxit; ceteros interim castra communire iussit. ingressi milites, refractis foribus, paucos graves ætate aut invalidos inveniunt, relictæque, quæ migratu difficilia essent. Ea direpta; & cognitum ex captivis est, communi consilio aliquot circâ urbes conscisse fugam; suos primâ vigiliâ profectos. credere, eandem in aliis urbibus solitudinem inventuros. Dictis captivorum fides existit: desertis oppidis consul potitur.

XXXV. Alteri consuli M. Atilio nequaquam tam facile bellum fuit. Quum ad Luceriam duceret legiones, quam oppugnari ab Samnitibus audierat, ad finem Lucerinum ei hostis obvius fuit. ibi ira vires æquavit. Prælium varium & anceps fuit: tristius tamen eventu Romanis; & quia insueti erant vinci, & quia digredientes magis, quàm in ipso certamine, senserunt, quantum in sua parte plus vulnery ac cædis fuisset. Itaque is terror in castris ortus, qui si pugnantes cepisset, insignis accepta clades foret. Tum quoque sollicita nox fuit jam invasurum castra Samnitum credentibus, aut primâ luce cum victoribus conferendas manus. Minus cladis, ceterum non plus animorum, ad hostes erat. ubi primum illuxit, abire sine certamine cupiunt. Sed via una, & ea ipsa præter hostes, erat: quâ ingressi, præbuere speciem rectâ tendentium ad castra oppugnanda. Consul arma capere milites jubet, & sequi se extra vallum: legatis, tribunis, præfectis sociorum imperat, quod apud quemque factum opus est. Omnes affirmant, se quidem omnia facturos, sed militum jacere animos. totâ nocte inter vulnera & gemitus morientium vigilatum esse. Si ante lucem ad castra ventum foret, tantum pavoris fuisse, ut relicturi signa fuerint: nunc pudore à fuga contineri, alioquin pro victis esse. Quæ ubi consul accepit, sibimet ipsi circumeundos alloquendosque milites ratus, ut ad quosque venerat, cunctantes arma capere increpabat; *Quid cessarent, tergiver-*

*tergiverfarenturque? Hostem in castra venturum, nisi illi extra castra exissent: & pro tentoriis suis pugnatos, si pro vallo nollent. armatis ac dimicantibus dubiam victoriam esse. Qui nudus atque incermis hostem maneat, ei aut mortem, aut servitutem patiendam. Hæc jurganti increpantique respondabant: confectos se pugna besterna esse: nec virium quicquam, nec sanguinis superesse. majorem multitudinem hostium apparere, quàm pridie fuerit. Inter hæc appropinquabat agmen: & jam breviori intervallo certiora intuentes, vallum secum portare Samnitum affirmant, nec dubium esse, quin castra circumvallaturî sint. Tunc, enimvero consul, indignum facinus esse, vociferari, tantam contumeliam ignominiamque ab ignavissimo accipi hoste. Etiamne circumfedeberimur, inquit, in castris, ut fame potius per ignominiam, quàm ferro, si necesse est, per virtutem, moriamur? Dii bene verterent, facerentque, quod se dignum quisque ducerent. Consulem M. Atilium vel solum, si nemo alius sequatur, iturum adversus hostes: casurumque inter signa Samnitum potius, quàm circumvallari castra Romana videat. Dicta consulis legati, tribunique, & omnes turmæ equitum, & centuriones primorum ordinum, approbavere. Tum pudore victus miles segniter arma capit, segniter è castris egreditur: longo agmine, nec continenti, mæsti ac propè vîsti procedunt adversus hostem, nec spe, nec animo certiozem. Itaque simul conspecta sunt Romana signa, extemplo à primo Samnitium agmine ad novissimum fremitus perfertur, Exire, id quod timuerint, ad impediendum iter Romanos. Nullam inde ne fugæ quidem patere viam. illo loco aut cadendum esse, aut, stratis hostibus, per corpora eorum evadendum.*

XXXVI. In mediis sarcinas conjiciunt; armati suis quisque ordinibus instruunt aciem. Jam exiguum inter duas acies erat spatium, & stabant expectantes, dum ab hostibus prius impetus, prius clamor inciperet. neutris animus est ad pugnandum. Diver-

hique integri atque intacti abissent, ni cedenti instaturum alterum timuissent. Iuâ sponte inter invitos tergiversantesque segnis pugna, clamore incerto atque impari, cœpit: nec vestigio quisquam movebatur. Tum consul Romanus, ut rem excitaret, equitum paucas turmas extra ordinem immisit: quorum quum plerique delapsi ex equis essent, & alii turbati; & ab Samnitium acie ad opprimendos eos, qui ceciderant, & ad suos tuendos ab Romanis procursum est. Inde paululum irritata pugna est, sed aliquanto & impigre magis, & plures procurrerant Samnites: & turbatus eques sua ipse subsidia territis equis proculcavit. hinc fuga cœpta totam avertit aciem Romanam. Jamque in terga fugientium Samnites pugnabant, quum consul, equo prævectus ad portam castrorum, ac statione equitum ibi opposita, edicto, *ut, quicumque ad vallum tenderet, sive ille Romanus, sive Samnis esset, pro hoste haberent*; hæc ipsa minitans, obstitit profusè tendentibus suis in castra. *Quò pergis, inquit, miles? & hic arma & viros invenies. nec, vivo consule tuo, nisi victor castra intrabis. proinde elige, cum cive, an hoste, pugnare malis.* Hæc dicente consule, equites infestis cuspidibus circumfunduntur, ac peditem in pugnam redire jubent. Non virtus solum consulem, sed fors etiam adjuvit; quòd non insisterunt Samnites, spatiumque circumagendi signa, vertendique aciem à castris in hostem fuit. Tum alii alios hortari, ut repeterent pugnam: centuriones ab signiferis rapta signa inferre: & ostendere suis, paucos & ordinibus incompositis effusè venire hostes. Inter hæc consul, manus ad cœlum attollens, voce clara, ita ut exaudiretur, templum Jovi Statori vovet, si constitisset à fuga Romana acies, redintegratoque prælio cecidisset vicissetque legiones Samnitium. Omnes undique annisi ad restituendam pugnam, duces, milites, peditum equitumque vis: numen etiam Deorum, respexisse nomen Romanum visum, adeo facilè inclinata,

lata res, repulsiq; à castris hostes; mox etiã redacti ad eum locum, in quo commissã pugna erat. Ibi, obiacente sarcinarum cumulo, quas conjecerant in medium, hædere impediti: deinde, ne diriperentur res, orbem armatorum sarcinis circumdant. Tum verò eos à fronte urgere pedites, ab tergo circumvesti equites. ita in medio cæsi captique. Captivorum numerus fuit septem millium ac ducentorum, qui omnes nudi sub jugum missi. cæsos retulere ad quatuor millia octingentos. Ne Romanis quidem læta victoria fuit. recensente consule biduo acceptam cladem, amissorum militum numerus relatus septem millium ac ducentorum. Dum hæc in Apulia gerebantur, altero exercitu Samnites Interamnam, coloniam Romanam, quæ viã Latinã est, occupare conati, urbem non tenuerunt: agros depopulati quum prædam aliam inde mixtam hominum atque pecudum, colonosque captos agerent, in victorem incidunt consulem, ab Luceria redeuntem: nec prædam solum amittunt, sed ipsi longo atque impedito agmine incompediti cæduntur. Consul, Interamnam edito dominis ad res suas noscendas recipiendasque revocatis, & exercitu ibi relicto, comitiorum causã Romam est profectus. Cui de triumpho agenti negatus honos, & ob amissa tot millia militum, & quod captivos sine pactione sub jugum misisset.

XXXVII. Consul alter Postumius, quia in Samnitibus materia belli deerat, in Etruriam traducto exercitu, primùm pervastaverat Volsiniensem agrum: deinde egressis ad tuendos fines haud præcul mœnibus ipsorum depugnat. duo millia octingenti Etruscorum cæsi: ceteros propinquitas urbis tutata est. In Rusellanum agrum exercitus traductus. ibi non agri tantùm vastati; sed oppidum etiã expugnatum: capta amplius duo millia hominum, minus duo millia circa muros cæsa. Pax tamen clarior majorque, quàm bellum: in Etruria eo anno fuerat, parata est. Tres validissi-



maz urbes, Etruriæ capita, Volunii, Perugia, Arretium, pacem petiere; & vestimentis militum frumentoque pacti cum consule, ut mitti Romam oratores liceret, inducias in quadraginta annos impetraverunt. multa præfens quingentum millium æris in singulas civitates imposita. Ob hæc res gestas, consul quum triumphum ab senatu, moris magis causâ, quàm spe impetrandi, petisset, videretque alios, quod tardius ab urbe exisset; alios, quod injussu senatûs ex Samnio in Etruriam transisset, partim suos inimicos, partim collegæ amicos, ad solatium æquata repulsæ sibi quoque negare triumphum: *Non ita, inquit, Patres conscripti, vestra majestatis meminero, ut me consulem esse obliviscar. eodem jure imperii, quo bella gessi, bellis feliciter gestis, Samnio atque Etruriâ subactis, victoriâ & pace partâ, triumphabo.* Ita senatum reliquit. Inde inter tribunos plebis contentio orta: pars intercessuros, ne novo exemplo triumpharet, aiebant; pars auxilio se adversus collegas triumphanti futuros. Jactata res ad populum est: vocatusque eò consul, quum M. Horatium, L. Valerium consules, C. Marcium Rutilum nuper, patrem ejus, qui tunc censor esset, non ex auctoritate senatûs, sed jussu populi triumphasse diceret; adjiciebat, *se quoque laturum fuisse ad populum, ni sciret, mancipia nobilium tribunos plebis legem impedituros: voluntatem sibi ac favorem consentientis populi pro omnibus jussis esse, ac futura.* Posteroque die auxilio tribunorum plebis trium, adversus intercessionem septem tribunorum & consensum senatûs, celebrante populo diem, triumphavit. Et hujus anni parum constans memoria est. Postumum, auctor est Claudius, in Samnio captis aliquot urbibus, in Apulia fûsum fugatumque, faucium ipsum cum paucis Luceriam compulsus: ab Atilio in Etruria res gestas, eumque triumphasse. Fabius, ambo consules in Samnio & ad Luceriam res gessisse, scribit, traductumque in Etruriam exercitum, (sed ab utro

consule

confule non adjecit) & ad Luceriam utrinque multos occisos. inque ea pugna Jovis Statoris ædem votam, ut Romulus antè voverat: sed fanum tantum, id est locus, templo effatus, sacratum fuerat. Ceterum, hoc demum anno ut ædem etiam fieri senatus juberet, bis ejusdem voti damnatà republicà, in religionem venit.

XXXVIII. Sequitur hunc annum & consul insignis L. Papirius Cursor, quà paternà glorià, quà suà, & bellum ingens victoriamque, quantam de Samnitibus nemo ad eam diem, præter L. Papirium patrem consulis, pepererat: & fortè eodem conatu apparatuque omni opulentià insignium armorum bellum adornaverant: & Deorum etiam adhibuerant opes, ritu quodam sacramenti vetusto velut initiatis militibus, delictu per omne Samnium habito novà lege: ut, qui juniorum non convenisset ad imperatorium edictum, quique injussu abisset, caput Jovi sacratum esset. Tum exercitus omnis Aquiloniam est indictus. ad quadraginta millia militum, quod roboris in Sampio erat, convenerunt. Ibi mediis ferè castris locus est consecutus cratibus pluteisque, & linteis contextus, patens ducentos maximè pedes in omnes pariter partes. Ibi ex libro vetere linteo lecto sacrificatum, sacerdote Ovio Paccio. quodam, homine magno natu, qui se id sacrum petere affirmabat ex vetusta Samnitium religione; quà quondam usi majores eorum fuissent, quum adimendæ Etruscis Capuæ clandestinum cepissent consilium. Sacrificio perfectò, per viatorem imperator acciri jubebat nobilissimum quemque genere factisque. singuli introducebantur. Erat quum alius apparatus sacri, qui perfundere religione animum posset; tum in loco circà omni contexto aræ in medio, victimæque circà cæsæ, & circumstantes centuriones strictis gladiis. Admovebatur altaribus miles, magis ut victima, quàm ut sacri particeps: adigebaturque jurejurando, quæ visa auditaque in eo loco essent, non enunciaturum.

Dein

Dein jurare cogebatur diro quodam carmine; in execrationem capitis familiarumque & stirpis composito, nisi esset in praelium, quod imperatores duxissent: & si aut ipse ex acie fugisset, aut, si quem fugientem vidisset, non extemplo occidisset. Id primò quidam abnuentes juraturos se, obtruncati circa altaria sunt: jacentes deinde inter stragem victimarum documento ceteris fuere, ne abnuerent. Primoribus Samnitium eadem detestatione obstrictis, decem nominatis ab imperatore, eis dictum, ut vir virum legerent, donec sexdecim millium numerum confecissent. ea legio linteata ab integumento confecti, quo sacrata nobilitas erat, appellata est. His arma insignia data, & cristatae galeae, ut inter ceteros eminent. Paulo plus viginti-millium alius exercitus fuit, nec corporum specie, nec gloria belli, nec apparatu linteatae legioni dispar. hic hominum numerus, quod roboris erat, ad Aquiloniam confedit.

XXXIX. Consules profecti ab urbe: prior Sp. Carvilius, cui veteres legiones, quas M. Atilius, superioris anni consul, in agro Interamnati reliquerat, decretae erant, cum eis in Samnium profectus, dum hostes, operati superstitionibus, concilia secreta agunt, Amiatinum oppidum de Samnitibus vi cepit. Cesa ibi millia hominum duo ferme atque octingenti: capta quatuor millia ducenti septuaginta. Papirius, novo exercitu (ita decretum erat) scripto, Duroniam urbem expugnavit: minus, quam collega, cepit hominum, plus aliquanto occidit. praeda opulenta utrobique est parta. Inde pervagati Samnium consules, maxime depopulato Atinate agro, Carvilius ad Cominium, Papirius ad Aquiloniam (ubi summa rei Samnitium erat) pervenit. ibi aliquandiu nec cessatum ab armis est, neque gnauiter pugnatum: laceffendo quietos, resistens cedendo, comminandoque magis, quam inferendo pugnam, dies absumebatur. quod quum inciperetur,

sur, remittereturque, omnium rerum etiam parvartū eventus proferebatur in dies. Altera Romana castra viginti millium spatio aberant: & absentis collegæ consilia omnibus gerendis intererant rebus: intentiorque Carvilius, quo majore discrimine res vertebatur, in Aquiloniam, quàm ad Cominium, quod obsidebat, erat. L. Papirius, jam per omnia ad dimicandum satis paratus, nuncium ad collegam mittit; sibi in animo esse, postero die, si per auspicia liceret, confligere cum hoste. Opus esse, & illum, quantū maximū vi posset, Cominium oppugnare, ne quid laxamenti sit Samnitibus ad subsidia Aquiloniam mittenda. Diem ad proficiscendum nuncius habuit: nocte rediit, approbare collegam consulta referens. Papirius, nuncio missq, extemplo concionem habuit; multa de universo genere belli, multa de præfenti hostium apparatu, vanā magis specie, quàm efficaci ad eventum, disseruit. Non enim cristas vulnera facere; & per picta atque aurata scuta transire Romanū pilum: & candore tunicarum fulgentem aciem, ubi res ferro geratur, cruentari. Auream olim atque argenteam Samnitium aciem à parente suo occisione occisam: spoliisque et honestiora victori hosti, quàm ipsis arma, fuisse. Daturū hoc forsā nomini familieque sue, ut adversus maximas conatus Samnitium opponerentur duces; spoliisque ea referrent, quæ insignia publicis etiam locis decorandis essent. Deos immortales adesse propter toties petita fœdera, toties ruptatum, si qua conjectura mentis divina sit, nulli unquam exercitui fuisse infestiores, quàm qui, nefando sacro mixtā hominum pecudumque cade respersus, ancipiti Desm ira devotus, hinc fœderum cum Romanis istorum testes Deos, hinc iurjurandi adversus fœdera suscepti execrationes horrens, invitatus juraverit, oderit sacramentum, uno tempore Deos, cives, hostes metuat.

XL. Hæc, comperta perfugarum indicis, quum apud infensos jam suā sponte milites disseruisset, simul divinæ humanæque spei pleni, clamore consentienti pugnam.

pugnare possunt; poenitet in posterum diem dilatum certamen; moram diei noctisque oderunt. Tertiâ vigiliâ noctis, jam relatis literis à collega, Papirius silentio surgit, & pullarium in auspicium mittit. Nullum erat genus hominum in castris intactum cupiditate pugnae: summi infimique æquè intenti erant: dux militum, miles ducis ardorem spectabat. Is ardor omnium etiam ad eos, qui auspicio intererant, pervenit. Nam, quum pulli non pascerentur, pullarius, auspiciū mentiri ausus, tripudium solistimum consuli nunciavit. Consul lætus, auspiciū egregium esse, & Deis auctoribus rem gesturos, pronunciat; signumque pugnae proponit. Exeunti jam fortè in aciem nunciat perfuga, viginti cohortes Samnitium (quadringenariæ ferme erant) Cominium profectas, quod ne ignoraret collega, extemplo nuncium mittit: ipse signa ocius proferri jubet, subsidiaque suis quæque locis, & præfectos subsidiis attribuerat. Dextro cornu L. Voluminium; sinistro L. Scipionem, equitibus legatos alios, Cajos Cædiciū & Trebonium, præfecit. Sp. Nautium mulos, detractis clitellis, cum cohortibus alariis in tumultum conspectum propere circumducere jubet, atque inde inter ipsam dimicationem, quanto maximè posset, moto pulvere ostendere. Dum his intentus imperator erat, altercatio inter pullarios orta de auspicio ejus diei, exauditaque ab equitibus Romanis: qui, rem haud spernendam rati, Sp. Papirio fratris filio consulis, ambigi de auspicio, renunciaverunt. Juvenis, ante doctrinam Deos spernentem natus, rem inquisitam, ne quid incompertum deferret ad consulem, detulit. Cui ille, *Tu quidem maxime virtute diligentiaque esto: ceterum qui auspicio adest, si quid falsi nunciat, in semet ipsum religionem recipit. Mibi quidem tripudium nunciatum, populo Romano exercituique egregium auspiciū est.* Centurionibus deinde imperavit, ut pullarios inter prima signa constituerent. Promoveant & Samnites signa;  
inse-

insequitur acies ornata armataque, ut hostium quoque magnificum spectaculum esset. Priusquam clamor tolleretur, concurrereturque, emissio temere pilo ictus pullarius ante signa cecidit. quod ubi consuli nunciatum est, *Dii in prælio sunt*, inquit; *habet penam noxium caput*. Ante consulem hæc dicentem corvus voce clara occinuit. quo lætus augurio consul, affirmans nunquam humanis rebus magis præsentem interfuisse Deos, signa canere, & clamorem tolli iussit.

XLI. Prælium commissum atrox, ceterum longè disparibus animis. Romanos ira, spes, ardor certaminis, avidos hostium sanguinis in prælium rapit: Samnitium magnam partem necessitas ac religio invitòs magis resistere, quàm inferre pugnam, cogit. nec sustinuissem primū clamorem atque impetum Romanorum, per aliquot jam annos vinci assueti, ni potentior alius metus insidens pectoribus à fuga retineret. Quippe in oculis erat omnis ille occulti paratus sacri, & armati sacerdotes, & promiscua hominum pecudumque strages, & resperse fando nefandoque sanguine aræ, & dira execratio, ac furiale carmen, detestandæ familiæ stirpique compositum. his vinculis fugæ obstricti stabant, civem magis, quàm hostem, timentes. Instare Romanus à cornu utroque, à media acie, & cedere Deorum hominumque attonitos metu. repugnatur segniter, ut ab iis, quos timor moraretur à fuga. Jam prope ad signa cædes pervenerat, quum ex transverso pulvis, velut iagentis agminis incessu motus, apparuit. Sp. Nautius (Octavium Metium quidam cum tradunt) dux alaribus cohortibus erat. pulverem majorem, quàm pro numero, excitabant: insidentes mulis calones frondosos ramos per terram trahebant: arma signaque per turbidam lucem in primo apparebant: post altior densiorque pulvis equitum speciem cogentium agmen dabat. Fefellitque non Samnites modò, sed etiam Romanos: & consul affirmavit errorem,

errorem, clamitans inter prima signa, ita ut vox etiam ad hostes accideret, *captum Cominium, victorem collegam adesse: anniterentur vincere prius, quam gloria alterius exercitus fieret.* Hæc insidens equo. inde tribunis centurionibusque imperat, ut viam equitibus patefaciant. Ipse Trebonio Cædicioque prædixerat, ut, ubi se cuspidem erectam quatientem vidissent, quantâ maximâ vi possent, concitarent equites in hostem. Ad nutum omnia, ut ex antè præparato, fiunt. panduntur inter ordines viæ: provolat eques, atque infestis cuspidibus in medium agmen hostium ruit; perrumpitque ordines, quacunque impetum dedit. instant Volumnius & Scipio, & perculsos sternunt. Tum, jam Deorum hominumque victâ vi, funduntur linteatæ cohortes: pariter jurati injuratique fugiunt, nec quenquam, præter hostes, metuunt. Peditum agmen, quod superfuit purgæ, in castra ad Aquiloniam compulsus est. nobilitas equitesque Bovianum perfugerunt: equites eques sequitur, peditem pedes: ac diversa cornua, dextrâ ad castra Samnitium, lævâ ad urbem tendit. Prior aliquanto Volumnius castra cepit: ad urbem Scipioni majore resistitur vi; non quia plus animi victis est, sed melius muri, quam vallum, armatos arcent. inde lapidibus propulsant hostem. Scipio, nisi in primo pavore, priusquam colligerentur animi, transacta res esset, lentiore fore munitæ urbis oppugnationem ratus, interrogat milites, *Satin' æquo animo paterentur, ad altero cornu castra capta esse: se victores pelli à portis urbis?* Reclamantibus universis, primus ipse, scuto super caput elato, pergit ad portam: secuti alii, testudine factâ, in urbem perrumpunt: deturbatisque Samnitibus, qui circa portam erant, muros occupaverè. penetrare in interiora urbis, quia pauci admodum erant, non audent.

XLII. Hæc primò ignorare consul, & intentus recipiendo exercitui esse. jam enim præceps in occasum

sol erat, & appetens nox periculosa & suspecta omnia etiam victoribus faciebat. Progressus longius ab dextra castra capta videt: ab laeva clamorem in urbe mixtum pugnantium ac paventium fremitu esse. & tum fortè certamen ad portam erat. Advectus deinde equo propius, ut suos in muris videt, nec jam integri quiesquam esse, quoniam temeritate paucorum magnæ rei parva occasio esset, acciri, quas receperat, copias, signaque in urbem inferri iussit. Ingressi proxima ex parte, quia nox appropinquabat, quiescere. nocte oppidum ab hostibus desertum est. Cæsa illo die ad Aquiloniam Samnitium milia triginta trecenti quadraginta: capta tria milia octingenti & septuaginta: signa militaria nonaginta septem. Ceterum illud memoriz traditur, non ferme alium ducem lætiores in acie visum, seu suepte ingenio, seu fiducia bene gerundæ rei. Ab eodem robore animi neque controverso auspicio revocari à prælio potuit; & in ipso discrimine, quo templa Diis immortalibus voveri mos erat, voverat Jovi Victori, si legiones hostium fudisset, potestum mulsi prius, quàm temetum biberet, sese facturum. id votum Diis cordi fuit; & auspicia in bonum verterunt.

XLIII. Eadem fortunâ ab altero consule ad Cominium gesta res. Primâ luce, ad mœnia omnibus copiis admotis, coronâ cinxit urbem; subsidiaque firma, ne quâ eruptio fieret, portis opposuit. Jam signum datum cum nuncius à collega trepidus de viginti cohortium adventu & ab impetu moratus est, & partem copiarum revocare instructam intentamque ad oppugnandum coëgit. D. Brutum Scævam legatum cum legione primâ, & decem cohortibus alariis equitatuque ire adversus subsidium hostium iussit: quocunque in loco fuisset obvius, obsisteret ac moraretur; manumque, si fortè ita res posceret, conferret: modò ne ad Cominium ex copiæ admoveri possent. Ipse scalas ferri ad muros



muros ab omni parte urbis iussit, ac testudine ad portas successit. simul & refringebantur portæ, & vis undique in muros fiebat. Samnites, sicut, antequam in muris viderent armatos, satis animi habuerunt ad prohibendos urbis aditu hostes; ita, postquam jam non ex intervallo nec missilibus, sed cominus gerebatur res; &, qui ægre successerant ex plano in muros, loco, quem magis timuerant, victo, facile in hostem impari ex æquo pugnabant; relictis turribus murisque, in forum omnes compulsi, paulisper inde tentaverunt extremam pugnae fortunam. Deinde, abjectis armis, ad undecim milia hominum & quadringenti in fidem consulis venerunt. caesa ad quatuor milia trecenti octoginta. Sic ad Cominium, sic ad Aquiloniam gesta res. Inde medio inter duas urbes spatio, ubi tertia expectata erat pugna, hostes non inventi. septem milia passuum quum abessent à Cominio, revocati ab suis neutri proelio occurrerunt. Primis ferme tenebris, quum in conspectu jam castra, jam Aquiloniam habuissent, clamor eos utrinque par accidens sustinuit. deinde è regione castrorum, quæ incensa ab Romanis erant, flamma latè fusa certioris cladis indicio progredi longius prohibuit. Eo ipso loco propè temere sub armis strati passim inquietum omne tempus noctis, expectando timendoque lucem, egere. primâ luce, incerti quam in partem intenderent iter, repente in fugam consternantur, conspecti ab equitibus: qui, egressos nocte ab oppido Samnites persecuti, viderant multitudinem, non vallo, non stationibus firmatam. Conspecta & ex muris Aquiloniæ ea multitudo erat. jamque etiam legionariæ cohortes sequebantur. Ceterum nec pedes fugientes persequi potuit: & ab equite novissimi agminis ducenti ferme & octoginta interfecti. Arma multa pavidi ac signa militaria duodeviginti reliquere. alio agmine incolumi, ut ex tanta trepidatione, Bovianum perventum est.

XLIV. Lætitiâ utriusque exercitus Romanî auxit & ab altera parte feliciter gesta res. uterque ex alterius sententia consul captum oppidum diripiendum militi dedit; exhaustis deinde telis ignem iniecit: eodemque die Aquilonia & Cominium deflagraverunt. & consules, cum gratulatione mutua legionum suarum, castra conjunxerunt. In conspectu duorum exercituum & Carvilius suos pro cuiusque merito laudavit donavitque; & Papirius, apud quem multiplex in acie, circa castra, circa urbem, fuerat certamen, Sp. Nautium, Sp. Papirium, fratris filium, & quatuor centuriones, manipulumque hastatorum, armillis aureisque coronis donavit: Nautium propter expeditionem, quâ magni agminis modo terruerat hostes: juvenem Papirium propter navatam cum equitatu & in prælio operam, & nocte, quâ fugam infestam Samnitibus ab Aquilonia clam egressis fecit: centuriones militesque, quia primi portam murumque Aquiloniæ ceperant. equites omnes, ob insignem multis locis operam, corniculis armillisque argenteis donat. Consilium inde habitum, quum jam tempus esset deducendi ab Samnio exercitus, aut utriusque, aut certè alterius. Optimum visum, quo magis fractæ res Samnitium essent, eo pertinacius & infestius agere cetera & persequi: ut perdomitum Samnium insequentibus consulibus tradi posset. Quando jam nullus esset hostium exercitus, qui signis collatis dimicaturus videretur, unum superesse belli genus, urbium oppugnationes; quarum per excidia militem locupletare prædâ, & hostem pro aris ac focis dimicantem conficere possent. Itaque, literis missis ad senatum populumque Romanum de rebus ab se gestis, diversi, Papirius ad Sæpinum, Carvilius ad Volanam oppugnandam legiones ducunt.

XLV. Literæ consulum ingenti lætitiâ & in curia & in concione auditæ; & quadridui supplicatione publicum gaudium privatis studiis celebratum est. nec populo

populo Romano magna solum, sed peropportuna etiam, ea victoria fuit; quia per idem forte tempus rebellasse Etruscos allatum est. Subibat cogitatio animi, quonam modo tolerabilis futura Etruria fuisset, si quid in Samnio adversi venisset; quæ, conjuratione Samnitium erecta, quoniam ambo consules omnisque Romana vis aversa in Samnium esset, occupationem populi Romani pro occasione rebellandi habuisset. Legationes sociorum, à M. Atilio prætor in senatum introductæ, querebantur, uri & vastari agros à finitimis Etruscis, quod desiscere à populo Romano nolent: obtestabanturque Patres conscriptos, ut se à vi atque injuria communium hostium tutarentur. Responsum legatis, *cure senatus futurum, ne socios fidei sue pæniteret: Etruscorum prope diem tandem fortunam, quam Samnitiū, fore.* Segnius tamen, quod ad Etruriam attingebat, acta res esset, ni Faliscos quoque, qui per multos annos in amicitia fuerant, allatum foret, arma Etruscis junxisse. Hujus propinquitas populi acuit curam Patribus, ut faciales mittendos ad res repetendas censerent. quibus non redditis, ex auctoritate Patrum jussa populi bellum Faliscis indictum est: jussique consules sortiri, uter ex Samnio in Etruriam cum exercitu transfiret. Jam Carvilius Volanam, & Palumbinum, & Herculanum ex Samnitibus ceperat: Volanam intra paucos dies, Palumbinum eodem, quo ad muros accessit. Ad Herculanum bis etiam signis collatis anticipi prælio, & cum majore sua, quam hostium, jactura dimicavit. Castris deinde positis, mœnibus hostem inclusit. oppugnatum oppidum captumque. In his tribus urbibus capta aut cæsa ad decem millia hominum: ita ut parvo admodum plures caperentur. Sortientibus provincias consulibus, Etruria Carvilio evenit secundum vota militum, qui vim frigoris jam in Samnio non patiebantur. Papirio ad Sæpinum major vis hostium resistit. sæpe in acie, sæpe in agmine, sæpe cir-

ea ipsam urbem adversus eruptiones hostium pugnatum: neque obsidio, neque bellum ex æquo erat: non enim muris magis se Samnites, quam armis ac viris moenia, tutabantur. Tandem pugnando in obsidionem justam coëgit hostes: obsidendoque, vi atque operibus urbem expugnavit. itaque ab ira plus cædis editum, captâ urbe: septem millia quadringenti cæsi: capta minus tria millia hominum: præda, quæ plurima fuit, congestis Samnitium rebus in urbes paucas, militi concessa est.

XLVI. Nives jam omnia opleverant, nec durari extra tecta poterat; itaque consul exercitum de Samnio deduxit. Venienti Romam triumphus omnium consensu est delatus. triumphavit in magistratu, insigni, ut illorum temporum habitus erat, triumpho. Pedes equitesque insignes donis transiere, ac transvecti sunt: multæ civicæ coronæ, vallaresque, ac murales conspectæ. Inspectata spolia Samnitium: & decore ac pulchritudine paternis spoliis, quæ nota frequenti publicorum ornatu locorum erant, comparabantur. nobiles aliquot captivi, clari suis patrumque factis, ducti. Æris gravis transvecta vicies centena & ad triginta tria millia. id æs redactum ex captivis dicebatur. argenti, quod captum ex urbibus erat, pondo millia trecenta triginta. omne æs argentumque in ærarium conditum. Militibus nihil datum ex præda est. auctaque ea invidia est ad plebem, quod tributum etiam in stipendium militum collatum est: quum, & sprete gloriæ fuisset captivæ pecuniæ in ærarium illatæ, & militum dari ex præda, & stipendium militatæ præstari potuisset. Ædem Quirini, quam in ipsa dimicatione votam apud neminem veterem auctorem invenio, (neque, Hercule, tam exiguo tempore perficere potuisset) ab dictatore patre votam, filius consul dedicavit, exornavitque hostium spoliis. quorum tanta multitudo fuit, ut non templum tantum forumque his ornaretur; sed sociis

fociis etiam-colonisque finitimis, ad templorum locorumque publicorum ornatum, dividerentur. A triumpho exercitum in agrum Vescinum, quia regio ea infesta ab Samnitibus erat, hibernatum duxit. Inter hæc Carvilius consul, in Etruria Troilium primum oppugnare adortus, quadringentos septuaginta ditissimos, pecuniâ grandi pactos, ut abire inde liceret, dimisit: ceteram multitudinem oppidumque ipsum vi cepit. inde quinque castella, locis sita munitis, expugnavit. Cæsa ibi hostium duo millia quadringenti; minus duo millia capti. Et Faliscis pacem petentibus annuas inducias dedit, pactus centum millia gravis æris, & stipendium ejus anni militibus. His rebus actis ad triumphum decessit, ut minus clarum de Samnitibus, quàm collegæ triumphus fuerat, ita cumulo Etrusci belli æquatum. Æris gravis tulit in ærarium trecenta octoginta millia: de reliquo ære ædem Fortis Fortunæ de manubiis faciendam locavit, prope ædem ejus Deæ ab rege Scî. Tullio dedicatam. & militibus ex præda centenos binos asses, & alterum tantum centurionibus atque equitibus (malignitate collegæ gratius accipientibus munus) divisit. Favor consulis tutatus ad populum est L. Postumium legatum ejus: qui, distâ die à M. Cantio tribuno plebis, fugerat in legationem (ut fama ferebat) populi judicium: jactarique magis, quàm peragi, accusatio ejus poterat.

XLVII. Exacto jam anno, novi tribuni plebis magistratum inierant: hisque ipsis, quia vitio creati erant, quinque post dies alii suffecti. Lustrum conditum eo anno est à P. Cornelio Arvina, C. Marcio Rutilo, censoribus: censa capitum millia ducenta sexaginta duo trecenta viginti duo. Censores vicesimi sexti à primis censoribus; lustrum undevicesimum fuit. Eodem anno coronati primum, ob res bello bene gestas, ludos Romanos spectaverunt: palmæque tum primum, translatæ à Græcia more, victoribus datæ. Eodem anno ab  
 ædilibus

adilibus curulibus, qui eos ludos fecerunt, damnatis aliquot pecuariis, via à Martis silice ad Bovillas perstrata est. Comitia consularia L. Papirius habuit : creavit consules Q. Fabium Maximi filium Gurgitem & D. Junium Brutum Scævam. ipse Papirius prætor factus. Multis rebus lætus annus vix ad solatium unius mali, pestilentiaæ urentis simul urbem atque agros, fuffecit ; portentoque jam similis clades erat. & libri aditi, quinam finis, aut quod remedium ejus mali ab Diis daretur. Inventum in libris, Æsculapium ab Epidau-  
ro Romam arcessendum. neque eo anno, quia bello occupati consules erant, quicquam de ea re actum : præterquam quòd unum diem Æsculapio supplicatio habita est.

T. Livii Patavini historiarum epitomæ,  
à libro XI. ad XXI.

EPITOME LIBRI XI.

**Q**UUM Fabius Gurges consul male adversus Samnites pugnas-  
set, & senatus de removendo eo ab exercitu a-  
geret, Fabius Maximus pater, deprecatus hunc filii  
ignominiam, eo maxime senatum movit, quòd iturum se filio  
legatum pollicitus est, idque præstitit. ejus consiliis & operâ  
filius consul adjutus, cæsis Samnitibus, triumphavit. C. Pon-  
tium, imperatorem Samnitium, ductum in triumpho securi  
percussit. QUUM civitas pestilentia laboraret, missi legati,  
ut Æsculapii signum Romam ab Epidauro transferrent, an-  
guem, qui se in navem eorum contulerat, in quo ipsum numen  
esse constabat, deportavere : eoque in insulam Tiberis egresso,  
eodem loco ædes Æsculapio consecrata est. L. Postumius con-  
sularis, quoniam, quum exercitui præesset, operâ militum in  
agro suo usus erat, damnatus est. Cum Samnitibus pacem  
petentibus sædus quartò renovatum est. Curius Dentatus con-

ful, Samnitibus casis, & Sabinais, qui rebellaverant, victis, & in deditionem acceptis, bis in eodem magistratu triumphavit. Colonia deducta sunt, Castrum, Sena, Hadria. Triumviri capitales tunc primum creati sunt. Censu alto, iustrum conditum est. censa sunt civium capita ducenta septuaginta duo millia. Plebs propter eas alienum, post graves & longas seditiones, ad ultimum secessit in Janiculum : unde à Q. Hortensio dictatore deducta est, isque in ipso magistratu decessit. Res praterea contra Volsinienses gestas continet : item adversus Lucanos, contra quos auxilium Thurinis ferre placuerat.

### EPITOME LIBRI XII.

**Q**UUM legati Romanorum à Gallis Senonibus interfec-  
ti essent, bello ob id Gallis indicto, L. Cecilius prator cum legionibus ab iis casus est. Quum à Tarentinis classis Romana direpta esset, duumviro, qui praeerat classi, occiso, legati, ad eos à senatu, ut de iis injuriis quererentur, missi, pulsati sunt. ob id, bellum iis indictum est. Samnites deserunt. Adversus eos, & Lucanos, & Bruttios, & Etruscos aliquot praeliis à compluribus ducibus bene pugnatum est. Pyrrhus Epirotarum rex, ut auxilium ferret Tarentinis, in Italiam venit. Quum in praesidium Rheginorum legio Campana cum praefecto Decio Jubellio missa esset, occisis Rheginis Rhegium occupavit.

### EPITOME LIBRI XIII.

**V**ALERIUS Lavinus consul parum prospere adversus Pyrrhum pugnavit, elephantorum maxime inusitata facie territis militibus. Post id praelium quon corpora Romanorum, qui in acie ceciderant, Pyrrhus inspiceret, omnia versa in hostem invenit, populabundusque ad urbem Romam processit. C. Fabricius, missus ad eum à senatu, ut de redimendis captivis ageret, frustra, ut patriam desereret, à rege tentatus est. captivi sine pretio remissi sunt. Cineas, legatus à Pyrrho ad senatum missus, petiit, ut componenda pacis causa rex in urbem reciperetur, de qua re quum ad frequentio-

rem

rem senatum referri placuisset, Ap. Claudius, qui propter valetudinem oculorum jam diu consiliis publicis se abstinuerat, venit in curiam, & sententiâ suâ tenuit, ut id Pyrrho negaretur. Cn. Domitius censor primus ex plebe lustrum condidit. censa sunt civium capita ducenta septuaginta octo millia, ducenta viginti duo. Iterum adversus Pyrrhum dubio eventu pugnatum est. Cum Karthaginensibus quartum fœdus renovatum est. Quum G. Fabricio consuli is, qui ad eum à Pyrrho transfugerat, polliceretur, se regi venonum daturum, eum in iudicio ad regem remissus est. Res præterea contra Etruscos, Lucanos, Bruttios, & Samnites prospere gestas continet.

## EPITOME LIBRI XIV.

**P**YRRHUS in Siciliam trajecit. Quum inter alia prodigia fulmine dejectum esset in Capitolio Jovis signum, caput ejus per aruspices inventum est. Curius Dentatus, quum delectum haberet, ejus, qui citatus non responderat, bona primus vendidit. Pyrrhum iterum ex Sicilia in Italiam reversum vicit, & Italiâ expulit. Fabricius censor P. Cornelium Rufinum consularem senatu movit, quod is decem ponda argenti facti haberet. Lustrum à censoribus condito, censa sunt capita civium ducenta septuaginta unum millia, ducenta viginti quatuor. Cum Ptolemæo Ægypti rege societas juncta est. Sextilia virgo Vestalis, damnata incesti, viva defossa est. Colonia deducta sunt Posidonia & Cosa. Karthaginensium classis auxilio Tarentinâ venit. quo facto ab iis fœdus violatum est. Res præterea contra Lucanos, Samnites, & Bruttios feliciter gestas, & Pyrrhi regis mortem continet.

## EPITOME LIBRI XV.

**V**ICTIS Tarentinis pax & libertas data est. Legio Campana, qua Rhegium occupaverat, obsessa, deditione factâ, securi percussa est. Quum legatos Apolloniatum ad senatum missos quidam juvenes pulsâssent, dediti sunt Apolloniatibus. Picentibus victis pax data est. colonia deducta, Ariminum in Piceno, Beneventum in Samnio. Tunc primum



*populus Romanus argento uti cepit. Umbri & Sallentinī vī-  
cti in deditionem accepti sunt. Quæstorum numerus amplia-  
tus est, ut essent octo.*

#### EPITOME LIBRI XVI.

**O**Rigo Karthaginensium & primordia urbis eorum re-  
feruntur; contra quos & Hieronem regem Syracusa-  
norum auxilium Mamertinis ferendum censuit senatus, quum  
de ea re inter suadentes, ut id fieret, dissuadentesque contentio  
fuisset. Transgressis tum primum mare equitibus Romanis,  
adversus Hieronem sapius bene pugnatum. Petenti pax data  
est. Lustrum à censoribus conditum est. censa sunt civium  
capita ducenta octoginta duo millia, ducenta triginta quatuor.  
D. Junius Brutus munus gladiatorum in honorem defuncti  
patris edidit primus. Colonia Æternis deducta est. Res præ-  
terea contra Pænos & Vulstinios prospere gestas continet.

#### EPITOME LIBRI XVII.

**C**N. Cornelius consul, à classe Punica circumventus, &  
per fraudem velut in colloquium evocatus, captus est.  
C. Duilius consul adversus classem Pænorum prospere pugna-  
vit, primusque omnium Romanorum ducum navalis victoria  
duxit triumphum. ob quam causam ei perpetuus bonus habitus  
est, ut revertenti à cœna, tibicine canente, funale præferretur.  
L. Cornelius consul in Sardinia & Corsica contra Sardos, &  
Corfos, & Hannonem Pænorum ducem feliciter pugnavit. A-  
tilius Calatinus consul, quum in locum iniquum, à Pænis cir-  
cumfessum, temere duxisset exercitum, M. Calpurnii tribuni  
militum virtute & operâ evasit: qui, cum trecentis militibus  
eruptione factâ, hostes in se converterat. Hannibal dux Pæ-  
norum, victâ classe, cui præfuerat, à militibus suis in crūcem  
sublatus est. Atilius Regulus consul, victis navali prælio Pæ-  
nīs, in Africam trajecit.

#### EPITOME

## EPITOME LIBRI XVIII.

**A**tilius Regulus in Africa serpentem portentosa magnitudinis cum magna militum clade occidit, & quum aliquot præliis bene adversus Kartaginienses pugnasset, successorque ei à senatu prospere bellum gerenti non mitteretur, id ipsum per literas ad senatum missas questus est. in quibus inter causas petendi successoris erat, quòd agellus ejus à mercenariis desertus esset. Quarente deinde fortunà, ut magnum utriusque casus exemplum in Regulo proderetur, arcessito à Kartaginiensibus Xanthippo Lacedæmoniorum duce, victus prælio & captus est. Res deinde à ducibus Romanis omnibus terrarumque prospere gestas deformaverunt naufragia classium. Ti. Coruncanius primus ex plebe pontifex maximus creatus est. P. Sempronius Sophus, M. Valerius Maximus censores, quum senatum legerent, tredecim senatu moverunt. lustrum condiderunt, quo censa sunt civium capita ducenta nonaginta septem millia, septingenta nonaginta septem. Regulus missus à Kartaginiensibus ad senatum, ut de pace, & si eam non posset impetrare, de captivis commutandis ageret, & jurjurando adstrictus, rediturum se Kartaginem, si commutari captivos non placuisset; utrumque negandi auctor senatui fuit: & quum fide custoditâ reversus esset, supplicia à Kartaginiensibus de eo sumpto, periit.

## EPITOME LIBRI XIX.

**C**æcilius Metellus, rebus adversus Pænos prospere gestis, speciosum egit triumphum, tredecim ducibus hostium & centum viginti elephantis in eo ductis. Claudius Pulcher consul, contra auspicia profectus, jussis mergi pullis, qui cibari volebant, infeliciter adversus Kartaginienses classe pugnavit; & revocatus à senatu, jussusque dictatorem dicere, Claudium Eliciam dixit, sortis ultimæ hominem: qui, coactus abdicare se magistratu, postea ludos prætextatus spectavit. Atilius Calatinus primus dictator extra Italiam exercitum duxit. Cum Pænis captivorum commutatio facta est. Colonia deducta sunt

*Fregena, in agro Sallentino Brundisium. Lustrum à censoribus conditum est. censa sunt civium capita ducenta quinquaginta unum milia, ducenta viginti duo. Claudia, soror P. Claudii, qui, contemptis auspiciis, male pugnaverat, à ludis revertens, quum turbâ premeretur, dixit: Utinam frater meus viveret, iterumque classem duceret! ob eam causam multa ei dicta est. Duo pratores tum primùm creati sunt. Caelius Metellus pontifex maximus A. Postumium consulem, quoniam idem & flamen Martialis erat, quum is ad bellum gerendum proficisci vellet, in arbe tenuit, nec passus est à sacris recedere. Rebus adversus Pœnos à pluribus ducibus prospere gestis, summam victoriæ C. Lutatius consul, victa ad Ægates insulas classe Pœnorum, imposuit. Petentibus Karthaginensibus pax data est. Quum templum Vesta arderet, Caelius Metellus pontifex maximus, ex incendio sacra rapuit. Duæ tribus adjectæ sunt, Velina & Quirina. Falisci quum rebellassent, festo die perdomiti, in deditionem venerunt.*

#### EPITOME LIBRI XX.

**S** Polentiam colonia deducta est. *Adversus Ligures tunc primùm exercitus promotus est. Sardi & Corsi, quum rebellassent, subacti sunt. Tuccia virgo Vestalis incestu damnata est. Bellum Illyriis, propter unum ex legatis, qui ad eos missi erant, occisum, indictum est: subactique in deditionem venerunt. Pratorum numerus ampliatus est, ut essent quatuor. Galli Transalpini, qui in Italiam irruerant, cæsi sunt. Eo bello populus Romanus sui Latiniq; nominis trecenta milia armatorum habuisse dicitur. Exercitibus Romanis tum primùm trans Padum ductis, Galli Insubres, aliquot præliis fusi, in deditionem venerunt. M. Claudius Marcellus consul, occiso Insubrium Gallorum duce Virdomaro, opima spolia retulit. Istri subacti sunt. Item Illyrii, quum rebellassent, domiti in deditionem venerunt. Lustrum à censoribus conditum est, quæ censa sunt civium capita ducenta septuaginta milia, ducenta tredecim. Libertini in quatuor tribus redacti sunt, quum antea dispersi*

dispersi per omnes fuissent; Æquilinam, Palatinam, Suburanam, Collinam. C. Flaminius censor viam Flaminiam munivit, & circum Flaminium extruxit. Colonia deducta in agro de Gallis capto, Placentia & Cremona.

## LIBER XXI.

## EPI TOME.

I, &c. **I**N Italiam belli Punici secundi ortus narratur, V, &c. & Hannibalis Penorum ducis contra fadus per Iberum amnem transitus, XIV. à quo Saguntum, sociorum populi Romani civitas, obsessa octavo mense capta est. XVIII. De quibus injuriis missi legati ad Karthaginenses, qui querebantur. quum satisfacere nollent, bellum iis indictum est. XXIV, &c. Hannibal, superato Pyrenao saltu, per Gallias, fufis Volcis, qui obsistere conati erant, ad Alpes venit; & laborioso per eas transitu (quum montanos quoque Gallos obvius aliquot præliis repulisset) XXXVII, XXXVIII. descendit in Italiam, & ad Ticinum amnem Romanos equestri prælio fudit: XLV, XLVI. in quo vulcratum P. Cornelium Scipionem protexit filius, qui Africani postea nomen accepit. LV, LVI, &c. iterumque exercitu Romano ad flumen Trebiam fuso, Hannibal Appenninum quoque, per magnam militum vexationem propter vim tempestatum, transiit. LX, &c. Cn. Cornelius Scipio in Hispania contra Pænos prospere pugnavit, ducis hostium Magone capto.

I. **I**N parte operis mei licet mihi præfari, quod in principio summæ totius professi plerique sunt rerum scriptores, bellum maximè omnium memorabile, quæ unquam gesta sint, me scripturum; quod, Hannibale duce, Karthaginenses cum populo

Romano gessere. Nam neque validiores opibus ultæ inter se civitates gentesque contulerunt arma, neque his ipsis tantum unquam virium aut roboris fuit: & haud ignotas belli artes inter se, sed expertas primo Punico conferebant bello. & adeo varia belli fortuna ancepsque Mars fuit, ut propius periculum fuerint, qui vicerunt. Odiis etiam propè majoribus certarunt, quàm viribus: Romanis indignantibus, quòd victoribus victi ultro inferrent arma; Pœnis, quòd superbè avarèque crederent imperitatum victis esse. Fama etiam est, Hannibalem annorum ferme novem, pueriliter blandientem patri Hamilcari, ut duceretur in Hispaniam, quum, perfecto Africo bello, exercitum eò trajecturus sacrificaret, altaribus admotum, tactis sacris jurejurando adactum, se, quum primum posset, hostem fore populo Romano. Angebant ingentis spiritus virum Siciliæ Sardiniaque amissæ: nam & Siciliam nimis celeri desperatione rerum concessam, & Sardiniam inter motum Africæ fraude Romanorum, stipendio etiam insuper imposito, interceptam.

II. His anxius curis ita se Africo bello, quod fuit sub recentem Romanam pacem, per quinque annos, ita deinde novem annis in Hispania augendo Punico imperio gessit; ut appareret, majus eum, quàm quod gereret, agitare in animo bellum: & si diutius vixisset, Hamilcare duce Pœnos arma Italiæ illaturos fuisse, qui Hannibalis ductu intulerunt. Mors Hamilcaris peropportuna & pueritia Hannibalis distulerunt bellum. Medius Hasdrubal inter patrem & filium octo ferme annos imperium obtinuit; florètatatis (uti ferunt) primò Hamilcari conciliatus: gener inde ob altam indolem provecto annis adscitus, & quia gener erat, factionis Barcinæ opibus, quæ apud milites plebemque plus quàm modicæ erant, hæud sanè voluntate principum, imperio potitus. Is, plura consilio, quàm vi, gerens, hospitibus regulorum magis, conciliandisque per amicitiam

amicitiam principum novis gentibus, quàm bello aut armis, rem Karthaginiensem auxit. Ceterum nihilo ei pax tutior fuit. barbarus eum quidam palàm, ob iram interfecti ab eo domini, obtruncavit; comprehensusque ab circumstantibus haud alio, quàm si evassisset, vultu; tormentis quoque quum laceraretur, eo fuit habitu oris, ut, superante lætitiâ dolores, ridentis etiam speciem præbuerit. Cum hoc Hasdrubale, quia miræ artis in sollicitandis gentibus, imperioque jungendis suo fuerat, foedus renovaverat populus Romanus, ut finis utriusque imperii esset amnis Iberus, Saguntinisque mediis inter imperia duorum populorum libertas servaretur.

III. In Hasdrubalis locum haud dubia res fuit, quin prærogativam militarem, quâ extemplo juvenis Hannibal in prætorium delatus, imperatorque ingenti omnium clamore atque assensu appellatus erat, favor etiam plebis sequeretur. Hunc vixdum puberem Hasdrubal literis ad se arcessierat: actaque res etiam in senatu fuerat, Barcinis nitentibus, ut assuesceret militiæ Hannibal, atque in paternas succederet opes. Hanno, alterius factionis princeps, *Et æquum postulare videtur*, inquit, Hasdrubal; & ego tamen non censeo, quod petit, tribuendum. Quum admiratione tam ancipitis sententiæ in se omnes convertisset, *Florem ætatis*, inquit, Hasdrubal, quem ipse patri Hannibalis fruendum præbuit, iusto jure eum à filio repeti censet. nos tamen minimè decet, juventutem nostram pro militari rudimento assuefacere libidini prætorum. *An hoc timemus, ne Hamilcaris filius nimis serò imperia immodica & regni paterni speciem videat? & , cujus regis genere hereditarii sint relictæ exercitus nostri, ejus filio parum maturè serviamus?* Ego, istum juvenem domi tenendum, sub legibus, sub magistratibus docendum vivere æquo jure cum ceteris, censeo: ne quandoque parvus hic ignis incensandum ingens exsuscitet.

IV. Pauci, ac ferme optimus quisque, Hannoni ac-

sentiebantur: sed (ut plerumque fit) major pars meliorem vicit. Missus Hannibal in Hispaniam primo statim adventu omnem exercitum in se convertit. Hamilcarem juvenem redditum sibi veteres milites credere; eundem vigorem in vultu, vimque in oculis, habitum oris, lineamentaue intueri. dein brevi effecit, ut pater in se minimum momentum ad favorem conciliandum esset. Nunquam ingenium idem ad res diversissimas, parendum atque imperandum, habilis fuit, itaque haud facile decerneres, utrum imperatori, an exercitui, carior esset: neque Hasdrubal alium quemquam praeficere malle, ubi quid fortiter ac strenue agendum esset: neque milites alio duce plus confidere, aut audere. Plurimum audaciae ad pericula capeSSenda, plurimum consilii inter ipsa pericula erat. nullo labore aut corpus fatigari, aut animus vinci poterat. Caloris ac frigoris patientia par: cibi potionisque desiderio naturali, non voluptate, modus finitus. vigiliarum somnique nec die, nec nocte discriminata tempora. Id, quod gerendis rebus superesset, quieti datum: ea neque molli strato, neque silentio arcessita. Multi saepe militari sagulo opertum, humi jacentem inter custodias stationesque militum, conspexerunt. Vestitus nihil inter aequales excellens: arma atque equi conspiciebantur. Equitum peditumque idem longè primus erat. princeps in praelium ibat: ultimus conferto praelio excedebat. Has tantas viri virtutes ingentia vitia aequabant; inhumana crudelitas, perfidia plus quam Punica, nihil veri, nihil sancti, nullus Deum metus, nullum jusjurandum, nulla religio. Cum hac indole virtutum atque vitiorum triennio sub Hasdrubale imperatore meruit, nullà re, quae agenda videndaque magno futuro duci esset, praetermissa.

V. Ceterum ex quo die dux est declaratus, velut Italia ei provincia decreta, bellumque Romanum mandatum esset, nihil prolatandum ratus, ne se quoque,  
ut

ut patrem Hamilcarem, deinde Hasdrubalem, cunctan-  
tem casus aliquis opprimeret, Saguntinis inferre bel-  
lum statuit. quibus oppugnandis quia haud dubiè Ro-  
mana arma movebantur, in Olcadum fines prius (ul-  
tra Iberum ea gens in parte magis, quàm in ditione,  
Karthaginiensium erat) induxit exercitum, ut non pe-  
tisse Saguntinos, sed rerum serie, finitimis domitis gen-  
tibus, jungendoque, tractus ad id bellum videri pos-  
set. Cartejam, urbem opulentam, caput gentis ejus,  
expugnat diripitque. Quo metu percussæ minores ci-  
vitates, stipendio imposito, imperium accepere. victor  
exercitus, opulentusque prædâ, Karthaginem Novam  
in hiberna est deductus. Ibi largè partiendo prædam,  
stipendio præterito cum fide exsolvendo, cunctis civi-  
um sociorumque animis in se firmatis, vere primo in  
Vaccæos promotum bellum. Hermandica & Arboca-  
la urbes vi captæ. Arbocala & virtute & multitudine  
oppidanorum diu defensa. Ab Hermandica profugi,  
exsulibus Olcadum, priore æstate domitæ gentis, quum  
se junxissent, concitant Carpetanos: adortique Han-  
nibalem, regressum ex Vaccæis, haud procul Tago-  
flumine agmen grave prædâ turbavere. Hannibal præ-  
lio abstinuit; castrisque super ripam positis, quum pri-  
ma quies silentiumque ab hostibus fuit, amnem vado  
trajecit: valloque ita producto, ut locum ad transgre-  
diendum hostes haberent, invadere eos transeuntes sta-  
tuit. Equitibus præcepit, ut, quum ingressos aquam  
viderent, adorirentur. Peditum agmen in ripa, ele-  
phantos antè quadraginta disposuit. Carpetanorum  
cum appendicibus Olcadum Vaccæorumque centum  
millia fuere; invicta acies, si æquo dimicaretur cam-  
po. Itaque & ingenio feroces, & multitudine freti, &  
quò metu cessisse credebant hostem, id morari victo-  
riam rati, quòd interesset amnis, clamore sublatò, pas-  
sam sine ullius imperio, quàm cuique proximum est, in  
amnem ruunt. Et ex parte altera ripæ vis ingens e-



quitum in flumen immiffa, medioque alvéo haudquam pari certamine concurfum; quippe ubi pedes inftabilis, ac vix vado fidens, vel ab inermi equite, equo temere aſto, perverti poſſet: eques, corpore armisque liber, equo vel per medios gurgites ſtabili, cominus eminufque rem gereret. Pars magna flumine abſumpta: quidam, vorticoſo amni delati in hoſtes, ab elephantis obtriti ſunt: poſtremi, quibus reſſus in ſuam ripam tutior fuit, ex varia trepidatione quum in unum colligerentur, priuſquam ex tanto pavore reciperent animos, Hannibal, agmine quadrato amnem ingreſſus, fugam ex ripa fecit: vaſtaſque agris, intra paucos dies Carpetanos quoque in deditionem accepit. Et jam omnia trans Iberum, præter Saguntinos, Karthaginienſium erant.

VI. Cum Saguntinis bellum nondum erat. ceterum jam belli cauſa certamina cum finitimis ſerebantur, maximè Turdetanis. quibus quum adeſſet idem, qui litis erat ſator, nec certamen juris, ſed vim quæri appareret; legati à Saguntinè Romam miſſi, auxilium ad bellum jam haud dubiè imminens orantes. Conſules tunc Romæ erant P. Cornelius Scipio & Ti. Sempronius Longus: qui quum, legatis in ſenatum introductis, de republica retuliſſent, placuiſſetque mitti legatos in Hiſpaniam ad res ſociorum inſpiciendas; quibus ſi videretur digna cauſa, & Hannibali denuncia-  
rent, ut ab Saguntinis, fociis populi Romani, abſtineret, & Karthaginem in Africam trajicerent, ac ſociorum populi Romani querimonias deferrent. Hac legatione decretâ, necdum miſſâ, omnium ſpe celerius Saguntum oppugnari allatum eſt. Tunc relata ex integro res ad ſenatum. Alii, provincias conſulibus Hiſpaniam atque Africam decernentes, terrâ marique rem gerendam cenſebant: alii totum in Hiſpaniam Hannibalemque intendeabant bellum. Erant, qui non temere movendam rem tantam, exſpectandosque ex Hiſpania  
legatos

legatos censerent. Hæc sententia, quæ tutissima videbatur, vicit: legatique eò maturius missi, P. Valerius Flaccus & Q. Bæbius Tamphilus, Saguntum ad Hannibalem, atque inde Karthaginem, si non abisteretur bello, ad ducem ipsum in pœnam fœderis rupti deposcendum.

VII. Dum ea Romani parant consultantque, jam Saguntum summâ vi oppugnabatur. Civitas ea longè opulentissima ultra Iberum fuit, sita passus mille ferme à mari. Oriundi à Zacyntho insula dicuntur, mixtisque etiam ab Ardea Rutulorum quidam generis. ceterum in tantas brevi creverant opes, seu maritimis, seu terrestribus fructibus, seu multitudinis incremento, seu sanctitate disciplinæ, quâ fidem socialem usque ad perniciem suam coluerunt. Hannibal, infesto exercitu ingressus fines, pervastatis passim agris, urbem tripartito aggreditur. Angulus muri erat in planiorem patentioremque, quàm cetera circâ, vallem vergens. adversus cum vineas agere instituit, per quas aries mœnibus admoveri posset. Sed ut locus procul muro satis æquus agendis vineis fuit; ita haudquaquam prospere, postquam ad effectum operis ventum est, cœptis succedebat. & turris ingens imminabat: & murus, ut in suspecto loco, supra ceteræ modum altitudinis emunitus erat: & juvenus delecta, ubi plurimum periculi ac laboris ostendebatur, ibi vi majore obstinebant. Ac primò missilibus submovere hostem, nec quicquam satis tutum munientibus pati. deinde jam non pro mœnibus modò atque turri tela micare, sed ad erumpendum etiam in stationes operaque hostium animus erat: quibus tumultuariis certaminibus haud ferme plures Saguntini cadebant, quàm Pœni. Ut verò Hannibal ipse, dum murum incautiùs subit, adversum semur tragulâ graviter ictus cecidit; tanta circâ fuga atque trepidatio fuit, ut non multum abesset, quin opera ac vineæ defererentur.

VIII. Ob-

VIII. Obsidio deinde per paucos dies magis, quam oppugnatio, fuit, dum vulnus ducis curaretur. per quod tempus ut quies certaminum erat, ita ab apparatu operum ac munitionum nihil cessatum. Itaque acrius de integro obortum est bellum, pluribusque partibus, vix accipientibus quibusdam opera locis, vineæ coeptæ agi, admoverique aries. Abundabat multitudine hominum Pœnus; ad centum enim quinquaginta millia habuisse in armis satis creditur. Oppidani ad omnia tuenda atque obeunda multifariam distineri coepti sunt. & non sufficiebant (jam enim feriebantur arietibus) muri, quassatæque multæ partes erant. una continentibus ruinis nudaverat urbem: tres deinceps turres, quantumque inter eas muri erat, cum fragore ingenti prociderant: captumque oppidum eâ ruinâ crediderant Pœni; quâ, velut si pariter utrosque murus sexisset, ita utrinque in pugnam procursum est. Nihil tumultuariæ pugnæ simile erat, quales in oppugnationibus urbium per occasionem partis alterius conferi solent: sed iustæ acies, velut patenti campo, inter ruinas muri testaque urbis modico distantia intervallo constiterant. hinc spes, hinc desperatio animos irritat: Pœno cepisse jam se urbem, si paululum adnitatur, credente; Saguntinis pro nudata mœnibus patria corpora opponentibus, nec ullo pedem referente, ne in relictum à se locum hostem immitteret. Itaque quo acrius & conferti magis utrinque pugnabant, eo plures vulnerabantur, nullo inter arma corporaque vano intercidente telo. Falarica erat Saguntinis, missile telum hastili abiegnò, & cetera tereti, præterquam ad extremum, unde ferrum exstabat. id, sicut in pilo, quadratum stuppâ circumligabant, linebantque pice. ferrum autem tres longum habebat pedes, ut cum armis transfigere corpus posset. Sed id maximè, etiam si hæsisset in scuto, nec penetrasset in corpus, pavorem faciebat; quòd, quum medium accensum mitteretur,

conce-

conceptumque ipso motu multo majorem ignem ferret, arma omitti cogebat, nudumque militem ad insequentes ictus præbebat.

IX. Quum diu anceps fuisset certamen, & Saguntinis, quia præter spem resisterent, crevissent animi; Poenus, quia non vicisset, pro victo esset; clamorem repentè oppidani tollunt, hostemque in ruinas muri expellunt; inde impeditum trepidantemque exturbant; postremò fufum fugatumque in castra redigunt. Interim, ab Roma legatos venisse nunciatum est. quibus obviam ad mare missi ab Hannibale, qui dicerent, nec tutò eos adituros inter tot tam effertatarum gentium arma: nec Hannibali, in tanto discrimine rerum, operæ esse legationes audire. Apparebat, non admissos protinus Karthaginem ituros. literas igitur nunciosque ad principes factionis Barcinæ præmittit, ut præpararent suorum animos, ne quid pars altera gratificari pro Romanis posset.

X. Itaque, præterquam quòd admissi auditique sunt, ea quoque vana atque irrita legatio fuit. Hanno unus adverso senatu causam foederis, magno silentio propter auctoritatem suam, non assensum audientium, egit. *Per Deos, fœderum arbitros ac testes, monuisse, prædixisse se, ne Hamilcaris progeniem ad exercitum mitterent. non manes, non stirpem ejus conquiescere viri: nec unquam, donec sanguinis nominisque Barcinæ quisquam superfit, quietura Romana fœdera. Juvenem flagrantem cupidine regni, viamque unam ad id cernentem, si ex bellis bella ferendo succinctus armis legionibusque vivat, voluit materiam igni præbentes, ad exercitus misistis. aluistis ergo hoc incendium, quo nunc ardetis. Saguntum vestri circumfident exercitus, unde arceantur fœdere: max Karthaginem circumfidebant Romana legiones, ducibus iisdem Dûs, per quas priore bello rupta fœdera sunt alti. Utràm hostem, an vos, an fortunam atriisque populi, ignoratis? Legatos, ab sociis & pro sociis venientes, bonus imperator vester in castra non admisit, jus gentium*

zium sustulit. hi tamen, unde ne hostium quidem legati arceantur, pulsī ad vos veniunt, res ex fœdere repetunt. publica fraus absit; auctorem culpæ, & reum criminis deposcunt. Quo lenius agunt, segnius incipiunt; eo, quum cœperint, vereor, ne perseverantius faviant. Ægates insulas Erycemque ante oculos proponite; quæ terrâ marique per quatuor & viginti annos passi sitis. Nec puer hic dux erat, sed pater ipse Hamilcar, Mars alter, ut isti volunt. sed Tarento, id est Italiâ, non abstinuimus ex fœdere: sicut nunc Sagunto non abstinemus. Vicerunt ergo Dii hominesque; &, id de quo verbis ambigebatur, uter populus fœdus rupisset, eventus belli, velut æquus iudex, unde jus stabat, ei victoriam dedit. Karthaginî, nunc Hannibal vineas turreſque admovent: Karthaginîs mœnia quatit ariete. Saguntî ruina (falsus utinam vates sim) nostris capitibus incident: susceptumque cum Saguntinis bellum, habendum cum Romanis est. Dedemus ergo Hannibalem? dicet aliquis. Scio, meam levem esse in eo auctoritatem propter paternas inimicitias. Sed & Hamilcarem eo perisse letatus sum, quod, si ille viveret, bellum jam cum Romanis haberemus; & hunc juvenem, tanquam furiam facemque hujus belli, odi ac detestor. Nec dedendum solum id piaculum rupti fœderis; sed, si nemo deposcat, debebendum in ultimas maris terrarumque oras, ablegandumque eò, unde nec ad nos nomen famaque ejus accedere, neque sollicitare quietæ civitatîs statum possit. Ego ita censeo, legatos ex templo Romam mittendos, qui senatui satisfaciant: alios, qui Hannibali nuncient, ut exercitum ab Sagunto abducant, ipsumque Hannibalem ex fœdere Romanis dedant. tertiam legationem ad res Saguntinis reddendas decerno.

XI. Quum Hanno perorasset, nemini omnium cedere oratione cum eo necesse fuit. adeo propè omnis senatus Hannibalis erat, infestiusque locutum arguebant Hannonem, quàm Flaccum Valerium, legatum Romanum. Responsum inde legatis Romanis est, Bellum ortum ab Saguntinis, non ab Hannibale esse. populum Romanum injustè facere, si Saguntinos vetustissima Karthaginien-

*gimienſium ſocietati præponat.* Dum Romani tempus tulerunt legationibus mittendis, Hannibal, quia feſſum militem præliis operibusque habebat, paucorum iis dierum quietem dedit, ſtationibus ad cuſtodiam vinearum aliorumque operum diſpoſitis. interim animos eorum nunc irâ in hoſtes ſtimulando, nunc ſpe præmiorum accendit. Ut verò pro concione prædam captæ urbis edixit militum fore, ad eò accenſi omnes ſunt, ut, ſi extemplo ſignum datum eſſet, nullâ vi reſiſti videretur poſſe. Saguntini ut à præliis quietem habuerant, nec laceſſentes, nec laceſſiti per aliquot dies; ita non nocte, non die unquam ceſſaverant ab opere, ut novum murum ab ea parte, quâ patefactum oppidum ruinis erat, reſicerent. Inde oppugnatione eos aliquantò atrocior, quàm antè, adorta eſt: nec, quâ primùm aut potiſſimùm parte ferrent opem, (quum omnia variis clamoribus ſtreperent) ſatis ſcire poterant. Ipſe Hannibal, quâ turris mobilis, omnia munimenta urbis ſuperans altitudine, agebatur, hortator aderat. quæ quum admota, catapultis baliſtisque per omnia tabulata diſpoſitis, muros deſenſoribus nudâſſet; tum Hannibal, occaſionem ratus, quingentos ferme Afros cum dolabris ad ſubruendum ab imo murum mittit. nec erat difficile opus, quòd cæmenta non calce durata erant, ſed interlita luto, ſtructuræ antiquæ genere. Itaque latiùs, quàm cæderetur, ruebat: perque patentia ruinis agmina armatorum in urbem vadebant. Locum quoque editum capiunt: collatiſque eò catapultis baliſtisque, ut caſtellum in ipſa urbe velut arcem imminentem haberent, muro circumdant: & Saguntini murum interiorem ab nondum capta urbis parte ducunt. Utrunque ſummâ vi & muniunt, & pugnant: ſed, interiora tuendo, minorem in dies urbem Saguntini faciunt. Simul creſcit inopia omnium longâ obſidione, & minuitur exſpectatio externæ opis; quum tam procul Romani, unica ſpes, circâ omnia hoſtium eſſent.

Pau-

Paulisper tamen affectos animos recreavit repentina profectio Hannibalis in Oretanos Carpetanosque. qui duo populi, delectus acerbitate consternati, retentis conquistatoribus, metum defectionis quum præbuissem, oppressi celeritate Hannibalis, omiserunt mota arma.

XII. Nec Sagunti oppugnatio segnior erat, Maharbale, Himilconis filio, (eum præfecerat Hannibal) ita impigre rem agente, ut ducem abesse nec cives, nec hostes sentirent. Is & prælia aliquot secunda fecit, & tribus arietibus aliquantulum muri discussit; strataque omnia recentibus ruinis advenienti Hannibali ostendit. Itaque ad ipsam arcem extemplo ductus exercitus, atroxque prælium cum multorum utrinque cæde initum, & pars arcis capta est. Tentata deinde per duos est exigua pacis spes, Alconem Saguntinum, & Alorcum Hispanum. Alcon, insciis Saguntinis, precibus aliquid moturum ratus, quum ad Hannibalem noctu transisset, postquam nihil lacrimæ movebant, conditionesque tristes, ut ab irato victore, ferebantur, transfuga ex oratore factus, apud hostem mansit; moriturum affirmans, qui sub conditionibus his de pace ageret. Postulabatur autem, redderent res Turdetanis; traditoque omni auro atque argento, egressi urbe cum singulis vestimentis ibi habitarent, ubi Poenus iussisset. Has pacis leges abnuente Alcone accepturos Saguntinos, Alorcus, vinci animos, ubi alia vincantur, affirmans, se pacis ejus interpretem fore pollicetur. Erat autem tum miles Hannibalis; ceterum publice Saguntinis amicus atque hospes. Tradito palam telo custodibus hostium, transgressus munimenta, ad prætorem Saguntinum (& ipse ita jubebat) est deductus. quò quum extemplo concursus omnis generis hominum esset factus, summotà ceterà multitudine, senatus Alorco datus est: cujus talis oratio fuit.

XIII. *Si civis vester Alcon, sicut ad pacem petendam ad Hannibalem venit, ita pacis conditiones ab Hannibale ad vos retulif-*

retulisset, supervacaneum hoc mihi fuisset iter, quo nec orator Hannibalis, nec transfuga ad vos venissem. Quum ille, aut vestrá, aut suá culpá, manserit apud hostem, (si metum simulavit, suá; vestrá, si periculum est apud vos vera referentibus) ego, ne ignoraretis, esse aliquas & salutis & pacis vobis conditiones, pro vetusto hospitio, quod mihi vobiscum est, ad vos veni. Vestra autem causa me, nec ullius alterius, loqui, qua loquor apud vos, vel ea fides sit, quod, neque dum vestris viribus restitistis, neque dum auxilia ab Romanis sperástis, pacis unquam apud vos mentionem feci. Postquam nec ab Romanis vobis ulla spes est, nec vestra jam aut arma vos, aut mania satis defendunt, pacem afferre ad vos magis necessariam, quàm aquam. cujus ita aliqua spes est, si eam quemadmodum ut victor fert Hanaibal, sic vos ut victi audiat: si non id, quod amittitur, in damno, (quum omnia viribus sint) sed, quicquid relinquitur, pro munere habituri essis. Urbem vobis, quum ex magna jam parte dirutam, captam fere totam habet, adimit, agros relinquit, locum assignaturus, in quo novum oppidum adificetis: aurum argentumque omne, publicam privatumque, ad se jubet deferri: conjugum vestraque corpora ac liberorum vestrorum servat inviolata, si incertis cum binis vestimentis velitis ab Segunto exire. Hac victor hostis imperat. Hac, quanquam sint gravia atque acerba, fortuna vestra vobis suadet. Equidem haud despero, quum omnium potestas ei facta sit, aliquid ex his rebus remissurum. Sed vel hac patienda censeo potiùs, quàm trucidari corpora vestra, rapi trabique ante ora vestra conjuges ac liberos belli jure finatis.

XIV. Ad hæc audienda quum, circumfusà paulatim multitudine, permixtum senatui esset populi concilium; repentè primores, secessione factà, (priusquam responsum daretur) argentum aurumque omne, ex publico privatoque in forum collatum, in ignem ad id raptim factum conjicientes, eodem plerique semet ipsi præcipitaverunt. Quum ex eo pavor ac trepidatio totam urbem pervasisset, alius insuper tumultus ex arce auditur,



auditur. Turris diu quassata prociderat : perque ruinam ejus cohors Pœnorum impetu facto quum signum imperatori dedisset, nudatam stationibus custodiisque solitis hostium esse urbem ; non cunctandum in tali occasione ratus Hannibal, totis viribus aggressus urbem, momento cepit, signo dato, ut omnes puberes interficerentur. quod imperium crudele, ceterum propè necessarium cognitum ipso eventu est. Cui enim parci potuit ex iis, qui aut inclusi cum conjugibus ac liberis domos super seipsum concremaverunt, aut armati nullum antè finem pugne, quàm morientes, fecerunt?

XV. Captum oppidum est cum ingenti præda. Quamquam pleraque ab dominis de industria corrupta erant, & in cædibus vix ullum discrimen ætatis ira fecerat, & captivi militum præda fuerant ; tamen & ex pretio rerum venditarum aliquantum pecuniæ redactum esse constat, & multam pretiosam supellectilem vestemque missam Karthaginem. Octavo mense, quàm coeptum oppugnari, captum Saguntum, quidam scripsere : inde Karthaginem Novam in hiberna Hannibalem concessisse : quinto deinde mense, quàm ab Karthagine profectus sit, in Italiam pervenisse. Quæ si ita sunt, fieri non potuit, ut P. Cornelius, Ti. Sempronius consules fuerint, ad quos & principio oppugnationis legati Saguntini missi sunt, & qui in suo magistratu cum Hannibale, alter ad Ticinum amnem, ambo aliquanto post ad Trebiam, pugnaverint. Aut omnia breviora aliquanto fuere, aut Saguntum principio anni, quo P. Cornelius, Ti. Sempronius consules fuerunt, non coeptum oppugnari est, sed captum. Nam excessisse pugnam ad Trebiam in annum Cn. Servilii & C. Flamini non potest : quia Flaminius Arimini consulatum iniit, creatus ab Ti. Sempronio consule ; qui, post pugnam ad Trebiam ad creandos consules Romam quum venisset, comitiis perfectis ad exercitum in hiberna rediit.

XVI. Sub idem fere tempus & legati, qui redierant à Kar-

à Karthagine, Romam retulerunt, omnia hostilia esse, & Sagunti excidium nunciatum est: tantusque simul moror Patres, misericordiaque sociorum peremptorum indignè, & pudor non lati auxilii, & ira in Karthaginienses, metusque de summa rerum cepit, velut si jam ad portas hostis esset; ut, tot uno tempore motibus animi turbati, trepidarent magis, quàm consulerent. Nam neque hostem acriorem bellicosioremq; secum congressum; nec rem Romanam tam desidè unquam fuisse atque imbellem. Sardos, Corsosque, & Istros, atque Illyrios, lacesse magis, quàm exercuisse, Romana arma: & cum Gallis tumultuatum veriùs, quàm belligeratum. Pœnum, hostem veteranum, trium & viginti annorum militiâ durissimâ inter Hispanas gentes semper victorem, primùm Hamilcare, deinde Hasdrubale, nunc Hannibale duce acerrimo affuctum, recentem ab excidio opulentissimæ urbis, Iberum transire: trahere secum tot excitos Hispanorum populos: concitum avidas semper armorum Gallicas gentes. cum orbe terrarum bellum gerendum in Italia ac pro mœnibus Romanis esse.

XVII. Nominatæ jam antea consulibus provinciæ erant; tum fortiri jussi. Cornelio Hispania, Sempronio Africa cum Sicilia evenit. Sex in eum annum decretæ legiones, & sociùm quantum ipsis videretur, & classis quanta parari posset. Quatuor & viginti peditum Romanorum millia sunt scripta, & mille ostingenti equites: sociorum quadraginta millia peditum, quatuor millia & quadringenti equites: naves ducentæ viginti quinqueres, celoces viginti deductæ. Latum inde ad populum, *vellent, juberent, populo Karthaginiensi bellum indici*. Ejusque belli causâ supplicatio per urbem habita, atque adorati Dii, ut bene ac feliciter eveniret, quod bellum populus Romanus jussisset. Inter consules ita copiarum divisæ. Sempronio datæ legiones duæ, (ea quaterna millia erant peditum, & trecenti

centi equites) & sociorum sexdecim millia peditum, equites mille octingenti. naves longæ centum sexaginta, celoces duodecim. Cum his terrestribus maritimisque copiis Ti. Sempronius missus in Siciliam; ita in Africam transmissurus, si ad arcendum Italiâ Pœnum consul alter satis esset. Cornelio minus copiarum datum, quia L. Manlius prætor & ipse cum haud invalido præsidio in Galliam mittebatur. Navium maxime Cornelio numerus deminutus. sexaginta quinquereemes datæ (neque enim mari venturum, aut eâ parte belli dimicaturum hostem credebant) & duæ Romanæ legiones cum suo iusto equitatu, & quatuordecim millibus sociorum peditum, equitibus mille sexcentis. Duas legiones Romanas, & decem millia sociorum peditum, mille equites socios, sexcentos Romanos Gallia provincia eodem anno versa in Punicum bellum habuit.

XVIII. His ita comparatis, ut omnia iusta ante bellum fierent, legatos maiores natu, Q. Fabium, M. Livium, L. Æmilium, C. Licinium, Q. Bæbium, in Africam mittunt ad percunctandos Karthaginienses, publicone consilio Hannibal Saguntum oppugnasset? & si, id quod facturi videbantur, faterentur, ac defenderent publico consilio factum, ut indicerent populo Karthaginiensi bellum. Romani postquam Karthaginem venerunt, quum senatus datus esset, & Q. Fabius nihil ultra, quam unum, quod mandatum erat, percunctatus esset; tum ex Karthaginiensibus unus: *Præce vestre, Romani, & prior legatio fuit, quum Hannibalem, tanquam suo consilio Saguntum oppugnantem, deposcebatis: ceterum hac legatio verbis adhuc lenior est, re asperior. Tunc enim Hannibal & infimulabatur, & deposcebatur. nunc ab nobis & confessio culpa exprimitur: &, ut à confesso, res extemplo repetuntur. Ego autem non, privato publicone consilio Saguntum oppugnatum sit, querendum censuam: sed utrum jure, an injuria. Nostra enim hac questio atque animadversio in civem nostram est; nostra, an suo fecerit arbitrio.*

trio. Vobiscum una disceptatio est, licueritne per fœdus fieri. Itaque quoniam discerni placet, quid publico consilio, quid sua sponte imperatores faciant; nobis vobiscum fœdus est à Lutatio consule iktum: in quo quum caveretur utrorumque sociis, nihil de Saguntinis (necdum enim erant socii vestri) cautum est. At enim eo fœdere, quod cum Hasdrubale iktum est, Saguntini excipiuntur. adversus quod nihil ego dicturus sum, nisi quod à vobis didici. Vos enim, quod C. Lutatius consul primò nobiscum fœdus icit, quia neque auctoritate Patrum, nec populi jussu iktum erat, negastis vos eo teneri. itaque aliud de integro fœdus publico consilio iktum est. Si vos non tenent vestra fœdera, nisi ex auctoritate aut jussu vestro ista; ne nos quidem Hasdrubalis fœdus, quod nobis insciis icit, obligare potuit. Proinde omittite Sagunti atque Iberi mentionem facere, & quod diu porturit animus vester, aliquando pariat. Tum Romanus sinu ex toga facto, Hic, inquit, vobis bellum & pacem portamus; utrum placet, sumite. Sub hanc vocem haud minùs ferociter, daret, utrum vellet, succlamatum est. & quum is iterum sinu effuso bellum dare dixisset, accipere se omnes responderunt, & quibus acciperent animis, iisdem se gesturos.

XIX. Hæc directa percunctatio ac denunciatio belli magis ex dignitate populi Romani visa est, quàm de fœderum jure verbis disceptare, quum antè, tum maxime Sagunto excisa. nam, si verborum disceptationis res esset, quid fœdus Hasdrubalis cum Lutatii priore fœdere, quod mutatum est, comparandum erat? quum in Lutatii fœdere disertè additum esset, ita id ratum fore, si populus censuisset; in Hasdrubalis fœdere nec exceptum tale quicquam fuerit, & tot annorum silentio ita vivo eo comprobatum sit fœdus, ut ne mortuo quidem auctore quicquam mutaretur. Quamquam, etiam priore fœdere staretur, satis cautum erat Saguntinis, sociis utrorumque exceptis. nam neque additum erat, iis, qui tunc essent: nec, ne qui postea assumerentur. & quum assumere novos liceret socios, quis re-  
quum

quum censeret, aut ob nulla quemquam merita in amicitiam recipi? aut receptos in fidem non defendi? tantum, ne Karthaginensium socii aut sollicitarentur ad defectionem, aut suâ sponte desciscientes reciperentur. Legati Romani ab Karthagine, sicut his Romæ imperatum erat, in Hispaniam, ut adirent civitates, ut in societatem pellicerent, aut averterent à Pœnis, trajecterunt. Ad Bargusios primum venerunt: à quibus benignè excepti, quia tædebat imperii Punici, multos trans Iberum populos ad cupidinem novæ fortunæ erexerunt. Ad Volcianos inde est ventum: quorum celebre per Hispaniam responsum ceteros populos ab societate Romana avertit. ita enim maximus natu ex iis in concilio respondit: *Qua verecundia est, Romani, postulare vos, uti vestram Karthaginensium amicitia præponamus, quum, qui id fecerunt, Saguntinos crudeliùs, quàm Pœnus hostis perdidit, vos socii prodideritis? ibi queratis socios, censeo, ubi Saguntina clades ignota est. Hispanis populis, sicut lugubre, ita insigne documentum Sagunti ruina erunt, ne quis fidei Romana aut societati confidat.* Inde extemplo abire finibus Volcianorum iussi, ab nullo deinde concilio Hispaniæ benigniora verba tulere. itaque, nequicquam peragrata Hispaniâ, in Galliam transcunt.

XX. In his nova terribilisque species visa est, quòd armati (ita mos gentis erat) in conciliùm venerunt. quum, verbis extollentes gloriam virtutemque populi Romani ac magnitudinem imperii, petissent, ne Pœno, bellum Italiæ inferenti, per agros urbesque suas transitum darent; tantus cum fremitu risus dicitur ortus, ut vix à magistratibus majoribusque natu juvenus sedaretur. Adeò stolidi impudensque postulatio visa est, censere, ne in Italiam transmittant Galli bellum, ipsos id avertere in se, agrosque suos pro alienis populandos objicere. Sedato tandem fremitu, responsum legatis est, *neque Romanorum in se meritum esse, neque Karthaginensium injuriam, ob qua aut pro Romanis, aut adversus Pœ-*

*nos fumant arma. Contra ea audire sese, gentis suæ homines agris finibusque Italia pelli à populo Romano, stipendiumque pendere, & cetera indigna pati. Eadem ferme in ceteris Galliarum conciliis dicta auditaque: nec hospitale quicquam pacatumve satis prius auditum, quam Massiliam venire. Ibi omnia, ab sociis inquisita cum cura ac fide, cognita, preoccupatos jam antè ab Hannibale Gallorum animos esse, sed ne illi quidem ipsi satis mitem gentem fore, (ad eo ferocia atque indomita ingenia esse) nã subinde auro, cujus avidissima gens est, principum animi conciliantur. Ita peragratis Hispaniarum & Galliarum populis, legati Romam redeunt, haud ita multo post, quam consules in provincias profecti erant. civitatem omnem in expectationem belli erectam invenerunt; satis constante famâ, jam Iberum Poenos transmississe.*

XXI. Hannibal, Sagunto capto, Karthaginem Novam in hiberna concesserat. ibique, auditis, quæ Romæ, quæque Karthagine acta decretaque forent, seque non ducem solum, sed etiam causam esse belli, partitis divenditisque reliquiis prædæ, nihil ultra differendum ratus, Hispani generis milites convocat: *Credo ego vos, inquit, socii, & ipsos cernere, pacatis omnibus Hispania populis, aut finiendam nobis militiam, exercitusque dimittendos esse; aut in alias terras transferendum bellum: ita enim hæc gentes non pacis solum, sed etiam victoria, bonis floreant, si ex aliis gentibus prædam & gloriam quæremus. Itaque, quum longinqua ab domo instet militiæ, incertumque sit, quando domos vestras, & quæ cuique ibi cara sunt, visuræ sitis, si quis vestrum suos invisere vult, commeatum do. Primo vere, edico, vaditis; ut, Diis bene juvantibus, bellum ingentis gloriæ prædæque futurum incipiamus. Omnibus ferè visendi domos oblata ultro potestas grata erat, & jam desiderantibus suos, & longius in futurum providentibus desiderium. Per totum tempus hiemis quies inter labores, aut jam exhaustos, aut mox exhauriendos, renovavit corpora animosque ad omnia de inte-*  
*Tom. II, G gra*

gro patienda. Vere primo ad edictum convergere. Hannibal, quum recensuisset omnium auxilia gentium, Gades profectus Herculi vota exsolvit: novisque se obligat votis, si cetera prospera evenissent. Inde, partiens curas simul in inferendum atque arcendum bellum, ne, dum ipse terrestri per Hispaniam Galliasque itinere Italiam peteret, nuda aperta que Romanis Africa ab Sicilia esset, valido presidio firmare eam statuit. Pro eo supplementum ipse ex Africa, maximè jaculatorum, levium armis, petiit; ut Afri in Hispania, in Africa Hispani, melior procul ab demo-futurus uterque miles, velut mutuis pignoribus obligati, stipendia facerent. Tredecim millia octingentos quinquaginta pedites catratos misit in Africam, & funditores Baliares octingentos septuaginta: equites mixtos ex multis gentibus mille ducentos. Has copias partim Karthagini presidio esse, partim distribuere per Africam jubet. simul conquistoribus in civitates missis, quatuor millia conscripta delectæ juventutis, presidium eisdem & obfides, duci Karthaginem jubet.

XXII. Neque Hispaniam negligendam ratus, (atque ideo haud minus, quod haud ignarus erat, circumitam ab Romanis eam legatis ad sollicitandos principum animos) Hasdrubali fratri, viro impigro, eam provinciam destinat, firmatque eum Africis maximè presidis, peditum Afrorum undecim milibus octingentis quinquaginta, Liguribus trecentis, Baliaribus quingentis. ad hæc peditum auxilia additi equites Libyphœniæ (mixtum Pœnicum Afri genus) trecenti, & Numidæ Maurique accollæ Oceani ad mille octingentos, & parva Hergetum manus ex Hispania, ducati equites: &, ne quid terrestris deesset auxilii genus, elephanti quatuordecim. classis præterea data ad tuendam maritimam oram, (quia, quâ parte belli vicerant, eâ tum quoque rem gesturos Romanos, credi poterat) quinquaginta quinqueremes, quadringentos duas, trise-

mes quinque : sed aptæ instructæque remigio triginta, & duæ quinquereemes. erant, & triremes quinque. Ab Gadibus Karthaginem ad hiberna exercitus rediit. atque inde, profectus præter Etovissam urbem, ad Iberum maritimamque oram ducit. Ibi, fama est, in quiete visum ab eo juvenem divinâ specie, qui se ab Jove diceret ducem in Italiam Hannibali missum : proinde sequeretur, neque usquam à se desisteret oculos. Pavidum primò, nusquam circumspicientem aut respicientem, secutum ; deinde, curâ humani ingenii, quum, quidnam id esset, quod respicere vetitus esset, agitaret animo, temperare oculis nequivisse ; tum vidisse, post sese serpentem mirâ magnitudine cum ingenti arborum ac virgultorum strage ferri, ac post insequi cum fragore cœli nimbum : tum, quæ moles ea, quidve prodigii esset, querentem audisse : Vastitatem Italiae esse. pergeret porro ire, nec ultra inquireret, fueretque facta in occulto esse.

XXIII. Hoc visu lætus tripartitò Iberum copias trajecit, præmissis, qui Gallosum animos, quâ traducendus exercitus erat, donis conciliarent, Alpiumque transitus specularentur. nonaginta millia peditum, duodecim millia equitum Iberum traduxit. Iltergetes inde, Bargusioque, & Ausetanos, & Lacetaniâ, quæ subiecta Pyrenæis montibus est, subegit : oræque huic omni præfecit Hannonem, ut fauces, quæ Hispanias Galliis jungunt, in potestate essent. Decem millia peditum Hannoni ad præsidium obtinendæ regionis data, & mille equites. Postquam per Pyrenæum saltum traduci exercitus est coeptus, nimorque per barbaros mænavit certior de bello Romano ; tria millia inde Carpetanorum peditum iter averterunt. constabat, non tam bello motos, quàm longinquitate viæ insuperabilique Alpium transitu. Hannibal, quia revocare aut vi retinere eos anceps erat, ne ceterorum etiam ferocæ animi imitarentur, supra septem millia hominum



domos remisit, quos & ipse gravari militiâ senſerat, Carpetanos quoque ab ſe dimiſſos ſimulans.

XXIV. Inde, ne mora atque otium animos ſollicitarent, cum reliquis copiis Pyrenæum tranſgreditur, & ad oppidum Illiberi caſtra locat. Galli quanquam Italiæ bellum inferri audiebant, tamen, quia vi ſubactos trans Pyrenæum Hiſpanos fama erat, præſidiaque valida impoſita, metu ſervitutis ad arma conſternati, Ruſcinonem aliquot populi conveniunt. quod ubi Hannibali nunciatum eſt, moram magis, quàm bellum, metuens, oratores ad regulos eorum miſit, *colloqui ſemet ipſum velle cum his; & vel illi propius Illiberi accederent, vel ſe Ruſcinonem proceſſurum, ut ex propinquo congreſſus facilior eſſet: nam & accepturum eos in caſtra ſua ſe latum, nec cunctanter ſe ipſum ad eos venturum. Hoſpitem enim ſe Gallia, non hoſtem, adveniſſe: nec ſtriſturum antè gladium, ſi per Gallos liceat, quàm in Italiam veniſſet.* Et per nuncios quidem hæc. Ut verò reguli Gallorum, caſtris ad Illiberi extemplo motis, haud gravatè ad Pœnum venerunt; capti donis, cum bona pace exercitum per fines ſuos præter Ruſcinonem oppidum tranſmiſerunt.

XXV. In Italiam interim nihil ultrà, quàm Iberum tranſiſſe Hannibalem, à Maſſilienſium legatis Romam perlatum erat: quum perinde, ac ſi Alpes jam tranſiſſet, Boji, ſollicitatis Inſubribus, defecerunt; nec tam ob veteres in populum Romanum iras, quàm quòd nuper circa Padum, Placentiam Cremonamque colonias in agrum Gallicum deductas ægre patiebantur. Itaque, armis repente arreptis, in eum ipſum agrum impetu factò, tantum terroris ac tumultûs fecerunt, ut non agreſtis modò multitudo, ſed ipſi triumviri Romani, qui ad agrum venerant aſſignandum, diſſi Placentiæ mœnibus, Mutinam confugerint, C. Lutatius, C. Servilius, T. Annius. Lutatii nomen haud dubium eſt. pro C. Servilio, & T. Annio, Q. Acilium, & C. Herennium habent quidam annales: alii P. Cornelium

Num Asinam & C. Papirium Masonem. Id quoque dubium est, legati, ad expostulandum missi ad Bojos, violati sint, an in triumviros agrum metantes impetus sit factus. Mutinæ quum obsiderentur, & gens, ad oppugnandarum urbium artes rudis, pigerrima eadem ad militaria opera, segnis intactis assideret muris, simulari cœptum de pace agi. evocatique ab Gallorum principibus legati ad colloquium, non contra jus modò gentium, sed violatà etiam, quæ data in id tempus erat, fide, comprehenduntur; negantibus Gallis, nisi obsides sibi redderentur, eos dimissuros. Quum hæc de legatis nunciata essent, & Mutina præsidiumque in periculo esset, L. Manlius prætor, irâ accensus, effusum agmen ad Mutinam ducit. Silvæ tunc circa viam erant, plerisque incultis. ibi, inexploratò profectus, in insidias præcipitatus, multaque cum cæde suorum ægre in apertos campos emerfit. ibi castra communita; &, quia Gallis ad tentanda ea defuit spes, refecti sunt militum animi, quanquam accisas res. satis constabat. Iter deinde de integro cœptum; nec, dum per patentia loca ducebatur agmen, apparuit hostis; ubi rursus silvæ intratæ, tum postremos adorti, cum magna trepidatione ac pavore omnium, octingentos milites occiderunt, sex signa ademere. Finis & Gallis territandi, & pavendi Romanis fuit, ut è saltu invio atque impedito evasere. inde, apertis locis facillè tutantes agmen, Romani Tanetum, vicum propinquum Pado, contendere: ibi se munimento ad tempus comœtibusque fluminis & Brixianorum Gallorum auxiliò, adversus crescentem in dies multitudinem hostium, tutabantur.

XXVI. Qui tumultus repens postquam est Romam perlatus, & Punicum insuper Gallico bello auctum Patres acceperunt; C. Atilium prætorem cum una legione Romana & quinque millibus sociorum, delectu novo à consule conscriptis, auxilium ferre Manlio jubent.

bent : qui sine ullo certamine (abscefferant enim metu hostes) Tanetum pervenit. Et P. Cornelius, in locum ejus; quæ missa cum prætore fuerat, transcriptâ legione novâ, profectus ab urbe sexaginta longis navibus, præter oram Etruriæ Ligurumque, & inde Salyum montes, pervenit Massiliam, & ad proximum ostium Rhodani (pluribus enim divisus annis in mare decurrit) castra locat : vixdum satis credens, Hannibalem superâsse Pyrenæos montes. quem ut de Rhodani quoque transitu agitare animadvertit, incertus, quonam ei loco occurreret, necdum satis refectis ab jactatione maritima militibus, trecentos interim delectos equites, ducibus Massiliensibus & auxiliariis Gallis, ad exploranda omnia visendosque ex tuto hostes præmittit. Hannibal, ceteris metu aut pretio pacatis, jam in Volcarum pervenerat agrum; gentis validæ. Colunt autem circa utramque ripam Rhodani : sed, diffusi ceteriore agro arceri Poenum posse, ut flumen promanentio haberent, omnibus ferme suis trans Rhodanum trajectis; ulteriorem ripam annis armis obtinebant. Ceteros accolæ fluminis Hannibal; & eorum ipsorum quos sedes suæ tenuerant, simul perlicet donis ad naves undique contrahendas fabricandasque : simul & ipsi trajici exercitum, levarique quamprimum regionem suam tantâ urgente hominum turbâ cupiebant. Itaque ingens coacta vis navium est : lintiumque temere ad vicinalem usum paratarum : novæque alias primum Galli inchoantes cavabant ex singulis arboribus : deinde & ipsi milites, simul copiâ materiæ, simul facilitate operis inducti, alveos informes; (nilil, dummodo innare aquæ & capere onera possent, curantes) quibus se suasque transvehent, raptim faciebant.

XXVII. Jamque omnibus satis comparatis ad trajiciendum, terrebant ex adverso hostes, omnem ripam equites vitique obtinentes : quos ut avelleret; Hannonem, Bomilcaris filium, vigiliâ primâ noctis, cum par-  
to

te copiarum, maxime Hispanis, adverso fluminé ire iter unius diei jubet; & ubi primas possit, quam occultissime trajecto amni, circumducere agmen, ut, quum opus facto sit, adoriatur ab tergo hostem. Ad id dati duces Galli edocent, inde millia quinque & viginti ferme supra, parvas insulas circumfusus amnem, latiore, ubi dividebatur, eoque minus alto alveo, transitum ostendere. ibi raptim caesa materia ratesque fabricatae, in quibus equi virique & alia onera trajicerentur. Hispani sine ulla mole, in utres vestimentis coniectis, ipsi catervis suppositis incubantes, flumen transnavigare. Et alius exercitus, ratibus junctis trajectus, castris prope flumen positus, nocturno itinere atque operis labore fessus, quiete unius diei reficitur, intento duce ad consilium opportunè exsequendum. Postero die, profecti ex loco, prodito fumo significant, se transisse, & haud procul abesse, quod ubi accepit Hannibal, ne tempore decideret, dat signum ad trajiciendum. Jam paratas aptatasque habebat pedes lintres, equites sedè propter equos nantes navium agmen, ad excipiendum adversi impetum fluminis parte superiore transmittens, tranquillitatem infra trajicientibus lintribus praebebat. Equorum pars magna nantes loris à puppibus trahebantur, præter eos, quos instructos frenatosque, ut extemplo egresso in ripam equiti usui essent, imposuerant in naves.

XXVIII. Galli occurrant in ripam cum variis ululatibus cantuque moris sui, quatientes scuta super capita, vibrantesque dextris tela: quanquam & ex adverso terrebat tanta vis navium cum ingenti sono fluminis & clamore vario nautarum & militum, qui mittebantur percurrere impetum fluminis, & qui ex altera ripa trajicientes suos hortabantur. Jam satis paventes adverso tumultu terribior ab tergo adortus clamor, castris ab Hannone captis. mox & ipse aderat, ancepsque terror circumstabat, & è navibus tantà

vi armatorum in terram evadente, & ab tergo improvisâ premente acie. Galli, postquam, ultro vim facere conati, pellebantur, quâ patere visum maximè inter, perrumpunt, trepidique in vicos passim suos diffugiunt. Hannibal, ceteris copiis per otium trajectis, spernens jam Gallicos tumultus, castra locat. Elephantorum trajiciendorum varia consilia fuisse credo: certè variata memoria actæ rei. quidam, congregatis ad ripam elephantis, tradunt, ferocissimum ex iis irritatum ab rectore suo, quum refugientem in aquam nantem sequeretur, traxisse gregem, ut quemque timentem altitudinem destituerat vadum, impetu ipso fluminis in alteram ripam rapiente. Ceterum magis constet, ratibus trajectos: id ut tutius consilium ante rem foret, ita, actâ re, ad fidem pronius est. Ratem unam, ducentos longam pedes, quinquaginta latam, à terra in amnem porrexerunt: quam, ne secundâ aquâ deferretur, pluribus validis retinaculis parte superiore ripæ religatam, pontis in modum humo injectâ constraverunt; ut bellæ audacter velut per solum ingrederentur. altera ratis, æquè lata, longa pedes centum, ad trajiciendum flumen apta, huic copulata est: & quum elephanti, per stabilem ratem, tanquam viam, prægredientibus feminis, acti, in minorem applicatam transgressi sunt; extemplo resolutis, quibus leviter annexa erat, vinculis, ab actuariis aliquot navibus ad alteram ripam pertrahitur: ita primis expositis, alii deinde repètitî ac trajecti sunt. Nihil sanè trepidabant, donec continenti velut ponte agerentur. primus erat pavor, quum, solutâ ab ceteris rate, in altum raperentur. ibi, urgentes inter se, cedentibus extremis ab aqua, trepidationis aliquantum edebant; donec quietem ipse timor circumspectantibus aquam fecisset. excidère etiam sævientes quidam in flumen. sed, pondere ipso stabiles, dejectis rectoribus, quærendis pedetentim vadis, in terram evasere.

XXIX. Dum

XXIX. Dum elephanti trajiciuntur, interim Hannibal Numidas equites quingentos ad castra Romana miserat speculatum, ubi, & quantæ copiæ essent, & quid pararent. Huic alæ equitum missi, ut antè dictum est, ab ostio Rhodani trecenti Romanorum equites occurrunt. prælium atrocius, quàm pro numero pugnantium, editur. Nam præter multa vulnera, cædes etiam propè par utrinque fuit: fugaque & pavor Numidarum Romanis, jam admodum fessis, victoriam dedit. victores ad centum sexaginta, nec omnes Romani, sed pars Gallorum: victi amplius ducenti ceciderunt. Hoc principium simul omenque belli, ut summæ rerum prosperum eventum, ita haud sanè incruentam ancipitisque certaminis victoriam, Romanis portendit. Ut, re ita gestâ, ad utrumque ducem sui redierunt, nec Scipioni stare sententia poterat, nisi ut ex consiliis cœptisque hostis & ipse conatus caperet: & Hannibalem incertum, utrùm cœptum in Italiam intenderet iter, an cum eo, qui primus se obtulisset Romanus exercitus, manus confereret, avertit. à præsentis certamine Bojorum legatorum regulique Magali adventus: qui se duces itinerum, socios periculi fore, affirmantes, integro bello, nusquam antè libatis viribus, Italiam aggrediendam censent. Multitudo timebat quidem hostem, nondum oblitteratâ memoriâ superioris belli: sed magis iter immensum Alpesque, rem famâ utique inexpertis horrendâ; metuebat.

XXX. Itaque Hannibal, postquam ipsi sententiâ stetit pergere ire, atque Italiam petere, advocatâ concione, variè militum versat animos castigando adhortandoque. *Mirari se, quinam pectora semper impavida repens terror invaserit. per tot annos vincentes eos stipendia facere; neque antè Hispaniâ excessisse, quàm omnes gentesque ex terra ea, quas duo diversa maria amplectantur, Kartaginensium essent. Indignatos deinde, quòd, quicumque Saguntum obsedissent, velut ob noxam, sibi dedi postulare popu-*

Ius Romanus, Iberum trajecisse ad delendum nomen Romanorum, liberandumque orbem terrarum. Tum nemini visum id longum, quum ab occasu solis ad exortus intenderent iter. Nunc, postquam multo maiorem partem itineris emensam cernant, Pyrenaum saltum inter ferocissimas gentes superatum, Rhodanum, tantum amnem, tot millibus Gallorum prohibentibus, domitâ etiam ipsius fluminis vi, trajectum, in conspectu Alpes habeant, quarum alterum latus Italia sit; in ipsis portis hostium fatigatos subsistere, quid Alpes aliud esse credentes, quàm montium altitudines? Fingerent altiores Pyrenæi jugis. nullas profectò terras cælum contingere, nec in-exsuperabiles humano generi esse. Alpes quidem habitari, colî, gignere atque alere animantes. pervias paucis esse, exerciti-bus invias? eos ipsos, quos cernant, legatos non pennis sublimè elatos Alpes transgressos: ne majores quidem eorum indigenas; sed advenas Italiæ cultores, has ipsas Alpes ingentibus sæpe agminibus cum liberis ac conjugibus, migrantium modo, tutò transmississe. Militi quidem armato, nihil secum præter instrumenta belli portanti, quid invium aut in-exsuperabile esse? Saguntum ut caperetur, quid per octo menses periculi, quid laboris exhaustum esse? Romam, orbis terrarum caput, petentibus quicquam adeò asperum atque arduum videri, quod inceptum moretur? Cepisse quondam Gallos ea, quæ adiri posse Pænus desperet. proinde aut cederent animo atque virtute genti, per eos dies toties ab se victæ, aut itineris finem sperent campum interjacentem Tiberi ac mœnibus Romanis.

XXXI. His adhortationibus incitatos corpora curare, atque ad iter se parare jubet. Postero die, profectus adversâ ripâ Rhodani, mediterranea Galliæ petit: non quia rectior ad Alpes via esset, sed, quantum à mari recessisset, minùs obvium fore Romanum credens: cum quo, priusquam in Italiam ventum foret, non erat in animo manus conferere. Quartis castris ad Insulam pervenit: ibi Arar Rhodanusque amnes, diversis ex Alpibus decurrentes, agri aliquantum ample-

**xi**, constituit in unum. Mediis campis Insulæ nomen inditum. incolunt propè Allobroges, gens jam inde nullâ Gallicâ gente opibus aut famâ inferior: tum discors erat. Regnî certamine ambigebant fratres. major, & qui prius imperitârat, Brancus nomine, minore ab fratre & cœta juniorum, qui jure minus, vi plus poterant, pellebatur. Hujus seditionis peropportuna disceptatio quum ad Hannibalem rejecta esset, arbiter regnî factus, quoddâ senatûs principumque sententia fuerat, imperium majori restituit. ob id meritum commeatu copiâque rerum omnium, maximè vestis, est adjutus, quam infâmes frigoribus Alpes præparari cgebant. Sedatis certaminibus Allobrogum, quum jam Alpes peteret, non rectâ regione iter instituit; sed ad lævam in Tricastinos flexit; inde per extremam oram Vocontiorum agri tendit in Tricorios: haud usquam impeditâ viâ, priusquam ad Drûentiam flumen pervenit. Is & ipse Alpinus amnis longè omnium Galliæ fluminum difficillimus transitu est. nam, quum aquæ vim vehat ingentem, non tamen navium patiens est: quia nullis coercitus ripis, pluribus simul, neque iisdem alveis fluens, nova semper vada novoque gurgites faciens, (& ob eadem pediti quoque incerta via est) ad hæc saxa glareosa volvens, nihil stabile nec tutum ingredienti præbet; & tum, forte imbribus auctus, ingentem transgredientibus tumultum fecit, quum super cetera trepidatione ipsi suâ atque incertis clamoribus turbarentur.

**XXXII.** P. Cornelius consul, triduo fere post, quàm Hannibal ab ripa Rhodani movit, quadrato agmine ad castrâ hostium venerat, nullam dimicandi moram factururus. ceterum, ubi desertâ munimenta, nec facillè tantum prægressos affecuturum videt; ad mare ac naves rediit, tutius facilliusque ita descendenti ab Alpibus Hannibali occursum. Ne tamen nudâ auxiliis Romanis Hispania esset, quam provinciam sortitus erat, Ca-



Scipionem fratrem cum maxima parte copiarum adversus Hasdrubalem misit; non ad tuendos tantummodo veteres socios conciliandosque novos, sed etiam ad pellendum Hispaniâ Hasdrubalem. ipse cum admodum exiguis copiis Genuam repetit, eo, qui circa Padum erat, exercitu Italiam defensurus. Hannibal ab Druentia campestri maximè itinere cum bona pace ad Alpes incolentium ea loca Gallorum pervenit. Tum, quanquam famâ prius (quâ incerta in majus vero ferri solent) præcepta res erat, tamen ex propinquo visa montium altitudo, nivesque cælo propè immixtæ, tecta informia imposita rupibus, pecora jumentaque torrida frigore, homines intonsi & inculti, animalia inanimaque omnia rigentia gelu, cetera visu, quàm distu, fœdiora, terrorem renovârunt. Erigentibus iprimos agmen clivos apparuerunt imminentes tumulos insidentes montani: qui, si valles occultiores insedissent, coorti in pugnam repentè, ingentem fugam stragemque dedissent. Hannibal consistere signa jubet; Gallisque ad visenda loca præmissis, postquam compèrit, transitum eâ non esse, castra inter confragosa omnia præruptaque, quàm extentissimâ potest valle, locat. Tum per eosdem Gallos, haud sanè multum linguâ moribusque abhorrentes, quum se-immiscuissent colloquiis montanorum, edoctus interdium tantum obsideri saltum, nocte in sua quemque dilabi testa; luce primâ subiit tumulos, ut ex aperto atque interdium vim per angustias facturus. Die deinde simulando aliud, quàm quod parabatur, consumpto, quum eodem, quo constiterant, loco castra communissent, ubi primùm degressos tumulis montanos laxatasque sensit custodias, pluribus ignibus, quàm pro numero manentium, in speciem factis, impedimentisque cum equite relictis, & maximâ parte peditum; ipse cum expeditis, acerrimo quoque viro, raptim angustias evadit: iisque ipsis tumulis, quos hostes tenuerant, confedit.

XXXIII. Pri-

**XXXIII.** Primâ deinde luce castra mota, & agmen reliquum incedere cœpit. Jam montani signo dato ex castellis ad stationem solitam conveniebant; quum repente conspiciunt alios, arce occupatâ suâ, super caput imminentes, alios viâ transire hostes. Utraque simul objecta res oculis animisque immobiles parumper eos defixit. deinde ut trepidationem in angustiis, suoque ipsum tumultu misceri agmen videre, equis maximè consternatis, quicquid adjecissent ipsi terroris, satis ad perniciem fore rati, perversis rupibus juxtâ invia ac devia assueti discurrent. Tum verò simul ab hostibus, simul ab iniquitate locorum Pœni oppugnabantur; plusque inter ipsos (sibi quoque tendente, ut periculo priùs evaderet) quàm cum hostibus, certaminis erat. Equi maximè infestum agmen faciebant, qui & clamoribus dissonis, quos nemora etiam percussæque valles augebant, territi trepidabant; & isti fortè aut vulnerati adeo consternabantur, ut stragem ingentem simul hominum ac sarcinarum omnis generis facerent: multosque turba, quum præcipites deruptæque utrinque angustię essent, in immensum altitudinis dejecit; quosdam & armatos, sed ruinæ maximæ modo jumenta cum operibus devolvebantur. Quæ quanquam fœda visu erant, stetit parumper tamen Hannibal, ac suos continuit, ne tumultum ac trepidationem augetet. deinde, postquam interrumpi agmen vidit, periculumque esse, ne exutum impedimentis exercitum nequicquam incolumem traduxisset, decurrit ex superiore loco; &, quum impetu ipso fudisset hostem, suis quoque tumultum auxit. sed is tumultus momento temporis, postquam liberata itinera fugâ montanorum erant, sedatur: nec per otium modò, sed propè silentio, mox omnes traducti. Castellum inde, quod caput ejus regionis erat, viculosque circumjectos capit, & captivorum pecoribus per triduum exercitum aluit. & quia nec montanis primò perculsis, nec loco magnopo-

re impediabantur, aliquantum eo triduo viæ confecit.

XXXIV. Perventum inde ad frequentem cultoribus alium, ut inter montana, populum, ibi non bello aperto, sed suis artibus, fraude, deinde insidiis est propè circumventus. Magno natu principes castellorum oratores ad Pœnum veniunt: *alienis malis, utili exemplo, doctos, memorantes, amicitiam malle, quàm vim experiri Pœnorum. itaque obedienter imperata facturos, commeatum itinerisque duces, & ad fidem promissorum obsides acciperet.* Hannibal nec temere credendo, nec aspernando, ne repudiati apertè hostes fierent, benignè quum respondisset; obsidibus, quos dabant, acceptis, & commeatu, quem in viam ipsi detulerant, usus, nequaquam ut inter pacatos, composito agmine duces eorum sequitur. Primum agmen elephantum & equites erant: ipse post cum robore peditum, circumspiciens sollicitusque omnia, incedebat. Ubi in angustiore viam ex parte altera subjectam jugo insuper imminente ventum est, undique ex insidiis barbari à fronte, ab tergo coorti, cominus, eminus petunt: faxes ingentia in agmen devolvunt: maxima ab tergo vis hominum urgebat. in eos versa peditum acies haud dubium fecit, quin, nisi firmata extrema agminis fuissent, ingens in eo saltu accipienda clades fuerit. Tunc quoque ad extremum periculi ac propè perniciem ventum est: nam, dum cunctatur Hannibal demittere agmen in angustias, quia non, ut ipse equitibus præsidio erat, ita peditibus quicquam ab tergo auxilii reliquerat; occurrentes per obliqua montani, perrupto medio agmine, viam infedere: noxque una Hannibali sine equitibus atque impedimentis acta est.

XXXV. Postero die, jam segniùs intercurrentibus barbaris, junctæ copię, saltusque haud sine clade (maiore tamen jumentorum, quàm hominum, pernecie) superatus: inde montani pauciores jam, & latrocinii magis quàm belli more, concursabant; modò in primum, modò

modò in novissimum agmen, utcunque aut locus oportunitatem daret, aut progressi morative aliquam occasionem fecissent. Elephantis, sicut præcipientes per arctas vias magnâ morâ agebantur, ita tutum ab hostibus, quacunque incederent, (quia infuetis adeundi propius metus erat) agmen præbebant. Nono die in jugum Alpium perventum est, per invia pleraque & errores, quos aut ducentium fraus, aut, ubi fides iis non esset, temere initæ valles à conjectantibus iter, faciebant. Biduum in jugo stativa habita: fessisque labore ac pugnando quies data militibus: jumenta quoque aliquot, quæ prolapsa in rupibus erant, sequendo vestigia agminis in castra pervenire. Fessis tadio tot malorum nivis etiam casus, occidente jam sidere Vergiliarum, ingentem terrorem adjecit. Per omnia nive oppleta quum, signis primâ luce motis, segniter agmen incederet, pigritiaque & desperatio in omnium vultu emineret; prægressus signa Hannibal in promontorio quodam, unde longè ac latè prospectus erat, consistere jussis militibus Italiam ostentat, subjectosque Alpinis montibus Circumpadanos campos: *maniaque eos tum transcendere non Italia modò, sed etiam urbis Romana. cetera plana, procliva fore: uno, aut summum altero prælio arcem & caput Italia in manu ac potestate habituros.* Procedere inde agmen cœpit; jam nihil ne hostibus quidem, præter parva furta per occasionem, tentantibus. Ceterùm iter multo, quàm in ascensu fuerat, (ut pleraque Alpium ab Italia sicut breviora, ita arrectiora sunt) difficilius fuit. omnis enim ferme via præceps, angusta, lubrica erat: ut neque sustinere se à lapsu possent; nec, qui paululum titubassent, hædere afflicti vestigio suo; alii que super alios, & jumenta & homines, occiderent.

XXXVI. Ventum deinde ad multo angustiores rupes, atque ita rectis faxis, ut ægre expeditus miles tentabundus, manibusque retinens virgulta ac stirpes circa  
eminens,

eminentes, demittere sese posset. Naturâ locus jam antè præceps, recenti lapsu terræ in pedum mille admodum altitudinem abruptus erat. Ibi quum, velut ad finem viz, equites constitissent, miranti Hannibali, quæ res moraretur agmen, nunciatur, rupem inviam esse. digressus deinde ipse ad locum visendum. haud dubia res visa, quin per invia circà nec trita antea, quamvis longo ambitu, circumduceret agmen. Ea verò via insuperabilis fuit. nam quum super veterem nivem intactam nova modicæ altitudinis esset, molli nec præaltæ niwi faciliè pedes ingredientium insistebant. ut verò tot hominum jumentorumque incessu dilapsa est, per nudam infra glaciem fluentemque tabem liquescentis nivis ingrediebantur. Tetra ibi luctatio erat. ut à lubrica glacie, non recipiente vestigium, & in pronocitius pede se fallente, &, seu manibus in assurgendo seu genu se adjuvissent, ipsis adminiculis prolapsis, iterum corruissent, nec stirpes circà radicesve, ad quas pede aut manu quisquam eniti posset, erant; ita in levi tantum glacie tabidaque nive volutabantur. jumenta secabant; interdum etiam, tum infimam ingredientia nivem, & prolapsa jactandis gravius in continendo ungulis, penitus perfringebant: ut pleraque, velut pedicâ capta, hærent in durata & altè concreta glacie.

XXXVII. Tandem, nequicquam jumentis atque hominibus fatigatis, castra in jugo posita, ægerrimè ad id ipsum loco purgato. tantum nivis fodiendum atque egerendum fuit. Inde ad rupem muniendam, per quam unam via esse poterat, milites ducti, quum cædendum esset saxum, arboribus circà immanibus dejectis detruncatisque, struem ingentem lignorum faciunt: eamque (quum & vis venti apta faciendo igni coorta esset) succendunt, ardentiaque saxa infuso aceto putrefaciunt. Ita torridam incendio rupem ferro pandunt, molliuntque anfractibus modicis clivos, ut non jumen-

ta solum, sed elephantis etiam, deduci possent. Quadrimum circa rupem consumptum, iumentis prope fame absumptis: nuda enim fere cacumina sunt, & si quid est pabuli, obruunt nives. Inferiora valles & apricos quosdam colles habent, rivosque prope silvas, & jam humano cultu digniora loca. Ibi iumenta in pabulum missa, & quies muniendo fessis hominibus data triduo. inde ad planum descensum, etiam locis mollioribus & accolarum ingeniis.

XXXVIII. Hoc maxime modo in Italiam perventum est, quinto mense à Karthagine Nova, (ut quidam auctores sunt) quintodecimo die Alpibus superatis. Quantæ copię transgresso in Italiam Hannibali fuerint, nequaquam inter auctores constat. qui plurimum, centum millia peditum, viginti equitum fuisse scribunt; qui minimum, viginti millia peditum, sex equitum. L. Cincius Alimentus, qui captum se ab Hannibale scribit, maxime auctor me moveret, nisi confunderet numerum, Gallis Liguribusque additis: cum his octoginta millia peditum, decem equitum, adducta in Italiam: (magis affluxisse verisimile est, & ita quidam auctores sunt.) ex ipso autem audisse Hannibale, postquam Rhodanum transierit, triginta sex millia hominum, ingentemque numerum equorum & aliorum iumentorum amisisse in Taurinis, quæ Gallis proxima gens erat, in Italiam digresso. Id quum inter omnes constet, eo magis miror ambigi, quam Alpes transierit: & vulgò credere, Penino, atque inde nomen & iugo Alpium inditum, transgressum. Caelius per Cremonis iugum dicit transisse. qui ambo saltus eum non in Taurinos, sed per Salassos montanos ad Libuos Gallos deduxissent. Nec verisimile est, ea tum ad Galliam pervenisse itinera; utique, quæ ad Peninum ferunt, obsepta gentibus semigermanis fuissent. neque, Hercule, montibus his (si quem fortè id movit) ab transitu Pœnorum ullo Veragri, incolæ iugis ejus, norunt nomen indi-

inditum; sed ab eo, quem, in summo sacrum vertice, Peninum montani appellant.

XXXIX. Peropportune ad principia rerum Taurinis, proximæ genti, adversus Infubres motum bellum erat. sed armare exercitum Hannibal, ut parti alteri auxilio esset, (in reficiendo maxime sentientem contracta ante mala) non poterat. otium etenim ex labore, copia ex inopia; cultus ex illuvie tabeque; squalida & propè efferata corpora variè movebant. Ea P. Cornelio consuli causa fuit, quum Pisas navibus venisset, exercitu à Manlio Atilioque accepto tirone, & in novis ignominis trepido, ad Padum festinandi; ut cum hoste nondum refecto manum confereret: sed quum Placentiam consul venit, jam ex stativis moverat Hannibal; Taurinorumque unam urbem, caput gentis ojus, quia volentis in amicitiam non veniebant; vi expugnarat: junxissetque sibi, non metu solum, sed etiam voluntate, Gallos accolas Padi; ni eos, circumspectantes defectionis tempus, subito adventus consulis oppressisset. Et Hannibal movit ex Taurinis, incertos, quæ pars sequenda esset, Gallos præsentem se secuturos ratus. Jam propè in conspectu erant exercitus, convenerantque duces, sicuti inter se nondum satis noti, ita jam imbutus uterque quadam admiratione alterius. Nam Hannibalis & apud Romanos, jam ante Sagunti excidium, celeberrimum nomen erat: & Scipionem Hannibal eo ipso, quod adversus se dux potissimum lectus esset, præstantem virum credebat. & auxerant inter se opinionem, Scipio, quod, relictus in Gallia, obviis fuerat in Italiam transgresso Hannibali; Hannibal, & conatu tam audaci trajiciendarum Alpium, & effectu. Occupavit tamen Scipio Padum trajicere, & ad Ticinum amnem motis castris, prius, quam educeret in aciem, adhortandorum militum causâ, talem orationem exorsus est:

XL. *Si cum exercitum; milites, educerem in aciem, quem in*

in Gallia mecum habui, supersedissem loqui apud vos. quid enim adhortari referret aut eos equites, qui equitatum hostium ad Rhodanum flumen egregie vicissent, aut eas legiones, cum quibus fugientem hunc ipsum hostem secutus, confessionem cedentis ac detrectantis certum pro victoria habui? Nunc, quia ille exercitus, Hispania provincia scriptus, ibi cum fratre Cn. Scipione meis auspiciis rem gerit, ubi cum gerere statutus populusque Romanus voluit; ego, ut consulem ducem adversus Hannibalem ac Pœnos haberetis, ipse me huic voluntario certamini obtuli; novo imperatori apud novos milites pauca verba facienda sunt. Ne genus belli, neve hostem ignoretis; cum ille est vobis, milites, pugnamus; quos terra marique priore bello vicistis: à quibus stipendium per viginti annos exegistis: à quibus capta belli prœmia, Siciliam ac Sardiniam, habetis. Erit igitur in hoc certamine is vobis illisque animus, qui victoribus et victis esse solet. Nec namo illi, quia audent, sed quia necesse est, pugnaturi sunt: nisi creditis, qui exercitu incolumi pugnam detrectavere, eos, duabus partibus peditem equitumque in transitu Alpium amissis, (quam plures pene perierint quam supersunt) plus spei natos esse. At enim pauci quidem sunt, sed vigentes animis corporibusque, quorum robora ac vires vix sustinere vis ulla possit. Effigies, imò umbræ hominum, fame, frigore, illuvie, squalore enecti, contusi ac debilitati inter saxa rupeque. ad hæc, præcisi artus, nunc rigentes nervi, membra torrida gelu, quassata fractaque arma, claudi ac debiles equi. Cum hoc equite, cum hoc pedite pugnaturi estis: reliquias extremas hostium, non hostes, habebitis. Ab nihil magis vereor, quam ne, vos quem pugnaveritis, Alpes vicisse Hannibalem videantur. Sed ita forsitan decuit, cum fœderum ruptore duce ac populo Deos ipsos, sine ulla humana ope, committere ac profligare bellum: nos, qui secundum Deos violati sumus, commissum ac profectum conficere.

XLI. Non vereor, ne quis me hoc vestri adhortandi causa magnifice loqui existimet; ipsum aliter animo affectum esse. Licuit in Hispaniam, provinciam meam, quæ jam profectus



fectus eram, cum exercitu ire meo : ubi & fratrem consilii participem ac periculi socium haberem, & Hasdrubalem potius, quàm Hannibalem, hostem, & minorem baud dubie molem belli : tamen, quum praterveherer navibus Gallia oram, ad famam hujus hostis in terram egressus, præmissis equatatu, ad Rhodanum movi castra. Equestri prælio, quâ parte copiarum conferendi manum fortuna data est, hostem fudi : peditem agmen, quod in modum fugientium raptim agebatur, quia assequi terrâ non poteram, regressus ad naves, quantâ maximâ celeritate potui, tanto maris terrarumque circuitu, in radicibus Alpium obuius fui. Huic timendo hosti utrûm, quum declinare certamen, improvisus incidisse videor, an occurrere in vestigiis ejus ? laceßere ac trahere ad decernendum ? Experiri juvat, utrûm alios repente Karthaginenses per viginti annos terra ediderit : an iidem sint, qui ad Ægates pugnauerunt insulas, & quos ab Eryce duodevicenis denariis aestimatos emisistis. & utrûm Hannibal hic sit æmulus itinerum Herculis, ut ipse fert, an vectigalis stipendiarisq; & servus populi Romani à patre relictus : quem nisi Saguntinum scelus agitare, respiceret profectò, si non patriam victam, domum certè patremque, & fœdera Hamilcaris scripta manu. qui, jussus à consule nostro, præsidium deduxit ab Eryce : qui graves impositas victis Karthaginensibus leges fremens mœrensque accepit : qui decedere Siciliâ, qui stipendium populo Romano dare pactus est. Itaque vos ego, milites, non eo solum animo, quo adversus alios hostes soletis, pugnare velim ; sed cum indignatione quadam atque ira ; velut si servos videatis vestros arma repente contra vos ferentes. Licuit ad Erycem clausos, ultimo supplicio humanorum, fame interficere : licuit victricem classem in Africam trajicere, atque intra paucos dies sine ullo certamine Karthaginem delere. Veniam dedimus precantibus : emisimus ex obsidione : pacem cum victis fecimus : tutela deinde nostra duximus, quum Africo bello urgerentur. Pro his impertitis, furiosum juvenem sequentes, oppugnatum patriam nostram veniunt. Atque utinam pro decore tantum hoc vobis, & non pro salute, esset certamen. non de possessio-

*ne Sicilia ac Sardinia, de quibus quondam agebatur, sed pro Italia vobis est pugnandum: nec est alius ab tergo exercitus, qui, nisi nos vincimus, hosti obsistat; nec Alpes alia sunt, quas dum superant, comparari nova possint praesidia. hic est obstandum, milites, velut si ante Romana mœnia pugnemus. Unusquisque se non corpus suum, sed conjugem ac liberos parvos armis protegere putet: nec domesticas solam agitet curas, sed identidem hoc animo reputet, nostras nunc intueri manus senatum populumque Romanum. qualis nostra vis virtusque fuerit, talem deinde fortunam illius urbis ac Romani imperii fore.*

XLII. Hæc apud Romanos consul. Hannibal, rebus prius, quam verbis, adhortandos milites ratus, circumdato ad spectaculum exercitu, captivos montanos victos in medio statuit; armisque Gallicis ante eorum pedes projectis, interrogare interpretem iussit, æquis, si vinculis levaretur, armaque & equum victor acciperet, decertare ferro vellet? Quum ad unum omnes ferrum pugnamque poscerent, & dejecta in id fors esset, se quisque eum optabat, quem fortuna in id certamen legeret. Ut cujusque fors exciderat, alacer, inter gratulantes gaudio exsultans, cum sui moris tripudiis arma raptim capiebat. ubi verò dimicarent, is habitus animorum non inter ejusdem modò conditionis homines erat, sed etiam inter spectantes vulgò, ut non vincentium magis, quam bene morientium, fortuna laudaretur.

XLIII. Dum sic aliquot spectatis paribus affectos dimisisset, concione inde advocatà, ita apud eos locutus fertur: *Si, quem animum in aliena fortis exemplo paulo antè habuistis, eundem mox in astimanda fortuna vestra habueritis, vicimus, milites. neque enim spectaculum modò illud, sed quadam velut imago vestra conditionis erat. Ac nescio, an majora vincula majoresque necessitates vobis, quam captivis vestris, fortuna circumdederit. Dextrâ levâque duo maria claudunt, nullam, ne ad effugium quidem, navem habentibus. circâ Padus amnis, major Padus ac violentior Rhodano;*

dano; ab tergo Alpes urgent, vix integris vobis ac vigentibus transita. Hic vincendum aut moriandum, milites, est, ubi primum hosti occurristis. Et eadem fortuna, qua necessitatem pugnandi imposuit, premia vobis ea victoribus proponit, quibus ampliora homines ac ab Diis quidem immortalibus optare solent. Si Siciliam tantum ac Sardiniam, parentibus nostris ereptas, nostrâ virtute recuperaturi effemus, satis tamen ampla pretia essent. quicquid Romani tot triumphis partam congestumque possident, id omne vestrum cum ipsis dominis futurum est. In hanc tam apinam mercedem, agite, cum Diis bene juvantibus arma capite. Satis adhuc in vastis Lusitanie Celtiberiaeque montibus, pecora confectando, nullam emolumentum tot laborum periculorumque vestrorum vidistis: tempus est jam, opulenta vos ac ditia stipendia facere, et magna opera pretia mereri, tantum itineris per tot montes fluminaque et tot armatas gentes emensos. Hic vobis terminum laborum fortuna dedit: hic dignam mercedem emeritis stipendiis dabit. Nec, quàm magni nominis bellum est, tam difficilem existimatis victoriam fore. saepe et contemptus hostis cruciatum certamen edidit, et incliti populi regesque per brevi momenta vixi sunt. Nam, dempto hoc anno fulgore nominis Romani, quid est, cur illi vobis comparandi sint? Ut viginti annorum militiam vestram cum illa virtute, cum illa fortuna taceam; ab Herculis columnis, ab Oceano terminisque ultimis servarum, per tot ferocissimos Hispania et Gallia populos vincentes huc pervenistis: pugnabitis cum exercitu ti-rone, hac ipsâ aestate caeso, victo, circumfisso à Gallis, ignoto adhuc duci suo, ignorantique ducem. An me, in praetoria patris, aviissimi imperatoris, prope natum, cered. eductum, domitorem Hispania Galliaeque, victorem, eundem, non Alpinarum modò gentium, sed ipsarum, quod multo magis est, Alpi-um, cum semestri hoc conferam ducem, desertore exercitus sui? Qui si quis, demptis signis, Pernos Romanos quo bodie ostendat, ignoraturam certum habeo, utrius exercitus sit. consul. Nam ego illad: parvi officio, milites, quod nemo vestrum est, cuius non ante oculos ipse saepe militare aliquod ediderim facinus: cui

enī non idem ego, virtutis spectator ac testis, notata temporibus locisque referre sua possim decora. Cum laudatis à me milites donatisque, alumnus prius omnium vestrum, quàm imperator, procedam acie adversus ignotos inter se ignorantesque.

XLIV. Quocumque circumtulī oculos, plena omnia video animorum ac roboris; veteranum peditem, generosissimarum gentium equites frenatos & infranatos, vos facios fidelissimos fortissimosque, vos Karthaginienses, quum ob patriam, tum ob iram iustissimam, pugnaturos. Inferimus bellum, infestisque signis descendimus in Italiam, tanto audaciùs fortiusque pugnaturi, quanto major spes, major est animus inferentis vim, quàm arcentis. Ascendit præterea animos & stimulat dolor, injuria, indignitas. ad supplicium depoposcervnt me ducent primam, deinde vos omnes, qui Saguntum oppugnassetis: deditis ultimis cruciatibus affecturi fuerunt. Crudelissima ac superbiſſima gens sua omnia sui quoque arbitrii facit, ann quibus bellum, cum quibus pacem habeamus, se suorum inponere æquum cenſet: circumſcribit includitque vos terminis manium fluminumque, quos ne excedamus: neque eos, quos statuit, terminos observat. Ne transieris Iberum: ne quid rei tibi sit cum Saguntinis. Ad Iberum est Saguntum: nusquam te vestigia moveris. Rarum est, quod veterimas provincias meas Siciliam & Sardiniam adimis. etiam Hispanias? & inde cesserō, in Africam transcendes. Transcendes autem, dico? duos consules hujus anni, unum in Africam, alterum in Hispaniam miserunt: nihil usquam vobis relictum est, nisi quod armis vinctum. Illis timidis & ignavis licet esse, qui respectum habent, quos suas ager, sua terra, per tota ad pacata itinera fugientes, accipient: vobis necesse est fortibus viris esse, & omnibus inter victoriam mortemve certā desperatione abruptis, aut vincere, aut, si fortuna dubitabit, in prælio potius, quàm in fuga, mortem oppetere. Si hoc bene fixum omnibus destinatumque in animo est, iterum dicam, vicissis: nullum momentum ad vincendum bentini ab Diis immortalibus acrius datum est.

XLV. His

XLV. His adhortationibus quum utrinque ad certamen accensi militum animi essent, Romani ponte Ticinum jungunt, tutandique pontis causâ castellum insuper imponunt. Pœnus, opere occupatis hostibus, Maharbalem cum ala Numidarum, equitibus quingentis, ad depopulandos sociorum populi Romani agros mittit. Gallis parci quàm maximè jubet, principumque animos sollicitari ad defectionem. Ponte perfecto, traductus Romanus exercitus in agrum Insubrium, quinque millia passuum à Viêtumviis confedit. Ibi Hannibal castra habebat: revocatoque properè Maharbale atque equitibus, quum instare certamen cerneret, nihil unquam satis dictum præmonitumque ad cohortandos milites ratus, vocatis ad concionem certa præmia pronunciat, in quorum spem pugnarent. *Agrum sese daturum esse in Italia, Africa, Hispania, ubi quisque velit, immumem ipsi, qui accepisset, liberisque; qui pecuniam, quàm agrum, maluisset, ei se argento satisfacturum: qui sociorum cives Kartaginiones fieri vellent, potestatem facturum: qui domos redire mallet, daturum se operam, ne cujus suorum popularium mutata secum fortunam esse vellent.* Servis quoque dominos prosecutis libertatem proponit, binaque pro his mancipia dominis se redditurum. Eaque ut rata scirent fore, agnum lævâ manu, dextrâ silicem retinens, si falleret, Jovem ceterosque precatus Deos, ita se mactarent, quemadmodum ipse agnum mactâisset, secundum preorationem caput pecudis saxo elisit. Tum verò omnes, velut Diis auctoribus in spem suam quisque acceptis, id moræ, quod nondum pugnarent, ad potienda sperata rati, proelium uno animo & voce unâ poscunt.

XLVI. Apud Romanos haudquaquam tanta alacritas erat, super cetera recentibus etiam terribis prodigiis. nam & lupo intraverat castra, laniatisque obviis, ipse intactus evaserat; & examen apum in arbore prætorio imminente confederat. Quibus procuratis, Scipio, cum equitatu jaculatoribusque expeditis profectus

ad

ad castra hostium, exque propinquo copias, quantæ, & cujus generis essent, speculandas, obuius fit Hannibali, & ipsi cum equitibus ad exploranda circa loca progresso. neutri alteros primò cernebant: densior deinde incessu tot hominum equorumque oriens pulvis signum propinquantium hostium fuit. Constitit utrumque agmen, & prælio sese expediebant. Scipio jaculatores & Gallos equites in fronte locat; Romanos, sociorumque quod roboris fuit, in subsidiis. Hannibal frenatos equites in medium accipit, cornua Numidis firmat. Vixdum clamore sublato, jaculatores fugerunt inter subsidia ad secundam aciem. inde equitum certamen erat aliquamdiu anceps. dein, quia turbabant equos pedites intermixti, multis labentibus ex equis, aut desilientibus, ubi suos premi circumventos vidissent, jam magna ex parte ad pedes pugna ierat: donec Numidæ, qui in cornibus erant, circumvesti paululum, ab tergo se ostenderunt. Is pavor perculit Romanos, auxitque pavorem consulis vulnus, periculumque intercursum tum primum pubescentis filii propulsatum. Hic erit juvenis, penes quem perfecti hujusce belli laus est, Africanus ob egregiam victoriam de Hannibale Pœnisque appellatus. Fuga tamen effusa jaculatorum maximè fuit, quos primos Numidæ invaserunt. Alius confertus equitatus consulem in medium acceptum, non armis modò, sed etiam corporibus suis, protegens, in castra, nusquam trepidè neque effusè cedendo, reduxit. Servati consulis decus Cælius ad servum natione Ligurem delegat. malim equidem de filio verum esse, quod & plures tradidere auctores, & fama obtinuit.

XLVII. Hoc primum cum Hannibale prælium fuit; quo facilè apparuit, & equitatu meliorem Pœnum esse, & ob id campos patentes, quales sunt inter Padum Alpæque, bello gerendo Romanis aptos non esse. Itaque proximâ nocte, jussis militibus vasa silentio colligere,

castra ab Ticino mota, festinatumque ad Padum est; ut ratibus, quibus junxerat flumen, nondum resolutis, sine tumultu atque infestatione hostis, copias trajiceret. Prius Placentiam pervenere, quam satis sciret Hannibal ab Ticino profectos: tamen ad sexcentos moratorum in citeriore ripa, segniter ratem solventes, cepit. transire non potuit pontem, ut extrema resoluta erant, tota rate in secundam aquam labente. Caelius auctor est, Magonem cum equitatu & Hispanis peditibus flumen extemplo transisse; ipsum Hannibalem per superiora Padi vada exercitum traduxisse, elephantis in ordinem ad sustinendum impetum fluminis oppositis. Ea peritis annis ejus vix fidem fecerint. nam neque equites, armis equisque salvis, tantam vim fluminis superasse verisimile est, ut jam Hispanos omnes inflati transvexerint utres. & multorum dierum circuitu Padi vada petenda fuerant, quae exercitus gravis impedimenti traduci posset. Potiores apud me auctores sunt, qui biduo vix locum rate jungendo flumini inventum tradunt; ea cum Magone equites Hispanorum expeditos praemissos. dum Hannibal, circa flumen legationibus Gallorum audiendis moratus, trajicit gravius peditum agmen, interim Mago equitesque ab transitu fluminis diei unius itinere Placentiam ad hostes contendunt. Hannibal paucis post diebus sex millia a Placentia castra communivit, & postero die, in conspectu hostium acie directa, potestatem pugnæ fecit.

XLVIII. Insequenti nocte caedes in castris Romanis, tumultu tamen quam re major, ab auxiliaribus Gallis facta est. ad duo millia peditum & ducenti equites, vigilibus ad portas trucidatis, ad Hannibalem transfugiunt: quos Pœnus benignè allocutus, & spe ingentium donorum accensos, in civitates quemque suas, ad sollicitandos popularium animos dimisit. Scipio, eadem eam signum defectionis omnium Gallorum esse

esse ratus, contactosque eo scelere, velut injectâ rabie, ad arma ituros; quanquam gravis adhuc vulnere erat, tamen quartâ vigiliâ noctis insequentis tacito agmine profectus ad Trebiam fluvium, in loca altiora collefque impeditiores equiti castra movet. Minus, quàm ad Ticinum, sefellit: missisque Hannibal primum Numidis, deinde omni equitatu, turbasset utique novissimum agmen, ni aviditate prædæ in vacua Romana castra Numidæ devertissent. Ibi dum, perscrutantes loca omnia castrorum, nullo satis digno moræ pretio tempus terunt, emissus hostis de manibus est: & quum jam transgressos Trebiam Romanos, metantesque castra conspexissent, paucos moratorum occiderunt, citra flumen interceptos. Scipio, nec vexationem vulneris in via jactanti ultrâ patiens, & collegam (jam enim & revocatum ex Sicilia audierat) ratus expectandum, locum, qui prope flumen tutissimus stativis est visus, delectum communit. Nec procul inde Hannibal quum confedisset, quantum victoriâ equestri elatus, tantum anxius inopiâ, quæ per hostium agros euntem, nusquam præparatis com meatibus, major in dies excipiebat, ad Clastidium vicum, quò magnum frumenti numerum congefserant Romani, mittit. ibi quum vim pararent, spes facta proditiōis: nec sanè magno pretio, nummis aureis quadringentis, Dasio Brundusino præfecto præsidii corrupto, traditur Hannibali Clastidium. id horreum fuit Pœnis sedentibus ad Trebiam. In captivos ex tradito præsidio, ut fama clementiæ in principio rerum colligeretur, nihil sæviturum est.

XLIX. Quum ad Trebiam terrestre constitisset bellum, interim circa Siciliam insulasque Italiæ imminentes, & à Sempronio consule, & ante adventum ejus, terrâ marique res gestæ. viginti quinquereemes cum mille armatis ad depopulandam oram Italiæ à Karthaginensibus missæ, novem Liparas, octo insulam Vulcani tenuerunt, tres in fretum avertit æstus. Ad eas



conspēctas à Messana duodecim naves ab Hierone rege Syracusanorum missæ, qui tum fortè Messanæ erat, consulem Romanum opperiens, nullo repugnante captas naves Messanam in portum deduxerunt. Cognitum ex captivis, præter viginti naves, cujus ipsi classis essent, in Italiam missas, quinque & triginta alias quinquereemes Siciliam petere ad sollicitandos veteres socios. Lilybæi occupandi præcipuam curam esse; credere eadem tempestate, quâ ipsi disiecti forent, eam quoque classē ad Ægates insulas dejectam. Hæc sicut audita erant, rex M. Æmilio prætori, cujus Sicilia erat provincia, perscribit, monetque, Lilybæum firmo teneret præsidio. Extemplo & circa prætorem ad civitates missi legati tribunique, qui suos ad curam custodiæ intenderent; ante omnia Lilybæum teneri: ad apparatus belli, edicto proposito, ut focii navales decem dierum cocta cibaria ad naves deferrent; ubi signum datum esset, ne quis moram conscendendi faceret: perque omnem oram qui erant, ex speculis prospicerent adventantem hostium classē. Simul itaque (quanquam de industria morati cursum navium erant Karthaginienſes, ut ante lucem accederent Lilybæum) præsensum tamen est, quia & luna pernox erat, & sublati armamentis veniebant; extemplo datum è speculis signum, & in oppido ad arma conclamatum est, & in naves conscensum: pars militum in muris portarumque stationibus, pars in navibus erant, Et Karthaginienſes, quia rem fore haud cum imparatis cernebant, usque ad lucem portu se abstinuerunt, demendis armamentis eo tempore aptandæque ad pugnam classe absumpto. Ubi illuxit, recepere classē in altum, ut spatium pugnæ esset, exitumque liberum è portu naves hostium haberent. Nec Romani detrectare pugnam, & memoriâ circa ea ipsa loca gestarum rerum freti, & militum multitudine ac virtute.

L. Ubi in altum eveſti sunt, Romanus conferere pugnam

guam, & ex propinquo vires conferre velle: contra eludere Pœnus, & arte, non vi, rem gerere, naviumque, quàm virorum aut armorum, malle certamen facere. nam ut fociiis navalibus affatim instructam classem, ita inopem milite habebant: &, sicubi conferta navis esset, haudquaquam par numerus armatorum ex ea pugnabat. Quod ubi animadversum est, & Romanis multitudo sua auxit animum, & paucitas illis minuit. Extemplo septem naves Punicæ circumventæ; fugam ceteræ ceperunt. Mille & septingenti fuere in navibus capti, milites nautæque; in his tres nobiles Karthaginensium. Classis Romana incolumis, unâ tantum perforatâ navi, sed eâ quoque ipsâ reducere, in portum rediit. Secundum hanc pugnam, nondum gnaris ejus, qui Messanæ erant, Ti. Sempronius consul Messanam venit. Ei fretum intranti rex Hiero classem ornatum obviam duxit: transgressusque ex regia in prætoriam navem, gratulatus fospitem cum exercitu & navibus advenisse, precatusque prosperum ac felicem in Siciliam transitum; statum deinde insulæ & Karthaginensium conata exposuit: pollicitusque est, quo animo priore bello populum Romanum juvenis adjuvisset, eo senem adjuturum. Frumentum vestimenta que sese legionibus consulis fociiisque navalibus gratis præbiturum. grande periculum Lilybæo maritimisque civitatibus esse, & quibusdam volentibus noyas res fore. Ob hæc consuli nihil cunctandum visum, quin Lilybæum classe peteret: & rex regiaeque classis unâ profecti. navigantes inde, pugnatum ad Lilybæum, fusasque & captas hostium naves, accipere.

LI. A Lilybæo consul, Hierone cum classe regia dimisso, relictoque prætore ad tuendam Siciliæ oram, ipse in insulam Melitam, quæ à Karthaginensibus tenebatur, trajecit. Advenienti Hamilcar, Gisgonis filius, præfectus præsidii, cum paulo minus duobus millibus militum, oppidumque cum insula traditur: inde

post paucos dies reditum Lilybæum, captivique & à consule & à prætore, præter insignes nobilitate viros, sub corona venierunt. Postquam ab ea parte satis tutam Siciliam censebat consul, ad insulas Vulcani (quæ fama erat, stare ibi Punicam classem) trajecit. nec quisquam hostium circa eas insulas inventus. Jam fortè trans miserant ad vastandam Italiæ oram: depopulatoque Vibonensi agro, urbem etiam terrebant. Repententi Siciliam consuli exscensio hostium in agrum Vibonensem facta nunciatur: literæque ab senatu de transitu in Italiam Hannibalis, & ut primo quoque tempore collegæ ferret auxilium, missæ traduntur. Multis simul anxius curis, exercitum, extemplo in naves impositum, Ariminum supero mari misit: Sex. Pomponio legato cum viginti quinque longis navibus Vibonensem agrum maritimamque oram Italiæ tuendam attribuit: M. Æmilio prætori quinquaginta navium classem explevit: ipse, compositis Siciliæ rebus, decem navibus oram Italiæ legens, Ariminum pervenit: inde cum exercitu suo profectus ad Trebiam flumens, collegæ conjungitur.

LII. Jam ambo consules, & quicquid Romanarum virium erat, Hannibali oppositum, aut illis copiis defendi posse Romanum imperium, aut spem nullam aliam esse, satis declarabat. Tamen consul alter, equestri prælio uno & vulnere suo minutus, trahi rem malebât: recentis animi alter, eoque ferocior, nullam dilationem patiebatur. Quod inter Trebiam Padumque agri est, Galli tum incolebant; in duorum præpotentium populorum certamine, per ambiguum favorem, haud dubiè gratiam victoris spectantes. Id Romani, ne quid modò moverent, æquo satis, Pœnus periniquo animo ferebat, ab Gallis accitum se venisse ad liberandos eos, distitans. Ob eam iram, simul ut prædâ militem aleret, duo millia peditum & mille equites, Numidas plerosque, mixtos quosdam & Gallos, populari omnem

omnem deinceps agrum usque ad Padi ripas iussit. Egentes ope Galli, quum ad id dubios servassent animos, coacti ab auctoribus injuriæ ad vindices futuros declinant: legatisque ad consulem missis, auxilium Romanorum terræ, ob nimiam cultorum fidem in Romanos laboranti, orant. Cornelio nec causa, nec tempus agendæ rei placebat: suspectaque ei gens erat, quum ob infida multa facinora, tum, ut alia vetustate obsolevisent, ob recentem Bojorum perfidiam. Sempronius contrâ, continendis in fide sociis maximum vinculum esse primos, qui eguissent ope, defensos, censebat. Tum, collegâ cunctante, equitatum suum, mille peditum jaculatoribus ferme admixtis, ad defendendum Gallicum agrum trans Trebiam mittit. Ii, sparsos & incompósitos, ad hoc graves prædâ plerosque, quum inopinatos invasisent, ingentem terrorem cædemque ac fugam usque ad castra stationesque hostium fecere: unde multitudine effusâ pulsî, rursus subsidio suorum prælium restituere. Variâ inde pugnâ sequentes, quanquam ad extremum æquassent certamen, major tamen hostium Romanis fama victoriæ fuit.

LIII. Ceterum nemini omnium major justiorque, quàm ipsi consuli, videri. gaudio efferri, quâ parte copiarum alter consul victus foret, eâ se vicisse. restitutos ac refectos militibus animos, nec quemquam esse, præter collegam, qui dilatam dimicationem vellet: cum, animo magis, quàm corpore, agrum, memoriâ vulneris aciem ac tela borere. Sed non esse cum agro senescendum. Quid enim ultra differri aut teri tempus? Quem tertium consulem, quem alium exercitum expectari? Castra Karthaginensium in Italia, ac propè in conspectu urbis esse: non Siciliam ac Sardiniam victis ademptas, nec cis Iberum Hispaniam peti, sed solo patrio terrâque, in qua geniti forent, pelli Romanos. Quantum ingemiscant, inquit, patres nostri, circa mœnia Karthaginis bellare soliti, si videant nos, progeniem suam, duos consules consularesque exercitus, in media Italia paventes intra castra

*fra? Pœnum, quod inter Alpes Apenninumque agri sit, sue ditioris fecisse? Hæc assidens agro collegæ, hæc in prætorio propè concionabundus agere. Stimulabat & tempus propinquum comitiorum, ne in novos consules bellum differretur, & occasio in se unum vertendæ gloriæ, dum æger collega erat. Itaque, nequicquam dissentiente Cornelio, parari ad propinquum certamen milites jubet. Hannibal, quum, quid optimum foret hosti, cerneret, vix ullam spem habebat, temere atque improvidè quicquam consules acturos. quum alterius ingenium, famâ priùs, deinde re cognitum, periculum ac ferox sciret esse, ferociusque factum prospere cum prædatoribus suis certamine crederet; adesse gerendæ rei fortunam haud diffidebat. cujus nē quod prætermitteret tempus, sollicitus intentusque erat, dum tiro hostium esset miles, dum meliorem ex ducibus inutilem vulnus faceret, dum Gallorum animi vigerent: quorum ingentem multitudinem sciebat segniùs securam, quanto longiùs ab domo traherentur. Quum ob hæc taliaque speraret propinquum certamen, & facere, si cessaretur, cuperet; speculatoresque Galli, ad ea exploranda, quæ vellet, tutiores, quia in utrifque castris militabant, paratos pugnæ esse Romanos retulissent; locum insidiis circumspectare Pœnus cœpit.*

LIV. *Erat in medio rivus, præaltis utrinque clausus ripis, & circà obsitus palustribus herbis &, quibus inculta fërme vestiuntur, virgultis vepribusque. quem ubi ad equites quoque tegendos satis latebrosus locum circumvexus ipse oculis perlustravit: Hic erit locus, Magoni fratri ait, quem teneas. Delige centenos viros ex omni pedite atque equite; cum quibus ad me vigiliâ primâ venias. Nunc corpora curare tempus est. Ita prætorium missum. mox cum delectis Mago aderat. Robora virorum cerno, inquit Hannibal. sed, ut & numero etiam, non animis modò, valeatis, singulis vobis novenos ex turmis manipulisque vestri similes eligit: Mago locum monstrabit, quem*  
*inside-*

*infideatis. Hostem cacum ad has belli artes habebitis. Ita mille equitibus Magoni, mille peditibus dimissis, Hannibal primâ luce Numidas equites, transgressos Trebiam flumen, obequitare jubet hostium portis, jaculandoque in stationes elicere ad pugnam hostem: injecto deinde certamine, cedendo sensim citra flumen pertrahere. Hæc mandata Numidis. ceteris ducibus peditum equitumque præceptum, ut prandere omnes juberent: armatos deinde, instratisque equis, signum expectare. Sempronius, ad tumultum Numidarum primum omnem equitatum, ferox ea parte virium, deinde sex millia peditum, postremo omnes copias ad destinatum jam antè consilio, avidus certaminis, eduxit. Erat fortè brumæ tempus & nivalis dies in locis Alpibus Apenninoque interjectis, propinquitatem etiam fluminum ac paludium prægelidis. ad hoc raptim eductis hominibus atque equis, non capto antè cibo, non ope ullâ ad arcendum frigus adhibitâ, nihil caloris inerat: & quicquid auræ fluminis appropinquabant, afflabat acrior frigoris vis. Ut verò refugientes Numidas insequentes aquam ingressi sunt, (& erat pectoribus tenus aucta nocturno imbri) tum utique egressis rigere omnibus corpora, ut vix armorum tenendorum potentia essent, & simul lassitudine procedente jam die, fame etiam deficere.*

LV. Hannibalis interim miles, ignibus ante tentoria factis, oleoque per manipulos, ut mollirent artus, misso, & cibo per otium capto, ubi transgressos flumen hostes nunciatum est, alacer animis corporibusque arma capit, atque in aciem procedit. Baliares locat ante signa, levem armaturam, octo ferme millia hominum; dein graviores armis peditum, quod virium, quod roboris erat: in cornibus circumfudit decem millia equitum; & ab cornibus in utramque partem divisos elephantos statuit. Consul effusos sequentes equites, quum ab resistentibus subito Numidis incauti

exciperentur, signo receptui dato, revocatos circumdedit peditibus. Duodeviginti millia Romani erant, socium nominis Latini viginti; auxilia præterea Cenomanorum. ea sola in fide manserat Gallica gens. his copiis concursus est. Prælium à Baliaribus ortum est; quibus quum majore robore legiones obsisterent, deductæ propere in cornua leves armaturæ sunt. quæ res effecit, ut equitatus Romanus extemplo urgeretur: nam quum vix jam per se resisterent decem millibus equitum quatuor millia, & fessi plerisque integris, obruti sunt insuper velut nube jaculorum à Baliaribus conjecta. ad hoc elephantum, eminentes ab extremis cornibus, (equis maximè non visu modò, sed odore insolito territis) fugam latè faciebant. Pedestris pugna par animis magis, quàm viribus, erat; quas recentes Pœnus, paulo antè curatis corporibus, in prælium attulerat: contrà, jejuna fessaque corpora Romanis & rigentia gelu torpebant. restitissent tamen animis, si cum peditum solum foret pugnatum. Sed & Baliares, pulso equite, jaculabantur in latera, & elephantum jam in mediam peditum aciem sese tulerant: & Mago Numidæque, simul latebras eorum improvida præterlata acies est, exorti ab tergo ingentem tumultum ac terrorem fecere. Tamen in tot circumstantibus malis mansit aliquamdiu immota acies, maximè præter spem omnium adversus elephantos. eos velites, ad id ipsum locati, verutis conjectis & avertère, & insecuti aversos sub caudis, quàm maximè molli cute vulnera accipiunt, fodiebant.

LVI. Trepidantesque propè jam in suos consternatos mediâ acie in extremam, ad sinistrum cornu, adversus Gallos auxiliares agi jussit Hannibal. Extemplo haud dubiam fecere fugam. additus quoque novus terror Romanis, ut fusa auxilia sua viderant. Itaque, quum jam in orbem pugnarent, decem millia ferme hominum, quum alii evadere nequissent, mediâ Afro-  
rum

rum acie, quæ Gallicis auxiliis firmata erat, cum ingenti cæde hostium perrupere. & quum neque in castra reditus esset flumine interclusis, neque præ imbris satis decernere possent, quâ suis opem ferrent, Placentiam recto itinere perrexere. Plures deinde in omnes partes eruptiones factæ: & qui flumen petiere, aut gurgitibus absumpti sunt, aut inter cunctationem ingrediendi ab hostibus oppressi. qui passim per agros fugâ sparsi erant, vestigia cedentis sequentes agminis, Placentiam contendere: aliis timor hostium audaciam ingrediendi flumen fecit, transgressique in castra pervenerunt. Imber nive mixtus, & intoleranda vis frigoris, & homines multos, & jumenta, & elephantos propè omnes, absumpsit. Finis insequendi hostis Pœnis flumen Trebia fuit: & ita torpentes gelu in castra rediere, ut vix lætitiâ victoriæ sentirent. Itaque nocte insequenti, quum præsidium castrorum, & quod reliquum ex magna parte militum erat, ratibus Trebiam trajicerent, aut nihil sentire, obstrepente pluviâ; aut, quia jam moveri præ lassitudine nequibant ac vulneribus, sentire sese dissimularunt: quietisque Pœnis, tacito agmine ab Scipione consule exercitus Placentiam est perductus: inde Pado trajectus Cremonam, ne duorum exercituum hibernis una colonia premeretur.

LVII. Romam tantus terror ex hac clade perlatus est, ut jam ad urbem crederent infestis signis hostem venturum; nec quicquam spei aut auxilii esse, quo portis mœnibusque vim arcerent. *Uno consule ad Ticinum victo, altero ex Sicilia revocato, duobus consulibus, duobus consularibus exercitibus victis, quos alios duces, quas alias legiones esse, qua arcessantur?* Ita territis Sempronius consul advenit, ingenti periculo per effusos passim ad prædandum hostium equites (audaciâ magis, quàm consilio aut spe fallendi, resistendive si non falleret) transgressus. Id quod unum maximè in præsentia desiderabatur, cômitiis consularibus habitis, in hiberna red.



lit. Creati consules Cn. Servilius, & C. Flaminius. Ceterum ne hiberna quidem Romanis quieta erant, vagantibus passim Numidis equitibus, &, quæ his impeditiora erant, Celtiberis, Lusitanisque. Omnes igitur clausi undique commeatus erant, nisi quos Padus naves subveherent. Emporium prope Placentiam fuit, & opere magno munitum, & valido firmatum præsidio. ejus castelli oppugnandi ipse cum equitibus ac levi armatura profectus Hannibal, quum plurimum in celando incepto ad effectum spei habuisset, nocte adortus, non fefellit vigiles. Tanta repente clamor est sublatum, ut Placentiæ quoque audiretur. Itaque sub lucem cum equitatu consul aderat, jussis quadrato agmine legionibus sequi. Equestre prælium interim commissum: in quo, quia faucius Hannibal pugna excessit, pavore hostibus injecto, defensum egregie præsidium est. Paucorum inde dierum quiete sumptâ, & vix dum satis percurato vulnere, ad Victumvias ire pergit oppugnandas. Id emporium à Romanis Gallico bello fuerat munitum. inde locum frequentaverant accolæ mixti undique ex finitimis populis; & tum terror populationum eò plerosque ex agris compulerat. Hujus generis multitudo, famâ impigre defensi ad Placentiam præsidii accensa, armis arreptis obviam Hannibali procedit. Magis agmina, quàm acies, in via concurrerunt; &, quum ex altera parte nihil, præter inconditam turbam, esset, in altera & dux militi, & duci fidens miles, ad triginta quinque millia hominum à paucis fusa. Postero die, deditione factâ, præsidium intra mœnia acceperunt: jussique arma tradere quum dicto paruissent, signum repente victoribus datur, ut tanquam vi captam urbem diriperent. neque ulla, quæ in tali rememorabilis scribentibus videri solet, prætermissa clades est: adeo omnis libidinis, crudelitatisque, & inhumanæ superbiae editum in miseros est exemplum. Hæ fuere hibernæ expeditiones Hannibalis.

LVIII. Haud longis inde temporibus, dum intolerabilia frigora erant, quies militi data est: & ad prima ac dubia signa veris profectus ex hibernis, in Etruriam ducit, eam quoque gentem, sicut Gallos Liguresque, aut vi aut voluntate adiuncturus. Transcuntem Apenninum adeò atrox adorta tempestas est, ut Alpium foeditatem propè superaverit. Vento mixtus imber quum ferretur in ipsa ora, primò, quia aut arma omittenda erant, aut contrà enitentes vortices intortì affigebantur, consistere: dein, quum jam spiritum includeret, nec reciprocare animam sineret, averfi à vento parumper confedere. Tum verò ingenti sono cœlum strepere, & inter horrendos fragores micare ignes. capti auribus & oculis metu omnes torpere. Tandem, effuso imbrey quum eo magis accensa via venti esset, ipso illò, quo deprehensi erant, loco castra ponere necessarium visum est. Id verò laboris velut de integro initium fuit. nam nec explicare quicquam, nec statuere poterant: nec, quod statutum esset, manebat, omnia perscindente vento & rapiente. & mox aqua levata, vento, quum super gelida montium jugaconcreta esset, tantum nivosa grandinis dejecit, ut, omnibus ommissis, procumberent homines, tegminibus suis magis obruti, quàm tecti. tantaque vis frigoris infecta est, ut, ex illà miserabili hominum jumentorumque strage quum se quisque attollere ac levare vellet, diu nequiret, quia, torpentibus rigore nervis, vix flectere artus poterant. deinde, ut tandem agitando sese movere ac recepere animos, & raris locis ignis fieri est cœptus, ad alienam opem quisque inops tendere. Biduum eo loco, velut obsessi, mansere, multi homines, multa jumenta, elephanti quoque ex his, qui proelio ad Trebiam facto superfuerant, septem absumpti.

LIX. Degressus Apennino retro ad Placentiam castra movit, & ad decem millia progressus consedit. postero die duodecim millia peditum, quinque equitum

tum adversus hostem ducit. Nec Sempronius consul (jam enim redierat ab Roma) detrectavit certamen : atque eo die tria millia passuum inter binæ castra fuere. Postero die ingentibus animis, vario eventu, pugnatum est. primo concursu adeo res Romana superior fuit, ut non acie vincerent solum, sed pulsos hostes in castra persequerentur ; mox castra quoque oppugnarent. Hannibal, paucis propugnatoribus in vallo portisque positus, ceteros confertos in media castra recepit, intentosque signum ad erumpendum spectare jubet. Jam nona ferme diei hora erat, quum Romanus, nequicquam fatigato milite, postquam nulla spes erat potiundi castris, signum receptui dedit. Quod ubi Hannibal accepit, laxatamque pugnam & recessum à castris vidit, exemplo equitibus dextrâ lævâque emissis in hostem, ipse cum peditum robore medius castris erupit. pugna raro ulla magis sæva, & cum utriusque partis pernicie clarior fuisset, si extendi eam dies in longum spatium siverisset. Nox accensum ingentibus animis prœlium diremit. itaque acrior concursus fuit, quàm cædes ; & sic ut æquata ferme pugna erat, ita clade pari discessum est. ab neutra parte sexcentis plus peditibus, & dimidium ejus equitum cecidit. Sed major Romanis, quàm pro numero, jactura fuit : quia equestris ordinis aliquot, & tribuni militum quinque, & præfecti sociorum tres, sunt interfecti. Secundum eam pugnam Hannibal in Ligures, Sempronius Lucam concessit. Venienti in Ligures Hannibali per insidias intercepti duo quæstores Romani, C. Fulvius & L. Lucretius, cum duobus tribunis militum, & quinque equestris ordinis senatorum ferme liberis, quo magis ratam fore cum his pacem societatemque crederet, traduntur.

LX. Dum hæc in Italia geruntur, Cn. Cornelius Scipio, in Hispaniam cum classe & exercitu missus, quum, ab ostio Rhodani profectus, Pyrenæosque montes circumvectus, Emporiis appulisset classem, exposito ibi exerci-

exercitu, orsus à Lacetanis, omnem oram usque ad Iberum flumen, partim renovandis societatibus, partim novis instituendis, Romanæ ditionis fecit. Inde conciliatâ clementiæ famâ, non ad maritimos modò populos, sed, in mediterraneis quoque ac montanis, ad ferociiores jam gentes valuit: nec pax modò apud eos, sed societas etiam armorum, parata est: validæque aliquot auxiliorum cohortes ex iis conscriptæ sunt. Hannonis cis Iberum provincia erat: cum reliquerat Hannibal ad regionis ejus præsidium. itaque prius, quàm alienarentur omnia, obviàm eundum ratus, castris in conspectu hostium positis, in aciem eduxit. nec Romano differendum certamen visum: quippe qui sciret, cum Hannone & Hasdrubale sibi dimicandum esse; malletque adversus singulos separatim, quàm adversus duos simul, rem gerere. Nec magni certaminis ea dimicatio fuit. Sex millia hostium cæsa, duo capta cum præsidio castrorum. nam & castra expugnata sunt, atque ipse dux cum aliquot principibus capiuntur: & Scissis, propinquum castris oppidum, expugnatur. Ceterùm præda oppidi parvi pretii rerum fuit; supellex barbarica, ac vilium mancipiorum. castra militem ditavere, non ejus modò exercitûs, qui victus erat, sed & ejus, qui cum Hannibale in Italia militabat, omnibus ferè caris rebus (ne gravia impedimenta ferentibus essent) citra Pyrenæum relictis.

LXI. Priusquam certa hujus cladis fama accideret, transgressus Iberum Hasdrubal cum octo millibus peditem, mille equitum, tanquam ad primum adventum Romanorum occursurus, postquam perditas res ad Scissim amissaque castra accepit, iter ad mare convertit. Haud procul Tarracone classicos milites navalesque socios, vagos palantesque per agros (quod ferme fit, ut secundæ res negligentiam creent) equite passim dimisso, cum magna cæde, majore fuga ad naves compellit. nec diutius circa ea loca morari ausus, ne à Scipione opprimeretur, trans Iberum sese recepit. Et Scipio, raptim  
ad.

ad famam novorum hostium agmine actō, quum in paucos præfectos navium animadvertisset, præsidio Tarracone modico relicto, Emporias cum classe rediit. Vix dum digresso eo, Hasdrubal aderat : & Ilergetum populo, qui obfides Scipioni dederat, ad defectionem impulsō, cum eorum ipsorum juventute agros fidelium Romanis sociorum vastat. Excito deinde Scipione hibernis, toto cis Iberum rursus cedit agro. Scipio, relictam ab auctore defectionis Ilergetum gentem quum insecto exercitu invasisset, compulsis omnibus Athanagiam, urbem (quæ caput ejus populi erat) circumfedit : intraque dies paucos, pluribus quàm antè obsidibus imperatis, Ilergetes, pecuniâ etiam multatos, in jus ditionemque recepit. Inde in Aufetanos prope Iberum, socios & ipsos Pœnorum, procedit : atque, urbe eorum obsessa, Lacetanos auxilium finitimis ferentes nocte, haud procul jam urbe, quum intrare vellent, excepit insidiis. Cæsa ad duodecim millia : exuti penè omnes armis, domos passim palantes per agros diffugere ; nec obsessos alia ulla res, quàm iniqua oppugnantibus hiems, tutabatur. triginta dies obsidio fuit : per quos rarò unquam nix minùs quatuor pedes alta jacuit : adeoque pluteos ac vineas Romanorum operuerat, ut ea sola, ignibus aliquoties conjectis ab hoste, etiam tutamentum fuerit. Postremò quum Amusitus princeps eorum ad Hasdrubalem profugisset, viginti argenti talentis pacti deduntur. Tarraconem in hiberna reditum est.

LXII. Romæ aut circa urbem multa eâ hieme prodigia facta : aut (quod evenire solet, motis semel in religionem animis) multa nunciata, & temere credita sunt : in quibz ingenuum infantem semestrem in foro olitorio triumphum clamasse : & foro boario bovem in tertiam contignationem suâ sponte escendisse, atque inde tumultu habitatorum territum sese dejecisse : & navium speciem de cœlo affulsisse, & ædem Spei, quæ est in foro olitorio, fulmine ictam : & Lanuvii hastam se commovisse :

&amp;

& corvum in ædem Junonis devolâsse, atque in ipso pulvinario confedisse: & in agro Amiternino multis locis hominum specie procul candidâ veste visos, nec cum ullo congressos: & in Piceno lapidibus pluuisse; & Cære sortes extenuatas: & in Gallia lupum vigili gladium & vagina raptum abstulisse. Ob cetera prodigia libros adire decemviri jussi. quòd autem lapidibus pluisset in Piceno, novemdiale sacrum edictum, & subinde aliis procurandis propè tota civitas operata fuit. Jam primum omnium urbs lustrata est, hostiæque majores, quibus editum est, Diis cæsæ; & donum ex auri pondo quadraginta Lanuvium ad Junonis portatum est; & signum æneum matronæ Junoni in Aventino dedicaverunt; & lectisternium Cære, ubi sortes attenuatæ erant, imperatum; & supplicatio Fortunæ in Algido; Romæ quoque & lectisternium Juventati, & supplicatio ad ædem Herculis nominatim; deinde universo populo circa omnia pulvinaria, indicta; & Genio majores hostiæ cæsæ quinque; & C. Atilius Serranus prætor vota fuscipere jussus, si in decem annos respublica eodem stetisset statu. Hæc procurata vota ex libris Sibyllinis, magna ex parte levaverant religione animos.

LXIII. Consulum designatorum alter Flaminius, cui ex legiones, quæ Placentiæ hibernabant, sorte evenerant, edictum & literas ad consulem misit, ut is exercitus Idibus Martiis Arimini adesset in castris. Huic in provincia consulatum inire consilium erat, memori veterum certaminum cum Patribus; quæ tribunus plebis, & quæ postea consul, priùs de consulatu, qui abrogabatur, dein de triumpho habuerat; invisus etiam Patribus ob novam legem, quam Q. Claudius tribunus plebis adversus senatum, uno Patrum adjuvante C. Flamínio, tulerat; ne quis senator, quive senatoris pater fuisset, maritimam navem, quæ plus quàm trecentarum amphorarum esset, haberet. Id satis habitum ad fructus ex agris vectandos. quæstus omnis Patribus indecorus visus.

sus. Res, per summam contentionem acta, invidiam apud nobilitatem suaſori legis Flaminio, favorem apud plebem alterumque inde conſulatum, peperit. Ob hæc ratus auspiciis ementiendis, Latinarumque feriarum morâ, & conſularibus aliis impedimentis retenturos ſe in urbe, ſimulato itinere privatus clam in provinciam abiit. Ea res, ubi palam facta eſt, novam inſuper iram inſectis jam antè Patribus movit: *Non cum ſenatu modò, ſed jam cum Diis immortalibus, C. Flaminium bellum gerere. conſulem antè inauſpicatò factum revocantibus ex ipſa acie Diis atque hominibus non paruiſſe; & nunc conſcientiâ ſpretorum & Capitolium & ſolennem votorum nuncupationem fugiſſe: ne die inſiti magiſtratus Jovis optimi maximi templum adiret: ne ſenatum, inuiſus ipſe, & ſibi uni inuiſum, videret conſulere- retque: ne Latinas indiceret, Jovique Latiali ſolenne ſacrum in monte faceret: ne, auſpicatò proſectus in Capitolium ad vota nuncupanda, paludatus inde cum liſtoribus ad provinciam iret. Lixa modo ſine inſignibus, ſine liſtoribus, proſectum clam, furtim, baud aliter quàm ſi exiliſ cauſâ ſolum vertiſſet. magis pro majeſtate, videlicet imperii Arimini, quàm Romæ, magiſtratum initurum, & in deverſorio hoſpitali, quàm apud penates ſuos, prætextam ſumpturum. Revocandum univerſi retrahendumque cenſuerunt; & cogendum omnibus prius præſentem in Deos hominesque fungi officiis, quàm ad exercitum & in provinciam iret. In eam legationem (legatos enim mitti placuit) Q. Terentius & M. Antifſti- us proſecti, nihilo magis eum moverunt, quàm priori conſulatu literæ moverant ab ſenatu miſſæ. Paucos poſt dies magiſtratum inſit, immolantique ei vitulus jam iſ- ſtus è manibus ſacrificantium ſeſe quum proripuiſſet, multos circumſtantes cruore reſperſit. Fuga procul et- iam major apud ignaros, quid trepidaretur, & concu- ſatio fuit. Id à pleriſque in omen magni terroris accep- tum. Legionibus inde duabus à Sempronio prioris an- ni conſule, duabus à C. Atilio prætore acceptis, in E- truriam per Apennini trãmites exercitus duci eſt cœptus.*

## LIBER XXII.

## EPI TOME.

II, III. **H** Annibal, per continuas vigilias in paludibus a-  
culo amisso, venit in Etruriam: per quas  
paludes quadriduo & tribus noctibus sine ulla requie iter fecit,  
III, IV, &c. C. Flaminius. consul, homo temerarius, con-  
tra auspicia profectus, signis militaribus effossis, qua tolli non  
poterant, & ab equo, quem conscenderat, per caput devolutus,  
insidiis ab Hannibale circumventus, ad Trasimenum la-  
cum cum exercitu casus est. VI. Sex millia, qua eruperant,  
fide ab Maharbale data, perfidia Hannibalis vincla sunt. VII.  
Quum ad nuncium cladis Romae luctus esset, dua matres, ex  
insperato receptis filiis, gaudio mortuae sunt. X. Ob hanc  
cladem ex Sibyllinis libris ver sacrum votum. XII. Quum  
deinde Q. Fabius Maximus dictator, adversus Hannibalem  
missus, nollet acie cum eo configere, ne, contra ferocem tot  
victoriis hostem, territum adversis praeliis militem pugna com-  
mitteret, & opponendo se tantummodo, conatus Hannibalis  
impediret: XIV, XXVI. M. Minucius Magister equitum,  
ferox & temerarius, criminando dictatorem tanquam segnem  
& timidum, effecit, ut populi jussu aquaretur ei cum dictato-  
re imperium; XXVII. divisoque exercitu, quum iniquo  
loco conflixisset, & in maximo discrimine legiones ejus essent,  
XXIX. superveniente cum exercitu Fabio Maximo, discrimi-  
nine liberatus est. Quo beneficio victus castra cum eo jun-  
xit, & patrem eum salutavit; idemque facere milites jussit.  
XVI. Hannibal, vastata Campaniam, inter Casilinum op-  
pidum & Calliculam montem a Fabio clausus, sarmentis ad  
cornua bouum alligatis & incensis, praesidium Romanorum, quod  
Calliculam insidebat, fugavit: & sic transgressus est saltum.  
XXIII. idemque Q. Fabii Maximi dictatoris, quum cir-  
cumposita ureret, agro pepercit, ut illum tanquam proditorem  
suspectum



*suspectum faceret. XLVII. Æmilio deinde Paulo & Terentio Varrone consulibus & ducibus, cum maxima clade adversus Hannibalem ad Cannas pugnatum est: XLIX. caesaque eo prælio Romanorum quadraginta quinque millia, cum Paulo consule & senatoribus octoginta, consularibus atque prætoribus aut adilitiis triginta. LIII. Post quam cladem quum à nobilibus adolescentibus propter desperationem consilium de relinquenda Italia iniretur, P. Cornelius Scipio tribunus militum, qui postea Africanus nuncupatus est, stricto super capita deliberantium ferro, juravit, se pro hoste habiturum eum, qui in verba sua non jurasset; effecitque, ut omnes minimè relictum iri à se Italiam jurejurando astringerentur. VII, XIX, XX. &c. Præterea trepidationem urbis & luctum, & res in Hispania meliore eventu gestas continet. LVII. Opimia & Floronia, Vestales virgines, incesti damnatae sunt. Propter paucitatem verò militum, servorum octo millia armata sunt. LX, LXI. Captivi, quum potestas esset redimendi, redempti non sunt. Varroni obviam itum est, & gratia acta, quòd de republica non desperasset.*

I. **J**AM ver appetebat, quum Hannibal ex hibernis movit, & nequicquam antè conatus transcendere Apenninum intolerandis frigoribus, & cum ingenti periculo moratus ac metu. Galli, quos prædæ populationumque conciverat spes, postquam pro eo, ut ipsi ex alieno agro raperent agerentque, suas terras sedem belli esse, premique utriusque partis exercituum hibernis viderent; verterunt retro ad Hannibalem ab Romanis odia: petitusque sæpe principum insidiis, ipsorum inter se fraude, eadem levitate, quâ consenserant, consensum indicantium, servatus erat; &, mutando nunc vestem, nunc tegumenta capitis, errore etiam sese ab insidiis munierat. Ceterum hic quoque ei timor causa fuit maturius movendi ex hibernis. Per idem tempus Cn. Servilius consul Romæ Idibus Martiis magistratum iniit. Ibi quum de republica retulisset,

set, redintegrata in C. Flaminium invidia est. *Duos se consules creasse, unum habere. quod enim illi justum imperium, quod auspicium esse? Magistratus id à domo, publicis privatisque penetibus, Latinis feriis actis, sacrificio in monte perfecto, votis rite in Capitolio nuncupatis, secum ferre: nec privatum auspicia sequi, nec sine auspiciis profectum in externo ea solo nova atque integra concipere posse.* Augēbant metum prodigia ex pluribus simul locis nunciata: in Sicilia militibus aliquot spicula, in Sardinia autem in muro circumeunti vigilias equiti scipionem, quem manu tenuerat, arsisse, & littora crebris ignibus fulsisse, & scuta duo sanguine sudasse, & milites quosdam ictos fulminibus, & solis orbem minui visum: & Præneſte ardentes lapides cœlo cecidiſſe: & Arpis parmas in cœlo viſas, pugnātemque cum luna solem: & Capenæ duas interdū lunas ortas: & aquas Cæretes sanguine mixtas fluxiſſe; fontemque ipsam Herculis cruentis manasse sparſum maculis: & in Antiati metentibus cruentas in corbem spicas cecidiſſe: & Faleriis cœlum findi velut magno hiātu viſum; quaque patuerit, ingens lumen effulsiſſe: sortes suā ſponte attenuatas, unamque excidiſſe, ita scriptam: **MAVORS TELUM SUUM CONCVTIT:** & per idem tempus Romæ ſignum Martis Appiā viā ad ſimulacra luporum ſudasse: & Capuz ſpeciem cœli ardentis fuiſſe, lunæque inter imbrem cadentis. Inde minoribus etiam dictu prodigiis fides habita: Capras lanatas quibuſdam factas, & gallinam in marem, gallum in ſœminam ſeſe vertiſſe. His, ſicut erant nunciata, expoſitis, auctoriſque in curiam introductis, conſul de religione Patres conſultuit. Decretum, ut ea prodigia, partim majoribus hoſtiis, partim lætentibus, procurarentur: & ut ſupplicatio per triduum ad omnia pulvinaria haberetur. Cetera, quum decemviri libros inſpexiſſent, ut ita fierent, quemadmodum cordi eſſe Divi carminibus præſarentur. Decemvirorum monitu decretum eſt, Jovi  
primum

primum donum fulmen aureum pondo quinquaginta fieret; Junoni Minervæque ex argento dona darentur; & Junoni Reginæ in Aventino, Junonique Sospitæ Lanuvii majoribus hostiis sacrificaretur; matronæque, pecuniâ collatâ, quantum conferre cuique commodum esset, donum Junoni Reginæ in Aventinum ferrent, lectisterniumque fieret; quin & libertinæ ut ipsæ, unde Feroniæ donum daretur, pecuniam pro facultatibus suis conferrent. Hæc ubi facta, decemviri Ardeæ in foro majoribus hostiis sacrificarunt. postremò Decembri jam mense ad ædem Saturni Romæ immolatum est, lectisterniumque imperatum, (& cum lectum senatores straverunt) & convivium publicum; ac per urbem Saturnalia diem ac noctem clamatum, populusque eum diem festum habere ac servare in perpetuum iussus.

II. Dum consul placandis Romæ Diis trahendoque delectu dat operam, Hannibal, profectus ex hibernis, quia jam Flaminium consulem Arretium pervenisse fama erat, quum aliud longius, ceterum commodius, ostenderetur iter, propiorem viam per paludem petit, quâ fluvijs Arnus per eos dies solito magis inundaverat. Hispanos & Afros, (id omne veterani erat robur exercitus) admixtis ipsorum impedimentis, necubi consistere coactis necessaria ad usus deessent, primos ire iussit: sequi Gallos, ut id agminis medium esset; novissimos ire equites: Magonem inde cum expeditis Numidis cogere agmen, maximè Gallos, si tædio laboris longæque viæ (ut est mollis ad talia gens) dilaberentur aut subsisterent, cohibentem. Primi, quâ modò præirent duces per præaltas fluvii ac profundas voragines, hausti penè limo immergentesque se, tamen signa sequebantur. Galli neque sustinere se prolapsi, neque assurgere ex voraginibus poterant; aut corpora animis, aut animos spe sustinebant: alii fessa ægre trahentes membra; alii, ubi semel victis tædio animis procu-

procubissent, inter jumenta, & ipsa jacentia passim, morientes. maximèque omnium vigiliæ conficiebant, per quadriduum jam & tres noctes toleratæ. Quum, omnia obtinentibus aquis, nihil, ubi in sicco fessa sternerent corpora, inveniri posset, cumulatis in aquas sarcinis insuper incumbebant. jumentorum itinere toto prostratorum passim acervi tantum, quod exstaret aqua, quærentibus ad quietem parvi temporis necessarium cubile dabant. Ipse Hannibal, æger oculis, ex verna primum intemperie variante calores frigoraque, elephanto, qui unus superfuerat, quo altius ab aqua exstaret, vestus; vigiliis tandem & nocturno humore palustrique cœlo gravante caput, & quia medendi nec locus nec tempus erat, altero oculo capitur.

III. Multis hominibus jumentisque foedè amissis, quum tandem de paludibus emerisset, ubi primum in sicco potuit, castra locat: certumque per præmissos exploratores habuit, exercitum Romanum circa Arretii mœnia esse. consulis deinde consilia atque animum, & situm regionum, itineraque, & copias ad commeatus expediendos, & cetera, quæ cognosse in rem erat, summa omnia cum cura inquirendo exsequabatur. Regio erat in primis Italiæ fertilis, Etrusci campi, qui Fæfulas inter Arretiumque jacent, frumenti ac pecoris & omnium copiâ rerum opulenti. Consul ferox ab consulatu priore, & non modò legum ac Patrum majestatis, sed ne Deorum quidem satis metuens. Hanc insitam ingenio ejus temeritatem fortuna prospero civilibus bellicisque rebus successu aluerat. Itaque satis apparebat, nec Deos nec homines consulentem, ferociter omnia ac præpropere acturum. quoque pronior esset in vitia sua, agitare cum atque irritare Pœnus parat: &, lævâ relicto hoste, Fæfulas petens, medio Etruriæ agro prædatum profectus, quantam maximam vastitatem potest, cædibus incendiisque consuli procul ostendit. Flaminius, qui ne quieto quidem

dem hoste ipse quieturus erat, tum verò, postquam res sociorum ante oculos prope suos ferri agique vidit, suum id dedecus ratus, per mediam jam Italiam vagari Pœnum, atque, obsistente nullo, ad ipsa Romana mœnia ire oppugnanda; ceteris omnibus in consilio salutaria magis, quàm speciosa, suadentibus, *collegam expectandum, ut conjunctis exercitibus, communi animo consilioque rem gererent; interim equitatu auxiliisque levium armorum ab effusa prædandi licentia hostem cohibendam; iratus se ex consilio proripuit, signumque simul itineris pugnaeque proposuit. Quin imo Arretii ante mœnia sedemus, inquit, hic enim patria & penates sunt. Hannibal emissus è manibus perpopuletur Italiam, vastandoque & urendo omnia ad Romana mœnia perveniat; nec antè nos hinc moverimus, quàm, sicut olim Camillum ab Vejis, G. Flaminium ab Arretio Patres acciverint. Hæc simul increpans, quum vocis signa convelli juberet, & ipse in equum insiluisset, equus repente cœruit, consulemque lapsum super caput effudit. Territis omnibus, qui circà erant, velut fœdo omine incipiendæ rei, insuper nunciatur, signum, omni vi moliente signifero, convelli nequire. Conversus ad nuncium, *Nam literas quoque, inquit, ab senatu offers, quæ me rem gerere vetent? Abi, nuncia, signum effodiant, si ad convellendum manus præ metu obtorpuerint.* Incedere inde agmèn cœpit; primoribus, super quàm quòd dissenserant à consilio, territis etiam duplici prodigio; milite in vulgus læto ferociâ ducis, quum spem magis ipsam, quàm causam spei, intueretur.*

IV. Hannibal, quod agri est inter Cortonam urbem Trasimenumque lacum, omni clade belli pervastat, quo magis iram hosti ad vindicandas sociorum injurias acuat. Et jam pervenerant ad loca insidiis nata, ubi maximè montes Cortonenses Trasimenus subit. via tantum interest perangusta, velut ad id ipsum de industria relicto spatio: deinde paulo latior patescit campus, inde colles assurgunt. Ibi castra in aperto locat,  
ubi

ubi ipse cum Afris modò Hispanisque consideret. Ba-  
liares ceteramque levem armaturam post montes cir-  
cumducit : equites ad ipsas fauces saltus, tumulis aptè  
regentibus, locat; ut, ubi intrassent Romani, objecto  
equitatu, clausa omnia lacu ac montibus essent. Fla-  
minius quum pridie solis occasu ad lacum pervenisset,  
inexplorato, postero die, vixdum satis certà luce, an-  
gustis superatis, postquam in patentiorem campum  
pandi agmen coepit, id tantum hostium, quod ex ad-  
verso erat, conspexit: ab tergo & super caput dece-  
pere insidiar. Pœnus ubi, id quod petierat, clausum  
lacu ac montibus & circumfusum suis copiis habuit  
hostem, signum omnibus dat simul invadendi. qui ubi,  
quà cuique proximum fuit, decurrere, eo magis Ro-  
manis subita atque improvisa res fuit, quod orta ex  
lacu nebula campo, quam montibus, densior federat,  
agminaue hostium ex pluribus vallibus ipsa inter se  
satis conspecta, eoque magis pariter decurrerunt.  
Romanus clamore prius undique orto, quam satis cer-  
neret, se circumventum esse sensit; & antè in frontem  
lateraque pugnari coeptum est, quam satis instrueretur  
acies, aut expediri arma, stringique gladii possent.

V. Consul, percussis omnibus, ipse satis, ut in tre-  
pida re, impavidus, turbatos ordines, vertente se quo-  
que ad dissonos clamores, instruit, ut tempus locusque  
patitur; &, quacunque adire audirique potest, adhor-  
tatur, ac stare & pugnare jubet; *nec enim inde votis aut  
imploratione Deum, sed vi ac virtute, evadendum esse. Per  
medias acies ferro viam fieri: &, quo timoris minus sit, eo  
minus ferme periculi esse.* Ceterum præ strepitu ac tu-  
multu nec consilium nec imperium accipi poterat. tan-  
tumque aberat, ut sua signa atque ordinem & locum  
nosceret miles, ut vix ad arma capienda aptandaque  
pugnæ competeret animus: opprimerenturque quidam,  
onerati magis his, quam testis: & erat in tanta caligi-  
ne major usus aurium, quam oculorum. Ad gemitus

vulnerum iſſusque corporum aut armorum, & mixtos ſtrepentium paventiumque clamores, circumſerebant ora oculosque. Alii fugientes pugnantium globo illati hærebant: alios redeuntes in pugnam avertebat fugientium agmen. Deinde, ubi in omnes partes nequicquam impetus capti, & ab lateribus montes ac lacus, à fronte & ab tergo hoſtium acies claudebat, apparuitque, nullam, niſi in dextra ferroque, ſalutis ſpem eſſe; tum ſibi quiſque dux adhortatorque factus ad rem gerendam, & nova de integro pugna exorta eſt; non illa ordinata per principes haſtatoſque ac triarios, nec ut pro ſignis antefignani, poſt ſigna alia pugnaret acies; nec ut in ſua legione miles, aut cohorte, aut manipulo eſſet. Fors conglobat, & animus ſuus cuique antè aut poſt pugnandi ordinem dabat: tantuſque fuit ardor armorum, adeo intentus pugne animus, ut eum motum terræ, qui multarum urbium Italiæ magnas partes proſtravit, avertitque curſu rapido amnes, mare fluminibus invexit, montes lapſu ingenti proruit, nemo pugnantium ſenſerit.

VI. Tres ferme horas pugnatum eſt, & ubique atrociter. circa conſulem tamen acrior infeſtiorque pugna eſt. Eum & robora virorum ſequebantur, & ipſe, quacunque in parte premi ac laborare ſenſerat ſuos, impigre ferebat opem; inſignemque armis & hoſtes ſummâ vi petebant, & tuebantur cives: donec Inſulber eques (Ducario nomen erat) facie quoque noſcitans, *Conſul, en, inquit, hic eſt, popularibus ſuis; qui legiones noſtras cecidit, agrosque & urbem eſt depopulatus. Jam ego hanc victimam manibus peremptorum fœdè civium dabo: ſubditis*que calcaribus equo, per conſertiffimam hoſtium turbam impetum facit: obtruncatoque prius armigero, qui ſe infeſto venienti obviâ objecerat, conſulem lanceâ tranſfixit. ſpoliare cupientem triarii objectis ſcutis arcuere. Magnæ partis fuga inde primum coegit: & jam nec lacus, nec montes obſtabant pavori.

per omnia arcta præruptaque velut cæci evadunt: armaque & viri super alium alii præcipitantur. Pars magna, ubi locus fugæ deest, per prima vada paludis in aquam progressi, quoad capitibus humerisque exstare possunt, sese immergunt. fuere, quos inconsultus pavor nando etiam capeßere fugam impulerit. Quæ ubi immensa ac sine spe erat, aut deficientibus animis hauriebantur gurgitibus, aut nequicquam fessi vada retro ægerrimè repetebant, atque ibi ab ingressis aquam hostium equitibus passim trucidabantur. Sex millia ferme primi agminis, per adversos hostes eruptione impigre facta, ignari omnium, quæ post se agerentur, ex saltu evasere. &, quum in tumulto quodam constitissent, clamorem modò ac sonum armorum audientes, quæ fortuna pugnæ esset, neque scire, nec perspicere præ caligine poterant. Inclinatâ denique re, quum incalescente sole dispulsa nebula aperuisset diem, tum liquidâ jam luce montes campique perditas res stratamque ostendêre sædè Romanam aciem. itaque, ne in conspectos procul immitteretur eques, sublatis raptim signis, quàm citatissimo poterant agmine, sese abriperunt. Postero die, quum super cetera extrema fames etiam instaret, fidem dante Maharbale, qui cum omnibus equestribus copiis nocte consecutus erat, si arma tradidissent, abire cum singulis vestimentis passurum, sese dediderunt. quæ Punicâ religione servata fides ab Hannibale est, atque in vincula omnes conjecit.

VII. Hæc est nobilis ad Trasimenum pugna, atque inter paucas memorata populi Romani clades. Quindecim millia Romanorum in acie cæsa sunt; decem millia, sparsa fugâ per omnem Etruriam, diversis itineribus urbem petiere. Mille quingenti hostium in acie, multi postea utrinque ex vulneribus periere. Multiplex cædes utrinque facta traditur ab aliis. Ego, præterquam quòd nihil haustum ex vano velim, quò nî-



mis inclinant ferme scribentium animi, Fabium æqualem temporibus hujusce belli potissimum auctorem habui. Hannibal, captivorum qui Latini nominis essent, sine pretio dimissis, Romanis in vincula datis, segregata ex hostium coacervatorum cumulis corpora suorum quum sepeliri jussisset, Flaminii quoque corpus, funeris causâ magna cum cura inquisitum, non invenit. Romæ, ad primum nuncium cladis ejus, cum ingenti terrore ac tumultu concursus in forum populi est factus. Matronæ vagæ per vias, quæ repens clades allata, quæve fortuna exercitus esset, obvios percunctantur. & quum frequentis concionis modo turba in comitium & curiam versâ magistratus vocaret; tandem haud multo ante solis occasum M. Pomponius prætor, *Pugnâ, inquit, magnâ victi sumus: &, quamquam nihil certius ex eo auditum est, tamen alius ab alio impleti rumoribus domos referunt, consulem cum magna parte copiarum casum: superesse paucos, aut fugâ passim per Etruriâ sparsos, aut captos ab hoste.* Quot casus exercitus victi fuerant, tot in curas dispersiti eorum animi erant, quorum propinqui sub C. Flaminio consule meruerant, ignorantium, quæ cuiusque suorum fortuna esset. nec quisquam satis certum habet, quid aut speret, aut timeat. Postero, ac deinceps aliquot diebus, ad portas major propè mulierum, quàm virorum, multitudo stetit, aut suorum aliquem, aut nuncios de his opperiens: circumfundebanturque obviis sciscitantes; neque avelli, utique ab notis, prius, quàm ordine omnia inquisissent, poterant. Inde varios vultus digredientium ab nunciis cerneret, ut cuique aut læta aut tristitia nunciabantur: gratulantesque aut consolantes redeuntibus domos circumfusus. Feminarum præcipuè & gaudia insignia erant, & luctus. Unam in ipsa porta, fospiti filio repentè oblatam, in conspectu ejus exspirâsse ferunt; alteram, cui mors filii falsò nunciata erat, mœstam sedentem domi, ad pri-

mum

num conspectum redeuntis filii gaudio nimio exanimatam. Senatum prætores per dies aliquot ab orto usque ad occidentem solem in curia retinent, consultants, quonam duce, aut quibus copiis, resisti victoribus Pœnis posset.

VIII. Priusquam satis certa consilia essent, repens alia nunciatur clades: quatuor millia equitum, cum C. Centenio proprætore missa ad collegam ab Servilio consule, in Umbria, quò post pugnam ad Trasimenum auditam averterant iter, ab Hannibale circumventa. Ejus rei fama variè homines affecit. pars, occupatis majore ægritudine animis, levem, ex comparatione priorum, ducere recentem equitum jacturam: pars non id, quod acciderat, per se æstimare, sed, ut in affecto corpore quamvis levis causa magis, quàm valido gravior, sentiretur; ita tum ægræ & affectæ civitati quodcumque adversi inciderit, non rerum magnitudine, sed viribus extenuatis, quæ nihil, quod aggravaret, pati possent, æstimandum esse. Itaque ad remedium, jam diu neque desideratum nec adhibitum, dictatorem dicendum, civitas confugit: & quia & consul aberat, à quo uno dici posse videbatur; nec per occupatam armis Punicis Italiam facile erat aut nuncium, aut literas mitti; nec dictatorem populus creare poterat, quod nunquam ante eam diem factum erat: prodictatorem populus creavit Q. Fabium Maximum, & magistrum equitum M. Minucium Rufum. Hisque negotium ab senatu datum, ut muros turresque urbis firmarent, & præsidia disponerent quibus locis videretur, pontesque rescinderent fluminum: ad penates pro urbe dimicandum esse, quando Italiam tueri nequissent.

IX. Hannibal recto itinere per Umbriam usque ad Spoletum venit. inde, quum perpopulato agro urbem oppugnare adortus esset, cum magna cæde suorum repulsus, conjectans ex unius coloniz haud nimis prospere tentatz viribus, quanta moles Romanæ urbis esset,

set; in agrum Picenum avertit iter, non copiâ solùm omnis generis frugum abundantem, sed refertum prædâ, quam effusè avidi atque egentes rapiebant. Ibi per dies aliquot stativa habita: refectusque miles, hibernis itineribus ac pakstri viâ prælioque, magis ad eventum secundo, quàm levi aut facili, affectus. Ubi satis quieti datum, prædâ ac populationibus magis, quàm otio aut requie, gaudentibus, profectus, Prætutianum Hadrianumque agrum, Marfos inde Marrucinofque & Pelignos devastat, circaque Arpos & Luceriam proximam Apuliæ regionem. Cp. Servilius consul, levibus præliis cum Gallis actis, & uno oppido ignobili expugnato, postquam de collegæ exercitûsque cæde audivit, jam mœnibus patriæ metuens, ne abesset in discrimine extremo, ad urbem iter intendit. Q. Fabius Maximus dictator iterum, quo die magistratum iniit, vocato senatu, ab Diis orsus, quum edocuiisset Patres, plus negligentia ceremoniarum auspiciorumque, quàm temeritate atque inscitia, peccatum à C. Flaminio consule esse, quæque piacula iræ Deum essent, ipsos Deos consulendos esse; pervicit, ut, quod non ferme decernitur, nisi quum tetra prodigia nunciata sunt, decemviri libros Sibyllinos adire juberentur. qui, inspectis fatalibus libris, retulerunt Patribus, *quod ejus belli causâ votum Marti foret, id non rite factum, de integro atque amplius faciendum esse: & Jovi ludos magnos, & ades Veneri Erycina ac Menti votendas esse, & supplicationem lectisterniumque habendum, & ver sacrum votendum, si bellatum prospere esset, resque publica in eodem, quo ante bellum fuisset, statu permansisset.* Senatus, quoniam Fabium belli cura occupatura esset, M. Æmilium prætorem, ex collegii pontificum sententia, omnia ea ut maturè fiant, curare jubet.

X. His senatusconsultis perfectis, L. Cornelius Lentulus pontifex maximus, consulente collegio prætorum, omnium primùm populum consulendum de vere  
sacro

sacro censet: injussu populi voveri non posse. Rogatus in hæc verba populus, *Velitis jubeatisne hoc sic fieri? si res publica populi Romani Quiritium ad quinquennium proximum, sicut velim eam, salva servata erit hisce duellis; datum donum duit populus Romanus Quiritium, (quod duellum populo Romano cum Karthaginensi est, quaque duella cum Gallis sunt, qui cis Alpes sunt) quod ver attulerit ex suillo, ovillo, caprino, bovillo grege, quaque profana erunt, Jovi fieri, ex qua die senatus populusque jusserit. Qui faciet, quando volet, quaque lege volet, facito: quo modo faxit, probè factum esto. Si id moritur, quod fieri oportebit, profanum esto, neque scelus esto. si quis rumpet occidetve insciens, ne fraus esto. si quis clepsit, ne populo scelas esto, neve cui cleptum erit. si atro die faxit insciens, probè factum esto. si nocte sive luce, si servus sive liber faxit, probè factum esto. si anteidea senatus populusque jusserit fieri ac faxit, eo populus solutus, liber esto. Eiusdem rei causâ ludi magni votâ æris trecentis triginta tribus millibus, trecentis triginta tribus, triente: præterea bubus Jovi trecentis, multis aliis Divis bubus albis, atque ceteris hostiis. Votis rite nuncupatis, supplicatio edicta: supplicatumque iere cum conjugibus ac liberis non urbana multitudo tantum, sed agrestium etiam, quos in aliqua sua fortuna publicæ quoque contingebat cura. Tum lætisternium per triduum habitum, decemviris sacrorum curantibus. sex pulvinaria in conspectu fuere: Jovi ac Junoni unum; alterum Neptuno ac Minervæ; tertium Marti ac Veneri; quartum Apollini ac Dianæ; quintum Vulcano ac Vestæ; sextum Mercurio ac Cereri. Tum ædes votæ. Veneri Erycinæ ædem Q. Fabius Maximus dictator vovit; quia ita ex fatalibus libris editum erat, ut is voveret, cujus maximum imperium in civitate esset. Menti ædem T. Otacilius prætor vovit.*

XI. Ita rebus divinis peractis, tum de bello reque de publica dictator retulit, quibus quotve legionibus

viſtori hoſti obviam eundem eſſe Patres cenſerent. De-  
 cretum, ut ab Cn. Servilio conſule exercitum acciperet : ſcri-  
 beret præterea ex civibus ſociſſque, quantum equitum ac pedi-  
 tum videretur : cetera omnia ageret faceretque, ut è republi-  
 ca duceret. Fabius duas ſe legiones adjeſturum ad Ser-  
 vilianum exercitum dixit. his, per magiſtrum equitum  
 ſcriptis, Tibur diem ad conveniendum edixit. ediſto-  
 que propoſito, ut, quibus oppida caſtellaque immuni-  
 ta eſſent, uti in loca tuta commigrarent ; ex agris quo-  
 que demigrarent omnes regionis ejus, quã iturus Han-  
 nibal eſſet : teſtis prius incenſis ac frugibus corruptis,  
 ne cujus rei copia eſſet ; ipſe, viã Flaminia profectus  
 obviam conſuli exercituique, quum ad Tiberim circa  
 Oericulum proſpexiſſet agmen, conſulemque cum e-  
 quitibus ad ſe prodeuntem, viatorem miſit, qui con-  
 ſuli nunciaret, ut ſine liſtoribus ad dictatorem veni-  
 ret. Qui quum diſto paruiſſet, congreſſusque eorum  
 ingentem ſpeciem dictaturæ apud cives ſociosque, ve-  
 ruſtate jam propè oblitos ejus imperii, feciſſet ; literæ  
 ab urbe allatæ ſunt, naves onerarias, commeatum ab  
 Oſtia in Hiſpaniam ad exercitum portantes, à claſſe  
 Punica circa portum Coſanum captas eſſe. Itaque ex-  
 æmulo conſul Oſtiam proficiſci juſſus, navibusque,  
 quæ ad urbem Romanam aut Oſtiæ eſſent, completis  
 milite ac navalibus ſociis, perſequi hoſtium claſſem, ac  
 littora Italiæ tutari. Magna vis hominum conſcripta  
 Romæ erat : libertini etiam, quibus liberi eſſent, & æ-  
 tas militaris, in verba juraverant. Ex hoc urbano ex-  
 exercitu, qui minores quinque & triginta annis erant, in  
 naves impoſiti : alii, ut urbi præſiderent, reſiſti.

XII. Dictator, exercitu conſulis accepto à Fulvio  
 Flacco legato, per agrum Sabinum Tibur, quo die ad  
 conveniendum edixerat novis militibus, venit : inde  
 Præneste, ac tranſverſis limitibus in viam Latinam eſt  
 egreſſus : unde, itineribus ſumma cum cura exploratis,  
 ad hoſtem ducit ; nullo loco, niſi quantum neceſſitas  
 cogeret,

cogeret, fortunæ se commissurus. Quo primum die haud procul Arpis in conspectu hostium posuit castra, nulla mora facta, quin Pœnus educeret in aciem, copiamque pugnandi faceret: sed ubi quæta omnia apud hostes, nec castra ullo tumultu mota videt; increpans quidem, victos tandem quoque Martios animos Romanis, debellatumque, & concessum propalam de virtute ac gloria esse, in castra rediit: ceterum tacitâ curâ animum incensus, quod cum duce, haudquaquam Flaminio Sempronioque simili, futura sibi res esset; ac tum demum edocti malis Romani parem Hannibali ducem quæssissent. & prudentiam quidem, non vim, dictatoris extemplo timuit. constantiam haud dùm expertus, agitare ac tentare animum movendo crebrò castra, populandoque in oculis ejus agros sociorum, cœpit. & modò citato agmine è conspectu abibat, modò repente in aliquo flexu viæ, si excipere degressum in æquum posset, occultus subsistebat. Fabius per loca alta agmen ducebat, modico ab hoste intervallo, ut neque omitteret eum, neque congredereetur: Castris, nisi quantum usus necessariò cogeret, tenebatur miles. pabulum & ligna nec pauci petebant, nec passim. equitum levisque armaturæ statio, composita instructaque in subitos tumultus, & suo militi tuta omnia, & infesta effusis hostium populâtoribus præbebat. neque univêrsò periculò sùmma rerum committebatur: & parva momenta levium certaminum ex tuto cœptorum, finitimo receptu, assuefaciebant territum pristinis cladibus militem, minùs jam tandem aut virtutis, aut fortunæ pœnitere suæ. Sed non Hannibalem magis insectum tam sanis consillis habebat; quàm magistrum equitum: qui nihil aliud, quàm quod impar erat imperio, moræ ad rempublicam præcipitandam habebat, ferox rapidusque in consiliis, ac linguâ immodicus; primò inter paucos, dein propalam in vulgus, pro cunctatore seipsum, pro cauto timidum, affingens vicina virtutibus.

vitia, compellabat: premendorumque superiorum arte (quæ pessima ars nimis prosperis multorum successibus crevit) sese extollebat.

XIII. Hannibal ex Hirpinis in Samnium transit: Beneventanum depopulatur agrum: Telesiam urbem capit: irritat etiam de industria ducem, si fortè accensum tot indignitatibus cladibusque sociorum detrahere ad æquum certamen possit. Inter multitudinem sociorum Italici generis, qui ad Trasimenum capti ab Hannibale dimissique fuerant, tres Campani equites erant, multis jam tum illecti donis promissisque Hannibalis ad conciliandos popularium animos. hi nunciantes, si in Campaniam exercitum admovisset, Capuæ potiendæ copiam fore, quum res major, quàm auctores, esset, dubium Hannibalem, alternisque fidentem ac diffidentem, tamen, ut Campanos ex Samnio peteret, moverunt: monitos, ut etiam atque etiam promissa rebus adfirmarent, iustosque, cum pluribus & aliquibus principum redire ad se, dimisit. ipse imperat duci, ut se in agrum Casinatem ducat: edoctus à peritis regionum, si eum saltum occupasset, exitum Romano ad opem ferendam fociis interclusurum. Sed Punicum abhorrens os ab Latinorum nominum prolatione, pro Casino Casilinum dux ut acciperet, fecit; averfusque ab suo itinere, per Allifanum, Calatinumque, & Calenum agrum, in campum Stellatam descendit: ubi quum montibus fluminibusque clausam regionem circumspexisset, vocatum ducem percunctatur, ubi terrarum esset? quum is Casilini eo die mansurum eum dixisset, tum demum cognitus est error, & Casinum longè inde aliâ regione esse: virgisque cæso duce, & ad reliquorum terrorem in crucem sublato, castris communitis, Maharbalem cum equitibus in agrum Falernum prædatum dimisit. Usque ad aquas Sinuessanas populatio ea pervenit. ingentem cladem, fugam tamen terroremque latius, Numidæ fecerunt. Nec tamen is terror, quum omnia bello

is flagrarent, fide socios dimovit : videlicet quia iusto & moderato regebantur imperio ; nec abnuebant, quod unum vinculum fidei est, melioribus parere.

XIV. Ut verò ad Vulturnum flumen castra sunt posita, exurebaturque amoenissimus Italiae ager, villæque passim incendiis fumabant, per juga Massici montis Fabio ducente, tum propè de integro seditio accensa. quieverant enim per paucos dies ; quia, quum celeridè solito ductum agmen fuisset, festinari ad prohibendam populationibus Campaniam crediderant. Ut verò in extrema juga Massici montis ventum est, hostesque sub oculis erant, Falerni agri colonorumque Sinuessæ testæ urentes, nec ulla erat mentio pugnae, *Spestatumne hoc, inquit Minucius, ut rem fruendam oculis, sociorum cades & incendia venimus? nec si nullius alterius nos, ne civium quidem horum pudet, quos Sinuessam colonos patres nostri miserunt, ut ab Samnite hoste tuta hac ora esset : quam nunc non vicinus Samnis irit, sed Pænus advena, ab extremis orbis terrarum terminis, nostrâ cunctatione & socordia, jam hac progressus. Tantum (pro!) degeneramus à parentibus nostris, ut, præterquam oram illi Punicas vagari classes, dedecus esse imperii sui duxerint, eam nos nunc plenam hostium Numidarumque ac Maurorum jam factam videamus? Quæ modò, Saguntum oppugnari indignando, non homines tantum, sed fœdera & Deos, ciebamus, scandentem mœnia Romana colonia Hannibalem lentè spectamus. Fumus ex incendiis villarum agrorumque in oculos atque ora venit ; strepunt aures clamoribus plorantium sociorum, sæpius nos, quàm Deorum invocantium opem. nos hic pecorum modo per æstivos saltus deviasque calles exercitum ducimus, conditi nubibus silvisque. Si hoc modo peragrandò cacumina saltusque M. Furius reciperè à Gallis urbem voluisset, quo hic novus Camillus (nobis dictator unicus in rebus affectis quaesitus) Italiam ab Hannibale recuperare parat, Gallorum Roma esset : quam vereor, ne, sic cunctantibus nobis, Hannibali ac Pænis toties servaverint majores nostri, sed vir, ac verè Romanus, quo die, dictato-*



rem cum ex auctoritate Patrum jussuque populi dictum, Vejos allatum est, quum esset satis altum Janiculum, ubi sedens prospectaret hostem, descendit in equum: atque illo ipso die media in urbe, quæ nunc busta Gallica sunt, & postero die, citra Gabios cecidit Gallorum legiones. Quid? post multos annos, quum ad furculas Caudinas ab Samnite hoste sub jugum missi sumus, utram tandem L. Papirius Cursor juga Samniti perlustrando, an Luceriam premendo obsidendoque, & laceffendo victorem hostem, depulsum ab Romanis cervicibus jugum superbo Samniti imposuit? Modò G. Lutatio quæ alia res, quàm celeritas, victoriam dedit? quòd postero die, quàm hostem vidit, classẽ gravem comœatibus, impeditam suam, met ipsam instrumento atque apparatu, oppressit. Stultitia est, sedendo aut votis debellari credere posse. armari copias oportet, deducendas in equum, ut vir cum viro congrediatur. Audendo atque agendo res Romana crevit, non his segnis consiliis, quæ timidi cauta vocant. Hæc velut concionanti Minucio circumfundebatur tribunorum equitumque Romanorum multitudo, & ad aures quoque militum dicta ferociaolvebantur: ac, si militaris suffragii res esset, haud dubiè ferebant, Minucium Fabio duci prælaturos.

XV. Fabius pariter, in suos haud minùs quàm in hostes intentus, priùs ab illis invictum animum præstat. quanquam probè scit, non in castris modò suis, sed jam etiã Romæ infamem suam cunctationem esse, obstinatus tamen eodem consiliorum tenore æstatis reliquum extraxit: ut Hannibal, destitutus ab spe summo petiti certaminis, jam hibernis locum circumspectaret: quia ea regio præsentis erat copiar, non perpetuar, arbusa vinear, & consista omnia magis amœnis, quàm necessariis fructibus. Hæc per exploratores relata Fabio. Quum satis sciret, per easdem angustias, quibus intraverat Falernum agrum, rediturum, Calliculam montem & Casilinum occupat modicis præsidibus: quæ urbs, Vulturno flumine dirempta, Falernum

ac Campanum agros dividit: ipse jugis iisdem exercitum reducit, misso exploratum cum quadringentis equitibus sociorum L. Hostilio Mancino: qui ex turba juvenum audientium sæpe ferociter concionantem magistrum equitum, progressus primò exploratoris modo, ut ex tuto specularetur hostem, ubi vagos passim per vicos Numidas vidit, per occasionem etiam paucos occidit: extemplo occupatus certamine est animus, excideruntque præcepta dictatoris; qui, quantum tutò posset, progressum priùs recipere sese jusserat, quàm in conspectum hostium veniret. Numidæ, alii atque alii occurrentes refugientesque, ad castra propè ipsum cum fatigue equorum atque hominum pertraxere. inde Carthalo, penes quem summa equestris imperii erat, concitatis equis investus, quum, priùs, quàm ad conjectum teli veniret, avertisset hostem, quinque millia ferme continenti cursu secutus est fugientes. Mancinus, postquam nec hostem desistere sequi, nec spem vidit effugiendi esse, cohortatus suos in prælium rediit, omni parte virium impar. Itaque ipse, & delecti equitum, circumventi occiduntur. ceteri effuso rursus cursu Cales primùm, inde propè inviis callibus ad dictatorem perfugerunt. Eo fortè die Minucius se junxerat Fabio, missus ad firmandum præsidio saltum, qui super Terracinam, in arctas coactus fauces, imminet mari, ne immuniò Appiæ limite Pœnus pervenire in agrum Romanum posset. Coniunctis exercitibus dictator ac magister equitum castra in viam deferunt, quâ Hannibal ducturus erat. duo inde millia hostes abierant.

XVI. Postero die Pœni, quod viæ inter bina castra erat, agmine complevere. Quum Romani sub ipso constitissent vallo, haud dubiè æquiore loco, successit tamen Pœnus cum expeditis equitibus, atque ad laceßendum hostem carptim & procursando recipiendoque sese pugnare. restitit suo loco Romana acies. lenta pugna.

pugna & ex dictatoris magis, quàm Hannibalis, fuisse voluntate. ducenti ab Romanis, octingenti hostium cecidere. Inclusus inde videri Hannibal, viâ ad Casilinum obsessa: quum Capua & Samnium, & tantum ab tergo divitum sociorum Romanis commeatus subveheret; Pœnus contrâ inter Formiana saxa ac Litterni arenas stagnaque perhorrida situ hibernaturus esset. Nec Hannibalem fefellit, suis se artibus peti. itaque; quum per Casilinum evadere non posset, petendique montes & jugum Calliculæ superandum esset, necubi Romanus inclusum vallibus agmen aggrediretur; ludibrium oculorum, specie terribile, ad frustrandum hostem commentus, principio noctis furtim succedere ad montes statuit. Fallacis consilii talis apparatus fuit. Faces undique ex agris collectæ, fascisque virgarum, atque arida farmenta præligantur cornibus boum, quos domitos indomitosque multos inter ceteram agrestem prædam agebat. ad duo millia ferme boum effecta: Hasdrubalique negotium datum, ut primis tenebris noctis id armentum accensis cornibus ad montes ageret; maxime, si posset, super saltus ab hoste insecfos.

XVII. Primis tenebris silentio mota castra; boves aliquanto ante signa acci. ubi ad radices montium viasque angustas ventum est, signum extemplo datur, ut accensis cornibus armenta in adversos concitentur montes. & metus ipse relucens flammæ ex capite, calorque, jam ad vivum, ad imaque cornuum adveniens, velut stimulos furore agebat boves. quo repente discursu, haud secus quàm silvis montibusque accensis, omnia circum virgulta ardere: capitumque irrita quasiatio, excitans flammam, hominum passim discurrentium speciem præbebat. Qui ad transitum saltus insidendum locati erant, ubi in summis montibus ac super se quosdam ignes conspexerunt, circumventos se esse rati, præsidio excessere; quâ minimè densæ micabant flammæ, velut tutissimum iter, petentes summa montium.

tium juga, tamen in quosdam boves, palatos ab suis gregibus inciderunt. Et primò, quum procul cerne-  
rent, veluti flammæ spirantium miraculo attoniti con-  
sisterunt: deinde, ut humana apparuit fraus, tum ve-  
rò insidias rati esse, dum majore metu concitant se in-  
fugam, levi quoque armaturæ hostium incurrere. ce-  
terum nox æquato timore neutros pugnam incipien-  
tes ad lucem tenuit. Interea, toto agmine Hannibal  
transducto per saltum, & quibusdam in ipso saltu ho-  
stium oppressis, in agro Allifano posuit castra.

XVIII. Hunc tumultum sensit Fabius. ceterum &  
insidias esse ratus, & ab nocturno utique abhorrens  
certamine, suos munimentis tenuit. Luce primâ sub-  
jugo montis prælium fuit; quo interclusam ab suis le-  
vem armaturam facillè (etenim numero aliquantum  
præstabant) Romani superâssent, nisi Hispanorum co-  
horts, ad id ipsum remissa ab Hannibale, pervenisset.  
ea assuetior montibus, & ad concursandum inter saxa  
rupesque aptior ac levior, quum velocitate corporum,  
tum armorum habitu, campestræ hostem, gravem ar-  
mis statariumque, pugnae genere facillè elusit. Ita haud-  
quaquam parî certamine digressi, Hispani serè omnes  
incolumes, Romani, aliquot suis amissis, in castra con-  
tenderunt. Fabius quoque movit castra: transgres-  
susque saltum super Allifas, loco alto ac munito con-  
sedit. Tum, per Samnium Romam se petere simulans,  
Hannibal usque in Pelignos populabundus rediit. Fa-  
bius mediis inter hostium agmen urbemque Romam  
jugis ducebat; nec abstinens, nec congregiens. Ex Pe-  
lignis Poenus flexit iter, retroque Apuliam repetens,  
Geronium pervenit; urbem metu, quia collapsa ruinis  
pars mœnium erat, ab suis desertam. Dictator in La-  
rinæ agro castra communiit. inde sacrorum causâ  
Romam revocatus, non imperio modò, sed consilio et-  
iam, ac propè precibus agens cum magistro equitum,  
*ut plus consilio, quàm fortuna, confidat. & se potius ductum,*  
*quàm*

quàm Sempronium Flaminiūque, imitetur. ne nihil actum-  
censeret, extractā propè æstate per ludificationem hostis. me-  
dicos quoque plus interdum quiete, quàm movendo atque agen-  
do, proficere. Haud parvam rem esse, ab toties victore ho-  
ste vinci desisse, & ab continuis cladibus respirasse. Hæc ne-  
quicquam præmonito magistro equitum, Romam est  
profectus.

XIX. Principio æstatis, quā hæc gerebantur, in Hī-  
spania quoque terrā marique cœptum bellum est. Haf-  
drubal ad eum navium numerum, quem à fratre in-  
structum paratumque acceperat, decem adjecit: qua-  
draginta navium classem Himilconi tradidit: atque i-  
ta Karthagine profectus, navibus prope terram, exer-  
citum in littore ducebat, paratus configere, quacum-  
que parte copiarum hostis occurrisset. Cn. Scipioni,  
postquam movisse ex hibernis hostem audivit, primò  
idem consilii fuit: deinde, minùs terrā, propter ingem-  
tem famam novorum auxiliorum, concurrere ausus,  
delecto milite ad naves imposito, quinque & triginta  
navium classe ire obviam hosti pergit. Altero ab Tar-  
racone die ad stationem, decem milliā passuum distan-  
tem ab ostio Iberi amnis, pervenit. inde duæ Massili-  
ensium speculatoriæ præmissæ retulerunt, classem Pu-  
nicam stare in ostio fluminis, castraque in ripa posita.  
Itaque, ut improvidos incautosque universo simul ef-  
fuso terrore opprimeret, sublatis ancoris ad hostem va-  
dit. Multas & locis altis positas turres Hispania ha-  
bet, quibus & speculis & propugnaculis adversus la-  
trones utuntur. Inde primò, conspectis hostium na-  
vibus, datum signum Hasdrubali est; tumultusque pri-  
us in terra & castris, quàm ad mare & ad naves, est  
ortus, nondum aut pulsu remorum strepituque alio  
nautico exaudito, aut aperientibus classem promonto-  
riis: quum repentè eques, alius super alium ab Haf-  
drubale missus, vagos in littore, quietosque in tento-  
riis suis, nihil minus quàm hostem aut prælium eo die  
expos-

expectantes, conscendere naves propere atque arma capere jubet. classem Romanam jam haud procul portu esse. Hæc equites dimissi passim imperabant. mox Hasdrubal ipse cum omni exercitu aderat: varioque omnia tumultu strepunt, ruentibus in naves simul remigibus militibusque, fugientium magis è terra, quam in pugnam euntium modo. Vixdum omnes conscenderant, quum alii resolutis oris in ancoras evchuntur; alii, ne quid teneat, ancoralia incidunt: raptimque omnia præpropere agendo, militum apparatu nautica ministeria impediuntur, trepidatione nautarum capere & aptare arma miles prohibetur. Et jam Romanus non appropinquabat modò, sed direxerat etiam in pugnam naves. itaque non ab hoste & prælio magis Pœni, quam suomet ipsi tumultu turbati, tentatâ veriùs pugnâ, quam inîtâ, in fugam averterunt classem. & quum adversi amnis os lato agmine ac tam multis simul venientibus haud sanè intrabile esset, in littus passim naves egerunt: atque alii vadis, alii sicco littore excepti, partim armati, partim inermes, ad instructam per littus aciem suorum perfugere. Duæ tamén primo concursu captæ erant Punicæ naves, quatuor suppressæ.

XX. Romani, quanquam terra hostium erat, armatamque aciem toto prætentam in littore cernebant, haud cunctanter infecuti trepidam hostium classem, naves omnes, quæ non aut perfregerant proras littore illis, aut carinas fixerant vadis, religatas puppibus in altum extraxere. ad quinque & viginti naves ex quadraginta cepere. Neque id pulcherrimum ejus victoriæ fuit, sed quòd unâ levi pugnâ toto ejus oræ mari potiti erant. itaque ad Honoscam classe provecti, exscensione ab navibus in terram factâ, quum urbem vi cepissent, captamque diripuissent, Karthaginem inde petunt: atque, omnem agrum circâ depopulati, postremò tecta quoque conjuncta muro portisque incenderunt.

Inde

Inde jam prædâ gravis ad Longunticam pervenit clâs-  
 sis: ubi vis magna sparti ad rem nauticam congesta ab  
 Hasdrubale. quod satis in usum fuit, sublato, ceterum  
 omne incensum est. Nec continentis modò projectas  
 oras prætervecta, sed in Ebusum insulam transmissum.  
 ubi urbe, quæ caput insulæ est, biduum nequicquam  
 summo labore oppugnata, ubi in spem irritam frustra  
 æri tempus animadversum est, ad populationem agri-  
 versi, direptis aliquot incensisque vicis, majore, quàm  
 ex continenti, prædâ partâ, quum in naves se rece-  
 pissent, ex Baliaribus insulis legati pacem petentes ad  
 Scipionem venerunt. Inde flexa retro classis, reditu-  
 que in citeriora provinciæ; quò omnium populorum,  
 qui Iberum incolunt, multorum & ultimæ Hispaniæ  
 legati concurrerunt. Sed, qui verè ditionis imperii-  
 que Romani facti sunt, obsidibus datis, populi ampli-  
 us fuerunt centum viginti. Igitur terrestribus quoque  
 copiis satis fidens Romanus, usque ad saltum Castulo-  
 nensem est progressus. Hasdrubal in Lusitaniam ac-  
 propius Oceanum concessit.

XXI. Quietum inde fore videbatur reliquum æsta-  
 tis tempus, fuissetque per Pœnum hostem; sed, præter-  
 quam quòd ipsorum Hispanorum inquieta avidaque in-  
 novas res sunt ingenia, Mandonius, Indibilisque, qui  
 antea Ilergetum regulus fuerat, postquam Romani ab  
 saltu recessere ad maritimam oram, concitis populari-  
 bus, in agrum pacatum sociorum Romanorum ad po-  
 pulandum venerunt. Adversus eos tribunus militum  
 cum expeditis auxiliis, à Scipione missi, levi certami-  
 ne, ut tumultuariam manum, fudere omnes; occisis  
 quibusdam captisque, magna pars armis exuta. Hic  
 tamen tumultus cedentem ad Oceanum Hasdrubalem  
 eis Iberum ad socios tutandos retraxit. Castra Punica  
 in agro Ilercaonensium, castra Romana ad novam clas-  
 sem erant, quum fama repens aliò avertit bellum. Cel-  
 tiberi, qui principes regionis suæ legatos miserant, ob-  
 fidesque

adesque dederant Romanis, nuncio misso à Scipione excitī, arma capiunt, provinciamque Karthaginensium valido exercitu invadunt: tria oppida vi expugnant. inde, cum ipso Hasdrubale duobus praeliis egregiè pugnantes, quindecim millia hostium occiderunt, quatuor millia cum multis militaribus signis capiunt.

XXII. Hoc statu rerum in Hispania, P. Scipio in provinciam venit, prorogato post consulatum imperio ab senatu missus, cum triginta longis navibus, & octo millibus militum, magnoque comœatu adveſto. Ea classis ingens agmine onerariarum procul visa, cum magna lætitia civium sociorumque, portum Tarraconis ex alto tenuit. ibi milite exposito, profectus Scipio fratri se conjungit: ac deinde communi animo consilioque gerebant bellum. Occupatis igitur Karthaginensibus Celtiberico bello, haud cunctanter Iberum transgrediuntur: nec ullo viso hoste, Saguntum pergunt ire, quod ibi obsides totius Hispaniæ custodiæ traditos ab Hannibale fama erat modico in arce custodiri præsidio. id unum pignus inclinatos ad Romanam societatem omnium Hispaniæ populorum animos morabatur, ne sanguine liberum suorum culpa defectionis lueretur. Eo vinculo Hispaniam vir unus, solerti magis quàm fideli consilio, exsolvit. Abelux erat Saguntī nobilis Hispanus, fidus antè Pœnis: tum (qualia plerumque sunt barbarorum ingenia) cum fortuna mutaverat fidem. ceterum, transfugam, sine magnæ rei proditione venientem ad hostes, nihil aliud quàm unum vile atque infame corpus esse ratus, id agebat, ut quàm maximum emolumentum novis sociis esset. Circumspectis igitur omnibus, quæ fortuna potestatis ejus poterat facere, obsidibus potissimum tradendis animum adjecit: eam unam rem maximè ratus conciliaturam Romanis principum Hispaniæ amicitiam. Sed quum, injussu Hostaris præfecti, satis sciret, nihil obsidum custodes



stodes facturos esse, Bostarem ipsum arte aggreditur. Castra extra urbem in ipso littore habebat Bostar, ut aditum ex portu intercluderet Romanis. ibi eum in secretum abductum, velut ignorantem, monet, quo statu sit res. *Metum continuisse ad eam diem Hispanorum animos, quia procul Romani abessent: nunc cis Iberum castra Romana esse, arcem tutam perfugiumque novas volentibus res. itaque, quos metus non teneat, beneficio & gratia devinciendos esse.* Miranti Bostari percunctantique, quodnam id subitum tantæ rei donum possit esse? *Obsides, inquit, in civitates remitte. id & privatim parentibus, quorum maximum nomen in civitatibus est suis, & publice populis gratum erit. Vult sibi quisque credi, & habita fides ipsam plerumque obligat fidem. Ministerium restituendorum domos obsidum mibimet depono ipse, ut operâ quoque impensâ consilium adjuvem meum, & rei suapte naturâ grata, quantam insuper gratiam possim, adjiciam.* Homini, non ad cetera Punica ingenia callido, ut persuasit, nocte clam progressus. ad hostium stationes, conventis quibusdam auxiliaribus Hispanis, & ab iis ad Scipionem perductus, quid afferret, expromit. Fide acceptâ datâque, ac loco & tempore constituto ad obsides tradendos, Saguntum redit; diem insequentem absumpsit cum Bostare, mandatis ad rem agendam accipiendis. dimissus, quum se nocte iturum, ut custodias hostium falleret, constituisset, ad compositam cum iis horam excitatis custodibus puerorum profectus, veluti ignarus in præparatas suâ fraude insidias ducit. In castra Romana perducti. cetera omnia de reddendis obsidibus, sicut cum Bostare constitutum erat, acta per eundem ordinem, quo si Karthaginensium nomine sic ageretur. Major aliquanto Romanorum gratia fuit in re pari, quàm quanta futura Karthaginensium fuerat. illos enim, graves superbosque in rebus secundis expertos, fortuna & timor mitigasse videri poterat. Romanus primo adventu, incognitus antè, ab re clementi liberalique initium

initium fecerat: & Abelux, vir prudens, haud frustra videbatur socios mutasse. itaque ingenti consensu defectionem omnes spectare: armaque extemplo mota forent, ni hiems, quæ Romanos quoque & Karthaginienses concedere in testa coëgit, intervenisset.

XXIII. Hæc in Hispania quoque secundâ æstate Punici belli gesta, quum in Italia paulum intervalli cladibus Romanis solers cunctatio Fabii fecisset: quæ ut Hannibalem non mediocri sollicitum curâ habebat, tandem cum militiæ magistrum delegisse Romanos cernentem, qui bellum ratione, non fortunâ, gereret; ita contempta erat inter cives, armatos pariter togatosque; utique postquam, absente eo, temeritate magistri equitum, læto veriùs dixerim, quàm prospero eventu, pugnatum fuerat. Accesserant duæ res ad augendam invidiam dictatoris: una fraude ac dolo Hannibalis: quòd, quum à perfugis ei monstratus ager dictatoris esset, omnibus circa solo æquatis, ab uno eo ferrum ignemque & vim omnem hostium abstineri iussit, ut occulti alicujus pacti ea merces videri posset: altera ipsius facto, primò forsitan dubio, quia non expectata in eo senatûs auctoritas est; ad extremum haud ambiguè in maximam laudem verso, in permu- tandis captivis: quòd, sicut primo Punico bello factum erat, convenerat inter duces Romanum Pœnumque, ut, quæ pars plus reciperet, quàm daret, argenti pondo bina & selibras in militem præstaret. Ducen- tos quadraginta septem quum plures Romanus, quàm Pœnus, recepisset, argentumque pro eis debitum, sæpe jactatâ in senatu re, quoniam non consulisset Patres, tardiùs erogaretur: inviolatum ab hoste agrum, mis- so Romam Quinto filio, vendidit, fidemque publicam impendio privato exsolvit. Hannibal pro Geronii mœnibus, cujus urbis, captæ atque incensæ ab se, in usum horreorum pauca reliquerat testa, in stativis erat. inde frumentatum duas exercitûs partes mittebat.

cum tertia ipse expedita in statione erat, simul castris præsidio, & circumspectans, necunde impetus in frumentatores fieret.

XXIV. Romanus tunc exercitus in agro Larinati erat. præerat Minucius magister equitum, profecto, sicut antè dictum est, ad urbem dictatore. Ceterum castra, quæ in monte alto ac tuto loco posita fuerant, jam in planum deferuntur: agitabanturque pro ingenio ducis consilia calidiora, ut impetus aut in frumentatores palatos, aut in castra, relicta cum levi præsidio, fieret. Nec Hannibalem fefellit, cum duce mutata esse belli rationem, & ferocius, quàm consultis, rem hostes gesturos. Ipse autem (quod minimè quis crederet) quum hostis propius esset, tertiam partem militum frumentatum, duabus in castris retentis, dimisit: dein castra ipsa propius hostem movit, duo ferme à Geronio millia, in tumulum hosti conspectum; ut intentum sciret esse ad frumentatores, si qua vis fieret, tutandos. Propior inde ei, atque ipsis imminens Romanorum castris tumultus apparuit: ad quem capiendum si luce palàm iretur, quia haud dubiè hostis brevior viâ præventurus erat, nocte clam missi Numidæ ceperunt. quos tenentes locum, contemptâ paucitate, Romani postero die quum eiecissent, ipsi eò transferunt castra. Tum itaque, ut exiguum spatii vallum à vallo aberat, & id ipsum totum propè compleverat Romana acies, simul & per averla castra à castris Hannibalis equitatus, cum levi armatura emissus in frumentatores, latè eadem fugamque hostium palatorum fecit. nec acie certare Hannibal ausus; quia tantâ paucitate vix castra, si oppugnarentur, tutari poterat. Jamque artibus Fabii, (pars exercitus aberat) jam ferme sedendo & cunctando bellum gerebat, receperatque suos in priora castra, quæ pro Geronii moribus erant. Justâ quoque acie & collatis signis dimicatum, quidam auctores sunt. primo concursu Poenum usque

usque ad castra fufum, inde eruptione facta repente  
versum terrorem in Romanos : Num. Decimii Samni-  
tis deinde interventu proelium restitutum. Hunc, prin-  
cipem genere ac divitiis non Boviani modò, unde e-  
rat, sed toto Samnio, jussu dictatoris octo millia pe-  
ditum, & equites quingentos ducentem in castra, ab  
tergo quum apparuisset Hannibali, speciem parti utri-  
que præbuisse novi præsidii, cum Q. Fabio ab Roma  
venientis : Hannibalem insidiarum quoque aliquid ti-  
mentem recepisse suos : Romanum insecutum, adju-  
vante Samnite, duo castella eo die expugnasse : sex  
millia hostium cæsa, quinque admodum Romanorum.  
tamen in tam pari propè clade famam egregiæ victoriæ  
cum vanioribus literis magistri equitum Romam por-  
latam.

XXV. De his rebus persæpe & in senatu & in con-  
tione actum est. Quum, lætâ civitate, dictator unus  
nihil nec famæ, nec literis crederet, ut vera omnia es-  
sent, secunda se magis, quàm adversa, timere diceret :  
tum M. Metilius tribunus plebis, id enim ferendum esse  
negat. *Non præsentem solam dictatorem obstitisse rei bene  
gerendæ, sed absentem etiam gesta obstare : & in ducendo  
bello sedulò tempus terere, quo diutius in magistratu sit, so-  
lusque & Roma & in exercitu imperium habeat. Quippe  
consulum alterum in acie cecidisse ; alterum, specie classis Pu-  
nica persequendæ, procul ab Italia ablegatum. Duos prætores  
Siciliâ atque Sardinia occupatos, quorum neutra hoc tempore  
provincia prætoris egeat. M. Minucium magistrum equi-  
tum, ne hostem videret, ne quid rei bellica gereret, propè in  
custodiam habitum. Itaque, Hercule, non Samnium modò,  
quo jam, tanquam trans Iberum ager, Pænis concessum sit, &  
Campanum, Calenamque, & Falernum agros pervastatos esse,  
sedente Casilini dictatore, & legionibus populi Romani agrum  
suum tutante. exercitum cupientem pugnare, & magistrum  
equitum, clausos propè intra vallum retentos ; tanquam hosti-  
bus captivis arma adempta, tandem ut abscefferit inde dicta-*  
tor.

tor, ut obsidione liberatos, extra vallum egressos fuisse ac fuisse hostes. Quas ob res, si antiquus animus plebi Romanæ esset, audaciter se laturum fuisse de abrogando Q. Fabii imperio: nunc modicam rogationem promulgaturum de equando magistri equitum & dictatoris jure: nec tamen ne ita quidem prius mittendum ad exercitum Q. Fabium, quam consulem in locum C. Flamini suffecisset. Dictator concionibus se abstinuit, in actione minimè popularis. ne in senatu quidem satis æquis auribus audiebatur, tunc quum hostem verbis extolleret, biennique clades per temeritatem atque inscientiam ducum acceptas referret: magistroque equitum, quod contra dictum suum pugnasset, rationem diceret reddendam esse. Si penes se summa imperii consilii-que sit, propediem effecturum, ut sciant homines, bono imperatori baud magni fortunam momenti esse: mentem rationem-que dominari. Se in tempore & sine ignominia servasse exercitum, quam multa millia hostium occidisse, majorem gloriam esse. Hujus generis orationibus frustra habitis, & consule creato M. Atilio Regulo, ne præfens de jure imperii dimicaret, pridie quam rogationis ferendæ dies adesset, nocte ad exercitum abiit. Luce ortâ, quum plebis concilium esset, magis tacita invidia dictatoris favorque magistri equitum animos versabat, quam satis audebant homines ad suadendum, quod vulgò placebat, prodire: &, favore superante, auctoritas tamen rogationi deerat. Unus inventus est suasor legis C. Terentius Varro, qui priore anno prætor fuerat, loco non humili solum, sed etiam sordido, ortus. patrem lanium fuisse ferunt, ipsum institorem mercis, filioque hoc ipso in servilia ejus artis ministeria usum.

XXVI. Is juvenis, ubi ex eo genere quæstus pecunia à patre relicta animos ad spem liberalioris fortunæ fecit, togaque & forum placere, proclamando pro sordidis hominibus causisque adversus rem & famam bonorum, primum in notitiam populi, deinde ad honores pervenit. quæsturâ quoque & duabus ædilitati-  
bus,

bus, plebeiâ & curuli, postremò & præturâ perfun-  
ctus, jam ad consulatûs spem quum attolleret animos,  
haud parum callidè auram favoris popularis ex dicta-  
toria invidia petiit, scitique plebis unus gratiam tulit.  
Omnes eam rogationem, quique Romæ, quique in ex-  
ercitu erant, æqui atque iniqui, præter ipsum dictato-  
rem, in contumeliam ejus latam acceperunt. ipse, quâ  
gravitate animi criminantes se ad multitudinem inimi-  
cos tulerat, eâdem & populi in se sævientis injuriam  
tulit: acceptisque in ipso itinere literis senatusconsul-  
ti de æquato imperio, satis fidens, haudquaquam cum  
imperii jure artem imperandi æquatam, cumque invi-  
cto à civibus hostibusque animo ad exercitum rediit.

XXVII. Minucius verò, quum jam antè vix tole-  
rabilis fuisset secundis rebus ac favore vulgi, tum uti-  
que immodicè immodestèque, non Hannibale magis vi-  
cto ab se, quàm Q. Fabio, gloriari: *Illum in rebus aspe-  
ris unicum ducem ac parem quæsitum Hannibali, majorem mi-  
nori, dictatorem magistro equitum, quod nulla memoria ha-  
beat annalium, jussu populi equatum in eadem civitate, in  
qua magistri equitum virgas ac secures dictatoris tremere at-  
que horrere soliti sint. In tantum suam felicitatem virtutem-  
que enituisse. Ergo secuturum se fortunam suam, si dictator  
in cunctatione ac segnitie, Deorum hominumque judicio da-  
mnata, perstaret. Itaque, quo die primùm congressus  
est cum Q. Fabio, statuendum omnium primùm, ait, esse,  
quemadmodum imperio equato utantur. Se optimum ducere,  
aut diebus alternis, aut, si majora intervalla placerent, par-  
titis temporibus, alterius summum jus imperiumque esse: ut  
par hosti non solum consilio, sed viribus etiam esset, si quam  
occasionem rei gerenda habuisset. Q. Fabio haudquaquam  
id placere: omnia enim fortunam habituram, quæcunque te-  
meritas collega habuisset. Sibi communicatum cum illo, non  
ademptum, imperium esse. Itaque se nunquam volentem par-  
te, quâ posset, rerum consilio gerendarum cessurum: nec se  
tempora aut dies imperii cum eo, exercitus divisurum, suis-*

*que consiliis, quoniam omnia non liceret, qua posset, servandum.* Ita obtinuit, uti legiones, sicut consulibus mos esset, inter se dividerent. prima & quarta Minucio, secunda & tertia Fabio evenerunt. Item equites pari numero, sociumque & Latini nominis auxilia diviserrunt: castris se quoque separari magister equitum voluit.

XXVIII. Duplex inde Hannibali gaudium fuit: neque enim quicquam eorum, quæ apud hostes agerentur, eum fallebat, & perfugis multa indicantibus, & per suos explorantem. nam & liberam Minucii temeritatem se suo modo captaturum, & solertiz Fabii dimidium virium decessisse. Tumulus erat inter castra Minucii Pœnorumque. cum qui occupasset, haud dubiè iniquiorem erat hosti locum facturus. cum non tam capere sine certamine volebat Hannibal, (quantum id operæ pretium erat) quam causam certaminis cum Minucio, quem semper occursum ad obsistendum satis sciebat, contrahere. Ager omnis medius erat primâ specie inutilis insidiatori, quia non modò silvestre quicquam, sed ne vepribus quidem vestitum habebat: re ipsâ natus tegendis insidiis, eo magis quod in nuda valle nulla talis fraus timeri poterat. & erant in amfractibus cavæ rupes, ut quædam earum ducenos armatos possent capere. In has latebras, quot quemque locum aptè insidere poterant, quinque millia conduntur peditum equitumque. necubi tamen aut motus alicujus temere egressi, aut fulgor armorum fraudem in valle tam aperta detegeret, missis paucis primâ luce ad capiendum, quem antè diximus, tumulum, avertit oculos hostium. Primo statim conspectu contempta paucitas: ac sibi quisque deposcere pellendos inde hostes. ad locum capiendum dux ipse inter stolidissimos ferocissimosque ad arma vocat; & vanis animis & minis increpat hostem. Principio levem armaturam dimittit, deinde conferto agmine mittit equites:

tes: postremò, quum hostibus quoque subsidia mitti videret, instructis legionibus procedit. Et Hannibal, laborantibus suis alia atque alia, crescente certamine, mittens auxilia peditum equitumque, jam justam expleverat aciem, ac totis utrinque viribus certabatur. Prima levis armatura Romanorum, preoccupatum inferiore loco succedens tumulum, pulsa detrusaque terrorem in succedentem intulit equitem, & ad signa legionum refugit. peditum acies inter percussos impavida sola erat, videbaturque, si justa aut si recta pugna esset, haudquaquam impar futura. tantum animorum fecerat prosperè ante paucos dies res gesta. Sed exortì repentè insidiatores cum tumultum terroremque, in latera utrinque ab tergoque incurfantes, fecerunt, ut neque animus ad pugnam, neque ad fugam spes cuiquam superesset.

XXIX. Tunc Fabius, primò clamore paventium audito, dein conspectà procul turbatà acie, *Ita est, inquit, non celerius, quàm timui, deprehendit fortuna temeritatem. Fabio aequatus imperio Hannibalem & virtute & fortunâ superiorem videt. Sed aliud jurgandi succensendique tempus erit. nunc signa extra vallum proferte. Victoriâ hosti extorqueamus, - confessionem erroris civibus.* Jam magna ex parte cæsis aliis, aliis circumspectantibus fugam, Fabiana se acies repentè, velut cœlo demissa, ad auxilium ostendit. Itaque, priusquam ad conjectum teli veniret, aut manum consereret, & suos à fuga effusa, & ab nimis feroci pugna hostes continuit. quì solutis ordinibus vagè dissipati erant, undique confugerunt ad integram aciem; qui plures simul terga dederant, conversi in hostem, volventesque orbem, nunc sensim referre pedem, nunc conglobati restare. ac jam propè una acies facta erat victi atque integri exercitus, inferebantque signa in hostem; quum Pœnus receptui cecinit, palam ferente Hannibale, ab se Minucium, se à Fabio victum. Ita per variam fortunam diei majore



re parte exactâ, quum in castra reditum esset, Minucius, convocatis militibus, *Sape ego, inquit, audiui, milites, eum primum esse virum, qui ipse consulat, quid in rem sit; secundum eum, quâ bene monenti obediat: qui nec ipse consulere, nec alteri parere sciat, eum extremi ingenii esse. Nobis quoniam prima animi ingeniique negata sors est, secundam ac mediam teneamus: & dum imperare discimus, parere prudenti in animum inducamus. Castra cum Fabio jungamus: ad pratorium ejus signa quum tulerimus, ubi ego eum PARENTEM appellavero, quod beneficio ejus erga nos ac majestate ejus dignum est; vos, milites, eos, quorum vos modo arma dextraque texerunt, PATRONOS salutabitis, & si nihil aliud, gratorum certè nobis animorum gloriam dies hac dederit.*

XXX. Signo dato, conclamatur inde, ut colligantur vasa: profecti & agmine incedentes ad dictatoris castra in admirationem & ipsum, & omnes, qui circa erant, converterunt. Ut constituta sunt ante tribunal signa, progressus ante alios magister equitum, quum patrem Fabium appellâisset, circumfufosque militum ejus totum agmen patronos consalutâisset, Parentibus, inquit, meis, dictator (quibus te modò nomine, quo fando possum, equavi) vitam tantum debeo: tibi quum meam salutem, tum omnium horum. Itaque plebeiscitum, quo oneratus magis, quam honoratus, sum, primus antiquus abrogoque: & quod tibi mibique, quod exercitibusque his tuis, servato ac conservatori, sit felix, sub imperium auspiciūque tuum redeo, & signa hac legionesque restituo. Tu, queso, placatus me magisterium equitum, hos ordines suos quemque tenere jubeas. Tum dextræ interjunctæ, militesque, concione dimissâ, à notis ignotisque benignè atque hospitaliter invitati: lætusque dies, ex admodum tristi paulo antè ac propè execrabili, factus. Romæ, ut est perlata fama rei gestæ, dein literis non magis ipsorum imperatorum, quàm vulgo militum ex utroque exercitu affirmata, pro se quisque Maximum laudibus ad cælum

lum ferre. Par gloria apud Hannibalem hostesque Pœnos erat: ac tum demum sentire, cum Romanis atque in Italia bellum esse. Nam biennio antè adeo & duces Romanos & milites spreverant, ut vix cum eadem gente bellum esse crederent, cujus terribilem eam famam à patribus accepissent. Hannibalem quoque ex acie redeuntem dixisse ferunt, *tandem eam nubem, quæ sedere in jugis montium solita sit, cum procella imbrem dedisse.*

XXXI. Dum hæc gerantur in Italia, Cn. Servilius Geminus consul cum classe centum viginti navium, circumvectus Sardinia & Corsica oram, & obsidibus utrinque acceptis, in Africam transmisit: &, priusquam in continentem exscensiones faceret, Menige insulâ vastatâ, & ab incolentibus Cercinam, ne & ipsorum ureretur diripereturque ager, decem talentis argenti acceptis, ad littora Africae accessit, copiasque exposuit. Inde ad populandum agrum ducti milites, navalesque socii juxtâ effusi, ac si insulis cultorum egentibus prædarentur. itaque in insidias temere illati, quum à frequentibus palantes, ab locorum gnaris ignari circumvenirentur, cum multa cædè ac fœda fuga retro ad naves compulsi sunt. Ad mille hominum, cum his Sempronio Blæso quæstore, amissum: classis, à littoribus hostium plenis trepidè soluta, in Siciliam cursum tenuit; traditaque Lilybæi T. Otacilio prætori, ut ab legato ejus P. Sura Romam reduceretur. ipse, per Siciliam pedibus profectus, freto in Italiam trajecit, literis Q. Fabii accitus & ipse, & collega ejus M. Atilius, ut exercitus ab se, exacto jam propè semestrî imperio, acciperent. Omnium propè annales Fabium dictatorem adversus Hannibalem rem gessisse tradunt. Cœlius etiam eum primum à populo creatum dictatorem scribit. Sed & Cœlium & ceteros fugit, uni consuli Cn. Servilio, qui tum procul in Gallia provincia aberat, jus fuisse dicendi dictatoris: quam moram quia

expectare territa jam clade civitas non poterat, eò decursum esse, ut à populo crearetur, qui pro dictatore esset: res inde gestas gloriamque insignem ducis, & augentes titulum imaginis posteros, ut, qui pro dictatore, dictator diceretur, facile obtinuisse.

XXXII. Consules, Atilius Fabiano, Geminus Servilius Minuciano exercitu accepto, hibernaculis mature communitis, (extremum autumnì erat) Fabii artibus cum summa inter se concordia bellum gesserunt. Frumentatum exeunti Hannibali diversis locis opportuni aderant, carpentes agmen, palatosque excipientes. in casum universæ dimicationis, quam omnibus artibus petebat hostis, non veniebant. adeoque inopiâ est coactus Hannibal, ut, nisi tum fugæ speciem abeundo timuisset, Galliam repetiturus fuerit, nullâ reliquâ spe alendi exercitûs in eis locis, si insequentes consules eisdem artibus bellum gererent. Quum ad Geronium jam hieme impediende constitisset bellum, Neapolitani legati Romam venerunt. ab iis quadraginta pateræ aureæ magni ponderis in curiam illatæ, atque ita verba facta, ut dicerent: *Scire sese, Romani populi ærarium bello exhauriri: Et, quum juxta pro urbibus agrisque sociorum, ac pro capite atque arce Italia, urbe Romana atque imperio geratur, æquum censuisse Neapolitanos, quod auri sibi quum ad templorum ornatum, tum ad subsidium fortunæ à majoribus relictum foret, eo juvare populum Romanum. Si quam opem in sese crederent, eodem studio fuisse oblaturus. gratum sibi Patres Romanos populumque facturum, si omnes res Neapolitanorum suas duxissent: dignosque judicaverint, ab quibus donum, animo ac voluntate eorum, qui libentes darent, quàm re, majus ampliusque, acciperent.* Legatis gratiæ actæ pro munificentia curaque. patera, quæ ponderis minimi fuit, accepta.

XXXIII. Per eosdem dies speculator Karthaginensis, qui per biennium fefellerat, Romæ deprehensus, præcisisque manibus dimissus: & servi quinque & viginti

ginti in crucem acti, quòd in campo Martio conjurassent. indici data libertas & æris gravis viginti millia. Legati & ad Philippum Macedonum regem missi ad deposcendum Demetrium Pharium, qui, bello victus, ad eum fugisset: & alii in Ligures ad exostulandum, quòd Poenum opibus auxiliisque suis juvissent: simul ad visendum ex propinquo, quæ in Bojis atque Insu-  
bribus gererentur. Ad Pineum quoque regem in Illy-  
rios legati missi ad stipendium, cujus dies exierat, poscendum; aut, si diem proferre vellet, obsides accipi-  
endos. adeo, etsi bellum ingens in cervicibus erat, nullius usquam terrarum rei cura Romanos, ne longinqua quidem, effugiebat. In religionem etiam venit, ædem Concordiæ, quam per seditionem militarem biennio antè L. Manlius prætor in Gallia vovisset, locatam ad id tempus non esse. itaque duumviri ad eam rem creati à M. Æmilio prætore urbis, Cn. Pupius & K. Quintius Flamininus, ædem in arce faciendam locaverunt. Ab eodem prætore ex senatusconsulto literæ ad consules missæ, ut, si iis videretur, alter eorum ad consules creandos Romam veniret: se in eam diem, ~~quam junissent,~~ comitia edicturum. Ad hæc à consulibus rescriptum, *Sine detrimento reipublica abscedi non posse ab hoste. itaque per interregem comitia habenda esse potius, quam consulum alter à bello advocaretur.* Patribus rectius visum est, dictatorem à consule dici comitiorum habendorum causâ. dictus L. Veturius Philo, M. Pomponium Mathenem magistrum equitum dixit. His vitio creatis, jussisque die quartodecimo se magistratu abdicare, ad interregnum res rediit.

XXXIV. Consulibus prorogatum in annum imperium. interreges proditi à Patribus C. Claudius, Ap. filius, Centho, inde P. Cornelius Asina. In ejus interregno comitia habita magno certamine Patrum ac plebis. C. Terentio Varroni, quem, sui generis hominem, plebei infestatione principum popularibusque

artibus conciliatum, ab Q. Fabii opibus & dictatorio imperio concussis alienâ invidiâ splendentem, vulgus & extrahere ad consulatum nitebatur, Patres summâ ope obstabant, ne se insectando sibi æquari assuescerent homines. Q. Bæbii Herennius tribunus plebis, cognatus C. Terentii, criminando non senatum modo, sed etiam augures, quod dictatorem prohibuissent comitia perficere, per invidiam eorum favorem candidato suo conciliabat. *Ab hominibus nobilibus, per multos annos bellum quærentibus, Hannibalem in Italiam adductum: ab iisdem, quum debellari possit, fraude id bellum trahi. cum quatuor militum legionibus universis pugnari posse apparuisse eo, quod M. Minucius, absente Fabio, prospere pugnasset; duas legiones hosti ad eadem obiectas, deinde ex ipsa cade ereptas, ut pater patronusque appellaretur, qui prius vincere prohibuisset Romanos, quàm vinci. Consules deinde Fabianis artibus, quum debellare possent, bellum traxisse. Id fœdus inter omnes nobiles ictum: nec finem antè belli habituros, quàm consulem verè plebeium, id est, hominem novum, fecissent. nam plebeios nobiles jam eisdem initiatos esse sacris, & contemnere plebem, ex quo contemni desierint à Patribus, cepisse. Cui non id apparere, id actum & quæsitum esse, ut interregnum iniretur, ut in Patrum potestate comitia essent? Id consules ambos ad exercitum morando quæsisse: id postea, quia invitis iis dictator esset dictus comitiorum causâ, expugnatum esse, ut vitiosus dictator per augures fieret. Habere igitur interregnum eos. consulatum novum certè plebis Romana esse: populum liberum habiturum ac daturum ei, qui magis verè vincere, quàm diu imperare, malit.*

XXXV. Quum his orationibus accensa plebs esset, tribus patriciis petentibus, P. Cornelio Merendâ, L. Manlio Volsone, M. Æmilio Lepido, duobus nobilibus jam familiarum plebei, C. Atilio Serrano & Q. Ælio Pæto, quorum alter pontifex, alter augur erat, C. Terentius consul unus creatur, ut in manu ejus es-

sent

sent comitia rogando collegæ. Tum experta nobilitas, parum fuisse virium in competitoribus, L. Æmiliū Paullum, qui cum M. Livio consul fuerat, & damnatione collegæ, & suâ propè, ambustus evaserat, infestum plebei, diu ac multum recusantem, ad petitionem compellit. is proximo comitali die, concedentibus omnibus, qui cum Varrone certaverant, par magis in adversandum, quàm collega, datur consuli. Inde prætorια comitia habita, Creati M. Pomponius Matho & P. Furius Philus. Romæ juri dicundo urbana fors Pomponio, inter cives Romanos & peregrinos P. Furio Philo evenit. Additi duo prætores, M. Claudius Marcellus in Siciliam, L. Postumius Albinus in Galliam. Omnes absentes creati sunt; nec cuiquam eorum, præter Terentium consulem, mandatus honos, quem jam non antea gessisset, præteritis aliquot fortibus ac strenuis viris; quia in tali tempore nulli novus magistratus videbatur mandandus.

XXXVI. Exercitus quoque multiplicati sunt. Quantæ autem peditum equitumque additæ sint copiæ, adeo & numero & genere copiarum variant auctores, ut vix quicquam satis certum affirmare ausim. Decem millia novorum militum alii scripta in supplementum; alii novas quatuor legiones, ut octo legionibus rem gererent: numero quoque peditum equitumque legiones auctas, millibus peditum & centenīs equitibus in singulas adjectis; ut quina millia peditum, treceni equites essent; socii duplicem numerum equitum darent, pedites æquarent. Septem & octoginta millia armatorum & ducentos in castris Romanis, quum pugnatum ad Cannas est, quidam auctores sunt. Illud haudquam discrepat, majore conatu atque impetu rem actam, quàm prioribus annis; quia spem, posse vinci hostem, dictator præbuerat. Ceterum, priusquam signa ab urbe novæ legiones moverent, decemviri libros adire atque inspicere jussi propter territos vulgò homi-

nes novis prodigiis. nam, & Romæ in Aventino & Aricæ, nunciatum erat, sub idem tempus lapidibus pluuisse: & multo cruore signa in Sabinis cædis, aquas è fonte calidas manasse. Id quidem, etiam, quod sæpius acciderat, magis terrebat: & in via Fornicata, quæ ad campum erat, aliquot homines de cælo tacti exanimatique fuerant. Ea prodigia ex libris procurata. Legati à Pæsto pateras aureas Romam attulerunt. iis, sicut Neapolitanis, gratiæ actæ, aurum non acceptum.

XXXVII. Per eisdem dies ab Hierone classis Ostiam cum magno commeatu accessit. Legati Syracusani in senatum introducti nunciârunt: *Cædem C. Flammii consulis exercitûsque allatam adeo agre tulisse regem Hieronem, ut nullâ suâ propriâ regniue sui clade moveri magis potuerit. Itaque, quanquam probe sciat, magnitudinem populi Romani admirabiliorem propè adversis rebus, quàm secundis, esse; tamen se omnia, quibus à bonis fidelibusque sociis bella juvari soleant, misisse: quæ ne accipere abnuant, magno opere se Patres conscriptos orare. Jam omnium primum ominis causâ victoriam auream pondo trecentum viginti asse ferre sese. acciperent eam, tenerentque, & haberent propriam & perpetuam. Advexisse etiam trecenta millia modiorum tritici, ducenta hordei, ne commeatus deessent: &, quantum præterea opus esset, quod jussissent, subvestiuros. Milite atque equite scire, nisi Romano Latiniue nominis, non uti populum Romanum: levium armatorum auxilia etiam externa videri in castris Romanis. Itaque misisse mille sagittariorum ac funditorum, aptam manum adversus Baliares ac Mauros, pugnacesque alias missili telo gentes. Ad ea dona consilium quoque addebant, Ut prætor, cui prævincia Sicilia evenisset, classem in Africam trajiceret; ut & hostes in terra sua bellum haberent, minusque laxamenti daretur iis ad auxilia Hannibali submitienda. Ab senatu ita responsum regi est: Virum bonum egregiumque socium Hieronem esse, atque uno tenore, ex quo in amicitiam populi Romani venerit, fidem co-*  
*buisse,*

*fuisset, ac rem Romanam omni tempore ac loco manifestè adjuv-  
visse. id, perinde ac deberet, gratum populo Romano esse.  
Aurum & à civitatibus quibusdam allatum, gratiâ rei acce-  
pit, non accepisse populum Romanum. Victoriâ omenque  
accipere; sedemque ei se Diva dare, dicare Capitolium, tem-  
plum Jovis Optimi Maximi. in ea arce urbis Romana sacra-  
tam, volentem propitiâque, firmam ac stabilem fore popula-  
Romano. Funditores, sagittarii, & frumentum tra-  
ditum consulibus. Quinqueremes ad navium classem,  
quæ cum T. Otacilio proprætore in Sicilia erant, quin-  
que & viginti additæ, permissumque est, ut, si è re-  
publica censeret esse, in Africam trajiceret.*

XXXVIII. Delectu perfecto, consules paucos mo-  
rati dies, dum focii ab nomine Latino venirent. Mili-  
tes tunc, quod nunquam antea factum erat, jurejuran-  
do ab tribunis militum adacti, jussu consulum conven-  
turos, neque injussu abituros. nam ad eam diem ni-  
hil præter sacramentum fuerat; &, ubi ad decuratum  
aut centuratum convenissent, suâ voluntate ipsi inter-  
se equites decuriati, centuriati pedites conjurabant, se-  
se fugæ atque formidinis ergo non abituros, neque ex  
ordine recessuros, nisi teli sumendi, aut petendi, & aut  
hostis feriendi, aut civis servandi causâ. id ex volun-  
tario inter ipsos fœdere à tribunis ad legitimam jurif-  
jurandi adactionem translatum. Conciones, priusquam  
ab urbe signa moverentur, consulis Varronis multæ  
ac feroces fuere, denunciâtes, bellum arcessitum in I-  
taliâ ab nobilibus, mansurumque in visceribus rei-  
publicæ, si plures Fabios imperatores haberet; se, quo-  
die hostem vidisset, perfecturum. Collegæ ejus Paulli-  
na, pridie quàm ex urbe proficiscerentur, concio fuit  
verior, quàm gratior populo, quâ nihil inclementer in  
Varronem dictum, nisi id modò; *Mirari se, quomodo  
quis dux, priusquam aut suum, aut hostium exercitum, loco-  
rum situm, naturam regionis nôisset, jam nunc locatus in urbe  
fîret, quæ sibi agenda armato forent; & diem quoque prædi-*



ecere posset, quâ cum hoste signis collatis esset dimicaturus. Sed, qua consilia magis res dent hominibus, quàm homines rebus, ea ante tempus immatura non praecepturum. optare, ut, quae cautè atque consultè gesta essent, satis prospere evenirent. Temeritatem, præterquam quodd' stulta sit, infelicem etiam ad id locorum fuisse. Id suâ sponte apparebat, tuta celeribus consiliis præpositurum. & quo id constantius perseveraret, Q. Fabius Maximus sic eum proficiscentem allocutus fertur :

XXXIX. Si aut collegam (id quod mallet) tui similem, L. Æmili, haberes, aut tu collega tui similis esses, supervacanea esset oratio mea. nam & duo boni consules, etiam me indicente, omnia à republica fide vestrà faceretis : & malè nec mea verba auribus vestris, nec consilia animis acciperetis. nunc & collegam tuum & te talem virum intuenti mihi tecum omnis oratio est : quem video nequicquam & virum bonum & civem fore, si alterâ parte claudicet respublica. malis consiliis idem ac bonis juris & potestatis erit. Erras enim, L. Paulle, si tibi minus certaminis cum C. Terentio, quàm cum Hannibale, futurum censes. nescio, an infestior hic adversarius, quàm ille hostis, maneat : cum illo in acie tantùm, cum hoc omnibus locis ac temporibus certaturus es : & adversus Hannibalem legionesque ejus tuis equitibus ac pedibus pugnandum tibi est : Varro dux tuis militibus te est oppugnaturus. Ominis etiam tibi causâ absit C. Flamini memoria. tamen ille consul demum, & in provincia, & ad exercitum, cœpit furere : hic, priusquam peteret consulatum, deinde in petendo consulatu ; nunc quoque consul, priusquam castra videat aut hostem, insanit. & qui tantas jam nunc procellas, prælia atque acies jactando, inter togatos ciet, quid inter armatam juventutem censes facturum, & ubi extemplo verba res sequitur ? Atqui si hic, quod facturum se demurciat, extemplo pugnaverit ; aut ego rem militarem, belli hoc genus, hostem hunc ignoro, aut nobilior alius Trasimeno locus nostris cladibus erit. Nec gloriandi tempus adversus unum est ; ut ego, contemnendo potius, quàm appetendo, gloriam, modum

modum exceſſerim. Sed ita res habet. una ratio belli geren-  
di adverſus Hannibalem eſt, quâ ego geſſi. nec eventus modò  
hoc docet, (ſtultorum iſte magiſter eſt) ſed eadem ratio, qua  
fuit, futuraque, donec res eadem manebunt, immutabilis eſt.  
In Italia bellum gerimus, in ſede ac ſolo noſtro. omnia circa  
plena civium ac ſociorum ſunt. armis, viris, equis, comme-  
atibus juvant, juvabuntque. id jam fidei documentum in ad-  
verſis rebus noſtris dederunt. meliores, prudentiores, conſtan-  
tiores nos tempus dieſque facit. Hannibal contrâ in aliena,  
in hoſtili eſt terra, inter omnia inimica infeſtaque, procul ab  
domo, procul à patria. neque illi terrâ, neque mari eſt pax :  
nulla cum urbes accipiunt, nulla mœnia : nihil uſquam ſui vi-  
det : in diem rapto vivit. Partem vix tertiam exercitûs ejus  
habet, quem Iberum amnem trajecit. plures fames, quàm  
ferrum, abſumpſit : nec bis paucis jam victus ſuppeditat.  
Dubitas ergo, quin ſedendo ſuperaturi ſimus eum, qui ſene-  
ſcat in dies ? non commeatus, non ſupplementum, non pecuni-  
am habeat ? Quamdiu pro Geronii, caſtelli Apulia inopiſ,  
tanquam pro Karthaginis mœnibus ? Sed ne adverſus te qui-  
dem ego gloriabor. Cn. Servilius atque Atilius, proximi  
conſules, vide, quemadmodum eum ludificati ſint. Hac una  
ſalutis eſt via, L. Paulle, quam difficilem infeſtamque cives  
ſibi magis, quàm hoſtes, facient. idem enim tui, quod hoſti-  
um milites, volent : idem Varro, conſul Romanus, quod Han-  
nibal, Pœnus imperator, cupiet. duobus ducibus unus reſiſtas,  
oportet : reſiſtes autem, adverſus famam rumoresque homi-  
num ſi ſatis firmus ſteteris : ſi te neque collega vana gloria,  
neque tua falſa infamia moverit. Veritatem laborare nimis  
ſape, aiunt, exſtingui nunquam. Gloriam qui ſpreverit, ve-  
ram habebit. Sine, timidum pro cauto, tardum pro conſide-  
rato, imbellem pro perito belli vocent. malo, te ſapiens hoſtis  
metuat, quàm ſtulti cives laudent. Omnia audentem conte-  
mnet Hannibal : nil temere agentem metuet. Nec ego, ut  
nihil agatur, moneo ; ſed ut agentem te ratio ducat, non for-  
tuna : tue poteſtatis ſemper, tuaque omnia ſint. armatus in-  
tentuſque ſis, neque occaſioni tuæ deſis, neque ſuam occaſionem  
hoſtis.

*hosti des. Omnia non properanti clara certaue erunt. festinatio improvida est & caca.*

XL. Adversus ea oratio consulis haud sanè læta fuit, magis fatentis, ea, quæ diceret, vera, quàm facilia factu, esse. Dictatori magistrum equitum intolerabilem fuisse; quid consuli adversus collegam seditiosum ac temerarium virium atque auctoritatis fore? Se populare incendium priore consulatu semiuustum effugisse: optare, ut omnia prospere evenirent. at, si quid adversi caderet, hostium se telis potius, quàm suffragiis iratorum civium, caput objecturum. Ab hoc sermone profectum Paullum tradunt, prosequentibus primoribus Patrum. Plebeium consulem sua plebes prosecuta, turbâ, quàm dignitate, conspectior. Ut in castra venerunt, permixto novo exercitu ac vetere, castris bifariam factis, ut nova minora essent propius Hannibalem, in veteribus major pars & omne robur virium esset; tum consulum anni prioris M. Atilium, ætatem excusantem, Romam miserunt; Geminum Servilium in minoribus castris legioni Romanæ & socium peditum equitumque duobus millibus præficiunt. Hannibal, quanquam parte dimidiâ auctas hostium copias cernebat, tamen adventu consulum mirè gaudere. nōn solū enim nihil ex raptis in diem com meatibus superabat, sed ne, unde raperet, quidem, quicquam reliqui erat, omni undique frumento, postquam ager parum tutus erat, in urbes munitas convector: ut vix decem dierum (quod compertum postea est) frumentum superesset, Hispanorumque ob inopiam transitio parata fuerit, si maturitas temporum expectata foret.

XLI. Ceterum temeritati consulis ac præpropere ingenio materiam etiam fortuna dedit: quod in prohibendis prædatoribus tumultuario prælio, ac procursum magis milltum, quàm ex præparato aut jussu imperatorum, orto, haudquaquam par. Pœnis dimicatio fuit. ad mille & septingenti cæsi, non plus centum Romanorum,

horum sociorumque occisis. ceterum victoribus effuse sequentibus metu insidiarum obstitit Paullus consul; cujus eo die (nam alternis imperitabant) imperium erat, Varrone indignante ac vociferante, emissum hostem è manibus; debellarique, ni cessatum foret, potuisse. Hannibal id damnum haud ægerrimè pati, quin potius credere, velut inescatam temeritatem ferocioris consulis ac novorum maximè militum esse. & omnia ei hostium, haud secus quàm sua, nota erant: dissimiles discordesque imperitare, duas propè partes tiro- num militum in exercitu esse. Itaque, locum & tem- pus insidiis aptum se habere ratus, nocte proximà ni- hil præter arma ferentes secum milites ducens, castra plena omnis fortunæ publicæ privatæque relinquit; transque proximos montes lævâ pedites instructos con- dit, dextrâ equites, impedimenta per convallem, me- dium agmen, traducit: ut diripiendis velut desertis fu- gâ dominorum castris occupatum impeditumque ho- stem opprimeret. Crebri relictî in castris ignes, ut fi- des fieret, dum ipse longius spatium fugâ præciperet, falsâ imagine castrorum (sicut Fabium priore anno fru- stratus esset) tenere in locis consules voluisse.

XLII. Ubi illuxit, subductæ primò stationes, dein- de propius adeuntibus insolitum silentium admiratio- nem fecit. Jam satis compertâ solitudine, in castris concursus fit ad prætoria consulum, nunciantium fu- gam hostium adeo trepidam, ut, tabernaculis stanti- bus, castra reliquerint: quòque fuga obscurior esset, crebros etiam relictos ignes. Clamor inde ortus, ut signa proferri juberent, ducerentque ad persequendos hostes, ac protinus castra diripienda. Et consul alter velut unûs turbæ militaris erat. Paullus etiam atque etiam dicere, providendum præcavendumque esse. pos- tremò, quum aliter neque seditionem neque ducem se- ditionis sustinere posset, Marium Statilium præfectum cum turma Lucana exploratum mittit. qui, ubi ade-  
quita-

quitavit portis, subſiſtere extra munimenta ceteris juſſis, ipſe cum duobus equitibus vallum intravit: ſpeculatusque omnia cum cura renunciat, inſidias profeſſo eſſe: ignes in parte caſtrorum, quæ vèrgat in hoſtem, relictos: tabernacula aperta, & omnia cara in promptu reſiſta: argentum quibuſdam locis temere per vias, velut objeſtum ad prædam, vidiffe. Quæ ad deterrendos à cupiditate animos nunciata erant, ea accenderunt; &, clamore orto à militibus, *Ni ſignum datur, ſine ducibus ituros*, haudquaquam dux deſuiſt. nam exemplo Varro ſignum dedit proficiſcendi. Paullus, quum ei ſua ſponte cunſtanti pulli quoque auſpicio non addiſſent, obnunciari jam efferenti portà ſigna collegæ juſſit. quod quanquam Varro ægre eſt paſſus, Flamini tamen recens caſus, Claudique conſulis primo Punico bello memorata navalis clades, religionem animo incuſſit. Dii propè ipſi eo die magis diſtulere, quàm prohibuere, imminentem peſtem Romanis. nam fortè ita evenit, ut, quum referri ſigna in caſtra jubenti conſuli milites non parerent, ſervi duo, Formiani unus, alter Sidicini equitis, qui, Servilio atque Atilio conſulibus, inter pabulatores excepti à Numidis fuerant, profugerent eo die ad dominos: qui deducti ad conſules nunciant, omnem exercitum Hannibalis trans proximos montes ſedere in inſidijs. Horum opportunus adventus conſules imperii potentes fecit, quum ambitio alterius ſuam primum apud cos pravâ indulgentiâ maiestatem ſolviffet.

XLIII. Hannibal, poſtquam motos magis inconſultè Romanos, quàm ad ultimum temere eveſtos, vidit; nequicquam, detectâ fraude, in caſtra rediit. Ibi plures dies propter inopiam frumenti manere nequibat; novaque conſilia in dies non apud milites ſolum, mixtos ex colluvione omnium gentium, ſed etiam apud ipſum ducem, orièbantur. nam quum initio fremitus, deinde aperta vociferatio fuiſſet expoſcentium  
ſtipem

Stipendium debitum, querentiumque annonam primò, postremò famem; & mercenarios milites, maximè Hispani generis, de transitione cepisse consilium fama esset: ipse etiam interdum Hannibal de fuga in Galliam dicitur agitasse, ita ut, relicto peditatu omni, cum equitibus se proriperet. Quum hæc consilia atque hic habitus animorum esset in castris, movere inde statuit, in calidiora atque eo maturiora messibus Apuliæ loca: simul ut, quo longiùs ab hoste recessisset, transfugia impeditiora levibus ingeniis essent. Profectus est nocte, ignibus similiter factis, tabernaculisque paucis in speciem relictis, ut insidiarum par priori metus contineret Romanos. Sed, per eundem Lucanum Statilium, omnibus ultra castra transque montes exploratis, quum relatum esset, visum procul hostium agmen; tum de insequendo eo consilia agitari cœpta. Quum utriusque consulis eadem, quæ semper antè, fuisset sententia; ceterum Varroni ferè omnes, Paulo nemo, præter Servilium prioris anni consulem, assentiretur; majoris partis sententia ad nobilitandas clade Romanâ Cannas, urgente fato, profecti sunt. Prope cum vicum Hannibal castra posuerat averfa à Vulturno vento, qui campis torridis siccitate nubes pulveris vehit. id quum ipsis castris percommodum fuit, tum salutare præcipuè futurum erat, quum aciem dirigerent, ipsi aversi, terga tantum afflante vento, in obsecratum pulvere effuso hostem pugnaturi.

XLIV. Consules, satis exploratis itineribus, sequentes Pœnum, ut ventum ad Cannas est, ubi in conspectu Pœnum habebant, bina castra communiunt, eodem ferme intervallo, quo ad Geronium, sicut antè, copiis divisiss. Aufidus amnis, utrisque castris affluens, aditum aquatoribus ex sua cujusque opportunitate haud sine certamine dabat. ex minoribus tamen castris, quæ posita trans Aufidum erant, liberiùs aquabantur Romani, quia ripa ulterior nullum habebat hostium præsidium.

fidium. Hannibal spem nactus, locis natis ad equestrem pugnam, quâ parte virium invictus erat, facturos copiam pugnandi consules, dirigit aciem, laceffitque Numidarum procurfatione hostes. Inde rursus sollicitari seditione militari ac discordiâ consulum Romana castra; quum Paulus Sempronique & Flamini temeritatem Varroni, Varro speciosum timidis ac seignibus ducibus exemplum Fabium objiceret: testarenturque Deos hominesque hic, *nullam penes se culpam esse, quod Hannibal jam velat usucepisset Italiam; se constri-ctum à collega teneri; ferrum atque arma iratis & pugnare cupientibus adimî militibus: ille, si quid projectis ac proditis ad inconsultam atque improvidam pugnam legionibus accideret, se omnis culpa exsortem, omnis eventus participem fore diceret. videret, ut, quibus lingua tam prompta ac temeraria, equè in pugna vigerent manus.*

XLV. Dum altercationibus magis, quàm consiliis, tempus teritur, Hannibal ex acie, quam ad multum di-  
ci tenuerat instructam, quum in castra ceteras recipe-  
ret copias, Numidas ad invadendos ex minoribus ca-  
stris Romanorum aquatores trans flumen mittit. quam  
inconditam turbam quum vixdum in ripam egressi cla-  
more ac tumultu fugâssent, in stationem quoque pro-  
vallo locatam atque ipsas prope portas evedti sunt. Id  
verò indignum visum, ab tumultuario auxilio jam et-  
iam castra Romana terreri: ut ea modò una causa, ne  
extemplo transirent flumen, dirigerentque aciem, te-  
nuerit Romanos, quod summa imperii eo die penes  
Paullum fuerit. Itaque Varro postero die, cui fors e-  
jus dici imperii erat, nihil consulto collegâ, signum  
pugnæ proposuit, instructasque copias flumen tradu-  
xit, sequente Paulo; quia magis non probare, quàm  
non adjuvare, consilium poterat. Transgressi flumen  
eas quoque, quas in castris minoribus habuerant, co-  
pias suis adjungunt: atque ita instructâ acie, in dextro  
cornu (id erat flumini propius) Romanos equites lo-  
cant,

eant, deinde pedites : lævum cornu extremi equites sociorum, intrà pedites, ad medium juncti legionibus Romanis tenuerunt jaculatores. ex ceteris levium armorum auxiliis prima acies facta. Consules cornua tenuerunt ; Terentius lævum, Æmilius dextrum. Geminio Servilio media pugna tuenda data.

XLVI. Hannibal luce primà, Baliaribus levique affià armaturà præmissà, transgressus flumen, ut quosque traduxerat, ita in acie locabat. Gallos Hispanosque equites prope ripam lævo in cornu adversus Romanum equitatum : dextrum cornu Numidis equitibus datum, medià acie peditibus firmatà ; ita, ut Afrorum utraque cornua essent, interponerentur his mediì Galli atque Hispani. Afros Romanam magna ex parte crederes aciem : ita armati erant, armis & ad Trebiam, ceterùm magna ex parte ad Trasimenum captis. Gallis Hispanisque scuta ejusdem formæ ferè erant : disparès ac dissimiles gladii : Gallis prælongi ac sine mucronibus : Hispano, punctim magis, quàm cæsim, assueto petere hostem, brevitate habiles & cum mucronibus, ante ceteros habitus gentium harum tum magnitudine corporum, tum specie terribilis erat. Galli super umbilicum erant nudi : Hispani linteis prætextis purpurâ tunicis, candore miro fulgentibus, constiterant. Numerus omnium peditum, qui tum steterunt in acie, millium fuit quadraginta, decem equitum. Duces cornibus præerant : sinistro Hasdrubal, dextro Maharbal : mediam aciem Hannibal ipse cum fratre Magone tenuit. Sol, seu de industria ita locatis, seu quòd fortè ita starent, peropportunè utrique parti obliquus erat, Romanis in meridiem, Pœnis in septentrionem versis. ventus, (Vulturum incolæ regionis vocant) adversus Romanis coortus, multo pulvere in ipsa ora volvendo prospectum ademit.

XLVII. Clamore subhato, procursum ab auxiliis, & pugna levibus primùm armis commissa : deinde equi-



quitum Gallorum Hispanorumque lævum cornu cum dextro Romano concurrat, minime equestris more pugnae: frontibus enim adversis concurrendum erat, quia, nullo circa ad evagandum relicto spatio, hinc amnis, hinc peditum acies claudebant in directum utrinque nitentes. Stantibus ac confertis postremo turbata equis, vir virum amplexus detrahebat equo. pedestre magna jam ex parte certamen factum erat: acrius tamen, quam diutius, pugnatum est; pulsique Romani equites terga vertunt. Sub equestris finem certaminis coorta est peditum pugna. primo & viribus & animis pares constabant ordines Gallis Hispanisque: tandem Romani, diu ac sæpe connisi, æquâ fronte acieque densâ impulere hostium cuneum nimis tenuem, eoque parum validum, à cetera prominentem acie. impulsis deinde ac trepidè referentibus pedem insistere: ac terrore uno per præceps pavore fugientium agmen in mediam primum aciem illati, postremo, nullo resistente, ad subsidia Afrorum pervenerunt; qui utrinque reductis alis constiterant, mediâ, quâ Galli Hispanique steterant, aliquantum prominentè acie: qui cuneus ut pulsus æquavit frontem primum, deinde nitendo etiam finem in medio dedit, Afri circa jam cornua fecerant; irruentibusque incautè in medium Romanis, circumdedere alas: mox, cornua extendendo, clausere & ab tergo hostes. Hinc Romani, defuncti nequicquam prælio uno, omissis Gallis Hispanisque, quorum terga ceciderant, etiam adversus Afros integram pugnam ineunt, non tantum eo iniquam, quod inclusi adversus circumfusos, sed etiam quod fessi cum recentibus ac vegetis pugnabant.

XLVIII. Jam & in sinistro cornu Romano, ubi sociorum equites adversus Numidas steterant, confertum prælium erat, segne primum, & à Punica coeptum fraude. Quingenti ferme Numidæ, præter solita arma telaque, gladios occultos sub loriceis habentes, specie

tie transfugarum quum ab suis, parmas post terga habentes, adequitassent, repente ex equis desiliunt; parmisque & jaculis ante pedes hostium projectis, in mediam aciem accepti, ductique ad ultimos, confidere ab tergo jubentur; ac, dum praelium ab omni parte confertur, quieti manserunt. postquam omnium animos oculosque occupaverat certamen, tum, arreptis scutis, quæ passim inter acervos cæforum corporum strata erant, aversam adoriuntur Romanam aciem; tergaque ferientes, ac poplites cædentes, stragem ingentem, ac majorem aliquanto pavorem ac tumultum, fecerunt. Quum alibi terror ac fuga, alibi pertinax in mala jam spe praelium esset; Hasdrubal, qui eâ parte præerat, subductos ex media acie Numidas, quia segnis eorum cum adversis pugna erat, ad persequendos passim fugientes mittit: Hispanos & Gallos pedites, jam Afris propè fessis, cæde magis quàm pugnâ, adjungit.

XLIX. Parte alterâ pugne Paullus, quanquam primo statim praelio fundâ graviter ictus fuerat, tamen & occurrit sæpè cum confertis Hannibali, & aliquot locis praelium restituit, protegentibus eum equitibus Romanis; omissis postremò equis, quia consulem & ad regendum equum vires deficiebant. tum denunciante cuidam, jussisse consulem ad pedes descendere equites, dixisse Hannibalem ferunt, *Quam mallet, victos mihi traderet!* Equitum pedestre praelium, quale jam haud dubiâ hostium victoriâ, fuit; quum victi mori in vestigio mallent, quàm fugere; victores, morantibus victoriam irati, trucidarent, quos pellere non poterant. pepulerunt tamen jam paucos superantes, & labore ac vulneribus fessos. Inde dissipati omnes sunt, equosque ad fugam, qui poterant, repetebant. Cn. Lentulus tribunus militum, quum, prætervehens equo, sedentem in saxo cruore oppletum consulem vidisset: *L. Æmili, inquit, quem unum insontem culpa cladis hodiernæ Dii respicere debent, cape hunc equum, dum & tibi viri-*

um aliquid superest : comes ego te tollere possum ac protegere. ne funestam hanc pugnam morte consulis feceris. Etiam sine hoc lacrimarum satis luctusque est. Ad ea consul : Tu quidem, Cn. Corneli, maxime virtute esto ! sed cave, frustra miserando exiguum tempus è manibus hostium evadendi absumas. Abi, nuncia publicè Patribus, urbem Romanam muniant, ac prius, quàm hostis victor adveniat, presidii firment : privatimque Q. Fabio, L. Æmilium præceptorum ejus memorem & vixisse, & adhuc mori. Me in hac strage militum meorum patere expirare, ne aut reus iterum è consulatu sim, aut accusator collega existam, ut alieno crimine innocentiam meam protegam. Hæc exigentes prius turba fugientium civium, deinde hostes, oppressere : consulem, ignorantes quis esset, obruere telis : Lentulum inter tumultum abripuit equus. tum inde effusè fugiunt. Septem millia hominum in minora castra, decem in majora, duo ferme in vicum ipsum Cannas perfugerunt : qui extemplo à Karthalone atque equitibus, nullo munimento tegente vicum, circumventi sunt. Consul alter, seu fortè, seu consilio, nulli fugientium infestus agmini, cum septuaginta ferè equitibus Venusiam perfugit. Quadraginta millia peditum, duo millia septingenti equites, & tanta propè civium sociorumque pars, cæsi dicuntur ; in his ambo consulum quæstores L. Atilius & L. Furius Bibaculus : unus & viginti tribuni militum ; consulares quidam prætorii & ædilicii : inter eos Cn. Servilium Geminum & M. Minucium numerant, qui magister equitum priore anno, aliquot antè consul fuerat : octoginta præterea aut senatores, aut qui eos magistratus gessissent, unde in senatum legi deberent, quum suâ voluntate milites in legionibus facti essent. Capta eo prælio tria millia peditum & equites trecenti dicuntur.

L. Hæc est pugna Cannensis, Allienfi cladi nobilitate par : ceterum ut illis, quæ post pugnam accidere, levior, quia ab hoste cessatum est ; sic strage exercitus gravior

gravior foediorque. fuga namque ad Alliam sicut urbem prodidit, ita exercitum servavit: ad Cannas fugientem consulem vix septuaginta secuti sunt: alterius morientis propè totus exercitus fuit. Binis in castris quum multitudo semiermis sine ducibus esset, nuncium, qui in majoribus erant, mittunt; dum prælio, deinde ex latitia epulis fatigatos quies nocturna hostes premeret, ut ad se transirent: uno agmine Canusium abituros esse. Eam sententiam alii totam aspernari: Cur enim illos, qui se arcessant, ipsos non venire, quum aequè conjungi possent? quia videlicet plena hostium omnia in medio essent: & aliorum, quàm sua, corpora tanto periculo mallent objicere. Aliis non tam sententia displicere, quàm animus deesse. P. Sempronius Tuditanus tribunus militum, Capi ergo māvultis, inquit, ab avarissimo & crudelissimo hoste, aestimarique capita vestra, & exquiri pretia ab interrogantibus, Romanus civis sis, an Latinus socius, ut ex tua contumelia & miseria alteri bonos quaratur? Non tu: si quidem L. Æmilii consulis, qui se bene mori, quàm turpiter vivere, māvult, & tot fortissimorum virorum, qui circa eum cumulati jacent, cives estis. Sed antè, quàm opprimit lux, majoraque hostium agmina obsepunt iter, per hos, qui inordinati atque incompositi obstrepunt portis, erumpamus. Ferro atque audaciâ via fit, quamvis per confertos hostes. cuneo quidem hoc laxum atque solutum agmen, ut si nihil obset, transibimus. Itaque ite mecum, qui & vosmet ipsos & rempublicam salvam vultis. Hæc ubi dicta dedit, stringit gladium, cuneoque facto per medios vadit hostes. &, quum in latus dextrum, quod patebat, Numidæ jacularentur, translatis in dextrum scutis, in majora castra ad sexcentos evaserunt: atque inde protinus, alio magno agmine adjuncto, Canusium incolumes perveniunt. Hæc apud victos magis impetu animorum, quod ingenium suum cuique aut fors dabat, quàm ex consilio ipsorum, aut imperio cujusquam, agebantur.

II. Hannibali victori quum ceteri circumfusi gratularentur,

larentur, suaderentque, ut, tanto perfunctus bello, dī ei quod reliquum esset, noctisque insequentis, quietem & ipse sibi sumeret, & fessis daret militibus; Maharbal, præfectus equitum, minimè cessandum ratus, *Imò, ut, quid hæc pugna sit actum, scias, die quinto, inquit, victor in Capitolio epulaberis. sequere: cum equite, ut prius venisse, quam venturum, sciant, præcedam.* Hannibali nimis læta res est visa, majorque, quam ut eam statim capere animo posset. Itaque, *voluntatem se laudare Maharbalis,* ait: *ad consilium pensandum temporis opus esse.* Tum Maharbal, *Non omnia, nimirum, eidem Dī dedere. vincere scis Hannibal, victoriā uti nescis.* Mora ejus dici satis creditur saluti fuisse urbi atque imperio. Postero die ubi primum illuxit, ad spolia legenda sædamque etiam hostibus spectandam stragem insistunt. Jacebant enim tot Romanorum millia, pedites passim equitesque, ut quem cuique fors aut pugna junxerat aut fuga. assurgentes quidam ex strage media cruenti, quos stricta matutino frigore excitaverant vulnera, ab hoste oppressi sunt. Quosdam & jacentes vivos succisis feminibus poplitibusque invenerunt, nudantes cervicem jugulumque, & reliquum sanguinem jubentes haurire. Inveniunt quidam meris in effossam terram capitibus, quos sibi ipsos fecisse foveas, obruentesque ora superjecta humo interclusisse spiritum apparebat. Præcipue convertit omnes substratus Numida mortuo superincubanti Romano vivus, naso auribusque laceratis: quum, manibus ad capiendum telum inutilibus, in rabiem iræ versus, laniando dentibus hostem exspirasset.

LII. Spoliis ad multum dici lectis, Hannibal ad minora ducit castra oppugnanda, & omnium primum, brachio objecto, flumine eos excludit. Ceterum ab omnibus, labore, vigiliis, vulneribus etiam fessis, maturior ipsius spe deditio est facta. pacti, ut arma atque equos traderent, in capita Romana trecentis nummis quadrigatis, in socios ducentis, in servos centenis, & ut,

ut, eo pretio persoluto, cum singulis abirent vestimentis, in castra hostes acceperunt; traditique in custodiam omnes sunt, seorsum cives sociique. Dum ibi tempus teritur, interea quum ex majoribus castris, quibus satis virium aut animi fuit, ad quatuor millia hominum & ducenti equites, alii agmine, alii palati passim per agros, quod haud minus tutum erat, Canusium perfugissent, castra ipsa ab faucibus timidisque eadem conditione, quâ altera, tradita hosti. Præda ingens parta est: &, præter equos virosque, & si quid argenti, (quod plurimum in phaleris equorum erat; nam ad vescendum facto perexiguo, utique militantes, utebantur) omnis cetera præda diripienda data est. Tum sepeliendi causâ conferri in unum corpora suorum iussit. Ad octo millia fuisse dicuntur fortissimorum virorum. Consulem quoque Romanum conquistum sepultumque, quidam auctores sunt. Eos, qui Canusium perfugerant, mulier Apula, nomine Buba, genere clara ac divitiis, mœnibus tantum testisque à Canusinis acceptos, frumento, veste, viatico etiam juvit; pro qua ei munificentia postea, bello perfecto, ab senatu honores habiti sunt.

LIII. Ceterum, quum ibi tribuni militum quatuor essent, Fabius Maximus de legione prima, cujus pater priore anno dictator fuerat, & de legione secunda L. Publicius Bibulus & P. Cornelius Scipio, & de legione tertia Ap. Claudius Pulcher, qui proximè ædilis fuerat; omnium consensu ad P. Scipionem, admodum adolescentem, & ad Ap. Claudium summa imperii delata est. quibus consultantibus inter paucos de summa rerum nunciat P. Furius Philus, consularis viri filius, *Nequicquam eos perditam spem fovere: desperatam comploratamque rem esse publicam. Nobiles juvenes quosdam, quorum principem L. Cæcilium Metellum, mare ac naves spectare, ut, desertâ Italia, ad regum aliquem transfugiant. Quod malum, præterquam atrox, super tot ciades etiam*

Tom. II. L iam

iam novum, quum stupore ac miraculo torpidos defixisset, &, qui aderant, concilium advocandum de eo censerent; negat concilii rem esse Scipio juvenis, fatalis dux hujusce belli. *Audendum atque agendum, non consultandum*, ait, *in tanto malo esse. Irent secum extemplo armati, qui rempublicam salvam vellent. nullo verius, quam ubi ea cogitentur, hostium castra esse.* Pergit ire, sequentibus paucis, in hospitium Metelli. &, quum concilium ibi juvenum, de quibus allatum erat, invenisset, Aristo super capita consultantium gladio, *Ex mei animi sententia*, inquit, *ut ego rempublicam populi Romani non deferam, neque alium civem Romanum deferere patiar. Si sciens fallo, tum me, Jupiter Optime Maxime, domum, familiam, remque meam pessimo leto afficias?* In hæc verba, *L. Cecili*, jures; *postulo, ceterique, qui adestis: qui non juraverit, in se hunc gladium strictum esse sciat.* Haud secus pavidi, quam si victorem Hannibalem cernerent, jurant omnes: custodiendosque semet ipsos Scipioni tradunt.

LIV. Eo tempore, quo hæc Canusii agebantur, Venusiam ad consulem ad quatuor millia peditum equitumque, qui sparsi fugâ per agros fuerant, pervenere. Eos omnes Venusini per familias benignè accipiendos curandosque quum divisissent, in singulos equites togas & tunicas & quadrigatos nummos quinos vicanos, & peditibus denos, & arma, quibus deerant, dederunt. ceteraque publicè ac privatim hospitaliter facta: certatumque, ne à muliere Canusina populus Venusinus officiis vinceretur. Sed gravius onus Buzæ multitudo faciebat, & jam ad decem millia hominum erant. Appiusque & Scipio, postquam incolumem esse alterum consulem acceperunt, nuncium extemplo mittunt, quantæ secum peditum equitumque copiæ essent: sciscitatumque simul, utrùm Venusiam adduci exercitum, an manere juberet Canusii? Varro ipse Canusium copias traduxit. & jam aliqua species consularis exercitus erat; moribusque se certè, si non armis, ab hoste

hoste videbantur defensuri. Romam, ne has quidem reliquias superesse civium sociorumque, sed occisione occisos cum duobus exercitibus consules, deletasque omnes copias, allatum fuerat. Nunquam, salvâ urbe, tantum pavoris tumultûsque intra mœnia Romana fuit. itaque succumbam oneri, neque aggrediar narrare, quæ edissertando minora vero fecero. Consule exercituque ad Trasimenum priore anno amisso, non vulnus super vulnus, sed multiplex clades, cum duobus consulibus duo consulares exercitus amissi nunciabantur: nec ulla jam castra Romana, nec ducem, nec militem esse: Hannibalis Apuliam, Samnium, ac jam propè totam Italiam factam. Nulla profectò alia gens tantâ mole cladis non obruta esset. Comparem cladem ad Ægates insulas Karthaginensium prælio navali acceptam, quâ fracti Siciliâ ac Sardinia cedere, hinc vestigales ac stipendiarios fieri se passi sunt? aut pugnam adversam in Africa, cui postea hic ipse Hannibal succubuit? nulla ex parte comparandæ sunt, nisi quòd minore animo latæ sunt.

LV. P. Furius Philus & M. Pomponius prætores senatum in curiam Hostiliam vocaverunt, ut de urbis custodia consulerent. neque enim dubitabant, deletis exercitibus, hostem ad oppugnandam Romam, quod unum opus belli restaret, venturum. Quum in malis, sicut ingentibus, ita ignotis, ne consilium quidem satis expedirent, obstreperetque clamor lamentantium mulierum, &, nondum palam facto, vivi mortuique per omnes penè domos promiscuè complorarentur; tum Q. Fabius Maximus censuit, *equites expeditos & Appia & Latinâ viâ mittendos, qui, obvios percunctando aliquos profectos ex fuga, passim dissipatos, fortè referant, quæ fortuna consulum atque exercituum sit; & si quid Dii immortales, miseriti imperii, reliquum Romano nomini fecerint: ubi ea copia sint: quò se Hannibal post prælium contulerit: quid patet, quid agat, acturusque sit. Hæc exploranda noscendaque*



*per impigros juvenes esse. Illud per Patres ipsos agendum, quoniam magistratum parum sit, ut tumultum ac trepidationem in urbe tollant, matronas publico arceant, continerique intra suum quamque limen cogant: comploratus familiarum coërceant: silentium per urbem faciant: nuncios rerum omnium ad pratores deducendos curent: suæ quisque fortune domi autorem expectent: custodesque præterea ad portas ponant, qui prohibeant, quemquam egredi urbem; cogantque homines nullam, nisi urbe ac mœnibus salvis, salutem sperare. Ubi contigerit tumultus, rectè tum in curiam Patres revocandos, consulendumque de urbis custodia esse.*

LVI. Quum in hanc sententiam pedibus omnesissent, summotæque foro per magistratus turbâ, Patres diversi ad sedandos tumultus discessissent; tum demum literæ à Terentio consule allatæ sunt: *L. Æmilium consulem exercitumque casum; sese Canusii esse, reliquias tantæ cladis velut ex naufragio colligentem. ad decem millia militum ferme esse incompositorum, inordinatorumque. Pœnum sedere ad Cannas, in captivorum pretiis prædaque alia, nec victoris animo, nec magni ducis more, nundinantem. Tum privatæ quoque per domos clades vulgatæ sunt: adeoque totam urbem opplevit luctus, ut sacrum anniversarium Cereris intermissum sit; quia nec lugentibus id facere est fas, nec ulla in illa tempestate matrona expers luctus fuerat. Itaque, ne ob eandem causam alia quoque sacra publica aut privata desererentur, senatusconsulto diebus triginta luctus est finitus. Ceterum quum, sedato urbis tumultu, revocati in curiam Patres essent, aliæ insuper ex Sicilia literæ allatæ sunt ab T. Otacilio proprætore, Regnum Hieronis classe Punicâ vastari: cui quum opem imploranti ferre vellet, nunciatum sibi esse, aliam classem ad Ægates insulas stare, paratam instructamque; ut, ubi se versum ad tuendam Syracusanam oram Pœni sensissent, Lilybæum extemplo provinciamque aliam Romanam aggredierentur. itaque classe opus esse, si regem socium Siciliamque tueri vellent.*

LVII. Literis

LVII. Literis consulis proprætorisque lætis, M. Claudium, qui classi ad Ostiam stanti præset, Canusium ad exercitum mittendum, scribendumque consuli, ut, quum prætori exercitum tradidisset, primo quoque tempore, quantum per commodum reipublicæ fieri posset, Romam veniret. Territi etiam super tantas clades, quum ceteris prodigiis, tum quòd duæ Vefiales eo anno, Opinia atque Flornia, stupri compertæ, & altera sub terra, ut mos est, ad portam Collinam necata fuerat; altera sibimet ipsa mortem consciverat. L. Cantilius, scriba pontificis, quos nunc minores pontifices appellant, qui cum Flornia stuprum fecerat, à pontifice maximo eò usque virgis in comitio cæsus erat, ut inter verbera exspiraret. Hoc nefas quum inter tot, ut sit, clades in prodigium versum esset, decemviri libros adire iussi sunt. Et Q. Fabius Pictor Delphos ad oraculum missus est sciscitatum, quibus precibus supplicisque Deos possent placare, & quænam futura finis tantis cladibus foret. Interim ex fatalibus libris sacrificia aliquot extraordinaria facta; inter quæ Gallus & Galla, Græcus & Græca, in foro boario sub terra vivi demissi sunt in locum saxo conseptum, jam antè hostiis humanis, minimè Romano sacro, imbutum. Placatis satis, ut rebantur, Deis, M. Claudius Marcellus ab Ostia mille & quingentos milites, quos in classem scriptos habebat, Romam, ut urbi præsidio essent, mittit; ipse, legione classis (ea tertia legio erat) cum tribunis militum Teanum Sidicinum præmissâ, classe traditâ P. Furio Philo collegæ, paucos post dies Canusium magnis itineribus contendit. Dictator ex auctoritate Patrum dictus M. Junius, & Ti. Sempronius magister equitum, delectu edicto, juniores ab annis septemdecim, & quosdam prætextatos, scribunt. quatuor ex his legiones & mille equites effecti. Item ad socios Latinumque nomen, ad milites ex formula accipiendos, mittunt. ar-

ma, tela, alia parari jubent : & vetera hostium spolia detrahunt templis porticibusque. Et aliam formam novi delectus inopia liberorum capitum ac necessitas dedit : octo millia juvenum validorum ex servitiis, prius sciscitantes singulos, vellentne militare, empta publicè armaverunt. Hic miles magis placuit, quum pretio minore redimendi captivos copia fieret.

LVIII. Namque Hannibal secundum tam prosperam ad Cannas pugnam, victoris magis, quam bellum gerentis, intentus curis, quum, captivis productis segregatisque, focios, sicut antè ad Trebiam Trasimenumque lacum, benignè allocutus, sine pretio dimisisset; Romanos quoque vocatos (quod nunquam aliàs antea) satis miti sermone alloquitur : *Non internecinum sibi esse cum Romanis bellum : de dignitate atque imperio certare. Et patres virtuti Romana cessisse, & se id admitti, ut sua in vicem simul felicitati & virtuti cedatur. Itaque redimendi se captivis copiam facere. pretium fore in capita, equiti quingenos quadrigatos nummos, trecenos pediti, servo centum.* Quanquam aliquantum adjiciebatur equitibus ad id pretium, quod pepigerant dedentes se ; læti tamen quamcunque conditionem paciscendi acceperunt. Placuit suffragio ipsorum decem deligi, qui Romam ad senatum irent. nec pignus aliud fidei, quam ut jurent se redituros, acceptum. Missus cum his Karthalo nobilis Karthaginienſis : qui, si fortè ad pacem inclinarent animos, condiciones ferret. Quum egressi castris essent, unus ex iis, minimè Romani ingenii homo, velut aliquid oblitus, jurisjurandi solvendi causà quum in castra redisset, ante noctem comites assequitur. Ubi eos Romam venire nunciatum est, Karthalonì obviàm lictor missus, qui dictatoris verbis nunciaret, ut ante noctem excederet finibus Romanis.

LIX. Legatis captivorum senatus ab dictatore datus est. Quorum princeps M. Junius, *Patres conscripti*, inquit, *nemo nostrum ignorat, nulli unquam civitati vi-*  
liores

hæres fuisset captivos, quam nostræ. Ceterum, nisi nobis plus iusto nostra placet causa, non alii unquam minus negligendi vobis, quam nos, in hostium potestatem venerunt. non enim in acie per timorem arma tradidimus; sed, quum propè ad noctem superstantes cumulis caesorum corporum prælium extraxissemus, in castra recepimus nos. Diei reliquam ac noctem insequentem, fessi labore ac vulneribus, vallum sumus tutati. Postero die, quum circumfessi ab exercitu victore aqua arceremur, nec ulla jam per confertos hostes erumpendi spes esset, nec esse nefas duceremus, quinquaginta millibus hominum ex acie nostra trucidatis, aliquem ex Cannensi pugna Romanum militem restare; tum demum pacti sumus pretium, quo redempti dimitteremur: arma, in quibus nihil jam auxilii erat, hosti tradidimus. Majores quoque acceperamus se à Gallis auro redemisse: & patres vestros, asperrimos illos ad conditionem pacis, legatos tamen captivorum redimendorum gratia Tarentum misisse. atqui, & ad Alliam cum Gallis, & ad He-nocleam cum Pyrrho, utraque non tam clade infamis, quam pavore ac fuga, pugna fuit. Cannenses campos acervi Romanorum corporum tegunt: nec supersumus pugna, nisi in quibus trucidandis & ferrum & vires hostem defecerunt. Sunt etiam de nostris quidam, qui ne in acie quidem refugerunt: sed, presidio castris relictis, quum castra traderentur, in potestatem hostium venerunt. Haud equidem illius civis & commilitonis fortuna aut conditioni invideo, nec premendo alium me extulisse velim: ne illi quidem (nisi pernicitatis pedum & cursûs aliquod premium est) qui plerique inermes ex acie fugientes non prius, quam Venusia aut Canusii, constiterunt, se nobis meritò pratulerint, gloriatique sint, in se plus, quam in nobis, presidii reipublica esse. Sed illis & bonis ac fortibus militibus utemini: & nobis etiam promptioribus pro patria, quod beneficio vestro redempti atque in patriam restituti fuerimus. Delectum ex omni ætate & fortuna habetis: octo millia servorum audio armari. non minor numerus noster est, nec majore pretio redimi possumus, quam hi emuntur. nam si conferam nos cum illis, injuriam nomini Romano faciam: Il-

*lud etiam in tali consilio animadvertendum vobis censeam, Patres conscripti, (si tamen duriores esse velitis, quod nullo nostro merito faciatis) cui nos hosti relicturi sitis. Pyrrho videlicet, qui nos hospitum numero habuit captivos, an barbaro ac Pæno; qui utrum avarior, an crudelior, sit, vix existimari potest. Si videatis catenas, squalorem, deformitatem civium vestrorum, non minùs profectò vos ea species moveat, quàm si ex altera parte cernatis stratas Cannensibus campis legiones vestras. Intueri potestis sollicitudinem & lacrimas in vestibulo curiæ stantium cognatorum nostrorum, expectantiumque responsum vestrum. quum ii pro nobis proque iis, qui absunt, ita suspensi ac solliciti sint; quem censeatis animum ipsorum esse, quorum in discrimine vita libertasque est? Si me Dius Fidius, ipse in nos mitis Hannibal contra naturam suam esse velit, nihil tamen nobis vitæ opus esse censeamus, quum indigni, ut à vobis redimeremur, visi sumus. Rediere Romam quondam remissi à Pyrrho sine pretio capti: sed rediere cum legatis, primoribus civitatis, ad redimendos sese misissis. Redeam ego in patriam, trecentis nummis non aestimatus civis? Suum quisque habet animum, Patres conscripti. Scio in discrimine esse vitam corpusque meum. Magis me fama periculum movet, ne à vobis damnati ac repulsi abeamus. neque enim vos pretio pepercisse homines credent.*

LX. Ubi is finem fecit, extemplo ab ea turba, quæ in comitio erat, clamor flebilis est sublatus, manusque ad curiam tendebant orantes, ut sibi liberos, fratres, cognatos redderent. Feminas quoque metus ac necessitas in foro turbæ huic virorum immiscuerat. Senatus, summotis arbitris, consuli cæptus. Ibi quum sententiis variaretur, & alii redimendos de publico, alii nullam publicè impensam faciendam, nec prohibendos ex privato redimi; si quibus argentum in præsentia deesset, dandam ex ærario pecuniam mutuam, prædiisque ac prædiis cavendum populo, censerent; tum T. Manlius Torquatus, priscae ac nimis duræ, ut plerisque videbatur, severitatis, interrogatus sententiam,

ita

ita locutus fertur: Si tantummodo postulassent legati pro  
iis, qui in hostium potestate sunt, ut redimerentur, sine ullius  
insectatione eorum, brevi sententiam peregissem. Quid enim  
aliud quam admonendi essetis, ut morem traditum à patribus,  
necessario ad rem militarem exemplo, servaretis? Nunc au-  
tem quum propè gloriati sint, quòd se hostibus dediderint, præ-  
ferrique non captis modò in acie ab hostibus, sed etiam iis, qui  
Venusiam Canusiumque pervenerunt, atque ipsi C. Terentia  
confidi, æquum censuerint; nihil vos eorum, Patres conscri-  
pti, quæ illic acta sunt, ignorare patiar. Atque utinam hac,  
quæ apud vos acturus sum, Canusii apud ipsum exercitum a-  
gerem, optimum testem ignavia cujusque & virtutis: aut u-  
nus hic saltem adesset P. Sempronius, quem si isti ducem se-  
cuti essent, milites hodie in castris Romanis, non captivi in  
hostium potestate essent! Sed quum, fessis pugnando hostibus,  
tum victoriâ latiss, & ipsis plerisque regressis in castra sua,  
noctem ad erumpendum liberam habuissent, & septem arma-  
torum hominum millia perrumpere etiam confertos hostes po-  
tuissem; neque per se ipsi id facere conati sunt, neque alium  
sequi voluerunt. Nocte propè totâ P. Sempronius Tuditanus  
non destitit monere, adhortari eos, dum paucitas hostium cir-  
ca castra, dum quies ac silentium esset, dum nox inceptum te-  
geret, se ducem sequerentur: ante lucem pervenire in tuto-  
ra loca, in sociorum urbes posse. Sicut avorum memoriâ P. De-  
cius tribunus militum in Samnio; sicut, nobis adolescentibus,  
priori Punico bello Calpurnius Flamma trecentis voluntariis,  
quam ad tumultum eos capiendum, situm inter medios hostes,  
duceret, dixit: Moriamur, milites, & morte nostrâ eri-  
piamus ex obsidione circumventas legiones. Si hoc P.  
Sempronius diceret; nec viros quidem, nec Romanos vos du-  
ceret, si nemo tanta virtutis exstitisset comes. Viam non ad  
gloriam magis, quam ad salutem, ferentem demonstrat; re-  
duces in patriam, ad parentes, ad conjuges ac liberos facit.  
Ut servemini, deest vobis animus? quid, si moriendum pro  
patria esset, faceretis? Quinquaginta millia civium socio-  
rumque circa vos eo ipso die caesa jacent. si tot exempla virtu-

tis non movent, nihil unquam movebit : si tanta clades vilem vitam non fecit, nulla faciet. Liberi atque incolumes desiderate patriam : immò desiderate, dum patria est, dum cives ejus estis. serò nunc desideratis, diminuti capite, abalienati jure civium, servi Kartaginiensium facti. Pretio redituri estis eò, unde ignavià ac nequitia abistis ? P. Sempronium, civem vestrum, non audistis, arma capere ac sequi se jubentem : Hannibalem post paulo audistis, castra prodi & arma tradi jubentem. Quam ego ignaviam istorum accuso, quum scelus possim accusare ? non enim modò sequi recusarunt bene monentem, sed obsistere ac retinere conati sunt, nisi strictis gladiis viri fortissimi inertes summovissent. prius, inquam, P. Sempronio per civium agmen, quàm per hostium, fiat erumpendum. Hos cives patria desideret ? quorum si ceteri similes fuissent, neminem hodie ex iis, qui ad Cannas pugnaverunt, civem haberet. Ex millibus septem armatorum sexcenti exstiterunt, qui erumpere auderent, qui in patriam liberi atque armati redirent : neque iis quadraginta millia hostium obsistere. Quàm tutum iter duarum propè legionum agmini futurum censetis fuisse ? Haberetis hodie viginti millia armatorum Canusii, fortia, fidelia, Patres conscripti. nunc autem quemadmodum hi boni fidelesque (nam fortes ne ipsi quidem dixerint) cives esse possunt ? nisi quis credere potest fuisse, ut erumpentibus, quin erumperent, obsistere conati sunt : aut non invidere cos, quum incolumitati, tum gloriæ illorum per virtutem parata, quum sibi timorem ignaviamque servitutis ignominiosam causam esse sciant. Maluerunt in tentoriis latentes simul lucem atque hostem expectare, quum silentio noctis erumpendi occasio esset. At enim ad erumpendum è castris defuit animus ; ad tutanda fortiter castra animum habuerunt. Dies noctesque aliquòt obsessi, vallum armis, se ipsi tutati vallo sunt : tandem ultima ausi passique, quum omnia subsidia vitæ abessent, affectisque fame viribus, arma jam sustinere nequirent, necessitatibus magis humanis, quàm armis, victi sunt. Orto sole hostis ad vallum accessit : ante secundam horam, nullam fortunam certaminis experti, tradiderunt arma ac seipsos.

Hæc

*Hæc vobis ipsorum per biduum militia fuit: quum in acie stare ac pugnare decuerat, tum in castra refugerunt: quum pro vallo pugnandum erat, castra tradiderunt, neque in acie neque in castris utiles. Vos redimam? quum erumpere castris oportet, cunctamini ac manetis: quum manere, castra tutari armis necesse est; & castra & arma & vos ipsos traditis hosti. Ego non magis istos redimendos, Patres conscripti, censeo, quàm illos dedendos Hannibali, qui per medios hostes & castris eruperunt, ac per summam virtutem se patriæ restituerunt.*

LXI. Postquam Manlius dixit, quanquam Patrum quoque plerosque captivi cognatione attingebant, præter exemplum civitatis minimè in captivos jam inde antiquitus indulgentis, pecuniæ quoque summa homines movit: quia nec ærarium exhaurire, magnâ jam summâ erogatâ in servos ad militiam emendos armandosque, nec Hannibalem maximè hujusce rei, ut fama erat, egentem locupletari volebant. Quum triste responsum, *non redimi captivos*, redditum esset, novusque super veterem luctus tot jacturâ civium adjunctus esset, cum magnis fletibus questibusque legatos ad portam profecti sunt. Unus ex iis domum abiit, quod fallaci reditu in castra jurejurando se exsolvisset. Quod ubi innotuit, relatumque ad senatum est, omnes censuerunt, comprehendendum, & custodibus publicè datis deducendum ad Hannibalem esse. Est & alia de captivis fama, decem primos venisse. de eis quum dubitatum in senatu esset; admitterentur in urbem, necne; ita admissos esse, ne tamen iis senatus daretur. Morantibus deinde longiùs omnium spe, alios tres insuper legatos venisse, L. Scribonium, & C. Calpurnium, & E. Manlium. tum demum ab cognato Scribonij tribuno plebis de redimendis captivis relatum esse, nec censuisse redimendos senatum: & novos legatos tres ad Hannibalem revertisse, decem veteres remansisse; quod, per causam recognoscendi nomina captivorum ad



Hannibalem ex itinere regressi, religione sese exsol-  
vissent. de iis dedendis magnâ contentione actum in  
senatu esse : victosque paucis sententiis, qui dedendos  
censuerint. ceterum proximis censoribus adeo omni-  
bus notis ignominiisque confectos esse, ut quidam eo-  
rum mortem sibi ipsi extemplo consciverint : ceteri  
non foro solum omni deinde vitâ, sed propè luce ac  
publico, caruerint. Mirari magis, adeo discrepare in-  
ter auctores, quàm, quid veri sit, discernere queas.  
Quanto autem major ea clades superioribus cladibus  
fuerit, vel ea res indicio est, quòd, qui sociorum ad e-  
am diem firmi steterant, tum labare cœperunt, nulla  
profectò alia de re, quàm quòd desperaverant de im-  
perio. Defecere autem ad Pœnos hi populi : Atellani,  
Calatini, Hirpini, Apulorum pars, Samnites præter  
Pentros, Bruttii omnes, Lucani. præter hos Surrenti-  
ni, & Græcorum omnis ferme ora, Tarentini, Meta-  
pontini, Crotonienses, Locrique, & Cisalpini omnes  
Galli. Nec tamen hæ clades defectionesque sociorum  
moverunt, ut pacis unquam mentio apud Romanos fi-  
eret ; neque ante consulis Romam adventum, nec post-  
quam is rediit, renovavitque memoriam acceptæ cla-  
dis. quo in tempore ipso adeo magno animo civitas  
fuit, ut consuli, ex tanta clade, cujus ipse causa ma-  
xima fuisset, redeunti, & obviam itum frequenter ab  
omnibus ordinibus sit, & gratiæ actæ, quòd de repu-  
blica non desperasset : cui, si Karthaginensium ductor  
fuisset, nihil recusandum supplicii foret.

## LIBER XXIII.

## E P I T O M E.

II, III, &c. **C**Ampani ad Hannibalem defecerunt. XI, XII. Nuncius Cannensis victoria Mago Karthaginem missus annulos aureos, à digitis occisorum Romanorum detractos, in vestibulo curia effudit: quos excessisse modii mensuram traditur. XII, XIII. Post quem nuncium Hanno, vir ex Pœnis nobilissimus, suadebat senatui Karthaginensium, ut pacem à populo Romano peterent: nec tenuit, obstrepente Barcinâ factione. XIV, XV. Claudius Marcellus prator ad Nolam, XVI. Eruptione adversus Hannibalem ex oppido factâ, prospere pugnavit. XVIII. Exercitus Hannibalis per hiberna Capua ita luxuriatus est, ut corporum viridus atque animorum enervaretur. XIX. Casilinum, à Pœnis obsessum, ita fame vexatum est, ut lora & pelles scutis detractas, item mures, essent; & nucibus, per Vulturam amnem à Romanis missis, vixerint. XXIII. Senatus ex equestri ordine hominibus centum nonaginta septem supplementus est. XXIV. L. Postumius prator à Gallis cum exercitu casus est. XXVI, &c. Cn. & P. Scipiones in Hispania Hasdrubalem vicerunt, & Hispaniam suam fecerunt. XXXI. Reliquia Cannensis exercitus in Siciliam relegata sunt; ne recederent inde, nisi finito bello. XXXIII. Inter Philipppum Macedonum regem & Hannibalem societas iuncta est. XXXV. Sempronius Gracchus consul Campanos cecidit. XXXVI, XXXVIII, XL, &c. Præterea in Sardinia feliciter à T. Manlio prætore adversus Pœnos Sardosque res gestas continet: à quo Hasdrubal dux, & Mago, & Hanno capti. XLV, &c. Claudius Marcellus prator Hannibalis exercitum ad Nolam prælio fudit & vicit: primusque tot cladibus fessis Romanis meliorem spem bellâ dedit.

HAN-

I. **H**ANNIBAL, post Cannensem pugnam, castra capta ac direpta, confestim ex Apulia in Samnium moverat: accitus in Hirpinos à Statio, pollicente se Compsam traditurum. Compsanus erat Trebius nobilis inter suos: sed premebat eum Mopsiorum factio, familiæ per gratiam Romanorum potentis. Post famam Cannensis pugnae, vulgatumque Trebii sermonibus adventum Hannibalis, quum Mopsiani urbem excessissent; sine certamine tradita urbs Pœno, præsidiumque acceptum est. Ibi prædâ omni atque impedimentis relictis, exercitu partito, Magonem regionis ejus urbes, aut deficientes ab Romanis accipere, aut detrectantes cogere ad defectionem jubet. ipse per agrum Campanum mare inferum petit, oppugnaturus Neapolim, ut urbem maritimam haberet. Ubi fines Neapolitanorum intravit, Numidas partim in insidiis (& pleræque cavæ sunt viæ, sinusque occulti) quacunque aptè poterat, disposuit: alios, præ se actam prædam ex agris ostentantes, obequitare portis jussit. in quos, quia nec multi, & incompoti videbantur, quum turma equitum erupisset, ab cedentibus consultò tracta in insidias, circumventa est: nec evasisset quisquam, ni mare propinquum, & haud procul littore naves piscatoriæ pleræque conspectæ peritis nandi dedissent effugium. Aliquot tamen eo prælio nobiles juvenes capti cæsi que sunt: inter quos & Hægeas præfectus equitum, intemperantiùs cedentes secutus, cecidit. Ab urbe oppugnanda Pœnum absterruere conspecta mœnia, haudquaquam prompta oppugnantis.

II. Inde Capuam flectit iter, luxuriantem longâ felicitate atque indulgentiâ fortunæ, maximè tamen, inter corrupta omnia, licentiâ plebis sine modo libertatem exercentis. Senatum & sibi & plebi obnoxium Pacuvius Calavius fecerat; nobilis idem ac popularis homo,

homo, ceterum malis artibus nactus opes. is quum eo fortè anno, quo res malè gesta ad Trasimenum est, in summo magistratu esset, jam diu infestam senatui plebem, ratus, per occasionem novandi res, magnum aurum facinus, ut, si in ea loca Hannibal cum victore exercitu venisset, trucidato senatu traderet Capuam Pœnis; improbus homo, sed non ad extremum perditus, quum mallet incolumi, quàm eversâ, republicâ dominari; nullam autem incolumem esse orbatam publico consilio crederet, rationem iniit, quâ & senatum servaret, & obnoxium sibi ac plebi faceret. Vocato senatu, quum, sibi defectionis ab Romanis consilium placitum nullo modo, nisi necessarium fuisset, præfatus esset; quippe qui liberos ex Ap. Claudii filia haberet, filiamque Romam nuptum Livio dedisset; ceterum majorem multo rem magisque timendam instare. Non enim per defectionem ad tollendum ex civitate senatum plebem spectare, sed per eadem senatûs vacuam rempublicam tradere Hannibali ac Pœnis velle. Eo se periculo posse liberare eos, si se permittant sibi, &, certaminum in republica obliti, credant. Quum omnes victi metu permitterent; Claudam in curia vos, inquit, &, tanquam & ipse cogitati facinoris particeps, approbando consilia, quibus nequicquam adversarer, viam salutis vestra inveniam. In hoc fidem, quam vultis ipsi, accipite. Fide datâ egressus, claudi curiam jubet, præsidiumque in vestibulo reliquit, ne quis adire curiam injussu suo, neve inde egredi possit.

III. Tunc vocato ad concionem populo, Quod sæpe, inquit, optastis, Campani, ut supplicii sumendi vobis ex improbo ac detestabili senatu potestas esset; eam nunc, non per tumultum expugnantes domos singulorum, quas præsidii clientium servorumque tuentur, cum summo vestro periculo, sed tutam habetis ac liberam. Clausos omnes in curiam accipite, solos, inermes: nec quicquam raptim, aut fortè temere egeritis. de singulorum capite vobis jus sententiæ dicendæ faciam, ut, quas quisque meritus est, pœnas pendat. Sed ante omnia  
ita

ita vos ira indulgere oportet, ut potiore ira salutem atque utilitatem vestram habeatis. etenim vos (ut opinor) odistis senatores; non senatum omnino habere non vultis. quippe aut rex (quod abominandum) aut, quod unum libera civitatis consilium est, senatus habendus est. Itaque due res simul agenda sunt vobis, ut & veterem senatum tollatis, & novum cooptetis. Citari singulos senatores jubebo, de quorum capite vos consulam. quod de quoque censueritis, fiet. Sed prius in ejus locum virum fortem ac strenuum novum senatorem cooptabitis, quam de noxio supplicium sumatur. Inde confedit, & nominibus in urnam coniectis, citari, quod primum forte nomen excidit, ipsumque è curia produci jussit. Ubi auditum est nomen, malum & improbum pro se quisque clamare, & supplicio dignum. Tum Pacuvius, *Video, quæ de hoc sententia sit data: eligite pro malo atque improbo bonum senatorem & justum.* Primò silentium erat inopiâ potioris subjiundi; deinde, quum aliquis, omisâ verecundiâ, quempiam nominasset, multo major extemplo clamor oriebatur, quum alii negarent nōsse; alii nunc probra, nunc humilitatem sordidamque inopiam, & pudendæ artis aut quæstus genus, objicerent. Hoc multo magis in secundo ac tertio citato senatore est factum: ut ipsius poenitere homines appareret; quem autem in ejus substituerent locum, deesse. quia nec eosdem nominari attinebat, nihil aliud quam ad audienda probra nominatos, & multo humiliiores obscurioresque ceteri erant eis, qui primi memorie occurrebant. Ita dilabi homines, notissimum quodque malum maximè tolerabile dicentes esse, jubentefque senatum ex custodia dimitti.

IV. Hoc modo Pacuvius quum obnoxium vitæ beneficio senatum multo sibi magis, quam plebi, fecisset, sine armis, jam omnibus concedentibus, dominabatur. Hinc senatores, omisâ dignitatis libertatisque memoriâ, plebem adulari, salutare, benignè invitare, apparatis accipere epulis, eas causas suscipere, ei semper parti

parti adesse, secundum eam, litem iudices dare, quæ magis popularis aptiorque in vulgus favori conciliando esset. Jam verò nihil in senatu actum aliter, quam si plebis ibi esset concilium. Prona semper civitas in luxuriam, non ingeniorum modò vitio, sed affluenti copiâ voluptatum, & illecebris omnis amœnitatis maritimæ terrestriisque; tum verò ita obsequio principum & licentiâ plebei lascivire, ut nec libidini nec sumptibus modus esset. ad contemptum legum, magistratum, senatûs, accessit tum, post Cannensem cladem, ut, ejus aliqua erat verecundia, Romanum quoque imperium spernerent. id modò erat in mora, ne extemplo deficerent, quòd connubium vetustum multas familias claras ac potentes Romanis miscuerat: & quòd, quum militarent aliquot apud Romanos, maximum vinculum erant trecenti equites, nobilissimus quisque Campanorum, in præsidia Sicularum urbium delecti ab Romanis ac missi.

V. Horum parentes cognatique ægre pervicerunt, ut legati ad consulem Romanum mitterentur. Ii, nondum Canusium profectum, sed Venusiæ cum paucis ac semiermibus consulem invenerunt, quàm poterat maximè miserabilem bonis fociis; superbis atque infidelibus, ut erant Campani, spernendum. Et auxit rerum suarum sui que contemptum consuli nimis detegendo cladem nudandoque. Nam quum legati, ægre ferre senatum populumque Campanum, adversi quicquam evenisse Romanis, nunciassent, pollicerenturque omnia, quæ ad bellum opus essent; *morem magis, inquit, loquendi cum sociis servâllis, Campani, jubentes, quæ opus essent ad bellum, imperare, quàm convenienter ad præsentem fortune nostræ statum locuti estis. Quid enim nobis ad Cannas relictum est, ut, quasi aliquid habeamus, id, quod deest, expleri ab sociis velimus? Pedites vobis imperemus, tanquàm equites habeamus? pecuniam deesse dicamus, tanquàm ea tantum desit? Nihil, ne quod suppleremus quidem,*  
nobis

nobis reliquit fortuna. legiones, equitatus, arma, signa, equi viri-  
que, pecunia, commentus, aut in acie, aut binis postero die a-  
missis castris perierunt. Itaque non juvetis nos in bello oportet,  
Campani, sed penè bellum pro nobis suscipiatis. Veniat  
in mentem, ut trepidos quondam majores vestros intra mœnia  
compulsos, nec Samnitum modò hostem, sed etiam Sidicinum  
pavescentes, receptos in fidem apud Saticulam defenderimus, cœ-  
ptumque propter vos cum Samnitibus bellum per centum propè  
annos, variante fortunâ eventum, tulerimus. Adjicite ad  
hæc, quòd fœdus æquum deditis, quòd leges vestras, quòd ad  
extremum (id quod ante Cannensem certè cladem maximum  
fuit) civitatem nostram magnæ parti vestrâ dedimus, com-  
municavimusque vobiscum. Itaque communem vos hanc cla-  
dem, qua accepta est, credere, Campani, oportet, communem  
patriam tuendam arbitrari esse. Non cum Samnite aut E-  
trusco res est, ut, quod à nobis ablatum sit, in Italia tamen  
imperium maneat. Pœnus hostis, ne Africa quidem indige-  
nam, ab ultimis terrarum oris, freto Oceani Herculisque ca-  
lumnis, expertem omnis juris & conditionis & lingua propè  
humane, militem trahit. Hunc, naturâ & moribus immitem  
ferumque, insuper dux ipse efferavit, pontibus ac molibus ex  
humanorum corporum strue faciendis, & (quod proloqui etiam  
piget) vesci humanis corporibus docendo. Hos, infandis pastos-  
epulis, quos contingere etiam nefas sit, videre atque habere  
dominos, & ex Africa & à Karthagine jura petere, & Ita-  
liam Numidarum ac Maurorum pati provinciam esse, cui  
non, genito modò in Italia, detestabile sit? Pulchrum erit,  
Campani, prolapsam clade Romanum imperium vestrâ fide,  
vestris viribus retentum ac recuperatum esse. Triginta mil-  
lia peditum, quatuor equitum arbitror ex Campania scribi pos-  
se. jam pecuniæ affatim est frumentique. Si parem fortuna  
vestræ fidem habetis, nec Hannibal se vicisse sentiet, nec Ro-  
mani victos esse.

VI. Hac oratione consulis dimissis redeuntibusque  
domum legatis, unus ex iis, Vibius Virrius, tempus ve-  
nisse, ait, quo Campani non agrum solum, ab Romanis quon-  
dam

*dam per injuriam ademptum, recuperare, sed imperio etiam Italia potiri possint. Fœdus enim cum Hannibale, quibus vent legibus, facturos. neque controversiam fore, quin, quum ipse confecto bello Hannibal victor in Africam decedat, exercitumque deportet, Italia imperium Campanis relinquatur.* Hæc Virrio loquenti assensu omnes, ita renunciant legationem, uti deletum omnibus videretur nomen Romanum. Extemplo plebes ad defectionem ac pars major senatûs spectare. extracta tamen, auctoritatibus seniorum, per paucos dies est res: postremò vicit sententia plurium, ut iidem legati, qui ad consulem Romanum ierant, ad Hannibalem mitterentur. Quò prius quàm iretur, certumquæ defectionis consiliûm esset, Romanæ legatos missos à Campanis, in quibusdam annalibus invenio, postulantes, ut alter consul Campanus fieret, si rem Romanam adjuvari vellent. indignatione ortâ, summo veri à curia iussos esse: missumque listorem, qui ex urbe educeret eos, atque eo die manere extra fines Romanos juberet. Quia nimis compar Latinorum quondam postulatio erat, Cœliusque & alii id haud sine causa prætermiserant scriptores, ponere pro certo sum veritus.

VII. Legati ad Hannibalem venerunt, pacemque cum eo conditionibus fecerunt: *ne quis imperator magistratusve Pœnorum jus ullum in civem Campanum haberet, neve civis Campanus invitatus militaret, munusve faceret. ut sue leges, sui magistratus Capuæ essent. ut trecentos ex Romanis captivis Pœnus daret Campanis, quos ipsi elegissent; cum quibus equitum Campanorum, qui in Sicilia stipendia facerent, permutatio fieret.* Hæc pacta: illa insuper, quàm quæ pacta erant, facinora Campani ediderunt. nam præfectos sociûm civesque Romanos alios, partim aliquo militiæ munere occupatos, partim privatis negotiis implicitos, plebs repente omnes comprehensos, velut custodiæ causâ, balneis includi iussit: ubi, fervore atque æstu animâ interclusâ, fœdum in modum exspirarent.



rarent. Ea ne fierent, neu legatio mitteretur ad Pœnum, summâ ope Decius Magius, vir cui ad summam auctoritatem nihil, præter sanam civium mentem, defuit, resistit. ut verò præsidium mitti ab Hannibale audivit, Pyrrhi superbam dominationem, miserabilemque Tarentinorum servitutem, exempla referens, primò, ne reciperetur præsidium, palam vociferatus est: deinde, ut receptum aut ejiceretur, aut, si malum facinus, quod à vetustissimis fociis consanguineisque defecissent, forti ac memorabili facinore purgare vellet, ut, interfecto Punico præsidio, restituerent se Romanis. Hæc (neque enim occultè agebantur) quum relata Hannibali essent, primò misit, qui vocarent Magium ad sese in castra: deinde, quum is ferociter negasset se iturum, (nec enim Hannibali jus esse in civem Campanum) concitatus irâ Pœnus, comprehendi hominem, vinctumque attrahi ad se jussit. veritus deinde, ne quid inter vim tumultus, atque ex concitatione animorum inconsulti certaminis oriretur, ipse, præmisso nuncio ad Marium Blossium prætorem Campanum, postero die se Capuæ futurum, profiscitur è castris cum modico præsidio. Marius concione advocatâ edicit, ut frequentes cum conjugibus ac liberis obviam irent Hannibali. Ab universis id non obedienter modò, sed enisè, favore etiam vulgi, & studio visendi tot jam victoriis clarum imperatorem, factum est. Decius Magius nec obviam egressus est, nec, quo timorem aliquem ex conscientia significare posset, privatim se tenuit: in foro cum filio clientibusque paucis otiosè inambulavit, trepidante totâ civitate ad excipiendum Pœnum visendumque. Hannibal, ingressus urbem, senatum extemplo postulat, precantibusque inde primoribus Campanorum, ne quid eo die seriæ rei gereret, diemque ut ipse adventu suo festum lætus ac libens celebraret; quanquam præceps ingenio in iram erat,

erat, tamen, ne quid in principio negaret, visendâ urbe magnam dici partem consumpsit.

VIII. Deversatus est apud Ninnios Celeres, Stenium Pacuviumque, inclitos nobilitate ac divitiis. Eò Pacuvius Calavius, de quò antè dictum est, princeps factionis ejus, quæ traxerat rem ad Pœnos, filium juvenem adduxit, abstractum abs Decii Magii latere, cum quo ferocissimè pro Romana societate adversus Punicum foedus steterat; nec eum aut inclinata in partem alteram civitas, aut patria majestas sententiâ depulerat. Huic tum pater juveni Hannibalem deprecando magis, quàm purgando, placavit, victusque patris precibus lacrimisque etiam ad cœnam eum cum patre vocari jussit: cui convivio neminem Campanum, præterquam hospites, Jubelliumque Tauream, insignem bello virum, adhibiturus erat. Cœperunt epulari de die, & convivium non ex more Punico, aut militari disciplina esse, sed, ut in civitate atque etiam domo luxuriosa, omnibus voluptatum illecebris instructum. Unus nec dominorum invitatione, nec ipsius interdum Hannibalis, Calavii filius Perolla vinci potuit; ipse valetudinem excusans, patre animi quoque ejus haud mirabilem interturbationem causante. Solis ferme occasu patrem Calavium, ex convivio egressum, secutus filius, ubi in secretum (hortus erat posticis ædium partibus) pervenerunt: *Consilium, inquit, affero, pater, quo non veniam solùm peccati, quòd defecimus ad Hannibalem, impetraturi ab Romanis, sed in multo majore dignitate & gratia simus Campani, quàm unquam fuimus. Quum mirabundus pater, quidnam id esset consilii, quæreret; togâ rejectâ ab humero, latus succinctum gladio nudat: Jam ego, inquit, sanguine Hannibalis sanciam Romanum foedus. te id prius scire volui, si fortè abesse, dum facinus patratur, mallet.*

IX. Quæ ubi vidit audivitque senex, velut si jam agendis, quæ audiebat, interesset, amens metu, Per

ego te, inquit, fili, quacumque jura liberos jungunt parentibus, precor quesoque, ne ante oculos patris facere & pati omnia infanda velis. Pauca hora sunt, intra quas jurantes per quicquid Deorum est, dextra dextras jungentes, fidem obstrinximus, ut sacratas fide manus, digressi à colloquio, extemplo in eum armaremus? Ab hospitali mensa surgis, ad quam tertius Campanorum adhibitus es ab Hannibale, ut eam ipsam mensam cruentares hospitis sanguine? Hannibalem pater filio meo potui placare, filium Hannibali non possum? Sed sit nihil sancti, non fides, non religio, non pietas: audeantur infanda, si non perniciem nobis cum scelere afferunt. Unus aggressurus es Hannibalem? quid illa turba tot liberorum servorumque? quid in unum intenti omnium oculi? quid tot dextrae? torpescuntne in amentia illa? Vultum ipsius Hannibalis, quem armati exercitus sustinere nequeunt, quem horret populus Romanus, tu sustinebis? &, alia auxilia desint, me ipsam ferire, corpus meum opponentem pro corpore Hannibalis, sustinebis? Atqui per meum pectus petendus ille tibi transfigendusque est. deterri hinc sine te potius, quam illic vinci. Valeant preces apud te, mea, sicut pro te hodie valuerunt. Lacrimantem inde juvenem cernens, medium complectitur, atque, osculo hærens, non antè precibus abstitit, quam pervicit, ut gladium poneret, fidemque daret, nihil facturum tale. Tum juvenis, Ego quidem, inquit, quam patrie debeo, pietatem exsolvam patri. tuam doleo vicem, cui ter prodita patria sustinendum est crimen; semel, quum defectionis ab Romanis; iterum, quum pacis cum Hannibale fuisti auctor; tertio hodie, quum restituenda Romanis Capuae mora atque impedimentum es. Tu, patria, forrum, quo pro te armatus hanc arcem defendere volebam, hosti minime parcens, quando parens extorquet, recipe. Hæc quum dixisset, gladium in publicum trans maceriam horti abjecit: &, quo minus res suspecta esset, se ipse convivio reddidit.

X. Postero die senatus frequens datus Hannibali. ubi prima ejus oratio perblanda ac benigna fuit, quæ  
gratias

gratias egit Campanis, quòd amicitiam suam Romanæ societati præposuissent : & inter cetera magnifica promissa pollicitus, brevi caput Italiæ omni Capuam fore, juraque inde cum ceteris populis Romanum etiam petiturum. Unum esse exfortem Punicæ amicitiz fœderisque secum facti, quem neque esse Campanum, neque dici debere, Magium Decium. eum postulare, ut sibi dedatur, ac se præsentem de eo referatur, senatûsque consultum fiat. Omnes in eam sententiam ierunt : quanquam magnæ parti & vir indignus eâ calamitate, & haud parvo initio minui videbatur jus libertatis. Egressus curiâ, in templo magistratus consedit; comprehendique Decium Magium, atque ante pedes destitutum causam dicere jussit. Qui quum, manente ferociâ animi, negaret lege fœderis id cogi posse, tum injectæ catenæ, ducique ante lictorem in castra est iussus. Quoad capite aperto est ductus, concionabundus incessit, ad circumfusam undique multitudinem vociferans: *Habetis libertatem, Campani, quam petistis. foro medio, luce clarâ, videntibus vobis, nulli Campanorum secundus, victus ad mortem rapior. Quid violentius Caput caplâ fieret? Ite obviam Hannibali, exornate urbem, diemque adventûs ejus consecrate, ut hunc triumphum de cive vestro spectetis.* Hæc vociferanti, quum moveri vulgus videretur, obvolutum caput est, ociusque rapi extra portam jussus. ita in castra perducitur, extemploque impositus in navim, & Karthaginem missus; ne, motu aliquo Capuæ ex indignitate rei orto, senatum quoque pœniteret dediti principis: &, legatione missâ ad repetendum eum, ne aut negando rem, quam primum peterent, offendendi sibi novi focii; aut tribuendo, habendus Capuæ esset seditionis ac turbarum auctor. Navem Cyrenas detulit tempestas, quæ tum in ditione regum erant. ibi quum Magius ad statuam Ptolemæi regis confugisset, deportatus à custodibus Alexandriam ad Ptolemæum; quum eum docuisset, contra  
jus

jus foederis vinctum se ab Hannibale esse, vinculis liberatur; permissumque, ut rediret, seu Romam, seu Capuam mallet. *Nec Magius Capuam sibi tutam dicere; & Romam eo tempore, quo inter Romanos Campanisque bellum sit, transfuga magis, quam hospitis, fore domicilium. nusquam malle, quam in regno ejus, vivere, quem vindicem atque auctorem habeat libertatis.*

XI. Dum hæc geruntur, Q. Fabius Pictor legatus à Delphis Romam rediit, responsumque ex scripto recitavit: Divi quoque in eo erant, quibus quoque modo supplicaretur. *tum, si ita faxitis, Romani, vestra res meliores facilioresque crunt: magisque ex sententia respublica vestra vobis procedet, victoriaque duelli populi Romani erit. Pythio Apollini, republica vestra bene gesta servatæque, lucris meritis donum mittitote, deque prada, manubiis, spoliisque honorem habetote, lasciviam à vobis prohibetote.* Hæc ubi ex Græco carmine interpretata recitavit, tum dixit, *se oraculo egressum extemplo his omnibus Divis rem divinam thure ac vino fecisse: jussumque ab templi antistite, sicut coronatus laureâ coronâ & oraculum adisset, & rem divinam fecisset; ita coronatum navim ascendere, nec antè deponere eam, quam Romam pervenisset. Se, quacumque imperata sint, cum summa religione ac diligentia exsecutum; coronam Romæ in aram Apollinis deposuisse.* Senatus decrevit, ut ex res divinæ supplicationesque primo quoque tempore cum cura fierent. Dum hæc Romæ atque in Italia geruntur, nuncius victoriæ ad Cannas Karthaginem venerat Mago Hamilcaris filius: non ex ipsa acie à fratre missus; sed retentus aliquot dies in recipiendis civitatibus Bruttiorum, quæque deficiebant. Is, quum ei senatus datus esset, res gestas in Italia à fratre exponit: *Cam sex imperatoribus eum, quorum quatuor consules, duo dictator ac magister equitum fuerint, cum sex consularibus exercitibus acie conflixisse; occidisse supra ducenta millia hostium: supra quinquaginta millia cepisse. Ex quatuor consulibus duos occidisse; ex duobus saucium alterum,*  
alterum

alterum, toto exercitu amisso, vix cum quinquaginta hominibus effugisse. magistrum equitum, quæ consularis potestas sit, fusum fugatumque: dictatorem, quia se in aciem nunquam commiserit, unicum haberi imperatorem. Bruttios Apulosque, partim Samnitium ac Lucanorum defecisse ad Pænos. Capuam, quod caput, non Campaniæ modò, sed, post afflictam rem Romanam Cannensi pugnâ, Italiæ sit, Hannibali se tradidisse. Pro his tantis totque victoriis, verum esse, grates Deis immortalibus agi haberique.

XII. Ad fidem deinde tam lætarum rerum, effundi in vestibulo curiæ iussit annulos aureos, qui tantus æcervus fuit, ut, metientibus dimidium super tres modos explēsse, sint quidam auctores. Fama tenuit, quæ propior vero est, haud plus fuisse modio. Adjecit deinde verbis, quo majoris cladis indicium esset, neminem, nisi equitem, atque eorum ipsorum primores, id gerere infigne. Summa fuit orationis, *Quo propius spem belli perficiendi sit, eo magis omni ope juvandum Hannibalem esse. procul enim ab domo militiam esse, in media hostium terra. magnam vim frumenti, pecuniæ, absumi: & tot acies, ut hostium exercitus delēsse, ita victoris etiam copias parte aliquid minuisse. Mittendum igitur supplementum esse, mittendam in stipendium pecuniam frumentumque tam bene meritis de nomine Punico militibus. Secundum hæc dicta Magonis lætis omnibus, Himilco, vir factionis Barcinæ, locum Hannonis increpandi esse ratus, Quid est, Hanno? inquit. etiam nunc pœnitet belli suscepti adversus Romanos? Jube dedi Hannibalem: vota in tam prosperis rebus grates Diis immortalibus agi. audiamus Romanum senatorem in Karthaginiensem curia. Tum Hanno: Tacuissē hodie, Patres conscripti, ne quid in communi omnium gaudio, minus latum quod esset vobis, loquerer. nunc interroganti senatori, pœniteatne me adhuc suscepti adversus Romanos belli, si reticeam, aut superbus, aut obnoxius videar: quorum alterum est hominis alienæ libertatis oblitus; alterum suæ. Respondeam igitur Himilconi; non desisse pœnitere me bellū, neque desitū-*

rum autè invictum vestrum imperatorem incusare, quàm finitum aliquà tolerabili conditione bellum videro: nec mihi pacis antiqua desiderium ulla alia res, quàm pax nova, finiet. Itaque ista, qua modò Mago jactavit, Himilconi ceterisque Hannibalis satellitibus jam leta sunt. mihi possunt leta esse, quia res bello bene gesta, si volumus fortunâ uti, pacem nobis auiorem dabunt. nam si prætermittimus hoc tempus, quo magis dare, quàm accipere, possumus videri pacem, vereor, ne hac quoque letitia luxuriet nobis, ac vana evadat. Quam tamen nunc quoque qualis est? Occidi exercitus hostium: mittite milites mihi. quid aliud rogares, si esses victus? Hostium oepi bina castra, prada videlicet plena & comineatum; frumentum, & pecuniam date. quid aliud, si spoliatus, si exutus castris esses, peteres? Et, ne omnia ipse mirer, (mihi quoque enim, quoniam respondi Himilconi, interrogare jus fasque est) velim seu Himilco, seu Mago respondeat; quum ad internecionem Romani imperii pugnatum ad Cannas sit, constetque in defectione totam Italiam esse; primum ecquis Latini nominis populus defecerit ad nos? deinde ecquis homo, ex quinque & triginta tribubus, ad Hannibalem transfugerit? Quum utrumque Mago negasset: Hostium quidem ergo, inquit, adhuc nimis multum superest. Sed, multitudo ea quid animorum, quidve spei habeat, scire velim.

XIII. Quum, id nescire, Mago diceret: Nihil facilius scitu est, inquit. Ecquos legatos ad Hannibalem Romani miserunt de pace? ecquam denique mentionem pacis Roma factam esse, allatum ad vos est? Quum id quoque negasset, Bellum igitur, inquit, tam integrum habemus, quàm habuimus, quâ die Hannibal in Italiam est transgressus. Quàm varia victoria priore Punico bello fuerit, plerique, qui meminerimus, supersumus. nunquam terrâ marique magis prospera res nostra visa sunt, quàm ante consules C. Lutatium & A. Postumium fuerunt. Lutatio & Postumio consulibus, devicti ad Ægates insulas sumus. Quòd si (id quod Diis omen avertant) nunc quoque fortuna aliquid variauerit; tum pacem speratis, quum vincemur, quam nunc, quum vincimus,

*dat nemo? Ego, si quis de pace consulet, seu deferenda hostibus, seu accipienda, habeo, quid sententia dicam: si de iis, quæ Mago postulat, refertis, nec victoribus mitti attinere putato, et frustrantibus nos falsâ atque inani spe, multo minus censeo mittenda esse.* Haud multos movit Hannonis oratio. nam & simulas cum familia Barcina leviolem auctorem faciebat, & occupati animi præsentis lætitiâ nihil, quo vanius fieret gaudium suum, auribus admitterebant: debellatumque mox fore, si adniti paululum voluissent, rebantur. Itaque ingenti consensu fit senatusconsultum, ut Hannibali quatuor Numidarum millia in supplementum mitterentur, & quadraginta elephantis, & argenti multa talenta. Dictatorque cum Magone in Hispaniam præmissus est, ad conducenda viginti millia peditum, quatuor equitum, quibus exercitus, qui in Italia, quique in Hispania erant, supplerentur.

XIV. Ceterum hæc, ut in secundis rebus, segniter otiosæque gesta. Romanos, præter insitam industriam animis, fortuna etiam cunctari prohibebat. nam nec consul ulli rei, quæ per eum agenda esset, deerat: & dictator M. Junius Pera, rebus divinis perfectis, latoque, ut solet, ad populum, ut equum descendere liceret, præter duas urbanas legiones, quæ principio anni à consulibus conscriptæ fuerant, & servorum delectum, cohortesque ex agro Piceno & Gallico collectas, ad ultimum propè desperatæ reipublicæ auxilium, quum honesta utilibus cedunt, descendit, edixitque: *Qui capitalem fraudem ausi, quique pecuniæ judicati in vinculis essent, qui eorum apud se milites fierent, eos noxâ pecuniæque sese exsolvi jussurum.* ea sex millia hominum Gallicis spoliis, quæ triumpho C. Flamini translatæ erant, armavit. itaque cum viginti quinque millibus armatorum ab urbe proficiscitur. Hannibal, Capuâ receptâ, quum iterum Neapolitanorum animos, partim spe, partim metu, nequicquam tentasset, in agrum Nola-



num exercitum traducit: & ut non hostiliter statim, quia non desperabat voluntariam deditionem; ita, si morarentur spem, nihil eorum, quæ pati aut timere possent, prætermisurus. Senatus, ac maximè primores ejus, in societate Romana cum fide perstare; plebs novarum, ut solet, rerum atque Hannibalis tota esse; metumque agrorum populationis, & patienda in obsidione multa gravia indignaque proponere animo. neque auctores defectionis deerant. Itaque ubi senatum metus cepit, si-propalam tenderent, resisti multitudini concitatæ non posse; clam simulando dilationem mali inveniunt. placere enim sibi defectionem ad Hannibalem simulant: quibus autem conditionibus in fœdus amicitiamque novam transeant, parum constare. Ita spatio sumpto, legatos propere ad prætorem Romanum Marcellum Claudium, qui Casilini cum exercitu erat, mittunt, docentque, quanto in discrimine sit Nolana res, agrum Hannibalis esse & pœnorum, urbem extemplo futuram, ni subveniatur. concedendo plebei senatum, ubi velint, defecturos se; ne deficere præferant, effecisse. Marcellus, collaudatis Nolanis, eadem simulatione extrahi rem in suum adventum iussit: interim celari, quæ secum acta essent, spemque omnem auxilii Romani. Ipse à Casilino Calatiam petiit: atque inde, Vulturno amni trajecto, perque agrum Saticulanum Trebulanumque super Sueffulam per montes Nolam pervenit.

XV. Sub adventum prætoris Romani Pœnus agro Nolano excessit, & ad mare proximè Neapolim descendit, cupidus maritimi oppidi potiundi, quod cursus navibus tutus ex Africâ esset. Ceterum, postquam Neapolim à præfecto Romano teneri accepit, (M. Junius Silanus erat, ab ipsis Neapolitanis accitus) Neapoli quoque, sicut Nola, omisâ, petit Nuceriam. eam quum aliquandiu circumfedisset, sæpe vi, sæpe sollicitandis nequicquam nunc plebe, nunc principibus, fa-

me

me demum in deditionem accepit, pactus, ut inermes cum singulis abirent vestimentis. deinde, ut qui à principio mitis omnibus Italicis, præter Romanos, videri vellet, præmia atque honores, qui remanerent, ac militare secum voluissent, proposuit. Nec eâ spe quemquam tenuit. dilapsi omnes, quocunque hospitia aut fortuitus animi impetus tulit, per Campaniæ urbes, maximè Nolam Neapolimque. Quum ferme triginta senatores, ac fortè primus quisque, Capuam petissent, exclusi inde, quòd portas Hannibali clausissent, Cumas se contulerunt. Nuceriæ præda militi data est, urbs direpta atque incensa. Nolam Marcellus non sui magis fiduciâ præsidii, quàm voluntate principum, habebat. plebes timebatur, & ante omnes L. Bantius, quem consensus attentatæ defectionis, ac metus à prætor Romano, nunc ad proditionem patriæ, nunc, si ad id fortuna defuisset, ad transfugiendum stimulabat. Erat juvenis acer, & sociorum eâ tempestate propè nobilissimus eques, seminecem cum ad Cannas in acervo cæsorum corporum inventum, curatumque benignè, etiam cum donis Hannibal domum remiserat. ob ejus gratiam meriti rem Nolanam in jus ditionemque dare voluerat Pæno: anxiumque eum & sollicitum curâ novandi res prætor cernebat. Ceterùm, quum aut poenâ cohibendus esset, aut beneficio conciliandus, sibi assumpsisse, quàm hosti ademisse, fortem ac strenuum maluit focium, accitumque ad se benignè appellat: *Multos eum invidos inter populares habere, inde estimatu facile esse, quòd nemo civis Nolanus sibi indicaverit, quàm multa ejus egregia facinora militaria essent. Sed, qui in Romanis militaverit castris, non posse obscuram ejus virtutem esse. multos sibi, qui cum eo stipendia fecerint, referre, qui vir esset ille, quaque & quoties pericula pro salute ac dignitate populi Romani adisset: utique Cannensi prælio non priùs pugna abstiterit, quàm propè exsanguis ruina superincidentiam virorum, equorum, armorumque sit oppressus.*

*Itaque maxime virtute esto, inquit. apud me tibi omnis honor atque omne premium erit: & quo frequentior mecum fueris, senties eam rem tibi dignitati atque emolumento esse. Ixtoque juveni promissis equum eximium dono dat, bigatosque quingentos quæstorem numerare jubet: lictoribus imperat, ut eum se adire, quoties velit, patiantur.*

XVI. Hac comitate Marcelli ferocis juvenis animus adeo est mollitus, ut nemo inde sociorum rem Romanam fortius ac fidelius juverit. Quum Hannibal ad portas esset, (Nolam enim rursus à Nuceria moverat castra) plebesque Nolana de integro ad defectionem spectaret, Marcellus sub adventum hostium intra muros se recepit; non castris metuens, sed ne prodendæ urbis occasionem nimis multis in eam imminentibus daret. Instruî deinde utrinque acies coeptæ, Romanorum pro mœnibus Nolæ, Pœnorum ante castra sua. prælia hinc parva inter urbem castraque, & vario eventu fiebant: quia duces nec prohibere paucos temere provocantes, nec dare signum universæ pugnæ volebant. In hac quotidiana duorum exercituum statione principes Nolanorum nunciant Marcello, *nocturna colloquia inter plebem ac Pœnos fieri: statutumque esse, ut, quum Romana acies egressa portis iret, impedimenta eorum ac sarcinas diriperent; clauderent deinde portas, murosque occuparent, ut, potentes rerum suarum atque urbis, Pœnum inde pro Romano acciperent.* Hæc ubi nunciata sunt Marcello, collaudatis senatoribus Nolanis, priusquam aliquis motus intus oriretur, fortunam pugnæ experiri statuit. Ad tres portas in hostes versas tripartitò exercitum instruxit: impedimenta subsequi iussit: calones lixasque & invalidos milites vallum ferre. mediâ portâ roborâ legionum & Romanos equites, duabus circâ portis novos milites levemque armaturam ac sociorum equites statuit. Nolani muros portasque adire vetiti; subsidiaque destinata impedimentis data, ne,

occu-

occupatis proelio legionibus, in ea impetus fieret. ita instructi intra portas stabant. Hannibali, sub signis (id quod per aliquot dies fecerat) ad multum diei in acie stanti, primò miraculo esse, quòd hec exercitus Romanus portà egrederetur, nec armatus quisquam in muris esset. ratus deinde prodita colloquia esse, metuque residues factos, partem militum in castra remittit, iussos propere apparatus omnem oppugnandæ urbis in primam aciem afferre; satis fidens, si cunctantibus instaret, tumultum aliquem in urbe plebem moturam. Dum in sua quisque ministeria discursu trepidat ad prima signa, succeditque ad muros acies, patefactâ repente portâ, Marcellus signa canere, clamoremque tolli, ac pedites primùm, deinde equites, quanto maximo possent impetu, in hostem erumpere jubet. Satis terroris tumultusque in aciem mediam intulerant, quum duabus circâ portis P. Valerius Flaccus & C. Aurelius legati in cornua hostium erupere. Addidere clamorem lixæ calonesque, & alia turba custodiæ impedimentorum apposita, ut paucitatem maximè spernentibus Pœnis ingentis repente exercitus speciem fecerint. Vix equidem ausim affirmare, quod quidam auctores sunt, duo millia & octingentos hostium cæsos; non plus quingentos Romanum amisisse. Sive tanta, sive minor victoria fuit, ingens eo diè res, ac nescio, an maxima illo bello gesta sit. non vinci enim ab Hannibale vincetibus difficilius fuit, quàm postea vincere.

XVII. Hannibal, spe potiundæ Nolæ ademptâ, quum Acerras recessisset, Marcellus extemplo, clausis portis custodibusque dispositis, ne quis egrederetur, quæstionem in foro de iis, qui clam in colloquiis hostium fuerant, habuit: supra septuaginta damnatos proditoris securi percussit, bonaque eorum iussit publica populi Romani esse: &, summâ rerum senatui traditâ, cum exercitu omni profectus, supra Sueffulam castris positus confedit. Pœnus, Acerras primùm ad

voluntariam deditionem conatus perlicere, postquam obstinatos vidit, obsidere inde atque oppugnare parat. ceterum Acerranis plus animi, quam virium, erat. Itaque, desperatâ tutelâ urbis, ut circumvallari mœnia viderunt, priusquam continuarentur hostium opera, per intermissa munimenta neglectasque custodias silentio noctis dilapsi, per vias inviaque, quâ quemque aut consilium aut terror tulit, in urbes Campaniæ, quas satis certum erat non mutâsse fidem, perfugerunt. Hannibal, Acerris direptis atque incensis, quum à Casilino dictatorem Romanum legionesque novas acciri nunciâssent, ne quis tam propinquis hostium castris Capuam quoque recurrat, exercitum ad Casilinum ducit. Casilinum eo tempore quingenti Prænestini habebant, cum paucis Romanis Latinique nominis, quos eodém audita Cannensis clades contulerat. hi, non confecto Præneste ad diem delectu, serius profecti domo, quum Casilinum ante adversæ pugnæ famam venissent, & aliis aggregarent sese Romanis sociisque, profecti à Casilino quum satis magno agmine irent; avertit eos retro Casilinum nuncius Cannensis pugnæ. ibi quum dies aliquot, suspecti Campanis timentesque, cavendis ac struendis in vicem insidiis traduxissent, jamque de Capuæ defectione agi, accipique Hannibalem satis pro certo habuere, interfectis nocte oppidanis, partem urbis, quæ cis Vulturum est, (eo enim dividitur anni) occupavere. idque præsidium Casilini habebant Romani. Additur & Perusina cohors, homines quadringenti sexaginta, eodém nuncio, quo Prænestini paucos ante dies, Casilinum compulsi. & satis ferme armatorum ad tam exigua mœnia, & flumine alterâ parte cincta, tuenda erat. penuria frumenti, nimium etiam ut videretur hominum, efficiebat.

XVIII. Hannibal quum jam inde haud procul esset, Gætulos cum præfecto, nomine Isalca, præmittit: ac primò, si fiat colloquii copia, verbis benignis ad portas

portas aperiendas præsidiumque accipiendum perlicere jubet: si in pertinacia perstent, rem gerere ac tentare, si quâ parte invadere urbem possit. Ubi ad mœnia accessere, quia silentium erat, solitudo visa; metuque concessum barbarus ratus, moliri portas & claustra refringere parat. quum, patefactis repentè portis, cohortes duæ, ad id ipsum instructæ intus, ingenti cum tumultu erumpunt, stragemque hostium faciunt. Itâ primis repulsis, Maharbal, cum majore robore virorum missus, nec ipse eruptionem cohortium sustinuit. postremò Hannibal, castris ante ipsa mœnia oppositis, parvam urbem parvumque præsidium summâ vi atque omnibus copiis oppugnare parat. ac, dum instat læcessitque, coronâ undique circumdatis mœnibus, aliquot milites & promptissimum quemque, è muro turribusque istos, amisit. Semel ultrò erumpentes agmine elephantorum opposito propè interclusit, trepidosque compulit in urbem, fatis multis, ut ex tanta paucitate, interfectis. plures cecidissent, ni nox prælio intervenisset. Postero die omnium animi ad oppugnandum accenduntur; utique postquam corona aurea muralis proposita est, atque ipse dux castelli, plano loco positi, segnem oppugnationem Sagunti expugnatoribus exprobrabat, Cannarum Trasimenique & Trebiæ singulos admonens, universosque. Inde vineæ quoque cœptæ agi cuniculique: nec ad varios conatus hostium aut vis ulla, aut ars deerat. Socii Romanorum propugnacula adversus vineas statuere, transversis cuniculis hostium cuniculos excipere, & palam & clame cœptis obviam ire; donec pudor etiam Hannibalem ab incepto avertit: castrisque communitis, ac præsidio modico imposito, ne omissa res videretur, in hiberna Capuam concessit. Ibi partem majorem hiemis exercitum in testis habuit, adversus omnia humana mala sæpe ac diu duratum, bonis inexpertum atque insuetum, itaque, quos nulla mali vicerat vis, perdidere nimia

bona ac voluptates immodicæ; & eo impensius, quo avidius ex insolentia in eas se merferant. Somnus enim, & vinum, & epulæ, & scorta, balineaque, & otium, consuetudine in dies blandius, ita enervaverunt corpora animosque, ut magis deinde præteritæ victoriæ eos, quàm præsentis tutarentur vires; majusque id peccatum ducis apud peritos artium militarium haberetur, quàm quòd non ex Cannensi acie protinus ad urbem Romanam duxisset. illa enim cunctatio distulisse modò victoriam videri potuit; hic error vires ademisse ad vincendum. Itaque, hercule, velut si cum alio exercitu à Capua exiret, nihil usquam pristinæ disciplinæ tenuit. nam & redierunt plerique scortis impliciti: & ubi primum sub pellibus haberi cœpti sunt, viaque & alius militaris labor excepit, tironum modò corporibus animisque deficiebant: & deinde per omne æstivorum tempus magna pars sine comœdationibus ab signis dilabebantur: neque aliæ latebræ, quàm Capua, desertoribus erant.

XIX. Ceterum, mitesciente jam hieme, educto ex hibernis milite, Casilinum redit. ubi, quanquam ab oppugnatione cessatum erat, obsidio tamen continuata oppidanos præsidiumque ad ultimum inopiæ adduxerat. Castris Romanis Ti. Sempronius præerat, dictatore auspiciis repetendorum causâ profecto Romanam. Marcellum, & ipsum cupientem ferre auxilium obsessis, & Vulturis amnis inflatis aquis, & preces Nolanorum atque Acerranorum, tenebant, Campanos timentium, si præsidium Romanum abscessisset. Gracchus, assidens tantum Casilino, quia prædictum erat dictatoris, ne quid absente eo rei gereret, nihil movebat: quanquam, quæ faciliè omnem patientiam vincerent, nunciabantur à Casilino. nam &, præcipitasse se quosdam non tolerantes famem, constabat; & stare inermes in muris, nuda corpora ad missilium telorum ictus præbentes. Ea ægre patiens Gracchus, quum  
neque

neque pugnam conferere dictatoris injussu auderet, (pugnandum autem esse, si palam frumentum importaret, videbat,) neque clam importandi spes esset, farre, ex agris circa undique conveſto, quum complura dolia complēſſet, nuncium ad magistratum Caſilinum miſit, ut exciperent dolia, quæ amnis deferret. Inſequenti nocte, intentis omnibus in flumen ac ſpem ab nuncio Romano factam, dolia medio miſſa amni deſluerunt: æqualiter inter omnes frumentum diviſum. Id poſtero quoque die ac tertio factum eſt. nocte & mittebantur & perveniebant: eo cuſtodias hoſtium fallabant. Imbribus deinde continuis citatior ſolito amnis, tranſverſo vortice dolia impulit ad ripam, quam hoſtes ſervabant. ibi hærentia inter obnata ripis ſalicta cōſpiciuntur: nunciatumque Hannibali eſt, & deinde intentiore cuſtodiâ cautum, ne quid falleret Vulturno ad urbem miſſum. Nuces tamen fuſæ ab Romanis caſtris, quum medio amni ad Caſilinum deſluerent, eratibus excipiebantur. Poſtremo ad id ventum inopiz eſt, ut lora detractasque ſcutis pelles, ubi ſervidâ molliſſent aquâ, mandere conarentur, nec muribus a hœve animali abſtinerent, & omne herbarum radicum, que genus aggeribus infimis muri cruerent; &, quum hoſtes obarâſſent quidquid herbidi terreni extra murum erat, raporum ſemen injecerunt, ut Hannibal, *Eone uſque dum ea naſcantur, ad Caſilinum ſeſſurus ſum?* exclamaret: &, qui nullam antea paſſionem auribus admiſerat, tum demum agi ſecum eſt paſſus de redemptione liberorum capitum. Septunces auri in ſingulos pretium convenit. Fide acceptâ, ſeſe tradiderunt: donec omne aurum perſolutum eſt, in vinculis habitum remiſſi. Cumas cum fide. Id verius eſt, quàm ab equite inabeuntes immiſſo interfectos. Præneſtini maxima pars fuere. ex quingentis ſeptuaginta, qui in præſidio fuerunt, minus dimidium ferrum famēſque abſumpſit: ceteri incolumes Præneſte cum prætore ſuo.



Manicio (scriba is antea fuerat) redierunt. Statua ejus indicio fuit, Prænestæ in foro statuta, loricata, amicta togâ, velato capite; & tria signa cum titulo latinæ æneæ inscripto, *Manicium pro militibus, qui Casilini in præsidio fuerint, votum vovisse*. Idem titulus tribus signis in æde Fortunæ positus fuit subjectus.

XX. Casilinum oppidum redditum Campanis est, firmatum septingentorum militum de exercitu Hannibalis præsidio; ne, ubi Pænus inde abscessisset, Romani oppugnarent. Prænestinis militibus senatus Romanus duplex stipendium & quinquennii militiæ vacationem decrevit. civitate quum donarentur ob virtutem, non mutaverunt. Perusinorum casus obscurior fama est; quia nec ipsorum monumento ullo est illustratus, nec decreto Romanorum. Eodem tempore Petelinos, qui uni ex Brutiis manserant in amicitia Romana, non Karthaginenses modò, qui regionem obtinebant, sed Bruttii quoque ceteri, ob separata ab se consilia, oppugnabant. Quibus quum obsistere malis nequirent Petelini, legatos Romam ad præsidium petendum miserunt. quorum preces lacrimæque (in questus enim flebiles, quum sibi met ipsi consulere iussi sunt, sese in vestibulo curiæ profuderunt) ingentem misericordiam Patribus ac populo moverunt. consul-tique iterum à M. Pomponio prætore Patres, circumspectis omnibus imperii viribus, fateri coacti, nihil jam longinquis sociis in se præsidii esse, redire domum, fideque ad ultimum expletâ, consulere sibi met ipsos in reliquum præsentis fortunâ jusserunt. Hæc postquam renunciata legatio Petelinis est, tantus repente mœror pavorque senatum eorum cepit, ut pars profugiendi, quâ quisque posset, ac deferendæ urbis auctores essent; pars, quando deserti à veteribus sociis essent, adjungendi se ceteris Brutiis, ac per eos dedendi Hannibali. Vicit tamen ea pars, quæ nihil raptim nec temere agendum, consulendumque de inte-  
gro

gro censuit. Relaxatâ postero die per minorem trepidationem tenuerunt optimates, ut, conuictis omnibus ex agris, urbem ac muros firmarent.

XXI. Per idem fere tempus literæ ex Sicilia Sardiniaque Romam allatæ. Priores ex Sicilia T. Otacilii proprætoris in senatu recitatæ sunt: *L. Furium prætorem cum classe ex Africa Lilybaeum venisse: ipsum graviter saucium in discrimine ultimo vita esse. militi & navali-  
bus sociis neque stipendium, neque frumentum ad diem dari; neque, unde detur, esse. magnopere suadere, ut quamprimum ea mittantur; sibi, si ita videatur, ex novis prætoribus successorem mittant.* Eademque sermo de stipendio frumentoque ab A. Cornelio Mammula proprætor ex Sardinia scripta. Responsum utrisque, non esse, unde mitteretur. iussique ipsi classibus atque exercitibus suis consulere. T. Otacilius, ad unicum subsidium populi Romani Hieronem legatos quum misisset, in stipendium, quanti argenti opus fuit, & sex mensium frumentum accepit. Cornelio in Sardinia civitates sociæ benignè contulerunt. Et Romæ quoque propter penuriam argenti triumviri mensarii, rogatione M. Minucii tribuni plebis, facti, L. Æmilius Papus, qui consul censorque fuerat, & M. Atilius Regulus, qui bis consul fuerat, & L. Scribonius Libo, qui tum tribunus plebis erat. Et duumviri creati, M. & C. Atilii, ædem Concordiæ, quam L. Manlius prætor voverat, dedicaverunt. Et tres pontifices creati, Q. Cæcilius Metellus, & Q. Fabius Maximus, & Q. Fulvius Flaccus, in locum P. Scantini demortui, & L. Æmilii Paulli consulis, & Q. Ælii Parti, qui ceciderant pugna Cannensi.

XXII. Quum cetera, quæ continuis cladibus fortuna minuerat, quantum consiliis humanis assequi poterant, Patres explerent; tandem se quoque & solitudinem curiæ, paucitatemque convenientium ad publicum concilium respexerunt, neque enim post L. Æmilium

millium & C. Flaminius censores senatus lectus fuerat, quum tantum senatorum adversæ pugnæ, ad hoc sui quemque casus per quinquennium absumpissent. Quum de ea re M. Pomponius prætor, dictatore post Casilinum amissum profecto jam ad exercitum, exposcentibus cunctis retulisset; tum Sp. Carvilius, quum longâ oratione non solum inopiam, sed paucitatem etiam civium, è quibus in Patres legerentur, conquestus esset, explendi senatus causâ, & jungendi arctius Latini nominis, pro magna re se suadere dixit, ut ex singulis populis Latinorum, binis senatoribus, si Patres Romani censuissent, civitas daretur, atque in demortuorum locum in senatum legerentur. Eam sententiam haud æquioribus animis, quàm ipsorum quondam postulatum Latinorum, Patres audierunt: &, quum fremitus indignantium totâ curiâ esset; & præcipue Manlius, esse etiam nunc stirpis ejus viram, diceret, ex qua quondam in Capitolio consul minatus esset, quem Latinum in curia vidisset, eum suâ manu se interfekturum; Q. Fabius Maximus, nunquam rei ullius alieniore tempore mentionem factam in senatu, dixit, quàm inter tam suspensos sociorum animos incertamque fidem id tactum, quod insuper sollicitaret eos. eam unius hominis temerariam vocem silentio omnium extinguendam esse: &, si quid unquam arcani sanctive ad silendum in curia fuerit, id omnium maximè tegendum, occultandum, obliviscendum, pro non dicto habendum esse. ita ejus rei oppressa mentio est. Dictatorem, qui censor antè fuisset, vetustissimusque ex eis, qui viverent, censoriis esset, creari placuit, qui senatum legeret: accinque C. Terentium consulem ad dictatorem dicendum jusserunt. qui, quum ex Apulia, relicto ibi præsidio, magnis itineribus Romam redisset, nocte proximâ, ut mos erat, M. Fabium Buteonem ex senatusconsulto sine magistro equitum dictatorem in sex menses dixit.

XXIII. Is, ubi cum lictoribus in Rostra descendit, neque duos dictatores tempore uno, quod nunquam antea fa-

ctum

*Etum esset, probare se, dixit: neque dictatorem se sine magistro equitum: nec censoriam vim uni permissam & eidem iterum: nec dictatori, nisi rei gerenda causa creato, in sex menses datum imperium. Quae immoderata fors, tempus ac necessitas fecerint, iis se modum impositurum. nam neque senatu quemquam moturum ex iis, quos C. Flaminius, L. Æmilius censes in senatum legissent: transcribi tantum recitarique eos iussurum; ne penes unum hominem iudicium arbitriumque de fama ac moribus senatoris fuerit: & ita in demortuorum locum subleclurum, ut ordo ordini, non homo homini praelatus videretur. Recitato vetere senatu, inde primos in demortuorum locum legit, qui post L. Æmilium & C. Flaminium censes curulem magistratum cepissent, necdum in senatum lecti essent; ut quisque eorum primus creatus erat: tum legit, qui ædiles, tribuni plebei, quaestoresve fuerant: tum ex iis, qui magistratus non cepissent, qui spolia ex hoste fixa domi haberent, aut civicam coronam accepissent. Ita, centum septuaginta septem cum ingenti approbatione hominum in senatum lectis, extemplo se magistratu abdicavit, privatusque de Rostris descendit, listoribus abire iussis, turbæque se immiscuit privatas agentium res, tempus hoc sedulò terens, ne deducendi sui causa populum de foro abduceret: neque tamen elanguit cura hominum eà morà, frequentesque eum domum deduxerunt. Consul nocte insequenti ad exercitum rediit, non facto certiore senatu, ne comitiorum causa in urbe retineretur.*

XXIV. Postero die consultus à M. Pomponio prætore senatus decrevit, dictatori scribendum, uti, si & republica censeret esse, ad consules subrogandos veniret cum magistro equitum & prætore M. Marcello, ut ex iis presentibus noscere Patres possent, quo statu respublica esset, consiliaque ex rebus caperent. Qui acciti erant, omnes venerunt, relictis legatis, qui legionibus præessent. Dictator, de se pauca ac modicè locutus,

locutus, in magistrum equitum, Ti. Sempronium Gracchum, magnam partem gloriæ vertit; comitiaque edixit, quibus L. Postumius tertium absens, qui tum Galliam provinciam obtinebat, & Ti. Sempronius Gracchus, qui tum magister equitum & ædilis curulis erat, consules crearentur. Prætores inde creati, M. Valerius Lævinus, Ap. Claudius Pulcher, Q. Fulvius Flaccus, Q. Mucius Scævola. Dictator, creatis magistratibus, Teanum in hiberna ad exercitum rediit, relicto magistro equitum Romæ: qui, quum post paucos dies magistratum initurus esset, de exercitibus scribendis comparandisque in annum Patres consulere. Quum ex res maximè agerentur, nova clades nunciata, aliam super aliam cumulate in eum annum fortunâ; L. Postumium, consulem designatum, in Gallia ipsum atque exercitum deletos. Silva erat vasta (Litanam Galli vocabant) quâ exercitum traducturus erat. ejus silvæ dextrâ lævâque circa viam Galli arbores ita inciderant, ut immotæ starent, momento levi impulsæ occiderent. Legiones duas Romanas habebat Postumius, sociumque ab supero mari tantum conscripserat, ut viginti quinque millia armatorum in agros hostium induxerit. Galli oram extremæ silvæ quum circumfedisent, ubi intravit agmen saltum, tum extremas arborum succifarum impellunt. quæ, alia in aliam, instabilem per se ac malè hærentem, incidentes, ancipiti strage arma vires, equos obruerunt, ut vix decem homines effugerent. Nam quum exanimati plerique essent arborum truncis fragmentisque ramorum, ceteram quoque multitudinem, inopinato malo trepidam, Galli, saltum omnem armati circumfidentes, interfecerunt; paucis è tanto numero captis, qui, fluminis pontem petentes, obsessio antè ab hostibus ponte interclusi sunt. Ibi Postumius, omni vi, ne caperetur, dimicans, occubuit. spolia corporis caputque ducis præcisum Boji evantes templo, quod sanctissimum

missimum est apud eos, intulere: purgato inde capite, ut mos iis est, calvam auro calavere. idque sacrum vas iis erat, quo solennibus libarent: poculumque idem sacerdoti esse, ac templi antistitibus. Præda quoque haud minor Gallis, quàm victoria, fuit. nam et si magna pars animalium strage silvæ oppressa erat, tamen ceteræ res, quia nihil dissipatum fugâ est, stratæ per omnem jacentis agminis ordinem inventæ sunt.

XXV. Hac nunciata clade, quum per dies multos in tanto pavore fuisset civitas, ut, tabernis clausis, velut nocturnâ solitudine per urbem actâ, senatus ædilibus negotium daret, ut urbem circumirent, aperiri que tabernas, & mœstitiæ publicæ speciem urbi demitterent; tum Ti. Sempronius senatum habuit, consolatusque Patres est, & adhortatus, *ne, qui Cannensæ ruine non succubissent, ad minores calamitates animos submitterent. quod ad Karthaginenses hostes Hannibalemque attinget, prospera modò essent, sicut speraret futura, Gallicum bellum & omitti tutò & differri posse: ultionemque eam fraudis in Deorum ac populi Romani potestate fore. De hoste Pæno exercitibusque, per quos id bellum gereretur, consultandum atque agendum.* Ipse primùm, quid peditum equitumque, quid civium, quid sociorum in exercitu esset dictatoris, differuit. Tum Marcellus suarum copiarum summam exposuit. Quid in Apulia cum C. Terentio consule esset, à peritis quæsitum est. nec, unde consulares exercitus satis firmi ad tantum bellum efficerentur, inibatur ratio. itaque Galliam, quanquam stimulabat justa ira, omitti eo anno placuit. Exercitus dictatoris consuli decretus est. De exercitu Marcelli, qui eorum ex fuga Cannensi essent, in Siciliam eos traduci, atque ibi militare, donec in Italia bellum esset, placuit. eodem ex dictatoris legionibus rejici militem minimi quemque roboris, nullo præstituto militiæ tempore, nisi qui stipendiorum legitimorum esset. Duæ legiones urbanæ alteri consuli, qui in locum L. Postumii successus esset,

set, decretæ sunt: eumque, quum primùm salvis auspiciis posset, creari placuit. legiones præterea duas primo quoque tempore ex Sicilia acciri: atque inde consul, cui legiones urbanæ evenissent, militem sumeret quantum opus esset. C. Terentio consuli propagari in annum imperium: neque de eo exercitu, quem ad prædium Apuliæ haberet, quicquam minui.

XXVI. Dum hæc in Italia geruntur apparanturque, nihilo segnius in Hispaniâ bellum erat: sed ad eam diem magis prosperum Romanis. P. & Cn. Scipionibus inter se partitis copias, ut Cnæus terrâ, Publius navibus, rem gereret; Hasdrubal Pœnorum imperator, neutri parti virium satis fidens, procul ab hoste, intervallo ac locis tutus, tenebat se: quoad multum ac diu obtestanti, quatuor millia peditum, & quingenti equites in supplementum missi ex Africa sunt. Tum refectâ tandem spe, castra propius hostem movit: classemque & ipse instrui pararique jubet, ad insulas maritimamque oram tutandam. In ipso impetu movendarum de integro rerum, perculit eum præfectorum navium transitio: qui, post classem ad Iberum per pavorem desertam graviter increpiti, nunquam deinde satis fidi aut duci, aut Karthaginienſium rebus fuerant. Fecerant hi transfugæ motum in Carpesiorum gente, desciverantque iis auctoribus urbes aliquot: una etiam ab ipsis vi capta fuerat. In eam gentem versum ab Romanis bellum est; infestoque exercitu Hasdrubal ingressus agrum hostium, pro captæ ante dies paucos urbis mœnibus, Galbum, nobilem Carpesiorum ducem, cum valido exercitu castris sese tenentem, aggredi statuit. Præmissâ igitur levi armaturâ, quæ eliceret hostes ad certamen, peditum partem ad depopulandum per agros passim dimisit, ut palantes exciperent. Simul & ad castra tumultus erat, & per agros fugaque & cædes; deinde undique diversis itineribus quum in castra se recepissent, adeo repenti decessit animis pavor,

vor, ut non ad munimenta modò defendenda satis animorum esset, sed etiam ad laceffendum hostem prælio. Erumpunt igitur agmine è castris, tripudiantes more suo; repentinaque eorum audacia terrorem hosti, paulo antè ultro laceffenti, incussit. Itaque & ipse Hasdrubal in collem satis arduum, tutum flumine etiam objecto, tum copias abducit, & præmissam levem armaturam equitesque palatos eodem recipit: nec aut colli aut flumini satis fidens, vallo castra permunit. In hoc alterno pavore certamina aliquot sunt contracta. nec Numida Hispano eques par fuit; nec jaculator Maurus cetrato, velocitate pari, robore animi viriumque aliquantum præstanti.

XXVII. Postquam neque elicere Pœnum ad certamen obversati castris poterant, neque castrorum oppugnationo facilis erat; urbem Ascuam, quò, fines hostium ingrediens, Hasdrubal frumentum commeatusque alios convexerat, vi capiunt, omnique circà agro potiuntur. nec jam, aut in agmine, aut in castris, ullo imperio contineri. Quam ubi negligentiam ex re (ut fit) bene gesta oriri senserat Hasdrubal, cohortatus milites, ut palatos sine signis hostes aggrederentur, degressus colle, pergit ire acie instructà ad castra. quem ut adesse tumultuosè nunciavere fugientes ex speculis stationibusque, ad arma conclamatum est. Ut quisque arma ceperat, sine imperio, sine signo, incompòsitè, inordinati in prælium ruunt. Jam primi conseruerant manus, quum alii catervatim current, alii nondum è castris exissent. tamen primò ipsà audacià terruere hostem. deinde rari in confertos illati, quum paucitas parum tuta esset, respicere alii alios, & undique pulsi còrrere in orbem; & dum corporibus applicantur, armaque armis jungunt, in arctum compulsi, quum vix movendis armis satis spatii esset, coronà hostium cincti, ad multum dici cæduntur. Exigua pars, eruptione factà, silvas ac montes petit: parique terrore & castra



castra sunt deserta, & universa gens postero die in deditionem venit. Nec diu in pacato mansit. nam subinde ab Karthagine allatum est, ut Hasdrubal primo quoque tempore in Italiam exercitum duceret. quæ vulgata res per Hispaniam omnium ferme animos ad Romanos avertit. Itaque Hasdrubal extemplo literas Karthaginem mittit, indicans, quanto fama profectiois suæ damno fuisset. *Si verò inde pergeret, priusquam Iberum transfret, Romanorum Hispaniam fore. Nam, praterquam quòd nec presidium, nec ducem haberet, quem relinqueret pro se; eos imperatores esse Romanos, quibus vix equis viribus resisti possit. Itaque si ulla Hispania cura esset, successorem sibi cum valido exercitu mitterent: cui, ut omnia prospere evenirent, non tamen otiosam provinciam fore.*

XXVIII. Hæ literæ quanquam primò admodum moverunt senatum; tamen, quia Italiæ cura prior potiorque erat, nihil de Hasdrubale, neque de copiis ejus mutatum est. Himilco cum exercitu justo & aucta classe, ad retinendam terrâ marique ac tuendam Hispaniam, est missus; qui, ut pedestres navalesque copias trajecit, castris communitis, navibusque subductis & vallo circumdatis, cum equitibus delectis ipse, quantum maximè accelerare poterat, per dubios infestisque populos juxtà intentus ad Hasdrubalem pervenit. Quum decreta senatûs mandataque exposuisset, atque edidicisset ipse in vicem, quemadmodum tractandum bellum in Hispania foret, retro in sua castra rediit; nullâ re, quàm celeritate, tutior, quòd undique abierat, antequam consentirent. Hasdrubal, priusquam moveret castra, pecunias imperat populis omnibus suæ ditionis, satis gnarus, Hannibalem transitus quosdam pretio mercatum: nec auxilia Gallica aliter, quàm conductâ, habuisse; inopem, tantum iter ingressum, vix penetraturum ad Alpes fuisse. pecuniis igitur raptim exactis, ad Iberum descendit. Decreta Karthaginensium & Hasdrubalis iter ubi ad Romanos sunt

ſunt perlata, omnibus omiſſis rebus, ambo duces, junctis copiis, ire obviã cœptis atque obſiſtere parant; rati ſi Hannibali, vix per ſe ipſi tolerando Italiz hoſti, Haſdrubal dux atque Hiſpanienſis exercitus eſſet junctus, illum Romani finem imperii fore. His anxii curis ad Iberum contrahunt copias; &, tranſito amne, quum diu conſultâſſent, utrũ caſtra caſtris conferrent, an ſatis haberent, fociis Karthaginienſium oppugnandis, morari ab itinere propoſito hoſtem, urbem à propinquo ſumine Iberam appellatam, opulentiffimam eã tempeſtate regionis ejus, oppugnare parant. quod ubi ſenſit Haſdrubal, pro ope ferenda fociis, pergit ipſe ire ad urbem, deditam nuper in fidem Romanorum, oppugnandam. ita jam cœpta obſidio omiſſa ab Romanis eſt, & in ipſum Haſdrubalem verſum bellum.

XXIX. Quinque millium intervallo caſtra diſtantia habuere paucos dies: nec ſine levibus præliis, nec ut in aciem exirent. tandem uno eodemque die velut ex compoſito utrinque ſignum pugnz propoſitum eſt: atque omnibus copiis in campum deſcenſum. Triplex ſtetit Romana acies. velitum pars inter antefignanos locata, pars poſt ſigna accepta, equites cornu cinxere. Haſdrubal mediam aciem Hiſpanis firmat: in cornibus, dextro Pœnos locat, lævo Afros mercenariorumque auxilia: equitum Numidas Pœnorum peditibus, ceteros Afris pro cornibus opponit. nec omnes Numidæ in dextro locati cornu, ſed quibus, deſultorum in modum, binos trahentibus equos inter acerrimam ſæpe pugnam in recentem equum ex ſeſſo armatis tranſultare mos erat: tanta velocitas ipſis, tamque docile equorum genus eſt. Quum hoc modo inſtructi ſtarent, imperatorum utriuſque partis haud ſerme diſpares ſpes erant. nam ne multum quidem, aut numero, aut genere militum, hi aut illi præſtabant. Militibus longè diſpar animus erat. Romanis enim, quanquam procul à patria pugnarent, facilè perſuaſerant

suaserant duces, pro Italia atque urbe Romana eos pugnare. itaque, velut quibus reditus in patriam eo discrimine pugnae verteretur, obstinaverant animis, vincere aut mori. Minus pertinaces viros habebat altera acies. nam maxima pars Hispani erant : qui vinci in Hispania, quam victores in Italiam trahi, malebant. Primo igitur concursu, quum vix pila coniecta essent, retulit pedem media acies, inferentibusque sese magno impetu Romanis terga vertit. Nihilo segnius in cornibus praelium fuit. hinc Poenus, hinc Afer urget : & velut in circumventos praelio ancipiti pugnant. Sed quum in medium tota jam coisset Romana acies, satis virium ad dimovenda hostium cornua habuit. itaque duo diversa praelia erant : utroque Romani, ut qui, pulsus tandem mediis, & numero & robore virorum praestarent, haud dubie superarunt. Magna vis hominum ibi occisa, &, nisi Hispani vixdum conferto praelio tam effuse fugissent, perpauci ex tota superfuissent acie. Equestris pugna nulla admodum fuit. quia, simul inclinatum mediam aciem Mauri Numidarumque viderunt, extemplo fugam effusam nuda cornua, elephantis quoque praese actis, deseruere. Et Hasdrubal, usque ad ultimum eventum pugnae moratus, e media caede cum paucis effugit. Castra Romani cepere, atque diripere. Ea pugna, si qua dubia in Hispania erant, Romanis adjunxit : Hasdrubalique non modo in Italiam traducendi exercitus, sed ne manendi quidem satis tuto in Hispania, spem reliquit. Quae postquam literis Scipionum Romae vulgata sunt, non tam victoria, quam prohibito Hasdrubalis in Italiam transitu, laetabantur.

XXX. Dum haec in Hispania geruntur, Petelia in Bruttis, aliquot post mensibus, quam coepta oppugnari erat, ab Himilcone, praefecto Hannibalis, expugnata est. Multo sanguine ac vulneribus ea Poenis victoria stetit : nec ulla magis vis obsessos, quam fames, expu-

expugnavit. absumptis enim frugum alimentis, carnisque omnis generis quadrupedum; sutrinæ postremo coriis, herbisque & radicibus, & corticibus teneris, strictisque rubis vivere; nec, antequam vires ad standum in muris ferendaque arma decerant, expugnati sunt. Receptâ Peteliâ, Pœnus ad Consentiam copias traducit: quam, minus pertinaciter defensam, intra paucos dies in deditionem accepit. Iisdem ferme diebus & Bruttiorum exercitus Crotonem, Græcam urbem, circumfedit, opulentam quondam armis virisque, tum jam adeo multis magnisque cladibus afflictam, ut omnis ætatis minus viginti millia civium superessent. itaque urbe à defensoribus vastâ faciliè positi sunt hostes: arx tantum retenta, in quam inter tumultum captæ urbis è media cæde quidam effugere. Et Locrenses descivere ad Bruttios Pœnosque, proditâ multitudine à principibus. Rhegini tantummodo regionis ejus, & in fide erga Romanos, & potestatis suæ ad ultimum manserunt. In Siciliam quoque eadem inclinatio animorum pervenit: & ne domus quidem Hieronis tota ab defectione abstinuit. namque Gelo maximus stirpis, contemptâ simul senectute patris, simul post Cannensem cladem Romanâ societate, ad Pœnos defecit: movissetque in Sicilia res, nisi mors adeo opportuna, ut patrem quoque suspicione adaspergeret, armantem eum multitudinem, sollicitantemque socios absumpsisset. Hæc eo anno in Italia, in Africa, in Sicilia, in Hispania vario eventu acta. Exitu anni Q. Fabius Maximus à senatu postulavit, ut ædem Veneris Erycinæ, quam dictator vovisset, dedicare liceret. Senatus decrevit, ut Ti. Sempronius consul designatus, quum primum honorem inisset, ad populum ferret, ut Q. Fabium duumvirum esse juberent ædis dedicandæ causâ. Et M. Æmilio Lepido, qui bis consul augurque fuerat, filii tres, Lucius, Marcus, Quintus, ludos funebres per triduum, & gladiatorum paria duo

duo & viginti per triduum in foro dederunt. *Ædiles curules*, C. Lætorius, & Ti. Sempronius Gracchus, consul designatus, qui in *ædilitate* magister equitum fuerat, ludos Romanos fecerunt, qui per triduum *instaurati* sunt. Plebei *ludi ædili*um M. Aurelii Cottæ & M. Claudii Marcelli ter *instaurati*. Circumactio tertio anno Punici belli, Ti. Sempronius consul Idibus Martiis magistratum iniit. Prætores Q. Fulvius Flaccus, qui antea consul censorque fuerat, urbanam; M. Valerius Lævinus peregrinam sortem in *iurisdictione* habuit. Ap. Claudius Pulcher Siciliam, Q. Mucius Scævola Sardiniam sortiti sunt. M. Marcello proconsule imperium esse populus iussit, quod post Cannensem cladem unus Romanorum imperatorum in Italia prospere rem gessisset.

XXXI. Senatus, quo die primum est in Capitolio consultus, decrevit, ut, quò eo anno duplex tributum imperaretur, simplex confestim exigetur, ex quo stipendium præsens omnibus militibus daretur, præterquam qui milites ad Cannas fuissent. De exercitibus ita decreverunt, ut duabus legionibus urbanis Ti. Sempronius consul Cales ad conveniendum diem ediceret: Inde sex legiones in castra Claudiana supra Suessulam deducerentur. quæ ibi legiones essent, (erant autem Cannensis maximè exercitus) eas Ap. Claudius Pulcher prætor in Siciliam trajiceret; quæque in Sicilia essent, Romam deportarentur. Ad exercitum, cui ad conveniendum Cales edicta dies erat, M. Claudius Marcellus missus: isque iussus in castra Claudiana deducere urbanas legiones. Ad veterem exercitum accipiendum deducendumque inde in Siciliam, T. Metilius Croto legatus ab Ap. Claudio est missus. Taciti primò expectaverant homines, uti consul comitia collegæ creando haberet. deinde, ubi ablegatum, velut de industria, M. Marcellum viderunt, quem maximè consulem in eum annum ob egregiè in prætura res gestas

has creari volebant, fremitus in curia est ortus. Quod ubi sensit consul, *Utrumque, inquit, & republica fuit, Patres conscripti, & M. Claudium ad permutandos exercitus in Campaniam proficisci, & comitia non prius edici, quàm is inde, confecto, quod mandatum est, negotio, revertisset; ut vos consulem, quem tempus reipublicæ postulare, quem maxime vultis, haberetis.* Ita de comitiis, donec rediit Marcellus, silentium fuit. Interea duumviri creati sunt Q. Fabius Maximus & T. Otacilius Crassus, ædibus dedicandis, Menti Otacilius, Fabius Veneri Erycinæ. Utraque in Capitolio est, canali uno discretæ. Et de trecentis equitibus Campanis, qui, in Sicilia cum fide stipendiis emeritis, Romam venerant, dein latum ad populum, ut cives Romani essent: item, uti municipes Cumani essent, pridie quàm populus Campanus à populo Romano defecisset. Maximè, ut hoc ferretur, moverat, quòd, quorum hominum essent, scire se ipsi negabant; vetere patriâ relicta, in eam, in quam redierant, nondum adsciti. Postquam Marcellus ab exercitu rediit, comitia uni consuli rogando in locum L. Postumii edicuntur. Creatur ingenti consensu Marcellus, qui extemplo magistratum occiperet. cui inuenti consulatum quum tenuisset, vocati augures vitio creatum videri promunciaverunt; vulgòque Patres ita famâ ferebant, quòd tum primum duo plebei consules facti essent, id Deis cordi non esse. In locum Marcelli, ubi is se magistratu abdicavit, successit Fabius Maximus tertium. Mare arsit eo anno: ad Sinuessam bos equuleum peperit: signa Lanuvii ad Junonis Sopitæ cruore manavere, lapidibusque circa id templum pluit. ob quem imbrem novemdiale, ut assolet, sacrum fuit: ceteraque prodigia cum cura expiata.

XXXII. Consules exercitus inter sese dividerunt. Fabio exercitus, cui M. Junius dictator præfuerat, evenit; Sempronio volones, qui fierent, & sociorum viginti quinque millia; M. Valerio prætori legiones,

quæ ex Sicilia redissent, decretæ; M. Claudius pro-  
 consul ad eum exercitum, qui supra Sueffulam Nolæ  
 præsideret, missus. Prætores in Siciliam ac Sardiniam  
 profecti. Consules edixerunt, quoties in senatum vo-  
 casset, uti senatores, quibusque in senatu dicere sen-  
 tentiam liceret, ad portam Capenam convenirent.  
 Prætores, quorum jurisdictio erat, tribunalia ad Pisci-  
 nam publicam posuerunt. eò vadimonia fieri jusserunt :  
 ibique eo anno jus dictum est. Interim Karthaginem,  
 unde Mago frater Hannibalis duodecim millia pedi-  
 tum, & mille quingentos equites, viginti elephantos,  
 mille argenti talenta in Italiam transmissurus erat, cum  
 præsidio sexaginta navium longarum, nuncius affer-  
 tur, in Hispania rem malè gestam, omnesque ferme e-  
 jus provinciæ populos ad Romanos defecisse. Erant,  
 qui Magonem cum classe ea copiisque, omisâ Italiâ,  
 in Hispaniam averterent; quum Sardinia recipiendæ  
 repentina spes adfulsit. *Parvum ibi exercitum Romanum  
 esse : veterem prætorem inde A. Cornelium provincia peritum  
 decedere, novum expectari. Ad hoc, fessos jam animos Sar-  
 dorum esse diuturnitate imperii : & proximo iis anno acerbè  
 atque avarè imperatum. gravi tributo & collatione iniquè  
 frumenti pressos. nihil deesse aliud, quàm auctorem, ad quem  
 deficerent.* Hæc clandestina legatio per principes missa  
 erat; maxime eam rem moliente Hamplicorâ, qui tum  
 auctoritate atque opibus longè primus erat. His nun-  
 ciis propè uno tempore turbati, erectique, Magonem  
 cum classe sua copiisque in Hispaniam mittunt. in  
 Sardiniam Hasdrubalem deligunt ducem : & tantum  
 ferme copiarum, quantum Magoni, decernunt. Et  
 Romæ consules, transactis rebus, quæ in urbe agendæ  
 erant, movebant jam sese ad bellum. Ti. Sempronius  
 militibus Sinuessam diem ad conveniendum edixit;  
 & Q. Fabius, consulto prius senatu, ut frumenta o-  
 mnes ex agris, ante Kalendas Junias primas, in urbes  
 civitas conveherent. *Qui non invexisset, ejus se agrum*  
*popu-*

*populaturum, servos sub hasta venditurum, villas incensurum.* Ne prætoribus quidem, qui ad jus dicendum creati erant, vacatio ab belli administratione data est. Valerium prætorem in Apuliam ire placuit, ad exercitum à Terentio accipiendum: quum ex Sicilia legiones venissent, iis potissimum uti ad regionis ejus præsidium: Terentianum mitti cum aliquo legatorum. Et viginti quinque naves M. Valerio datæ sunt, quibus oram maritimam inter Brundisium ac Tarentum tutari posset. Par navium numerus Q. Fulvio prætori urbano decretus ad suburbana littora tutanda. C. Terentio proconsuli negotium datum, ut in Piceno agro conquestionem militum haberet, locisque iis præsidio esset. Et T. Otacilius Crassus, postquam ædem Mentis in Capitolio dedicavit, in Siciliam cum imperio, qui classi præesset, missus.

XXXIII. In hanc dimicationem duorum opulentissimorum in terris populorum omnes reges gentesque animos intenderant. inter quos Philippus Macedonum rex, eo magis, quod propior Italiæ, ac mari tantum Ionio discretus erat. Is ubi primum famâ accepit, Hannibalem Alpes transgressum, ut bello inter Romanos Pœnumque orto lætatus erat, ita, utrius populi mallet victoriam esse, incertis adhuc viribus, fluctuatus animo fuerat. Postquam tertia jam pugna, tertia victoria cum Pœnis erat, ad fortunam inclinavit, legatosque ad Hannibalem misit: qui, vitantes portus Brundisium Tarentinumque, quia custodiis navium Romanarum tenebantur, ad Lacinia Junonis templum in terram egressi sunt. Inde per Apuliam petentes Capuam, media in præsidia Romana illati sunt: deductique ad M. Valerium Lævinum prætorem, circa Nuceriâ castra habentem. Ibi intrepidè Xenophanes legationis princeps, à Philippo rege se missum, ait, ad amicitiam societatemque jungendam cum populo Romano; mandata habere ad consules ac senatum popu-



lumque Romanum. Inter defectiones veterum sociorum, Valerius, novâ societate tam clari regis lætus admodum, hostes pro hospitibus comiter accepit. dat, qui prosequantur, itinera cum cura demonstrant, quæ loca, quosque saltus, aut Romanus, aut hostes teneant. Xenophanes per præsidia Romana in Campaniam, inde, quâ proximum fuit, in castra Hannibalis pervenit, fœdusque cum eo atque amicitiam junxit legibus his: *ut Philippus rex quàm maximâ classe (ducentas autem naves videbatur effecturus) in Italiam trajiceret, & vastaret maritimam oram: bellum pro parte sua terræ marique gereret. ubi debellatum esset, Italia omnis cum ipsa urbe Roma Karthaginensium atque Hannibalis esset, prædaque omnis Hannibali cederet. Perdomitâ Italiâ, navigarent in Graciam, bellumque, cum quibus regibus placeret, gererent. quæ civitates continentis, quæ insula ad Macedoniam vergunt, ea Philippi regnique ejus essent.*

XXXIV. In has ferme leges inter Poenum duce[m] legatosque Macedonum ictum fœdus, missique cum iis ad regis ipsius firmandam fidem legati, Gisgo, & Bostar, & Mago, eodem ad Junonis Laciniæ, ubi navis occulta in statione erat, perveniunt: inde profecti, quum jam altum tenerent, conspecti à classe Romana sunt, quæ præsidio erat Calabriæ littoribus. P. Valerius Flaccus cercuros ad persequendam retrahendamque navem quum misisset, primò fugere regii conati: deinde, ubi celeritate vinci senserunt, tradunt se Romanis, & ad præfectum classis adducti: quum quæreret, *qui, & unde, & quò tenderent cursum?* Xenophanes primò, satis jam semel felix mendacium struere, à Philippo se ad Romanos missum, ad M. Valerium, ad quem iter tutum fuerit, pervenisse. Campaniam superare nequissè, septam hostium præidiis. Deinde, ut Punicus cultus habitusque suspectos legatos fecit Hannibalis, interrogatosque sermo prodidit: tum, comitibus eorum fœdatis, ac metu territis, literæ quoque ab Hannibale

ad Philippum inventæ, & pacta inter regem Macedonum Pœnumque ducem. Quibus satis cognitis, optimum visum est, captivos comitesque eorum Romam ad senatum, aut ad consules, ubicunque essent, quam primum deportare. ad id celerrimæ quinque naves selectæ, ac L. Valerius Antias, qui præfesset, missus: eique mandatum, ut in omnes naves legatos separatim custodiendos divideret, daretque operam, ne quod iis colloquium inter se, neve, quæ communicatio consilii esset. Per idem tempus Romæ quum A. Cornelius Mammula, ex Sardinia provincia decedens, retulisset, qui status rerum in insula esset, bellum ac defectionem omnes spectare; Q. Mucium, qui successisset sibi, gravitate cœli aquarumque advenientem exceptum, non tam in periculofum, quàm longum, morbum implicitum, diu ad belli vim sustinendam inutillem fore, exercitumque ibi ut satis firmum pacatæ provinciæ præsidio esse, ita parum bello, quod motum iri videretur: decreverunt Patres, ut Q. Fulvius Flacus quinque millia peditum, quadringentos equites scriberet, eamque legionem primo quoque tempore in Sardiniam trajiciendam curaret, mitteretque cum imperio, quem ipsi videretur, qui rem gereret, quoad Mucius convalesceret. Ad eam rem missus est T. Manlius Torquatus, qui bis consul cenforque fuerat, subegeratque in consulatu Sardos. Sub idem ferè tempus & à Karthagine in Sardiniam classis missa, duce Hasdrubale, cui Calvo cognomen erat, fœdâ tempestate vexata, ad Baliares insulas dejicitur. ibique (adeo non armamenta modò, sed etiam alvei navium quassati erant) subductæ naves dum reficiuntur, aliquantum temporis triverunt.

XXXV. In Italia quum post Cannensem pugnam, fractis partis alterius viribus, alterius mollitis animis, segnius bellum esset: Campani per se adorti sunt rem Cumanam suæ ditionis facere; primò sollicitantes, ut

ab Romanis deficerent. ubi id parum processit, domum ad capiendos eos comparant. Campanis omnibus statum sacrificium ad Hamas. eò senatum Campanum venturum certiores Cumanos fecerunt: petieruntque, ut & Cumanus eò senatus veniret ad consultandum sommuniter, ut eòdem uterque populus socios hostesque haberet: præsidium ibi armatum sese habituros, ne quid ab Romano Pœnove periculi esset. Cumani (quanquam suspecta fraus erat) nihil abnuere; ita tegi fallax consilium posse rati. Interim Ti. Sempronius consul Romanus Sinuessæ, quò ad conveniendum diem edixerat, exercitu lustrato, transgressus Vulturnum flumen, circa Liternum castra posuit. Ibi, quia otiosa stativa erant, crebrò decurrere milites cogebat, ut tirones (ea maxima pars volonum erat) assuescerent signa sequi, & in acie agnoscere ordines suos. inter quæ maxima inerat cura duci, itaque legatis tribunisque præceperat, *ne qua exprobratio cuiquam veteris fortuna discordiam inter ordines fereret: vetus miles tironi, liber voloni sese exæquari sineret. omnes satis honestos generososque ducerent, quibus arma sua signaque populus Romanus commisisset. qua fortuna cõgisset ita fieri, eandem cogere tueri factum.* Ea non majore curâ præcepta ab ducibus sunt, quàm à militibus observata; brevique tantâ concordia coaluerant omnium animi, ut propè in oblivionem veniret, qua ex conditione quisque esset miles factus. Hæc agenti Graccho legati Cumani nunciârunt, quæ à Campanis legatio paucos ante dies venisset, & quid iis ipsi respondiissent. Triduum post eum diem festum esse: non senatum solùm omnem ibi futurum, sed castra etiam & exercitum Campanum. Gracchus, jussis Cumanis omnia ex agris in urbem convehere, & manere intra muros, ipse pridie, quàm statum sacrificium Campanis esset, Cumas movet castra. Hamæ inde tria millia passuum absunt. Jam Campani eò frequentes ex composito convenerant, nec procul inde in occulto

Marius

**Marius Alfius Medixtuticus** (summus magistratus erat Campanis) cum quatuordecim millibus armatorum habebat castra; sacrificio apparando, & inter id instruendæ fraudi aliquanto intentior, quàm muniendis castris, aut ulli militari operi. Triduum sacrificatum ad Hamas. Nocturnum erat sacrum, ita ut ante mediam noctem compleretur. Huic Gracchus insidiandum temporis ratus, custodibus ad portas positis, ne quis enunciare posset cœpta, & ab decima diei hora coactis militibus corpora curare, somnoque operam dare, ut primis tenebris convenire ad signum possent, vigiliâ ferme primâ tolli jussit signa; silentique profectus agmine, quum ad Hamas mediâ nocte pervenisset, castra Campana, ut in pervigilio neglecta, simul omnibus portis invadit: alios somno stratos, alios perpetrato sacro incermes redeuntes obtruncat. hominum eo tumultu nocturno cæsa plus duo millia, cum ipso duce **Mario Alfio**. capta sunt signa militaria quatuor & triginta.

**XXXVI.** Gracchus, minus centum militum jacturâ castris hostium potitus, Cumas se propere recepit, ab Hannibale metuens, qui super Capuam in Tifatis habebat castra. Nec eum provida futuri scellit opinio. nam simul Capuam ea clades est nunciata, ratus Hannibal, ab re bene gesta insolenter lætum exercitum tirorum, magna ex parte, servorumque, spoliante viros, prædæque agentem, ad Hamas se inventurum; citatum agmen præter Capuam rapit, obviosque ex fuga Campanorum datæ præsidio Capuam duci, faucios vehiculis portari jubet. ipse Hamis vacua ab hostibus castra, nec quicquam præter recentis vestigia cædis, strataque passim corpora sociorum invenit. Auctores erant quidam, ut protinus inde Cumas duceret, urbemque oppugnaret. Id quanquam haud modicè Hannibal cupiebat, ut, quia Neapolim non potuerat, Cumas saltem, maritimam urbem, haberet; tamen,

præter arma nihil secum miles, raptim alto agmine, extulerat, retro in castra supra Tifata se recepit. inde, fatigatus Campanorum precibus, sequenti die, cum omni apparatu oppugnandæ urbis, Cumas redit: perpopulatoque agro Cumano, mille passus ab urbe castra locat; quum Gracchus magis verecundiâ in tali necessitate deferendi socios, implorantes fidem suam populi que Romani, substitisset, quàm satis fidens exercitui. Nec alter consul Fabius, qui ad Cales castra habebat, Vulturnum flumen traducere audebat exercitum; occupatus primò auspiciis repetendis, dein prodigiis, quæ alia super alia nunciabantur, expiantique, hæc haud faciliè litari aruspices respondebant.

XXXVII. Hæ causæ quum Fabium tenerent, Sempronius in obsidione erat; & jam operibus oppugnabatur. adversus ligneam ingentem adnotam urbi, aliam turrem ex ipso muro excitavit consul Romanus, ædificato altiore: quia muro satis per se alto subjectis validis sublicis pro solo usus erat. inde primum saxis sudibusque, & ceteris missilibus propugnatores mœnia atque urbem tuebantur: postremò, ubi promovendo adjunctam muro viderunt turrem, facibus ardentibus plurimum simul ignem conjecerunt. quo incendio trepida armatorum multitudo quum de turre sese præcipitaret, eruptio ex oppido simul duabus portis stationes hostium fudit, fugavitque in castra; ut eo die obfesso, quàm obsidenti, similior esset Pœnus. Ad mille trecenti Karthaginensium cæsi, & undesexaginta vivi capti; qui, circa muros & in stationibus solutè ac negligenter agentes, quum nihil minus, quàm eruptionem, timuissent, ex improvviso oppressi fuerant. Gracchus, priusquam se hostes ab repentino pavore colligerent, receptui signum dedit, ac suos intra muros recepit. Postero die Hannibal, lætum secundâ re consulem justo prælio ratus certaturum, aciem inter castra atque urbem instruxit. ceterum postquam neminem moveri

movēri ab solita custodia urbis vidit, nec committi quicquam temerariæ spei, ad Tifata redit infectâ re. Quibus diebus Cumæ liberatæ sunt obsidione, iisdem diebus & in Lucanis ad Grumentum Ti. Sempronius, cui Longo cognomen erat, cum Hannone Pœno prospere pugnat. Supra duo millia hostium occidit, & ducentos octoginta milites amisit: signa militaria ad quadraginta unum cepit. Pulsus finibus Lucanis Hanno retro in Bruttios sese recepit. Et ex Hirpinis oppida tria, quæ a populo Romano defecerant, vi recepta per M. Valerium prætorem. Vercellius Siciliusque, auctores defectionis, securi percussi. supra mille captivorum sub hasta venierunt: præda alia militi concessa, exercitus Luceriam reductus.

XXXVIII. Dum hæc in Lucanis atque in Hirpinis geruntur, quinque naves, quæ Macædonum atque Pœnorum captos legatos Romam portabant, ab superno mari ad inferum circumvectæ propè omnem Italiæ oram, quum præter Cumas velis ferrentur, neque, hostium an sociorum essent, satis sciretur, Gracchus obviam ex classe sua naves misit. Quum percunctando in vicem cognitum esset, consulem Cumis esse; naves Cumas appulsæ, captivique ad consulem deducti, & literæ datæ. Consul, literis Philippi atque Hannibalis perlectis, consignata omnia ad senatum itinere terrestri misit: navibus devehî legatos iussit. Quum eodem ferè diē literæ legatique Romam venissent, & percunctatione factâ, dicta cum scriptis congruerent, primò gravis cura Patres incessit, cernentes, quanta vix tolerantibus Punicum bellum Macedonici belli moles instaret. cui tamen adeo non succubuerunt, ut extemplo agigaretur, quemadmodum ultro inferendo bello averterent ab Italia hostem. Captivis in vincula condi jussis, comitibusque eorum sub hasta venditis, ad naves viginti quinque, quibus P. Valerius Flaccus præfectus præerat, viginti paratas alias decernunt. His

comparatis deductisque, & additis quinque navibus, quæ advexerant captivos legatos, triginta naves ab Ostia Tarentum profectæ: jussusque P. Valerius, militibus Varronianis, quibus L. Apustius legatus Tarenti præerat, in naves impositis, quinquaginta navium classe non tueri modò Italiæ oram, sed explorare de Macedonico bello. si congruentia literis legatorumque indicibus Philippi consilia essent, ut M. Valerium prætorem literis certiores faceret: isque, L. Apustio legato exercitui præposito, Tarentum ad classem profectus, primo quoque tempore in Macedoniam transmitteret: daretque operam, ut Philippum in regno contineret. Pecunia ad classem tuendam bellumque Macedonicum ea decreta est, quæ Ap. Claudio in Siciliam missa erat, ut redderetur Hieroni regi: ea per L. Apustium legatum Tarentum est devecta. simul ab Hierone missa ducenta millia modiorum tritici, & hordei centum.

XXXIX. Dum hæc Romani parant aguntque, ad Philippum captiva navis, una ex iis, quæ Romam missæ erant, ex cursu refugit: inde scitum, legatos eum literis captos. itaque ignarus de iis, quæ cum Hannibale legatis suis convenissent, quæque legati ejus ad se allaturi fuissent, legationem aliam cum eisdem mandatis mittit. Legati ad Hannibalem missi, Heraclitus, cui Scotino cognomen erat, & Crito Beroezus, & Sositheus Magnes. Hi prospere tulerunt ac retulerunt mandata. sed prius se æstas circumegit, quàm movere ac moliri quicquam rex posset: tantum navis una capta cum legatis momenti fecit, ad dilationem imminentis Romanis belli. Et circa Capuam, transgresso Vulturnum Fabio post expiata tandem prodigia, ambo consules rem gerebant. Compulteriam, & Trebulan, & Saticulam, urbes, quæ ad Pœnum defecerant, Fabius vi cepit; præsidiaque in iis Hannibalis, Campanique permulti capti. Et Nolæ, sicut priore anno, senatus Romanorum, plebs Hannibalis erat: consiliaque

que occulta de eade principum & proditione urbis in-  
ibantur. Quibus ne incepta procederent, inter Ca-  
puam castraque Hannibalis, quæ in Tifatis erant, tra-  
ducto exercitu, Fabius super Vesuvium in castris Clau-  
dianis confedit; inde M. Marcellum proconsulem cum  
iis copiis, quas habebat, Nolam in præsidium misit.

XL. Et in Sardinia res per T. Manlium prætorem  
administrari cœptæ, quæ omissæ erant, postquam Q.  
Mucius prætor gravi morbo est implicitus. Manlius,  
navibus longis ad Carales subductis, navalibusque so-  
ciis armatis, ut terrâ rem gereret, & à prætore exer-  
citu accepto, duo & viginti millia peditum, mille &  
ducentos equites confecit. Cum his equitum peditum-  
que copiis profectus in agrum hostium, haud procul  
ab Hampsicoræ castris castra posuit. Hampsicora tum  
fortè profectus erat in Pellitos Sardos ad juventutem  
armandam, quâ copias augeret. Filius ejus, nomine  
Hiofthus, castris præerat: is, adolescentiâ ferox, teme-  
re prælio inito fusus fugatusque. ad tria millia Sardo-  
rum eo prælio cæsa, octingenti ferme vivi capti. A-  
lius exercitus primò per agros silvasque fugâ palatus;  
dein, quò ducem fugisse fama erat, ad urbem nomine  
Cornum, caput ejus regionis, confugit: debellatum-  
que eo prælio in Sardinia esset, ni classis Punica cum  
duce Hasdrubale, quæ tempestate dejecta ad Baliares  
erat, in tempore ad spem rebellandi advenisset. Man-  
lius post famam appulsæ Punicæ classis, Carales se re-  
cepit. ea occasio Hampsicoræ data Pœno se jungendi.  
Hasdrubal, copiis in terram expositis, & classe remis-  
sâ Karthaginem, duce Hampsicorâ ad sociorum popu-  
li Romani agrum populandum profectus, Carales per-  
venturus erat, ni Manlius obvio exercitu ab effusa e-  
um populatione continuisset. Primò castra castris mo-  
dico intervallo sunt objecta, deinde procurfationes le-  
viaque certamina vario eventu inita: postremò de-  
fensum in aciem, signisque collatis, justo prælio per



quatuor horas pugnatum. Diu pugnam ancipitem Pœni, Sardis facilè vinci assuetis, fecerunt : postremò & ipsi, quum omnia circà strage ac fugà Sardorum repleta essent, fusi. ceterum terga dantes, circumducto cornu, quo pepulerat Sardos, inclusit Romanus. cades inde magis, quàm pugna, fuit. Duodecim millia hostium cæsa Sardorum simul Pœnorumque, ferme tria millia & septingenti capti, & signa militaria septem & viginti.

XLI. Ante omnia, claram & memorabilem pugnam fecit Hasdrubal imperator captus, & Hanno, & Mago, nobiles Karthaginenses. Mago ex gente Barcina, propinquà cognatione Hannibali junctus : Hanno auctor rebellionis Sardis ; bellicque ejus haud dubiè concitator. Nec Sardorum duces minùs nobilem eam pugnam eladibus suis fecerunt. nam & filius Hampsicoræ Hioctus in acie cecidit : & Hampsicora, cum paucis equitibus fugiens, ut super afflictas res necem quoque filii audivit, nocte, ne cujus interventus cœpta impediret, mortem sibi conscivit. Ceteris urbs Cornus eadem, quæ antè, fugæ receptaculum fuit. quam Manlius, victore exercitu aggressus, intra paucos dies recepit. Deinde aliæ quoque civitates, quæ ad Hampsicoram Pœnosque defecerant, obsidibus datis, dediderunt sese. quibus stipendio frumentoque imperato, pro cujusque aut viribus aut delicto, Carales exercitum reduxit. Ibi navibus longis deductis, impositoque, quem secum advexerat, milite, Romam navigat, Sardiniamque perdomitam nunciat Patribus : & stipendium quæstoribus, frumentum ædilibus, captivosque Fulvio prætori tradidit. Per idem tempus T. Otacilius prætor, quinquaginta navium ab Lilybæo classe in Africam transvectus, depopulatusque agrum Karthaginensem, quum Sardiniam inde peteret, quò fama erat Hasdrubalem à Baliaribus nuper trajecisse, classi Africam repetenti occurrit, levique certamine in acto commisso, septem inde

de naves cum sociis navalibus cepit: ceteras metus haud secus, quàm tempestas, passim disjecit. Per eodem fortè dies & Bomilcar cum militibus, ad supplementum Karthagine missis, elephantisque, & commeatu, Locros accessit. quem ut incautum opprimeret Ap. Claudius, per simulationem provinciæ circumeundæ Messanam raptim exercitu ducto, æstu secundo Locros trajecit. Jam inde Bomilcar ad Hannonem in Bruttios profectus erat, & Locrenses portas Romanis clauferunt. Appius magno conatu nullâ re gestâ, Messanam repetit. Eadem æstate Marcellus ab Nola, quam præsidio obtinebat, crebras excursiones in agrum Hirpinum & Samnites Caudinos fecit. adeoque omnia ferro atque igni vastavit, ut antiquarum cladum Samnio memoriam renovaret.

XLII. Itaque extemplo legati, ad Hannibalem missi simul ex utraque gente, ita Poenum allocuti sunt: *Hostes populi Romani, Hannibal, fuimus primum per nos ipsi, quoad nostra arma, nostræ vires nos tutari poterant. postquam iis parum fidebamus, Pyrrho regi nos adjunximus: à quo relictæ pacem necessariam accepimus, fuimusque in ea per annos propè quinquaginta, ad id tempus, quo in Italiam venisti. Tua nos non magis virtus fortunaque, quàm unica cœmitas ac benignitas erga cives nostros, quos captos nobis remisisti, ita conciliavit tibi, ut, te salvo atque incolumi amico, non modò populum Romanum, sed ne Deos quidem iratos (si dici fas est) timeremus. At, Hercule, non solum incolumi & victore, sed presente te, (comploratum propè conjugum ac liberorum nostrorum exaudire, & flagrantia tecta posses conspicere) ita sumus aliquoties hac æstate devastati, ut M. Marcellus, non Hannibal, vicisse ad Cannas videatur; glorienturque Romani, te, ad unum modò ictum vigentem, velut aculeo emisso, torpere. Per centum propè annos cum populo Romano bellum gessimus, nullo externo adjuti nec duce, nec exercitu: nisi quòd per biennium Pyrrhus nostro magis milite suæ auxit vires, quàm suis viribus nos defendit. Non ego*  
*secundis*

secundis rebus nostris gloriabor; duos consules, ac duos consulares exercitus à nobis sub jugum missos, & si qua alia aut lata aut gloriosa nobis evenerunt. quæ aspera adversaque tunc acciderunt, minore indignatione referre possumus, quàm quæ hodie eveniunt. Magni dictatores cum magistris equitum, bini consules cum binis consularibus exercitibus ingrediebantur fines nostros; antè explorato, & subsidiis positis, & sub signis ad populandum ducebant. nunc proprii unius & parvi ad tuendam Nolam præsidii præda sumus. Jam ne manipulatim quidem, sed latronum modo, percurrant totis finibus nostris negligentius, quàm si in Romano vagarentur agro. Causa autem hæc est, quòd neque tu defendis, & nostra juvenus, quæ, si domi esset, tutaretur, omnis sub signis militat tuis. Nec te, nec exercitum tuum nôrim, nisi, à quo tot Romanas acies fusas stratasque esse sciam, ei facile esse ducam opprimere populatores nostros vagos, sine signis, palatos, quòd quemque trahit, quavis vana, præda spes. Numidarum paucorum illi quidem præda erunt, præsidiumque missum nobis & Nola ademerit: si modò, quos, ut socios haberes, dignos duxisti, haud indignos judicas, quos in fidem receptos tuearis.

XLIII. Ad ea Hannibal respondit: Omnia simul facere Hirpinos Samnitesque: & indicare clades suas, & petere præsidium, & queri indefensos se neglectosque. Indicandum autem fuisse primum, dein petendum præsidium: postremò, ni impetraretur, tum denique querendum, frustra opem imploratam. Exercitum sese non in agrum Hirpinum Samnitumve, ne & ipse oneri esset, sed in proxima loca sociorum populi Romani adducturum. iis populandis & militem suum repleturum se, & metu procul ab iis summoturum hostes. Quod ad bellum Romanum attineret, si Trasimeni quàm Trebia, si Cannarum quàm Trasimeni pugna nobilior esset; Cannarum se quoque memoriam obscuram majore & clariore victoria facturum. Cum hoc responso muneribusque amplis legatos dimisit. ipse, præsidio modico relicto in Tifatis, profectus cetero exercitu ire Nola pergit. Eòdem Hanno ex Bruttis cum supplemento Karthagine

gine adveſto atque elephantis, venit. caſtris haud procul poſitis, longè alia omnia inquirènti comperta ſunt, quàm quæ à legatis ſociorum audierat. nihil enim Marcellus ita gerebat, ut aut fortunæ, aut temere hoſti commiſſum dici poſſet. explorato, cum firmiſque præſidiis, tuto receptu prædatum ierat: omniaque, velut adverſus præſentem Hannibalem cauta proviſaque fuerunt. Tum, ubi ſenſit hoſtem adventare, copias intra mœnia tenuit: per muros inambulare ſenatores Nolanos juſſit, & omnia circà explorare, quæ apud hoſtes fierent. Ex iis Hanno, quum ad murum ſucceſſiſſet, Herennium Baſſum & Herium Petrium, ad colloquium evocatos, permiſſuque Marcelli egreſſos, per interpretem alloquitur. Hannibalis virtutem fortunamque extollit: populi Romani obterit ſeneſcentem cum viribus majeſtatem. *Quæ ſi paria eſſent, ut quondam fuiſſent, tamen expertis, quàm grave Romanum imperium ſociis, quanta indulgentia Hannibalis etiam in captivos omnes Italici nominis fuiſſet, Punicam Romanæ ſocietatem atque amicitiam præoptandam eſſe. Si ambo conſules cum ſuis exercitiſus ad Nolam eſſent, tamen non magis pares Hannibali futuros, quàm ad Cannas fuiſſent: nedum prætor unus, cum paucis & novis militibus, Nolam tutari poſſit. iſorum, quàm Hannibalis, intereſſe, captâ an tradiâ Nola potiretur. potiturum enim, ut Capuâ Nuceriâque potitus eſſet: ſed, quid inter Capuâ Nuceriæque fortunam intereſſet, iſos propè in medio ſitos Nolanos ſcire. Nolle ominari, quæ capta urbi ceſſura forent: ſed potiùs ſpondere, ſi Marcellum cum præſidio ac Nolam tradidiſſent, neminem alium, quàm iſos, legem, quâ in ſocietatem amicitiamque Hannibalis venirent, dicturum.*

XLIV. Ad ea Herennius Baſſus reſpondit: Multos annos jam inter Romanum Nolanumque populum amicitiam eſſe, cujus neutros ad eam diem pœnitere; & ſibi ſi cum fortuna mutanda fides fuerat, ſerò jam eſſe mutare eam. dedituris ſe Hannibali non fuiſſe arceſſendum Romanum præſidium:

cum

tum iis, qui ad se tuendos venissent, omnia sibi & esse consecrata, & ad ultimum fore. Hoc colloquium abstulit spem Hannibali per prodicionem recipiendæ Nolæ. itaque oppidum coronâ circumdedit, ut simul ab omni parte mœnia aggrederetur. Quem ut successisse muris Marcellus vidit, instructâ intra portam acie, cum magno tumultu erupit. aliquot primo impetu perculsi cæsi que sunt; dein, concursu ad pugnantes facto, æquatique viribus, atrox cœpit esse pugna. memorabilisque inter paucas fuisset, ni ingentibus procellis effusus imber diremisset pugnantes. Eo die commisso modico certamine, atque irritatis animis, in urbem Romani, Pœni in castra sese receperunt. tamen Pœnorum primâ eruptione perculsi ceciderunt haud plus quàm triginta, Romanorum nullus. Imber continens per noctem totam usque ad horam tertiam diei insequentis tenuit: itaque, quanquam utraque pars avidi certaminis erant, eo die tenuerunt sese tamen munimentis. tertio die Hannibal partem copiarum prædatum in agrum Nolanum misit. Quod ubi animadvertit Marcellus, ex templo in aciem copias educit: neque Hannibal detestavit. Mille ferè passuum inter urbem erant castraque. eo spatio (& sunt omnia campi circa Nola) concurrerunt. Clamor, ex parte utraque sublatus, proximos ex cohortibus iis, quæ in agros prædatum exierant, ad prælium jam commissum revocavit. Et Nolani aciem Romanam auxerunt: quos collaudatos Marcellus in subsidiis stare, & saucios ex acie efferre iussit; pugnam abstinere, ni ab se signum accepissent.

XLV. Prælium erat anceps: summâ vi & duces hortabantur, & milites pugnabant. Marcellus victis ante diem tertium, fugatis ante paucos dies à Cumis, pulsus priore anno ab Nola ab eodem se duce, milite alio, instare jubet. *Non omnes esse in acie: prædantes vagari in agro. sed, qui pugnent, marcere Campanâ luxuriâ, vino & scortis, omnibusque lustris per totam hiemem conse-*  
*Ros.*

*Nos. Abisse illam vim vigoremque, dilapsa esse robora corporum animorumque, quibus Pyrenæi Alpiumque superata simus juga. reliquias illorum virosum, vix arma membraque sustinentes, pugnare. Capuam Hannibali Cannas fuisse. ibi virtutem bellicam, ibi militarem disciplinam, ibi præteriti temporis famam, ibi spem futuri extinctam. Quum hæc exprobrando hosti Marcellus suorum militum animos erigeret, Hannibal multo gravioribus probris increpabat: Arma signaque eadem se noscere, quæ ad Trebiam Trasimenumque, postremo ad Cannas viderit habueritque. militem alium profecto se in biberna Capuam duxisse, alium inde eduxisse. Legatumne Romanum & legionis unius atque alio magno certamine vix toleratis pugnam, quos bina acies confalares nunquam sustinuerunt? Marcellus, tirone milite an Nolanis subsidii, insultus nos jam iterum laceffit? Ubi illa meus miles est, qui crepto ex equo C. Flaminio consuli caput abstulit? ubi, qui L. Paullum ad Cannas occidit? Ferrum nunc hebet? an dextra torpent? an quid prodigii est aliud? Qui pauci plures vincere soliti estis, nunc paucis plures vici restatis. Romam vos expugnaturus, si quis duceret, fortes lingas, iactabatis. En nunc minor est res. hic experiri vim virtutemque volo. Expugnate Nola, campestem urbem, non flumine, non mari septam. hinc vos ex tam opulenta urbe prædæ spoliisque onustos vel ducam, quod voletis, vel sequar.*

XLVI. Nec bene, nec malè dicta profuerunt ad confirmandos animos. Quum omni parte pellerentur, Romanisque crescerent animi, non duce solum adhortante, sed Nolanis etiam per clamorem, favoris indicem, accendentibus ardorem pugnae, terga Pœni dederunt, atque in castra compulsi sunt. quæ oppugnare cupientes milites Romanos Marcellus Nola reduxit, cum magno gaudio & gratulatione etiam plebis, quæ antè inclinatio ad Pœnos fuerat. Hostium plus quinque milia cæsa eo die, vivi capti sexcenti, & signa militaria undeviginti, & duo elephantum. quatuor in acie

cic occisi. Romanorum minùs mille interfecti. posterum diem induciis tacitis, sepeliendo utrinque cæsos in acie, consumpserunt. Spolia hostium Marcellus, Vulcano votum, cremavit. Tertio post die (ob iram credo aliquam, aut spem liberalioris militiæ) mille ducenti septuaginta duo equites, mixti Numidæ Hispanique, ad Marcellum transfugerunt. eorum forti fidelique operâ in eo bello usi sunt sæpe Romani. Ager Hispanis in Hispaniâ, Numidis in Africâ post bellum, virtutis causâ, latus datus est. Hannibal, ab Nola remisso in Bruttios Hannone, cum quibus venerat copiis, ipse Apuliæ hiberna petit, circaque Arpos confedit. Q. Fabius, ut profectum in Apuliam Hannibalem audivit, frumento ab Nola Neapolique in ea castra convecto, quæ super Sueffulam erant, munimentisque firmatis, & præsidio, quod per hiberna ad tutandum locum satis esset, relicto, ipse Capuam propius movit castra, agrumque Campanum ferro ignique est depopulatus. donec coacti sunt Campani, nihil admodum viribus suis fidentes, egredi portis, & castra ante urbem in aperto communire. Sex millia armorum habebant, peditem imbellem: equitatu plus poterant. itaque equestribus præliis lacescebant hostem. Inter multos nobiles equites Campanos Cerrinus Jubellius erat, cognomine Taurea. civis indidem erat, longè omnium Campanorum fortissimus eques: adeo ut, quum apud Romanos militaret, unus eum Romanus Claudius Afellus gloriâ equestri æquaret. Hunc Taurea, quum diu perlustrans oculis obequitâisset hostium turmis, tandem facto silentio, *ubi esset Claudius Afellus?* quæsit. &, *quoniam verbis secum de virtute ambigere solitus esset, cur non ferro decerneret; daretque optima spolia victus, aut victor caperet?*

XLVII. Hæc ubi Afello nunciata sunt in castra, id modò moratus, ut consulem percunctaretur, liceretne extra ordinem in provocantem hostem pugnare? per-

missu

missu ejus arma extemplo cepit: provectusque ante stationes equo, Tauream nomine compellavit, congregue, ubi vellet, jussit. Jam Romani ad spectaculum pugnae ejus frequentes exierant: & Campani, non vallum modò castrorum, sed moenia etiam urbis prospectantes repleverant. Quum jam antè ferocibus dictis rem nobilitassent, infectis hastis concitârunt equos. dein libero spatio inter se ludificantes, sine vulnere pugnam extrahebant. Tum Campanus Romano, *Equorum, inquit, hoc, non equitum, erit certamen, nisi è campo in cavam hanc viam demittimus equos. ibi nullo ad evagandum spatio cominus conferentur manus.* Dicto propè citiùs equum in viam Claudius dejecit. Taurea, verbis ferocior, quàm re, *minimè sis, inquit, cantherium in fossa.* quæ vox in rusticum inde proverbium prodita. Claudius, quum ex via longè perequitàssset, nullo obvio hoste in campum rursus evectus, increpans ignaviam hostis, cum magno gaudio & gratulatione victor in castra redit. Huic pugnae equestri rem (quam satis certam, communis existimatio est) mirabilem certè, adjiciunt quidam annales: quum refugientem ad urbem Tauream Claudius sequeretur, patenti hostium portæ investum, per alteram, stupentibus miraculo hostibus, intactum evasisse.

XLVIII. Quieta inde stativa fuere, ac retro etiam consul movit castra, ut sementem Campani facerent: nec antè violavit agrum Campanum, quàm jam altæ in segetibus herbae pabulum præbere poterant. id convexit in Claudiana castra super Sueffulam; ibique hiberna ædificavit. M. Claudio proconsuli imperavit, ut, retento Nolæ necessario ad tuendam urbem præsidio, ceteros milites dimitteret Romam, ne oneri sociis, & sumptui reipublicæ essent. Et Ti. Gracchus à Cumis Luceriam in Apuliam legiones quum duxisset, M. Valerium inde prætorem Brundisium, cum eo, quem Luceriæ habuerat, exercitu misit, tuerique oram agri  
Sallen.



Salientini, & providere, quod ad Philippum bellumque Macedonicum attineret, jussit. Exitu ætatis ejus, quâ hæc gesta perscripsimus, literæ à P. & Cn. Scipionibus venerunt, quantas, quâmq̃ue prosperas in Hispania res gessissent. sed pecuniam in stipendium, vestimenta que, & frumentum exercitui, & sociis navalibus omnia deesse. Quod ad stipendium attineat, si ærarium inops esset, se aliquam rationem inituros, quo modo ab Hispanis sumant. cetera utique ab Roma mittenda esse: nec aliter aut exercitum aut provinciam retineri posse. Literis recitatis, nemo omnium erat, quin, & vera scribi, & postulari æqua, fateretur: sed occurrebat animis, quantos exercitus terrestres navalesque tuerentur, quantaque nova classis morparanda esset, si bellum Macedonicum moveretur. Siciliam ac Sardiniam, quæ ante bellum vestigales fuissent, vix præsidēs provinciarum exercitus alere: tributo sumptus suppeditari. quum ipsum tributum conferentium numerum tantis exercituum stragibus, & ad Trasimenum lacum, & ad Cannas, imminutum; tum qui superessent pauci, si multiplices gravarentur stipendio, aliâ perituros peste. Itaque, nisi fide staret respublica, opibus non staturam. Præeundum in concionem Fulvio prætori esse, indicandas populo publicas necessitates, cohortandosque, qui redempturis auxissent patrimonia, ut reipublicæ, ex qua crevissent, ad tempus commodarent; conducereque eâ lege præbenda, quæ ad exercitum Hispaniensem opus essent, ut, quum pecunia in ærario esset, iis primis solveretur. Hæc prætor in concione edixit, quâ die vestimenta, frumentum, Hispaniensi exercitui præbenda, quæque alia opus essent navalibus sociis, esset locaturus.

XLIX. Ubi ea dies venit, ad conducendum tres societates aderant hominum undeviginti, quorum duo postulata fuere: unum, ut militiâ vacarent, dum in eo publico

publico essent: alterum, ut, quæ in naves imposuissent, ab hostium tempestatisque vi publico periculo essent. Utroque impetrato, conduxerunt, privatæque pecuniâ respublica administrata est. Hi mores, eaque caritas patriæ per omnes ordines velut tenore uno pertinebat. Quemadmodum conducta omnia magno animo sunt, sic summâ fide præbita, nec secus quàm si ex opulento ærario, ut quondam, alerentur. Quum hi commeatus venerunt, Illiturgi oppidum ab Hasdrubale, ac Magone, & Hamilcare Bomilcaris filio, ob defectionem ad Romanos oppugnabatur. Inter hæc trina castra hostium Scipiones, quum in urbem sociorum magno certamine ac strage obsistentium pervenissent, frumentum, cujus inopia erat, advexerunt: cohortatique oppidanos, ut eodem animo mœnia tutarentur, quo pro se pugnantes Romanum exercitum vidissent, ad castra maxima oppugnanda, quibus Hasdrubal præerat, ducunt. Eodem & duo duces, & duo exercitus Karthaginienſium, ibi rem summam agi cernentes, convenerunt. Itaque eruptione è castris pugnatum est. sexaginta hostium millia eo die in pugna fuerunt, sexdecim circiter Romanis. Tamen adeo haud dubia victoria fuit, ut plures numero, quàm ipsi erant, Romani hostium occiderint: ceperint amplius tria millia hominum, paulo minus mille equorum, undè sexaginta militaria signa, elephantis quinque in prælio occisis. trinisque castris eo die potiti sunt. Illiturgi obsidione liberato, ad Intibili oppugnandum Punici exercitus traducti; suppletis copiis ex provincia, ut quæ maximè omnium belli avida, modò præda aut merces esset, & tum juventute abundante. Iterum signis collatis, eadem fortunâ utriusque partis pugnatum. supra tredecim millia hostium caesa, supra duo capta, cum signis duobus & quadraginta, & novem elephantis. Tum verò omnes propè Hispaniæ populi ad Romanos defecerunt: multoque majore ea æstate in Hispania, quàm in Italia, res gestæ.

## LIBER XXIV.

## E P I T O M E.

IV, V, &c. **H**ieronimus, Syracusanorum rex, cujus arvis Hiero amicus populi Romani fuerat, ad Karthaginienſes defecit; & propter crudelitatem ſuperbiamque à ſuis interfectus eſt. XIV, &c. Ti. Sempronius Gracchus proconſul proſpere adverſus Pœnos & Hannonem ducem ad Beneventum pugnavit, ſervorum maximè operâ, quos liberos eſſe juſſit. XXXIII, &c. Claudiſ ſ Marcellus conſul, in Sicilia, quæ propè tota ad Pœnos defecerat, Syracuſas obſedit. XL. Philippo Macedonum regi bellum indictum eſt; qui, ad Apolloniam nocturno prælio oppreſſus fugatusque, in Macedoniam cum propè inermi exercitu perſugit. ad id bellum gerendum Valerius prætor miſſus eſt. XLI, &c. Res præterea in Hiſpania à P. & Cn. Scipionibus adverſus Karthaginiēſes geſtas continet. XLVIII. Syphax, rex Numidarum, in amicitiam adſcitus, & à Maſiniſſa, rege Maſſylo- rum, pro Karthaginiēſibus pugnante, victus, in Mauruſios cum magna manu tranſiit contra Gades; ubi anguſto freto Africa & Hiſpania dirimuntur. XLIX. Celtiberi quoque in amicitiam recepti ſunt: quorum auxiliis adſcitis, tunc primùm mercenarium militem Romana caſtra habuerunt.

I. **U**T ex Campania in Bruttios reditum eſt, Hanno, adjutoribus & ducibus Bruttiis, Græcas urbes tentavit, eo faciliùs in ſocietate manentes Romana, quòd Bruttios, quos & ode- rant, & metuebant, Karthaginiēſium partis factos cernebant. Rhegium primum tentatum eſt, diesque aliquot ibi nequicquam abſumpti. Interim Locrenſes frumentum, lignaque, & cetera neceſſaria uſibus ex agris in urbem rapere, etiam hæc quid relictum prædæ hoſtibus

hostibus esset: & in dies major omnibus portis multitudo effundi. postremò ii modò relictì in urbe erant, qui reficere muros ac portas, telaque in propugnacula congerere cgebantur. In permixtam omnium ætatum ordinumque multitudinem, & vagantem in agris magna ex parte inermem, Hamilcar Pœnus equites emisit; qui, violare quemquam vetiti, tantum, ut excluderent ab urbe fugâ dissipatos, turmas objecere. Dux ipse, loco superiore capto, unde agros urbemque posset conspiciere, Bruttiorum cohortem adire muros, atque evocare principes Locrensiū ad colloquium iussit, &, pollicentes amicitiam Hannibalis, adhortari ad urbem tradendam. Bruttiis in colloquio nullius rei primò fides est: deinde ut Pœnus apparuit in collibus, & refugientes pauci aliam omnem multitudinem in potestate hostium esse afferebant; tum, metu victi, consulturos se populum responderunt. advocatâque extemplo concione, quum & levissimus quisque novas res novamque societatem mallent, &, quorum propinqui extra urbem interclusi ab hostibus erant, velut obsidibus datis, pigneratos haberent animos, pauci magis taciti probarent constantem fidem, quàm probatam tueri auderent; haud dubio in speciem consensu fit ad Pœnos deditio: L. Atilio præfecto præsidii, quique cum eo milites Romani erant, clam in portum deductis, atque impositis in naves, ut Rhegium deveherentur, Hamilcarem Pœnosque eâ conditione, ut fœdus extemplo æquis legibus fieret, in urbem acceperunt. cujus rei propè non servata fides deditis est, quum Pœnus dolo dimissum Romanum incusaret; Locrenses profugisse ipsum causarentur. Insecuti etiam equites sunt, si quo casu in freto æstus morari, aut deferre naves in terram posset. & eos quidem, quos sequebantur, non sunt adepti: alias à Messana trajicientes freto Rhegium naves conspexerunt. Milites erant Romani, à Claudio prætore missi ad obtinendam urbem præsidio,

dio. itaque Rhegio extemplo abscessum est. Locrensisibus jussu Hannibalis data pax, ut liberi suis legibus viverent: urbs pateret Pœnis, portus in potestatem Locrensiū esset: societas eo jure staret, ut Pœnus Locrensem, Locrensisque Pœnum pace ac bello juvaret.

II. Sic à freto Pœni reducti, frementibus Bruttiiis, quòd Rhegium ac Locros, quas urbes direpturos se destinaverant, intactas reliquissent. Itaque per se ipsi, conscriptis armatisque juventutis suæ quindecim milibus, ad Crotonem oppugnandum pergunt ire; Græcam & ipsam urbem, & maritimam: plurimum accessurum opibus, si in ora maris urbem portu ac mœnibus validam tenuissent, credentes. Ea cura angebat, quòd neque non arcescere ad auxilium Pœnos satis audebant, ne quid non pro fociis egisse viderentur: &, si Pœnus rursus magis arbiter pacis, quàm adjutor belli, fuisset, ne in libertatem Crotonis, sicut ante Locrorum, frustra pugnaretur. Itaque optimum visum est, ad Hannibalem mitti legatos, caverique ab eo, ut receptus Croto Bruttiorum esset. Hannibal quum præsentium eam consultationem esse respondisset, & ad Hannonem eos rejecisset, ab Hannone nihil certi ablatum. Nec enim diripi volebant nobilem atque opulentam urbem: & sperabant, quum Bruttii oppugnet, Pœnos nec probare, nec juvare eam oppugnationem appareret, eo maturius ad se defecturos. Crotone nec consilium unum inter populares, nec voluntas erat. unus velut morbus invaserat omnes Italiæ civitates, ut plebes ab optimatibus dissentirent: senatus Romanis faveret, plebs ad Pœnos rem traheret. Eam dissensionem in urbe perfuga nunciat Bruttiiis; Aristomachum esse principem plebis, tradendæque auctorem urbis: & in vasta urbe latèque omnibus disjectis mœnibus raras & stationes custodiasque senatorum esse. quacunque custodiant plebis homines, eâ patere adiutum. Auctore ac duce perfuga, Bruttii coronâ cinxerunt

rant urbem: acceptique à plebe, primo impetu locos omnes, præter arcem, cepere. Arcem optimates tenebant, præparato jam antè ad talem casum pærfugio. Eodè Aristomachus pærfugit; tanquam Pœnis, non Brutiis, auctor urbis tradendæ fuisset.

III. Urbs Croto murum in circuitu patentem duodecim millia passuum habuit, ante Pyrrhi in Italiam adventum. post vastitatem eo bello factam vix pars dimidia habitabatur. flumen, quod medio oppido fluxerat, extra frequentia testis loca prætersuebat: & arx procul iis, quæ habitabantur. Sex millia aberat ab urbe nobili templum, (ipsâ urbe erat nobilius,) Lacinia Junonis, sanctum omnibus circâ populis. Lucus ibi, frequenti silvâ & proceris abietis arboribus septus, læta in medio pascua habuit, ubi omnis generis sacrum Deæ pascébatur pecus sine ullo pastore: separatimque egressi cujusque generis greges nocte remeabant ad stabula, nunquam insidiis ferarum, non fraude violati hominum. Magni igitur fructus ex eo pecore cæpti, columnaque inde aurea solida facta, & sacrata est: inclitumque templum, divitiis etiam, non tantum sanctitate, fuit. Ac miracula aliqua affinguntur plerumque tam insignibus locis. Fama est, aram esse in vestibulo templi, cujus cinerem nullo unquam moveri vento. Sed arx Crotonis, unâ parte imminens mari, alterâ vergente in agrum, situ tantum naturali quondam munita, postea & muro cincta est, quâ per averfas rupes ab Dionysio Siciliæ tyranno per dolum fuerat capta. Eam cum arcem, satis, ut videbatur, tutam, Crotoniatum optimates tenebant, circumfidente cum Brutiis eos etiam plebe suâ. Postremò Brutii, quum suis viribus inexpugnabilem viderent arcem, coacti necessitate; Hannonis auxilium implorant. Is, conditionibus ad deditiõnem compellere Crotoniatas conatus, ut cõstantiam Bruttiorum eo deduci, antiquamque frequentiam eorum recipere vastam ac desertam bellis

TOM. II. O urbem

urbem paterentur, omnium neminem, præter Aristomachum, movit. morituros se affirmabant citius, quàm, immixti Brutiis, in alienos ritus, mores, legesque, ac mox linguam etiam verterentur. Aristomachus unus, quando nec suadendo ad deditiorem factis valebat, nec, sicut urbem prodiderat, locum prodendæ arcis inveniebat, transfugit ad Hannonem. Locrenses brevi post legati, quum permissu Hannonis arcem intrassent, persuadent, ut traduci se in Locros paterentur, nec ultima experiri vellent. Jam hoc ut sibi liceret, impetraverant & ab Hannibale, missis ad ipsum legatis. ita Crotone excessum est, deductique Crotoniatæ ad mare naves conscendunt. Locros omnis multitudo abeunt. In Apulia ne hiems quidem quieta inter Romanos atque Hannibalem erat. Lucernus Sempronius consul, Hannibal haud procul Arpis hibernabat. Inter eos levia prælia ex occasione, aut opportunitate hujus aut illius partis, oriebantur: meliorque eis Romanus, & in dies cautior tutiorque ab insidiis fiebat.

IV. In Sicilia Romanis omnia mutaverat mors Hieronis, regnumque ad Hieronymum nepotem ejus translaturum: puerum, vixdum libertatem, nedum dominationem, modicè laturum. Latè id ingenium tutores atque amici ad præcipitandum in omnia vitia acceperunt: quæ ita futura cernens Hiero, ultimam senectam voluisse dicitur liberas Syracusas relinquere, ne sub dominatu puerili, per ludibrium, bonis artibus partum firmaturaque interiret regnum. Huic consilio ejus summam ope obstitere filia, nomen regium penes puerum futuram ratæ, regimen rerum omnium penes se virosque suos, Andranodorum & Zoippum: nam ii tutorum primi relinquebantur. Non facile erat nonagesimum jam agentem annum, circumfesso dies noctesque muliebribus blanditiis, liberare animum, & convertere ad publicam, privata curam. Itaque tutores

modò

modò quindecim puero reliquit: quos precatus est moriens, ut fidem erga populum Romanum, quinquaginta annos ab se cultam, inviolatam servarent, juvenemque suis potissimum vestigiis insistere vellent disciplinæque, in qua edoctus esset. Hæc mandata. Quum exspirasset, per tutores testamento prolato, pueroque in concionem producto, (erat autem quindecim tunc ferme annorum) paucis, qui per concionem ad excitandos clamores dispositi erant, approbantibus testamentum, ceteris, velut patre amisso, in orba civitate omnia timentibus, funus sit regium, magis amore civium & caritate, quàm curâ suorum, celebre. Deinde ceteros tutores submovet Andranodorus, juvenem jam esse dictitans Hieronymum, ac regni potentem: deponendoque tutelam ipse, quæ cum pluribus communis erat, in se unum omnium vires convertit.

V. Vix quidem ulli bono moderateque regi facilis erat favor apud Syracusanos, succedenti tantæ caritati Hieronis. verum enim verò Hieronymus, velut suis vitis desiderabilem efficere vellet avum, primo statim conspectu, omnia quàm disparia essent, ostendit. nam qui per tot annos Hieronem filiumque ejus Gelonem, nec vestis habitu, nec alio ullo insigni differentes à ceteris civibus vidissent, conspexere purpuram, ac diadema, ac satellites armatos; quadrigisque etiam alborum equorum interdum ex regia procedentem, more Dionysii tyranni. Hunc tam superbum apparatus habitumque convenientes sequebantur contemptus omnium hominum, superbæ aures, contumeliosa dicta, rari aditus, non alienis modò, sed tutoribus etiam, libidines novæ, inhumana crudelitas. Itaque tantus omnes terror inarserat, ut quidam ex tutoribus aut morte voluntariâ, aut fugâ præverterent metum suppliciorum. Tres ex iis, quibus solis aditus in domum familiarior erat, Andranodorus & Zoippus, generi Hieronis, & Thraso quidam, de aliis quidem rebus haud



magnopere audiebantur : tendendo autem duo ad Karthaginenses, Thraſo ad ſocietatem Romanam, certamine ac ſtudiis interdum in ſe convertebant animum adoleſcentis : quum conjuratio, in tyranni caput facta, indicatur per calonem quendam, æqualem Hieronymi, & jam inde à puero in omnia familiaria jura aſſuetum. Index unum ex conjuratis Theodotum, à quo ipſe appellatus erat, nominare potuit. qui comprehenſus extemplo, traditusque Andranodoro torquendus, de ſe ipſe haud cunctanter ſaſſus, conſcios calabat. Poſtremo, quum omnibus intolerandis patientiæ humanæ cruciatibus laceraretur, victum malis ſe ſimulans, avertit ab conſciis in inſontes indicium (Thraſonem eſſe auctorem conſilii mentitus, nec, niſi tam potenti duce conſiſos, rem tantam auſuros) ab latere tyranni, quorum capita viliffima fingenti inter dolores gemitusque occurrere. Maximè animo tyranni credibile indicium Thraſo nominatus fecit. Itaque extemplo traditur ad ſupplicium : adjectique pœnæ ceteri juxtà inſontes. Conſciorum nemo, quum diu ſocius conſilii torqueretur, aut latuit, aut fugit. tantum illis in virtute ac fide Theodoti fiduciæ fuit : tantumque ipſi Theodoto virium ad arcana occultanda.

VI. Ita, quod unum vinculum cum Romanis ſocietatis erat, Thraſone ſublato è medio, extemplo haud dubiè ad defectionem res ſpectabat ; legatique ad Hannibalem miſſi, ac remiſſi ab eo cum Hannibale nobili adoleſcente Hippocrates & Epicydes, nati Karthagine, ſed oriundi ab Syracuſis exſule avo, Pœni ipſi materno genere. Per hos juncta ſocietas Hannibali ac Syracuſano tyranno : nec invito Hannibale apud tyrannum manſerunt. Ap. Claudius prætor, cujus Sicilia provincia erat, ubi ea accepit, extemplo legatos ad Hieronymum miſit : qui, quum ſeſe ad renovandam ſocietatem, quæ cum avo fuiſſet, veniſſe dicerent, per ludibrium auditi dimiſſique ſunt ab querente per jo-

cums

eum Hieronymo, *quæ fortuna eis pugna ad Cannas fuisset? vix credibilia enim legatos Hannibalis narrare. Velle, quid veri sit, scire, ut ex eo, utram spem sequatur, consilium capiat.* Romani, quum seriò legationes audire cœpisset, redituros se ad eum dicentes esse, monito magis eo, quàm rogato, ne fidem temere mutaret, proficiscuntur. Hieronymus legatos Karthaginem misit ad fœdus ex societate cum Hannibale faciendum. Pacto convenit, ut, quum Romanos Siciliâ expulissent (id autem brevi fore, si naves atque exercitum misissent) Himera amnis, qui ferme insulam dividit, finis regni Syracusani ac Punici imperii esset. Aliam deinde, in flatibus assentionibus eorum, qui eum non Hieronis tantum, sed Pyrrhi etiam regis, materni avi, jubebant meminisse, legationem misit, quâ æquum censebat, Siciliâ sibi omni cedi: Italix imperium proprium quæri Karthaginensi populo. Hanc levitatem ac jactationem animi neque mirabantur in juvene furioso, neque arguebant, dummodo averterent eum ab Romanis.

VII. Sed omnia in eo præcipitia ad exitum fuerunt. nam quum, præmissis Hippocrate atque Epicyde eum binis millibus armatorum ad tentandas urbes, quæ præfidiis tenebantur Romanis, & ipse in Leontinos cum cetero omni exercitu (erant autem ad quindecim millia peditum equitumque) profectus esset; liberas ædes conjurati (& omnes fortè militabant) imminentes viæ angustæ, quâ descendere ad forum rex solebat, sumpserunt. ibi, quum instructi armatique ceteri transitum exspectantes starent, uni ex eis (Dinomeni fuit nomen) quia custos corporis erat, partes datæ sunt, ut, quum appropinquaret januæ rex, per causam aliquam in angustiis sustineret ab tergo agmen. Ita, ut convenerat, factum est. tanquam laxaret elatum pedem ab stricto nodo, moratus turbam Dinomenes, tantum intervalli fecit, ut, quum in prætereuntem sine arma-

tis regem impetus fieret, confoderetur aliquot prius vulneribus, quàm succurri posset. Clamore & tumultu audito, in Dinomenem, jam haud dubiè obstantem, tela conjiciuntur: inter quæ tamen, duobus acceptis vulneribus, evasit. Fuga satellitum, ut jacentem videre regem, facta est. interfectores pars in forum ad multitudinem lætam libertate, pars Syracusas pergunt, ad præoccupanda Andranodori regionumque aliorum consilia. Incerto rerum statu, Ap. Claudius, bellum oriens ex propinquo quum cerneret, senatum literis certiore fecit, Siciliam Karthaginensi populo & Hannibali conciliari. ipse adversus Syracusana consilia, provinciam, regniue fines omnia convertit præsidia. Exitu anni ejus, Q. Fabius ex auctoritate senatûs Puteolos, per bellum cœptum frequentari emporium, communiit, præsidiumque imposuit. inde Romam comitiorum causâ veniens, in eum, quem primum diei comitiales habuit, comitia edixit; atque ex itinere præter urbem in campum descendit. Eo die quum fors prærogativæ Anienis juniorum exisset, eaque T. Otacilium, M. Æmilium Regillum consules diceret, tum Q. Fabius, silentio facto, tali oratione est usus:

VIII. *Si aut pacem in Italia, aut bellum cum eo hoste haberemus, in quo negligentia laxior locus esset, qui vestris studiis, quæ in campum ad mandandos, quibus velitis, bonæres offertis, moram ullam offerret, is mihi parum meminisse vidcretur vestræ libertatis. sed quum in hoc bello, in hoc hoste, nunquam ab ullo duce sine ingenti nostra clade erratum sit, eadem vos curâ, quâ in aciem armati descenditis, inire suffragium ad creandos consules decet, & sibi sic quemque dicere; Hannibali imperatori parem consulem homino. Hoc anno ad Capuam Jubellio Taures Campano summo equiti provocanti summus Romanus eques Asellus Claudius est oppositus. Adversus Gallum, quondam provocantem in ponte Anienis, T. Manlium, fidentem & animo & viribus, mittere majores nostri. Ob eandem causam haud multis annis post*

post fuisse non negaverim, cur M. Valerio non diffideretur, adversus similiter provocantem arma capienti Gallum ad certamen. Quemadmodum pedites equitesque optamus, ut validiores, si minus, ut pares hosti habeamus; ita duci hostium parem imperatorem queramus. Quum, qui est summus in civitate dux, cum legerimus; tamen repente lectus, in annum creatus, adversus veterem ac perpetuum imperatorem comparabitur, nullis neque temporis, neque juris inclusum angustis, quo minus ita omnia gerat administretque, ut tempora postulabunt belli. nobis autem in apparatu ipso, ac tantum inchoantibus res, annus circumagitur. Quoniam; quales viros creare vos consules deceat, satis est dictum; restat, ut pauca de eis, in quos prerogativa favor inclinavit, dicam. M. Æmilius Regillus flamen est Quirinalis, quem neque mittere ab sacris, neque retinere possumus, ut non Deum aut belli deferamus curam. Otacilius sororis mea filiam uxorem, atque ex ea liberos, habet. ceterum non ea vestra in me majoresque meos merita sunt, ut non potiorum privatis necessitudinibus rempublicam habeam. Quilibet nantarum vectorumque tranquillo mari gubernare potest: ubi sæva orta tempestas est, ac turbato mari rapitur vento navis, tum viro & gubernatore opus est. Non tranquillo navigamus, sed jam aliquot procellis submersi penè sumus. itaque, quis ad gubernacula sedeat, summam curam providendum ac præcavendum vobis est. In minore te experti, T. Otacili, re sumus. haud sanè, cur ad majora tibi fidamus, documentum quicquam dedisti. Classem hoc anno, cui tu præfueris, trium rerum causâ paravimus: ut Africa oram popularetur; ut tuta nobis Italia littora essent; ante omnia, ne supplementum cum stipendio comætuque ab Karthagine Hannibali transportaretur. Create consulem T. Otacilium, non dico, si omnia hæc, sed si aliquid eorum rei publica præstitit. Sin autem, te classem obtinente, etiam, velut pacato mari, qualibet Hannibali tuta atque integra ab domo venerunt; si ora Italia infestior hoc anno, quàm Africa, fuit; quid dicere potes, cur te potissimum ducem Hannibali hosti opponant? Si consul esses, dictatorem dicendum

*exemplo majorum nostrorum censeremus. nec tu id indignari posses, aliquem in civitate Romana meliorem bello haberi, quàm te. Magis nullius interest, quàm tua, T. Otacili, non imponi cervicibus tuis onus, sub quo concidas. Ego magnopere suadeo, eodem animo, quo, si stantibus vobis in aciem armatis repente deligendi duo imperatores essent, quorum ductu atque auspicio dimicaretis, hodie quoque consules creetis: quibus sacramento liberi vestri dicant, ad quorum edictum conveniant, sub quorum tutela atque cura militent. Lacus Trasimenus & Cannæ, tristia ad recordationem exempla, sed ad præcavendum simile utili documento sunt. Præcæ, Antensem juniorum in suffragium revoca.*

IX. Quum T. Otacilius ferociter, cum continuare consulatum vellet, vociferaretur atque obstreperet, lictores ad eum accedere consul jussit. & quia in urbem non inierat, protinus in campum ex itinere profectus, admonuit, cum securibus sibi fasces præferri. Iterum prærogativa suffragium inivit; creatique in ea consules Q. Fabius Maximus quartum, M. Marcellus tertium. Eisdem consules ceteræ centuriæ sine variatione ulla dixerunt. Et prætor unus relictus Q. Fulvius Flaccus: novi alii creati, T. Otacilius Crassus iterum, Q. Fabius consulis filius, qui tum ædilis curulis erat, P. Cornelius Lentulus. Comitibus prætorum perfectis, senatusconsultum factum est, ut Q. Fulvio *extra ordinem urbana provinciæ esset: isque patissimam, consulibus ad bellum profectis, urbi præfret.* Aquæ magnæ bis eo anno fuerant: Tiberisque agros inundavit cum magna strage tectorum, pecorumque & hominum pernicie. Quinto anno secundi Punici belli, Q. Fabius Maximus quartum, M. Claudius Marcellus tertium, consulatum incuntes, plus solito converterant in se civitatis animos. multis enim annis tale consulum par non fuerat. Referebant senes, sic Maximum Rullum cum R. Decio ad bellum Gallicum, sic postea Papirium Carviliūque adversus Samnites, Brutiosque, & Luca-

nam cum Tarentino populum, consules declaratos. Absens Marcellus consul creatus, quum ad exercitum esset; præsentì Fabio, atque ipso comitia habente, consulatus continuatus. Tempus ac necessitas belli, ac discrimen summæ rerum faciebant, ne quis aut in exemplum exquireret, aut suspectum cupiditatis imperiî consulem haberet. quin laudabant potius magnitudinem animi, quòd, quum summo imperatore esse opus reipublicæ sciret, seque eum haud dubiè esse, minoris invidiam suam, si qua ex re oriretur, quàm utilitatem reipublicæ, fecisset.

X. Quo die magistratum inierant consules, senatus in Capitolio est habitus: decretumque omnium primum, ut consules sortirentur, compararentve inter se, uter censoribus creandis comitia haberet, priusquam ad exercitum proficisceretur. Prærogatum deinde imperium omnibus, qui ad exercitus erant, iussique in provinciis manere, T. Græchus Lucerinæ, ubi cum volonum exercitu erat, C. Terentius Varro in agro Piceno, M. Pomponius in Gallico. ex prætoribus prioris anni prætore Q. Mucius obtineret Sardiniam, M. Valerius ad Brundisium oræ maritimæ, intentus adversus omnes motus Philippi Macedonum regis, præesset. P. Cornelio Lentulo prætori Sicilia decreta provincia; T. Otacilio classis eadem, quam adversus Carthaginenses priore anno habuisset. Prodigia eo anno multa nunciata sunt. quæ quo magis credebant simplices ac religiosi homines, eo plura nunciabantur: Lanuvii in sede intus Sospitæ Junonis corvos nidum fecisse: in Apulia palmam viridem arsisse: Mantuæ stagnum effusum. Mincio anni cruentum visum: & Calibus cretâ, & Romæ in foro boario sanguine pluisse: & in vico Istrico fontem sub terra tantâ vi aquarum fluxisse, ut series doliæque, quæ in eo loco erant, provoluta velut impetus torrentis tulerit: tactæ de celo atrium publicum in Capitolio, adem in cam-

po Vulcani, nucem in Sabinis publicamque viam, murum ac portam Gabiis. Jam alia vulgata miracula erant: hastam Martis Præneste suâ sponte præmotam: bovem in Sicilia locutum: infantem in utero matris in Marrucinis, *Io triumphe!* clamasse: ex muliere Spoleti virum factum: Hadriæ aram in cælo, speciesque hominum circum eam, cum candida veste, visas esse. Quin Romæ quoque in ipsa urbe, secundum apum examen in foro visum, affirmantes quidam, legiones se armatas in Janiculo videre, concitaverunt civitatem ad arma: qui tum in Janiculo essent, negarunt, quemquam ibi, præter assuetos collis ejus cultores, apparuisse. Hæc prodigia hostiis majoribus procurata sunt ex aruspicum responso: & supplicatio omnibus Deis, quorum pulvinaria Romæ essent, indicta est.

XI. Perpetratis, quæ ad pacem Deum pertinebant, de republica belloque gerendo, & quantum copiarum, & ubi quæque essent, consules ad senatum retulerunt. Duodeviginti legionibus bellum geri placuit: binas consules sibi sumere: binis Galliam, Sicilianque, ad Sardiniam obtineri: duabusque Q. Fabium prætorem Apuliæ, duabus volonum Ti. Gracchum circa Lucceriam præesse: singulas C. Terentio proconsuli ad Picenum, & M. Valerio ad classem circa Brundisium relinqui, & duas urbi præsidio esse. Hic ut numerus legionum expleretur, sex novæ legiones erant scribendæ. eas primo quoque tempore consules scribere jussi, & classem parare: ut cum eis navibus, quæ pro Calabriae littoribus in statione essent, centum quinquaginta longarum navium classis eo anno expleretur. Delectu habito, & centum navibus novis deductis, Q. Fabius comitia censoribus creandis habuit. creati M. Atilius Regulus & P. Furius Philus. Quum increbresceret rumor, bellum in Sicilia esse, T. Otacilius eorum classe proficisci jussus est. Quum deessent naves, consules ex senatusconsulto edixerunt, ut, qui, L. M.

milia,

*miſſo, C. Flaminio cenſoribus, millibus aris quinquaginta ipſe aut pater ejus cenſus fuiſſet, uſque ad centum millia, aut cui poſtea res tanta eſſet facta, nautam unam cum ſex menſium ſtipendio daret: qui ſupra centum millia, uſque ad trecenta millia, tres nautas cum ſtipendio annuo: qui ſupra trecenta millia uſque ad decies aris, quinque nautas: qui ſupra decies, ſeptem: ſenatores octo nautas cum annuo ſtipendio darent. Ex hoc ediſto dati nautæ, armati inſtructique ab dominis, cum triginta dierum coſtis cibariis naves conſcenderunt. Tum primum eſt factum, ut claffis Romana ſociis navalibus privatâ impenſâ paratis compleretur.*

**XII.** Hic major ſolito apparatus præcipue conterruit Campanos; ne ab obſidione Capuæ bellum ejus anni Romani inciperent. itaque legatos ad Hannibalem oratum miſerunt, ut Capuam exercitum admove-  
*ret. ad eam oppugnandam novos exercitus ſcribi Roma; nec ullius urbis defeſſioni magis inſenſos eorum animos eſſe.* Id quia tam trepidi nunciabant; maturandum Hannibal ratus, ne prævenirent Romani, profeſtus Arpis, ad Tifata in veteribus caſtris ſuper Capuam conſedit. inde Numidis Hiſpaniſque ad præſidium ſimul caſtrorum ſimul Capuæ relictis, cum cetero exercitu ad lacum Averni per ſpeciem ſacrificandi, re ipſâ ut tentaret Puteolos, quodque ibi præſidium erat, descendit. Maximus, poſtquam Hannibalem Arpis profeſtum, & regredi in Campaniam allatum eſt; nec diē nec noctē intermiſſo itinere, ad exercitum redit: & Ti. Gracchum ab Luceria Beneventum copias admove-  
*re, Q. Fabium prætorem (is filius conſulis erat) Luceriam Graccho ſuccedere jubet. In Siciliam eodem tempore duo prætores profeſti, P. Cornelius ad exercitum; O-*  
*tacilius, qui maritimæ oræ reique navali præeſſet; & ceteri in ſuas quiſque provincias profeſti. &, quibus prorogatum imperium erat, eaſdem, quas priore anno, regiones obtinuerunt.*

**XIII.** Ad Hannibalem, quum ad lacum Averni eſ-



set, quinque nobiles juvenes ab Taranto venerunt, partim ad Trasimenum lacum, partim ad Cannas capti, dimissique domos cum eadem comitate, quâ usus adversus omnes Romanorum socios Pœnus fuerat. Ii, quomodo beneficiorum ejus perpulisse magnam partem se juventutis Tarentina, referunt, ut Hannibalis amicitiam ac societatem, quàm populi Romani, mallet; legatosque ab suis missos rogare Hannibalem, ut exercitum propius Tarentum admoveat. Si signa ejus, si castra conspexerit à Taranto fuisse, haud ullam intercessuram moram, quin urbs dederit. In perestote juniorum plebem, in manu plebis rem Tarentinam esse. Hannibal collaudatos eos, oneratosque ingentibus promissis, domum ad cœpta maturanda redire jubet: se in tempore affuturum esse. Hæc cum spe dimissi Tarentini. Ipsum ingens cupido inceperat Tarenti perueniendi. Urbem esse videbat, quum opulentiam nobilissimamque, tum maritimam, & in Macedoniam opportunè versam: regemque Philippum hunc portum, si transiret in Italiam, quum Brundisium Romani haberent, petiturum. Sacro inde perpetrato, ad quod venerat, &, dum ibi moratur, pervasato agro Cumano, usque ad Miseni promontorium, Puteolos repente agmen convertit, ad opprimendum præsidium Romanum. Sex millia hominum erant, & locus munimento quoque, non sagura modò, tutus. Triduum ibi moratus Pœnus, ab omni parte tentato præsidio, deinde, ut nihil procedebat, ad populandum agrum Neapolitanum, magis irâ quàm potiundæ urbis spe, processit. Adventu ejus in propinquum agrum Nolana mota est plebs, jamdiu aversa ab Romanis & infecta senatui suo. Itaque legati ad arcessendum Hannibalem, cum haud dubio, promisso tradendæ urbis, venerunt. Prævenit inceptum eorum Marcellus consul, à primoribus accitus. Die uno Sueffulan à Calibus, quum Vulturum, annis trajicientem moratus esset, contenderat. inde proximâ nocte sex millia peditum, equitesque trecentos,

tos, qui presidio senatui esset, Nolam intremisit: & uti à consule omnia impigre facta sunt ad præoccupandam Nolam, ita Hannibal tempus terebat; his jam antè nequiquam tentatâ re, segnior ad credendum Nolanis factus.

XIV. Iisdem diebus & Q. Fabius consul ad Casilinum tentandum, quod presidio Punico tenebatur, venit; & ad Beneventum, vultu ex composito, parte alterâ Hanno ex Bruttis cum magna pedum equitumque manu, alterâ Ti. Gracchus ab Luceria accessit: qui primò oppidum intravit. Deinde, ut Hannonem tria milia ferme ab urbe ad Calorem fluvium castrâ posuisse, & inde agrum populari audivis, & ipse, aggregatus moribus, mille ferme passus ab hoste castra locat, ibique concionem militum habuit. Legiones magna ex parte volonum habebat; qui jam alterum annum libertatem tacitè mereri, quàm postulare palam, maluerant. Senforat tamen hibernis egrediens mormur in agmine esse quarentium, *en. nunquam liberi militaturi essent?* scripseratque senatui, non tam quid desiderarent, quàm quid meruissent: *bonâ fortique opend eorum se ad eam diem usum: neque ad exemplum justî militis quicquam eis, præter libertatem, deesse.* De eo permissum ipsi erat, faceret, quod è republica duceret esse. Itaque prius, quàm cum hoste manum confereret, pronunciat: *tempus venisse eis libertatis, quam diu sperâssent, potiusmoda. postero die signis collatis dimicaturum puro ac patienti campâ, ubi sine ullo insidiarum metu verâ victute gerere posset.* Qui caput hostis retulisset, cum se extemplo liberum iussurum esse: qui loco cessisset, in eum sexvili supplicio animadversurum. Suam cuique fortunam in manu esse: libertatis auctorem eis non se fore solum, sed consulem M. Marcellum, sed universas Patres; quos, consultos ab se de libertate eorum, sibi permisisset. Literas inde consulis ac senatusconsultum recitavit. Ad quæ clamor cum ingentis assensu est sublatu. pugnam poscebant, signumquo-

ut daret extemplo, ferociter instabant. Gracchus, prælio in posterum diem pronunciato, concionem dimisit. Milites læti, præcipuè quibus merces navatæ in unum diem operæ libertas futura erat, armis expediendis quod reliquum consumunt.

XV. Postero die, ubi signa cœperunt canere, primi omnium parati instructique ad prætorium conveniunt. Sole orto, Gracchus in aciem copias educit. nec hostes moram dimicandi fecerunt. Decem & septem millia peditum erant, maxima ex parte Bruttii ac Lucani. equites mille ducenti; inter quos pauci admodum Italici, ceteri Numidæ ferè omnes Maurique. Pugnatum est & acriter, & diu. quatuor horis neutrò inclinata est pugna: nec alia magis Romanum impediēbat res, quàm capita hostium pretia libertati facta. Nam ut quisque hostem impigre occiderat, primum capite ægre inter turbam tumultumque abscidendo tempus terebat: deinde, occupatâ dextrâ tenendo caput, fortissimus quisque pugnator esse desierat: segnibus ac timidis tradita pugna erat. Quod ubi tribuni militum Graccho nunciaverunt, neminem stantem jam vulnerari hostem, carnificari jacentes, & in dextris militum pro gladiis humana capita esse: signum dari propere jussit, projicerent capita, invaderentque hostem. Claram satis & insignem virtutem esse: nec dubiam libertatem futuram strenuis viris. Tum redintegrata pugna est, & eques etiam in hostem emissus. Quibus quum impigre Numidæ concurrissent, nec segnior equitum, quàm peditum, pugna esset, iterum in dubium adducta res. Quum utrinque duces, Romanus Bruttium Lucanumque, toties à majoribus suis victos subactosque, Pœnus mancipia Romana & ex ergastulo militem, verbis obtineret; postremò pronunciat Gracchus, esse nihil, quod de libertate sperarent, nisi eo die fusi fugatique hostes essent.

XVI. Ea demum vox ita animos accendit, atque

RENO-

renovato clamore, velut alii-repentè facti, tantà vi se in hostem intulerunt, ut sustineri ultrà non possent. Primò antesignani Pœnorum, deinde signa perturbata, postremò tota impulsà acies; inde haud dubiè terga data, ruuntque fugientes in castra, adeo pavidì trepidique, ut ne in portis quidem aut vallo quisquam resisterit, ac propè continenti agmine Romani insecuti, novum de integro prælium inclusi hostium vallo ediderint. Ibi sicut pugna impeditior in angustiis, ita cædes atrocior fuit: & adjuvere captivi, qui, rapto inter tumultum ferro, conglobati & ab tergo ceciderunt Pœnos, & fugam impediunt. Itaque minus duo millia hominum ex tanto exercitu, & ea major pars equitum, cum ipso duce effugerunt: alii omnes cæsi aut capti. capta & signa duodequadraginta. Ex victoribus duo millia ferme cecidere. præda omnis (præterquam hominum captorum) militi concessa est: & pecus exceptum est, quod intra dies triginta domini cognovissent. Quum prædà onusti in castra redissent, quatuor millia ferme volonum militum, qui pugnaverant segniùs, nec in castra irruperant simul, metu pœnæ collem haud procul castris ceperunt. postero die per tribunos militum inde deducti, concione militum advocatà à Graccho, superveniunt. Ubi quum præcon- sul veteres milites primùm, prout cuiusque virtus atque opera in ea pugna fuerat, militaribus donis donasset; tunc quod ad volones attineret, omnes, ait, *male laudatos à se, dignos indignosque, quàm quemquam eo die castigatum esse. Quod banum, faustum, felixque reipublicæ ipsisque esset, omnes eos liberos, esse jubere.* Ad quam vocem quum clamor ingenti alacritate sublatu esset, ac nunc complexi inter se gratulantesque, nunc manus ad cælum tollentes, bona omnia populo Romano Gracchoque ipsi precarentur; tum Gracchus, *Præquam omnes jure libertatis aequassem,* inquit, *neminem notâ strenui, aut ignavi militis notâsse volui. Nunc, exsolutâ jam fide pu-*  
blica,

*blat, ne discrimen omne virtutis ignaviaque parcat, nominat eorum, qui, detrectata pugna memores, secessionem paulo ante fecerunt, referri ad me jubebo: citatosque singulas jurejurando adigam, nisi quibus morbus causa erit, non aliter, quam stantes, cibum potionemque, quoad stipendia faciemus, capturos esse. Hanc multam ita aequo animo feretis, si reputabitis, nulla ignavia nota leviori vos designari potuisse. Signum deinde colligendi vasa dedit: militesque praedam portantes agentesque, per lasciviam ac jocum, ita ludibundè Beneventum rediere, ut ab epulis per celebrem festumque diem actis, non ex acie, reverti viderentur. Beneventani omnes turbam effusam quum obviam ad portas exissent, complecti milites, gratulari, vocare in hospitium. Apparata convivia omnibus in propatulo adium fuorant: ad ea invitabant, Gracchumque orabant, ut epulari permitteret militibus. Et Gracchus ita permisit, in publico epularentur omnes. Ante suas quibusque fores prolata omnia. pilcati, aut lana alba velatis capitibus volones epulati sunt; alii accubantes, alii stantes, qui simul ministrabant vescobanturque. Digna res visa, ut simulacrum celebrati ejus dñi. Gracchus, postquam Romam rediit, pingi juberet in aede Libertatis, quam pater ejus in Aventino ex multatitia pecunia faciendam curavit dedicavitque.*

XVII. Dum hæc ad Beneventum geruntur, Hannibal, depopulatus agrum Neapolitanum, ad Nolam castra movet. quem ubi adventare consul sensit, Pomponio propratore cum eo exercitu, qui super Sueffulum in castris erat, accito, ire obviam hosti parat, nec moram dñicandi facere. C. Claudium Neronem cum robore equitum, silentio noctis, per averfam maximè ab hoste portam emittit: circumvestumque occultè subsequi sensim agmen hostium jubet, & quum coortum proelium videret, ab tergo se objicere. Id errore viarum, an exiguitate temporis, Nero exsequi non potuerit, incertum est. Absente eo quum prælium com-

missum.

missum esset, superior quidem haud dubiè Romanus erat: sed, quia equites non affuere in tempore, ratio compositæ rei turbata est. non ausus insequi cedentes Marcellus, vincentibus suis signum receptui dedit: plus tamen duo millia hostium eo die cæsa traduntur: Romani minus quadringentis. Solis ferè occasu Nero, diem noctemque nequicquam fatigatis equis hominibusque, ne viso quidem hoste rediens, adeo graviter est ab consule increpitus, ut per eum stetisse diceret, quo minùs accepta ad Cannas redderetur hosti clades. Postero die Romanus in aciem descendit: Pœnus, tacitâ etiam confessione victus, castris se tenuit. Tercio die silentio noctis, omisâ spe Nolæ potiundæ, rei nunquam prosperè tentatæ, Tarèntum ad certiores spem proditiõis proficiscitur.

XVIII. Nec minòre animo res Romana domi, quàm militiæ, gerebatur. Censores, vacui ab operum locandorum cura, propter inopiam ærarii, ad mores hominum regendos animum adverterunt, castigandaque vicia; quæ, velut diutinis morbis ægra corpora ex se gignunt, nata bello erant. Primum eos citaverunt, qui post Cannensem pugnam rempublicam deseruisse, Italiæque excessisse velle dicebantur. princeps eorum L. Cæcilius Metellus quaestor tum fortè erat. Jussu deinde eo ceterisque ejusdem noxæ reis causam dicere, quum purgari nequissent, pronuntiârunt, verba orationemque eos adversus rempublicam habuisse, quod conjuratio deferendæ Italiæ causâ fieret. Secundum eos citati nimis callidi exsolvendi jurisjurandi interpretes: qui captivorum, ex itinere regressi clam in castra Hannibalis, solutum, quod juraverant redituros, rebantur. His superioribusque illis equi adempti, qui publicum equum habebant: tribuque moti, ærarii omnes facti. Neque senatu modò aut equestri ordine regendo cura se censorum tenuit. nomina omnium ex juniorum tabulis excerpserunt, qui quadriennio non mili-

militalent, quibus neque vacatio iusta militiæ, neque morbus causa fuisset. Et ea supra duo millia nominum in ærarios relata, tribuque omnes moti. Additumque inerti censoriæ notæ triste senatusconsultum: ut ii omnes, quos censores notassent, pedibus mererent, mitterenturque in Siciliam ad Cannensis exercitus reliquias, cui militum generi non prius, quam pulsus Italia hostis esset, finitum stipendiorum tempus erat. Quum censores, ob inopiam ærarii, se jam locationibus abstinere ædium sacrarum tuendarum, curuliumque equorum præbendorum, ac similium his rerum; convenere ad eos frequentes, qui hastæ huius generis assueverant: hortatique censores, ut omnia perinde agerent, locarent, ac si pecunia in ærario esset. Neminem, nisi bello confecto, pecuniam ab ærario petiturum esse. Convenere deinde domini eorum, quos Ti. Sempronius ad Beneventum manu emiserat: arcessitosque se ab triumviris mensariis esse dixerunt, ut pretia fervorum acciperent. ceterum non antè, quam bello confecto, accepturos esse. Quum hæc inclinatio animorum plebis ad sustinendam inopiam ærarii fieret; pecuniæ quoque pupillares primò, deinde viduarum, exceptæ conferri: nusquam eas tutius sanctiusque deponere credentibus, qui deferebant, quam in publica fide. inde, si quid emptum paratumque pupillis ac viduis foret, à quæstore perscribebatur. Manavit ea privatorum benignitas ex urbe etiam in castra, ut non eques, non centurio stipendium acciperent, mercenariumque increpantes vocarent, qui accepisset.

XIX. Q. Fabius consul ad Casilinum castra habebat, quod duum millium Campanorum, & septingentorum militum Hannibalis tenebatur præsidio. Præerat Staius Metius, missus ab Cn. Magio Atellano: qui eo anno Medixtuticus erat, servitiæque & plebem promiscuè armabat, ut castra Romana invaderet, intento consule ad Casilinum oppugnandum. Nihil eorum Fabium

bium fefellit. Itaque Nolam ad collegam mittit, altero exercitu, dum Casilinum oppugnatur, opus esse, qui Campanis opponatur. Vel ipse, relicto Nola præsidio modico, veniret; vel, si cum Nola teneret, & necdum secura res ab Hannibale essent, se Ti. Gracchum proconsulem à Benevento accitutum. Hoc nuncio Marcellus, duobus militum milibus Nola in præsidio relictis, cum cetero exercitu Casilinum venit, adventuque ejus Campani, jam moventes sese, quieverunt. Ita à duobus consulibus Casilinum oppugnari cœptum. ubi quum multa, succedentes temere mœnibus, Romani milites acciperent vulnera, neque satis inceptis succederet, Fabius omittebam rem parvam ac juxta magnis difficilem, abscedendumque inde censebat, quum res majores instarent. Marcellus, multa magnis ducibus sicut non aggredienda, ita semel aggressis non dimittenda esse, dicendo, quia magna famæ momenta in utramque partem fierent, tenuit, ne irritum incepto abiretur. Vineæ inde omniaque alia operum machinationumque genera quum admoventur, Campanique Fabium orarent, ut abire Capuam tutò liceret; paucis egressis, Marcellus portam, quâ egrediebantur, occupavit, cædesque promiscuè omnium circa portam primò, deinde, irruptione factâ, etiam in urbe fieri cœpta est. Quinquaginta ferè primò egressi Campanorum, quum ad Fabium confugissent, præsidio ejus Capuam pervenerunt. Casilinum, inter colloquia cunctationemque petentium fidem, per occasionem captum est. captivi, quique Campanorum, quique Hannibalis militum erant, Romam missi, atque ibi in carcere inclusi sunt: oppidanorum turba per finitimos populos in custodiam divisa.

XX. Quibus diebus à Casilino, re bene gestâ, recessum est, eis Gracchus in Lucanis aliquot cohortes in ea regione conscriptas, cum præfecto sociorum in agros hostium prædatum misit. eos effusè palatos Hanno adortus, haud multo minorem, quàm ad Beneventum



tum acceperat, reddidit hosti cladem, atque in Bruttios raptim, ac Gracchus assequeretur, concessit. Consules, Marcellus retro, unde venerat, Nolam redit; Fabius in Samnium ad populandos agros recipiendaque armis, quæ defecerant, urbes processit. Caudinus Samnis gravius devastatus; perusti latè agri, prædæ pecudum hominumque astæ. oppida vi capta, Compulteria, Telesia, Compfa, Melæ, Fulfulæ & Orbitanium: ex Lucanis Blandæ: Apulorum Æcæ oppugnata. Millia hostium in his urbibus viginti quinque capta, aut occisa: & recepti perfugæ trecenti septuaginta; quos quum Romam misisset consul, virgis in comitio cæsi omnes, ac de saxo dejecti. Hæc à Q. Fabio intra paucos dies gesta. Marcellum ab gerundis rebus valetudo adversa Nolæ tenuit. Et à prætore Q. Fabio, cui circa Luceriam provincia erat, Accua oppidum per eos dies vi captum: stativaque ad Ardoneas communita. Dum hæc aliis locis ab Romanis geruntur, jam Tarentum pervenerat Hannibal cum maxima omnium, quacunque ierat, clade. In Tarentino demum agro pacatum incedere agmen cœpit. nihil ibi violatum, neque usquam viâ excessum est: apparebatque non id modestiâ militum aut ducis, nisi ad conciliandos Tarentinorum animos, fieri. Ceterum quum propemodo muris accessisset, nullo ad conspectum primi agminis, ut rebatur, motu facto, castra ab urbe ferme passus mille locat. Tarenti, triduo antè, quàm Hannibal ad mœnia accederet, à M. Valerio prætore, qui classi ad Brundisium præerat, missus M. Livius, primore juventute conscriptâ, dispositisque ad omnes portas, circaque muros, quâ res postulabat, stationibus, die ac nocte plurimum intentus, neque hostibus, neque dubiis sociis loci quicquam præbuit ad tentandum. Quare diebus aliquot frustra ibi absumptis, Hannibal, quum eorum nemo, qui ad lacum Averni adissent, aut ipsi venirent, aut nuncium literasve mitterent,

rent, vana promissa se temere secutum cernens, castra inde movit. Tum quoque, intacto agro Tarentino (quanquam simulata lenitas nihildum profuerat, tamen spe labefactandæ fidei haud abfistens) Salapiam ut venit, frumentum ex agris Metapontino atque Heraclitensi (jam media æstas exacta erat, & hibernis placebat locus) comportat. Prædatum inde Numidæ Maurique per Salentinum agrum proximisque Apuliæ saltus dimissi. unde ceteræ prædæ haud multum, equorum greges maximè abacti: è quibus ad quatuor millia domanda equitibus divisa.

XXI. Romani, quum bellum nequaquam contemnendum in Sicilia oriretur, morsque tyranni duces magis impigros dedisset Syracusanis, quàm causam aut animos mutasset, M. Marcello alteri consulum eam provinciam decernunt. Secundum Hieronymi eadem primò tumultuatum in Leontinis apud milites fuerat, vociferatumque ferociter, parentandum regi sanguine conjuratorum esse. Deinde libertatis restitutæ dulce auditu nomen crebrò usurpatum, spes facta ex pecunia regia largitionis, militiæque fungendæ potioris ducibus, & relata tyranni fœda scelera fœdioreque libidines, adeo mutavere animos, ut infepultum jacere corpus paulo antè desiderati regis paterentur. Quum ceteri ex conjuratis ad exercitum obtinendum remansissent, Theodotus & Sos regis equis, quanto maximo cursu poterant, ut ignaros omnium regios opprimerent, Syracusas contendunt. ceterum prævenerat non fama solum, (quæ nihil in talibus rebus est celerius) sed nuncius etiam ex regis servis. Itaque Andranodorus & Insulam, & artem, & alia, quæ poterat, quæque opportuna erant, præsidiis firmarat. Hexapylo Theodotus ac Sos post solis occasum jam obscurâ luce uesti, quum cruentam regiam vestem atque insigne capitis ostentarent, travesti per Tycham, simul ad libertatem, simul ad arma vocantes, in Achradinam convenire

nire jubent. Multitudo pars procurrat in vias, pars in vestibulis stat, pars ex tectis fenestrisque prospectant, &, quid rei sit, rogitant. Omnia luminibus collucent, strepituque vario complentur. armati locis patentibus congregantur. inermes ex Olympii Jovis templo spolia Gallorum Illyriorumque, dono data Hieroni à populo Romano, fixaque ab eo, detrahunt, precantes Jovem, ut volens propitius præbeat sacra arma, pro patria, pro Deum delubris, pro libertate sese armantibus. Hæc quoque multitudo, stationibus per principes regionum urbis dispositis, adjungitur. In Insula inter cetera Andranodorus præsidii firmat horrea publica. Locus, saxo quadrato septus, atque arcis in modum emunitus, capitur ab juventute, quæ præsidio ejus loci attributa erat, mittuntque nuncios in Achradinam, horrea frumentumque in senatus potestate esse.

XXII. Luce primâ populus omnis armatus inermisque in Achradinam ad curiam convenit. ibi pro Concordiæ ara, quæ in eo sita loco erat, ex principibus unus nomine Polyænus concionem & liberam & moderatam habuit: *Servitudinis indignitatisque homines expertos, adversus notum malum irritatos esse. Discordia civilis quas importet clades, audisse magis à patribus Syracusanos, quàm ipsos vidisse. Arma quòd impigre ceperint, laudare: magis laudaturum, si non utantur, nisi ultimâ necessitate coacti. In præsentia legatos ad Andranodorum mitti placere, qui denuncient, ut in potestate senatus ac populi sit: portæ Insula pateant; recedat præsidium. Si tutelam alieni regni suum regnum velit facere, eundem se censere, multo acrius ab Andranodoro, quàm ab Hieronymo, repeti libertatem.* Ab hac concione legati missi sunt. Senatus inde haberi coëptus est. quod sicut, regnante Hierone, manserat publicum consilium, ita post mortem ejus, ante eam diem, nulla de re neque convocati, neque consulti fuerant. Ut ventum ad Andranodorum est, ipsum quidem

dem movebat & civium consensus, & quum aliz occupatz urbis partes, tum pars insulæ, velut munitissima, prodita atque alienata. Sed evocatum cum ab legatis Damarata uxor, filia Hieronis, inflata adhuc regiis animis ac muliebri spiritu, admonet sæpe usurpatz Dionysii tyranni vocis: quâ, *pedibus tractum, non insidentem equo, relinquere tyrannidem, dixerit, debere. Facile esse momento, quo quis velit, cedere possessione magna fortune: facere & parare eam, difficile atque arduam esse. Paululum sumeret spatii ad consultandum ab legatis. eo uteretur ad arcessendos ex Leontinis milites: quibus si pecuniam regiam pollicitus esset, omnia in potestate ejus futura.* Hæc muliebria consilia Andranodorus neque tota aspernatus est, neque extemplo accepit: tutiorem ad opes affectandas ratus esse viam, si in præsentia tempori cessisset. Itaque legatos renunciare jussit, futurum se in senatûs ac populi potestate. Postero die luce primâ, patefactis Iasulæ portis, in forum Achradinæ venit. ibi in aram Concordiæ, ex qua pridie Polyænus concionatus erat, descendit: orationemque eam orsus est, quâ primum cunctationis suæ veniam petivit. *Se enim clausas habuisse portas, non separantem suas res à publicis, sed strictis semel gladiis timentem, qui finis cadibus esset futurus: utrum, quod satis libertati foret, contenti nece tyranni essent, an, quicumque aut propinquitate, aut affinitate, aut aliquibus ministeriis regiam contigissent, aliena culpæ rei trucidarentur.* Postquam animadvertit, eos, qui liberassent patriam, servare etiam liberatam velle, atque undique consuli in medium; non dubitasse, quin & corpus suum, & cetera omnia, quæ suæ fidei tutelæque essent, quoniam eum, qui mandasset, suus furor absumpsisset, patria restitueret. Conversus deinde ad interfectores tyranni, ac nomine appellans Theodotum ac Solim: *Facinus, inquit, memorabile fecistis. Sed, mihi credite, inchoata vestra gloria, nondum perfecta, est; periculumque ingens manet, nisi paci & concordia consulitis, ne libera efferatur respublica.*

XXIII. Post hanc orationem claves portarum pecuniarque regie ante pedes eorum posuit. atque illo quidem die dimissi ex concione læti, circa omnia sana Deum supplicaverunt cum conjugibus ac liberis: postero die comitia prætoribus creandis habita. Creatus in primis Andranodorus; ceteri magna ex parte interfectores tyranni. duos etiam absentes, Sopatrum ac Dinomenem, fecerunt. Qui, auditis, quæ Syracusis acta erant, pecuniam regiam, quæ in Leontinis erat, Syracusas devectam, quaestoribus ad id ipsum creatis traderunt: & ea, quæ in Insula erat & Achradina, tradita est; murique ea pars, quæ ab cetera urbe nimis firmo munimento intersepiebat Insulam, consensu omnium dejecta est. secutæ & ceteræ res hanc inclinationem animorum ad libertatem. Hippocrates atque Epicydes, auditis morte tyranni, quam Hippocrates, etiam nuncio interfecto, celare voluerat, deserti à militibus; quia id tutissimum ex præsentibus videbatur, Syracusas rediere. ubi ne suspecti obversarentur, tanquam novandi res aliquam occasionem quaerentes, prætores primum, dein per eos senatum adeunt. *Ab Hannibale se missos prædicant ad Hieronymum, tanquam amicum ac socium. paruisse imperio ejus, cujus imperator suus voluerit. velle ad Hannibalem redire. ceterum, quam iter tutum non sit, vagantibus passim per totam Siciliam Romanis armis, petere, ut præsidium dent aliquid, quo Lætos in Italiam perducantur. gratiam magnam eos parvum operam apud Hannibalem inturos. Facile res impetrata: abire enim duos regiones, quum peritos militum, tum egentes eosdem atque audaces, cupiebant: sed, quod volebant, non, quam maturato opus erat, naviter expediebant. Interim juvenes militares & assueti militibus, nunc apud eos ipsos, nunc apud transfugas, quorum maxima pars ex navalibus sociis Romanorum erat, nunc etiam apud infimæ plebis homines, crimina serébant in senatum optimatefque; id moliri clam eos atque struere; ut Syracusæ per speciem*

*tiem reconciliata societatis in ditione Romanorum sint; dein factio & pauci auctores fœderis renovati dominantur.*

XXIV. His audiendis credendisque opportuna multitudo, major in dies, Syracusas confluebat: nec Epirydi solum spem novandarum rerum, sed Andranodoro etiam, præbebat. Qui, fessus tandem uxoris vocibus, monentis, *nunc illud esse tempus occupandi res, dum turbata omnia novâ atque inconditâ libertate essent, dum regiis stipendiis pastus obversaretur miles, dum ab Hannibale missi duces assueti militibus juvare possent incepta*, cum Themisto, cui Gelonis filia nupta, rem consociatam paucos post dies Aristoni cuidam tragico actori, cui & alia arcana committere assuêrat, incautè aperit. Huic & genus & fortuna honesta erant, nec ars, quia nihil tale apud Græcos pudori est, ea deformabat. itaque, fidem potiore ratas, quam patriæ debebat, indiciū ad prætores desert. Qui, ubi rem haud vanam esse certis indiciis compèrerunt, consultis senioribus, & auctoritate eorum præsidio ad fores posito, ingressos curiam Themistum atque Andranodorum interfecerunt: &, quum tumultus ab re in speciem atrocior, causam aliis ignorantibus, ortus esset, silentio tandem facto, indicem in curiam introduxerunt. Qui quum ordine omnia edocuisset, & principium conjurationis factum ab Harmoniæ Gelonis filiz nuptiis, quibus Themisto juncta esset; Afrorum Hispanorumque auxiliares instructos ad cædem prætorum principumque aliorum; bonaque eorum prædæ futura intersectoribus pronuntiatus; jam mercenariorum manum assuetam imperiis Andranodori paratam fuisse ad Insulam rursus occupandam; singula deinde, quæ per quosque agerentur, totamque viris armisque instructam conjurationem ante oculos posuisset; senatui quidem tam jure cæsi, quam Hieronymus, videbantur. Ante curiam variæ atque incertæ rerum multitudinis clamor erat. quam, ferociter minitantem in vestibulo curiæ,

corpora conjuratorum eo metu compresserunt, ut silentes integram plebem in concionem sequerentur. Sopatro mandatum ab senatu & ab collegis, ut verba faceret.

XXV. Is, tanquam reos ageret, ab antea vita orsus, quæcumque post Hieronis mortem sceleratæ atque impiæ facta essent, Andranodorum ac Themistum arguit fecisse. *Quid enim sua sponte fecisse Hieronymum puerum, ac vixdum pubescentem facere potuisse? Tutores ac magistros ejus sub aliena invidia regnasse. itaque aut ante Hieronymum, aut certe cum Hieronymo perire eos debuisse. At illos, debitos jam morti destinatosque, alia nova scelera post mortem tyranni molitos: palam primò, quum clausis Andranodorus Insula portis hereditatem regni creverit, quæque procurator tenuerat, pro domino possederit; proditus deinde ab eis, qui in Insula erant, circumfessus ab universa civitate, qua Achradinam tenuerit, nequicquam palam atque apertè petitum regnum, clam & dolo affectare conatus sit, & ac beneficio quidem atque honore potuerit vinci, quum inter liberatores patriæ insidiator ipse libertatis creatus esset prator. Sed animos eis regios conjuges regias fecisse: alteri Hieronis, alteri Gelonis, filias nuptas.* Sub hanc vocem ex omnibus partibus concionis clamor oritur, nullam earum vivere debere, nec quemquam superesse tyrannorum stirpis. Hæc natura multitudinis est; aut servit humiliter, aut superbè dominatur: libertatem, quæ mediâ est, nec spernere modicè, nec habere sciunt: & non ferme desunt irarum indulgentes ministri, qui avidos atque intemperantes plebeiorem animos ad sanguinem & cædes irritent. Sicut tum extemplo prætores rogationem promulgârunt: acceptaque penè prius, quàm promulgata, est, ut omnis regia stirps interficeretur. missique à prætoribus Damaratam Hieronis, & Harmoniam Gelonis filias, conjuges Andranodori & Themisti, interfecerunt.

XXVI. Heraclea erat filia Hieronis, uxor Zoippi;  
qui,

qui, legatus ab Hieronymo ad regem Ptolemaeum missus, voluntariam consciverat exsilium. Ea quum ad se quoque venire praescisset, in sacrarium ad penates confugit, cum duabus filiabus virginibus, resolutis cri- nibus, miserabilique alio habitu: & ad ea addidit preces, nunc per memoriam Hieronis patris, Gelonisque fratris, ac se iam iam invidia Hieronymi conflagrare sinerent. Nihil se ex regno illius, praeter exsilium viri, habere: neque fortunam suam eandem vivo Hieronymo fuisse, quam sororis; neque interfecto eo causam eandem esse. Quid? quod, si Andranodoro consilia processissent, illa cum viro fuerit regnatura; sibi cum ceteris servendum. Si quis Zoippo nunciet, interfectum Hieronymum, ac liberatas Syracusas, cui dubium esse, quin extemplo conscensurus sit navim, atque in patriam rediturus? Quantum spes hominum fallit! In liberata patria conjugem ejus ac liberos de vita dimicare; quid obstantes libertati, aut legibus? Quod ab se cuiquam periculum, à sola ac prope vidua, & puellis in orbitate degentibus, esse? At enim periculi quidem nihil ab se timeri: invisam tamen regiam stirpem esse. Ablegarent ergo procul ab Syracusis Siciliae, & asportari Alexandriam juberent, ad virum uxorem, ad patrem filias. Aversis auribus animisque, castè ne tempus tereretur, ferrum quosdam expedientes cernebat: tum, omis- sis pro se precibus, puellis ut saltem parcerent, orare institit: à qua aetate etiam hostes iratos abstinere. ne, tyrannos ulciscendo, quae odissent, scelera ipsi imitarentur. Inter haec abstractam à penetralibus jugulant: in virgines deinde, resper- sas matris cruore, impetum faciunt. quae, alienata mente simul luctu metnque, velut captæ furore, eo cursu se ex sacrario proripuerunt, ut, si effugium patuisset in publicum, impleturae urbem tumultu fuerint. Tum quoque haud magno sedium spatio, inter medios tot armatos, aliquoties integro corpore evaserunt: tenentibusque, quum tot ac tam valida eluctanda manus essent, sese eripuerunt: tandem, vulneribus confecta, quum omnia re-



pléssent sanguine, exanimés corruerunt; eadēque per se miserabilem miserabiliorem casus fecit, quod paulo post nūcius venit, mutatis repēte ad misericordiam animis, ne interficerentur. Ira deinde ex misericordia orta: quod adeo festinatum ad supplicium, neque locus pœnitendi, aut regressus ab ira relictus esset. itaque fremere multitudo, & in locum Andranodori ac Themisti (nam ambo prætōres fuerant) comitia poscere: quæ nequaquam ex sententia prætōrum futura essent.

XXVII. Statutus est comitiis dies: quo, necopinantibus omnibus, unus ex ultima turba Epicydem nominavit, tum inde alius Hippocratem. crebriores deinde eæ voces, & cum haud dubio assensu multitudinis esse. Et erat confusa concio, non populari modò, sed militari quoque turbâ, magna ex parte etiam perfugis, qui omnia novare cupiebant, permixtis. Prætōres dissimulare primò, & trahendâ re esse: postremò victi consensu, & seditionem metuentes, pronunciant eos prætōres. Nec illi primò statim creati nudare, quid vellent: quanquam ægre ferebant, & de induciis dierum decem legatos misse ad Ap. Claudium, & impetratis eis, alios, qui de fœdere antiquo renovando agerent, missos. Ad Murgantiam tum classē navium centum Romanus habebat; quoniam evaderent motus ex cædibus tyrannorum orti Syracusæ, quove eos ageret nova atque insolita libertas, opperient. Per eodē dies quum ad Marcellum, venientem in Siciliam, legati Syracusani missi ab Appio essent, auditis conditionibus pacis, Marcellus, posse rem convenire ratus, & ipse legatos Syracusas, qui coram cum prætōribus de renovando fœdere agerent, misit. Et jam ibi nequaquam eadē quies & tranquillitas erat. postquam Punicam classē accessisse Páchynum allatum est, demto timore Hippocrates & Epicydes, nunc apud mercenarios milites, nunc apud transfugas, prodi  
Roma-

Romano Syracusas, criminabantur. Ut verò Appius naves ad ostium portûs, quo aliæ partis hominibus animus accederet, in statione habere cœpit, ingens in speciem criminibus vanis accesserat fides. ac primò etiam tumultuosè decurrerat multitudo ad prohibendos, si in terram egrederentur.

XXVIII. In hac turbatione rerum in concionem vocari placuit. ubi quum alii aliò tenderent, nec procul seditione res esset, Apollonides principum unus orationem salutarem, ut in tali tempore, habuit: nec spem salutis, nec perniciem propiorem unquam civitati ulli fuisse. Si enim uno animo omnes vel ad Romanos, vel ad Karthaginienses inclinent, nullius civitatis statum fortunatiorem beatioremve fore. si alii aliò trabant res, non inter Pænos Romanosque bellum atrocius fore, quàm inter ipsos Syracusanos; quum intra eosdem muros pars utraque suos exercitus, sua arma, suos habitura sit duces. Itaque, ut omnes idem sentiant, summâ vi agendum esse: utra societas sit utilior, eam longè minorem ac levioris momenti consultationem esse. sed tamen Hieronis potius, quàm Hieronymi, auctoritatem sequendam in sociis legendis, vel quinquaginta annis feliciter expertam amicitiam nunc incognita, quondam infideli, preferendam. Esse etiam momenti aliquid ad consilium, quòd Karthaginensibus ita pax negari possit, ut non utique in præsentia bellum cum eis geratur: cum Romanis extemplo aut pacem, aut bellum habendum. Quo minus cupiditatis ac studii visa est oratio habere, eo plus auctoritatis habuit. Adjectum est prætoribus ac delectis senatorum militare etiam consilium. iussi & duces ordinum præfectique auxiliorum simul consulere. Quum sæpe acta res esset magnis certaminibus, postremò, quia belli cum Romanis gerendi ratio nulla apparebat, pacem fieri placuit, mittique cum eis legatos ad rem confirmandam.

XXIX. Dies haud ita multi intercesserunt, quum ex Leontinis legati, præsidium finibus suis orantes, venerunt;

aerunt; quæ legatio peropportuna visa ad multitudinem inconditam ac tumultuosam exonerandam, ducesque ejus ablegandos. Hippocrates prætor ducere eò transfugas jussus: secuti multi ex mercenariis auxiliis, quatuor millia armatorum effecerunt. Et mittentibus & missis ea læta expeditio fuit. nam & illis, quod jam diu cupiebant, novandi res occasio data est; & hi, sentinam quandam urbis rati exhaustam, lætabantur. ceterum levaverunt modò in præsentia velut corpus ægrum, quò mox in graviores morbum recideret. Hippocrates enim finitima provinciæ Romanæ primò furtivis excursionibus vastare cœpit: deinde, quum ad tuendos sociorum agros missum ab Appio præsidium esset, omnibus copiis impetum in oppositam stationem cum cæde multorum fecit. Quæ quum essent nunciata Marcello, legatos extemplo Syracusas misit, qui pacis fidem ruptam esse dicerent: nec belli defuturam unquam causam, nisi Hippocrates atque Epicydes non ab Syracusis modò, sed tota procul Sicilia ablegarentur. Epicydes, ne aut reus criminis absentis fratris præsens esset, aut deesset pro parte sua concitando bello, profectus & ipse in Leontinos, quia satis eos adversus populum Romanum concitatos cernebat, avertere etiam ab Syracusis cœpit. *Nam ita eos pacem pepigisse cum Romanis, ut, quicumque populi sub regibus fuissent, & suæ ditionis essent; nec jam libertate contentos esse, nisi etiam regnent ac dominantur. Renunciandum igitur eis esse, Leontinos quoque æquum censere liberos esse; vel quòd in solo urbis suæ tyrannus ceciderit, vel quòd ibi primum conclamatum ad libertatem, relictisque regiis ducibus Syracusas sit concursum. Itaque aut eximendum id de fœdere esse, aut legem eam fœderis non accipiendam.* Facile multitudini persuasum: legatisque Syracusanorum, & de cæde stationis Romanæ querentibus, & Hippocratem atque Epicydem abire seu Locros, seu quòd aliò mallent, dummodo Siciliâ cederent, jubentibus, ferociter responsum est:

*est: Neque mandasse sese Syracusanis, ut pacem pro se cum Romanis facerent: neque teneri alienis fœderibus. Hæc ad Romanos Syracusani detulerunt, abnuentes Leontinos in sua potestate esse. itaque integro secum fœdere bellum Romanos cum iis gesturos. neque sese defuturos ei bello; ita ut in potestatem redacti suæ rursus ditionis essent, sicut pax convenisset.*

XXX. Marcellus cum omni exercitu profectus in Leontinos, Appio quoque accito, ut alterâ parte aggrederetur, tanto ardore militum est usus ab ira inter conditiones pacis interfectæ stationis, ut primo impetu urbem expugnarent. Hippocrates atque Epicydes, postquam capi muros refringique portas videre, in arcem sese cum paucis recepere. inde clam nocte Herbestum perfugiant. Syracusanis, octo millium armatorum agmine profectis domo, ad Mylam flumen nuncius occurrit, captam urbem esse; cetera falsa mixta veris ferens: cædem promiscuam militum atque oppidanorum factam, nec quenquam puberem arbitrari superesse: direptam urbem: bona locupletium donata. Ad nuncium tam atrocem constitit agmen: comitatisque omnibus, duces, (erant autem Sosis ac Diomenes) quid agerent, consultabant. Terroris speciem haud vanam mendacio præbuerant verberati ac securi percussi transfugæ ad duo millia hominum. ceterum Leontinorum militumque aliorum nemo, post captam urbem, violatus fuerat: suæque omnia eis, nisi quæ primus tumultus captæ urbis absumpserat, restituebantur. Nec ut Leontinos irent, proditos ad cædem commilitones querentes, perselli potuere, nec ut eodem loco certiozem nuncium expectarent. Quum ad defectionem inclinatos animos cernerent prætores, sed cum motum haud diuturnum fore, si duces amenitiæ sublatis essent; exercitum ducunt Megaram. ipsi cum paucis equitibus Herbestum proficiscuntur, spectatis omnibus, per proditorem urbis potiundæ.

quod ubi frustra eis fuit inceptum, vi agendum rati, postero die Megaris castra movent, ut Herbestum omnibus copiis oppugnarent. Hippocrates & Epicydes, non tam tutum primâ specie, quàm unum, spe undique abscissâ, consilium esse, rati, ut se militibus permitterent, & assuetis magna ex parte sibi, & tum famâ cædis commilitonum accensis, obviam agmini procedunt. Prima fortè signa sexcentorum Cretenſium erant, qui apud Hieronymum meruerant sub eis, & Hannibalis beneficium habebant, capti ad Trasimenum inter Romanorum auxilia, dimissique. quos ubi ex signis armorumque habitu cognovere Hippocrates atque Epicydes, ramos oleæ ac velamenta alia supplicum porrigentes, orare, *ut reciperent sese, receptosque tutarentur, neu proderent Syracusanis, à quibus mox ipsi trucidandi populo Romano dederentur.*

XXXI. Enimvero, conclamant, *bonum ut animum haberent : omnem se cum illis fortunam subituros.* Inter hoc colloquium signa constiterant, tenebaturque agmen : necdum, quæ moræ causa foret, pervenerat ad duces. postquam Hippocratem atque Epicydem adesse pervasit rumor, fremitusque toto agmine erat haud dubiè approbantium adventum eorum ; extemplo prætores citatis equis ad prima signa perrexerunt, *qui mos ille, quæ licentia Cretenſium esset, rogitantes, colloquia ferendi cum hoste, injussuque pratorum miscendi eos agmini suo?* Comprehendi injicique catenas jusserunt Hippocrati. ad quam vocem tantus extemplo primùm à Cretibus clamor est ortus, deinde exceptus ab aliis, ut faciliè, si ultra tenderent, appareret, eis timendum esse. Solliciti incertique rerum suarum Megaram, unde profecti erant, referri signa jubent, nunciosque de statu præsentis Syracusas mittunt. Fraudem quoque Hippocrates addit, inclinatis ad omnem suspicionem animis : &, Cretenſium quibusdam ad itinera insidenda missis, velut interceptas literas, quas ipse composuerat, recitat :  
Præto-

*Prætores Syracusani consuli Marcello, secundum salutem, ut assolet, scriptum erat: Recte cum atque ordine fecisse, quod in Leontinis nulli pepercisset. Sed omnium mercenariorum militum eandem esse causam, nec unquam Syracusas quieturas, donec quicquam externorum auxiliorum, aut in urbe, aut in exercitu suo, esset. itaque daret operam, ut eos, qui cum suis prætoribus castra ad Megaram haberent, in suam potestatem redigeret, ac supplicio eorum liberaret tandem Syracusas.* Hæc quum recitata essent, cum tanto clamore ad arma discursum est, ut prætores inter tumultum pavidī adēquitaverint Syracusas: & ne fugā quidem eorum seditio compressa est, impetusque in Syracusanos milites fiebant. nec ab ullo temperatum foret, ni Epicydes atque Hippocrates iræ multitudinis obviā mitterent: non à misericordia aut humano consilio, sed ne spem reditū præciderent sibi, & quum ipsos simul milites fidos haberent, simul obsides; tum cognatos quoque eorum atque amicos tanto merito primum, dein pignore sibi conciliarent: expertique, quā vanā aut levi aurā mobile vulgus esset, militem nācti ex eo numero, qui in Leontinis circumfessi erant, subornant, ut Syracusas perferret nuncium convenientem eis, quæ ad Mylam falsò nunciata erant; auctoremque se exhibendo, ac velut visa, quæ dubia erant, narrando, concitaret iras hominum.

XXXII. Huic non apud vulgum modò fides fuit, sed senatum quoque in curiam introductus movit. haud vani quidam homines palam ferre, *perbene detectam in Leontinis esse avaritiam & crudelitatem Romanorum. eadem, si intrāssent Syracusas, aut fœdiora etiam, quo majus ibi avaritia premium esset, facturos fuisse.* Itaque claudendas cuncti portas, & custodiendam urbem censere. sed non ab eisdem omnes timere, nec eosdem odisse. ad militare genus omne partemque magnam plebis invisum esse nomen Romanum. Prætores optimatumque pauci, quanquam inflammati vano nuncio erant, tamen ad pro-

pius præsentiusque malum cautiores esse. Et jam ad Hexapylum erant Hippocrates atque Epicydes: serebanturque colloquia per propinquos popularium, qui in exercitu erant, ut portas aperirent, sinerentque communem patriam defendi ab impetu Romanorum. Jam, unis foribus Hexapyli apertis, cœpti erant recipi, quum prætores intervenerunt. & primò imperio minisque, deinde auctoritate, deterrendo, postremò, ut omnia vana erant, obliti majestatis, precibus agebant, ne proderent patriam tyranni antè satellitibus, & tum corruptoribus exercitûs. Sed surdæ ad hæc omnia aures concitatae multitudinis erant, nec minore intus vi, quàm foris, portæ effringebantur: effractisque omnibus, tutò in Hexapulo agmen receptum est. Prætores in Achradinam cum juventute popularium confugiunt. mercenarii milites perfugæque, & quicquid regionum militum Syracusis erat, agmen hostium augment. Ita Achradina quoque primo impetu capitur, prætorumque (nisi qui inter tumultum effugerant) omnes interficiuntur. nox cædibus finem fecit. Postero die servi ad pileum vocati, & carcere vincti emissi: confusaque hæc omnis multitudo Hippocratem atque Epicydem creant prætores: Syracusæque, quum breve tempus libertas affulisset, in antiquam servitutem reciderunt.

XXXIII. Hæc nunciata quum essent Romanis, ex Leontinis mōta sunt extemplo castra ad Syracusas. Et ab Appio legati per portum missi fortè in quinqueremi erant. præmissa quadriremis, quum intrasset fauces portûs, capitur: legati ægre effugerunt. Et jam non modò pacis, sed ne belli quidem jura relicta erant: quum Romanus exercitus ad Olympium (Jovis id templum est) mille & quingentis passibus ab urbe castra posuit. Inde quoque legatos præmitti placuit: quibus, ne intrarent urbem, extra portam Hippocrates atque Epicydes obviàm cum suis processerunt. Romanus orator, non bellum se Syracusanis, sed opem auxiliumque as-  
ferre,

ferre, ait, & eis, qui, ex media cade clapsi, perfugerint ad se, & eis, qui, metu oppressi, fœdiorē, non exilio solum, sed etiam morte, servitutem patiantur. Nec eadem nefandam sociorum inultam Romanos passuros. Itaque si eis, qui ad se perfugerunt, tutus in patriam reditus pateret, cadis auctores dedantur, & libertas legesque Syracusanis restituantur, nihil armis opus esse. si ea non fiant, quicumque in mora sit, bello persecuturos. Ad ea Epicydes, Si qua ad se mandata haberent, responsum eis, ait, se daturos fuisse: quum in eorum, ad quos venerint, manu res Syracusana esset, tum reverterentur. Si bello laceffant, ipsā re intellecturos, nequaquam idem esse Syracusas ac Leontinos oppugnare. Itā legatis relictis, portas clausit. Inde terrā marique simul cœptæ oppugnari Syracusæ: terrā ab Hexapylo, mari ab Achradina, cujus murus fluctu alluitur. & quia, sicut Leontinos terrore ac primo impetu ceperant, non diffidebant, vastam disiectamque spatio urbem parte aliquā se invasuros, omnem apparatus oppugnandarum urbium muris admoverunt.

XXXIV. Et habuisset tanto impetu cœptæ res fortunam, nisi unus homo Syracusis eā tempestate fuisset. Archimedes is erat, unicus spectator cœli siderumque; mirabilior tamen inventor ac machinator bellicorum tormentorum operumque, quibus ea, quæ hostes ingenti mole agerent, ipse perlevi momento ludificaretur. Murum per inæquales ductum colles, (pleraque alta & difficilia aditu, submissa quædam, & quæ planis vallibus adiri possent) ut cuique aptum visum est loco, ita omni genere tormentorum instruxit. Achradinæ murum, qui, ut antè dictum est, mari alluitur, ex quinqueremibus Marcellus oppugnabat. Ex ceteris navibus sagittarii funditoresque, & velites etiam, quorum telum inhabile ad remittendum imperitis est, vix quenquam sine vulnere consistere in muro patiebantur. Hi, quia spatio missilibus opus est, procul muro tenebant naves. junctæ aliæ binæ ad quinquerem-



mes, demptis interioribus remis, ut latus lateri applicaretur, quum exteriore ordine remorum velut naves agerentur, turres contabulatas machinamentaque alia quatiendis muris portabant. Adversus hunc navalem apparatus Archimedes variaz magnitudinis tormenta in muris disposuit. in eas, quæ procul erant, naves saxa ingenti pondere emittebat: propiores levioribus, eoque magis crebris, petebat telis: postremò, ut sui vulnere intacti tela in hostem ingererent, murum ab imo ad summum crebris cubitalibus ferè cavis aperuit; per quæ cava pars sagittis, pars scorpionibus modicis ex occulto petebant hostem. Quæ propius quædam subibant naves, quo interiores ictibus tormentorum essent, in eas tollenone super murum eminente ferrea manus firmæ catenæ illigata quum injecta proræ esset, gravi libramento plumbi recellente ad solum, suspensâ prorâ, navim in puppim statuebat: dein, remissa subito, velut ex muro cadentem navim cum ingenti trepidatione nautarum ita undæ affligebat, ut, etiamsi recta reciderat, aliquantum aquæ acciperet. ita maritima oppugnatio est elusa, omnisque vis est eversa, ut totis viribus terrâ aggrederentur. Sed ea quoque pars eodem omni apparatu tormentorum instructa erat, Hieronis impensis curaque per multos annos, Archimedis unicâ arte, natura etiam juvabat loci, quòd saxum, cui imposita muri fundamenta sunt, magna ex parte ita proclive est, ut non solum missa tormento, sed etiam quæ pondere suo provoluta essent, graviter in hostem inciderent. eadem causa, ad subeundum, ardaum aditum instabilemque ingressum præbebat. Ita, consilio habito, quum omnis conatus ludibrio esset, abstinere oppugnatione, atque obsidendo tantum arcere terrâ marique com meatibus hostem placuit.

XXXV. Interim Marcellus, cum tertia ferè parte exercitus ad recipiendas urbes profectus, quæ in motu rerum

verum ad Karthaginienſes defecerant, Helorum atque Herbeſſum, deditibus ipſis, recipit. Megara vi capta diruit ac diripuit ad reliquorum, ac maximè Syracuſanorum, terrorem. Per idem ferè tempus & Himilco, qui ad Pachyni promontorium claſſem diu tenuerat, ad Heracleam, quam vocant Minoam, quinque & viginti millia peditum, tria equitum, duodecim elephantos expoſuit: nequaquam cum quantis copiis antè tenuerat ad Pachynum claſſem. Sed, poſtquam ab Hippocrate occupatæ Syracuſæ erant, profeſtus Karthaginem, adjuſtusque ibi & ab legatis Hippocratis, literiſque Hannibalis, qui veniſſe tempus aiebat Siciliæ per ſummum decus repetendæ, & ipſe haud vanus præſens monitor facilè perpulerat, ut, quantæ maximæ poſſent, peditum equitumque copiæ in Siciliam trajicerentur. Adveniens Heracleam, intra paucos dies inde Agrigentum recipit: aliarumque civitatum, quæ partis Karthaginienſium erant, adeo accenſæ ſunt ſpes ad pellendos Siciliâ Romanos, ut poſtremò etiam, qui obſidebantur Syracuſis, animos ſuſtulerint; &, parte copiarum ſatis defendi urbem poſſe rati, ita inter ſe munera belli partiti ſint, ut Epicydes præſſet cuſtodiriæ urbis, Hippocrates, Himilconi conjunctus, bellum adverſus conſulem Romanum gereret. Cum decem millibus peditum, quingentis equitibus nocte per intermiſſa cuſtodiis loca profeſtus, caſtra circa Acrillas urbem ponebat. Munientibus ſupervenit Marcellus, ab Agrigento jam occupato, quum fruſtra eò prævenire hoſtem feſtinans tetendiſſet, rediens; nihil minùs ratus, quàm illo tempore ac loco Syracuſanura ſibi exercitum obviàm fore; ſed tamen metu Himilconis Pœnorumque (ut quibus nequaquam eis copiis, quas habebat, par eſſet) quàm poterat maximè intentus, atque agmine ad omnes caſus compoſito ibat.

XXXVI. Fortè ea cura, quæ erat adverſus Pœnos præparata, adverſus Siculos uſui fuit. Caſtris ponendū

dis incompósitos ac difperfos nantus eos & plerofque inermes, quod peditum fuit, circumvenit: eques, levi certamine inito, cum Hippocrate Acras perfugit. Ea pugna deficientes ab Romanis quum cohibuiffet Siculos, Marcellus Syracufas rediit: & poft paucos dies Himilco, adjuncto Hippocrate, ad flumen Anapum, oſto ferme inde millia, caſtra poſuit. Sub idem ferè tempus & naves longæ quinque & quinquaginta Karthaginienfium cum Bomilcare claffis præfecto in magnum portum Syracufas ex alto decurrere: & Romana item claffis, triginta quinquereμες, legionem primam Panormi expoſuere; verſumque ab Italia bellum, adeo uterque populus in Siciliam intentus, fuiſſe videri poterat. Legionem Romanam, quæ expoſita Panormi erat, venientem Syracufas, prædæ haud dubiè ſibi futuram Himilco ratus, viâ decipitur. mediterraneo namque Pœnus itinere duxit; legio maritimis locis, claffe proſequentæ, ad Ap. Claudium, Pachynum cum parte copiarum obviâ progrefſum, pervenit. Nec diutius Pœni ad Syracufas morati ſunt. & Bomilcar, ſimul parum fidens navibus ſuis, duplici facilè numero claffem habentibus Romanis, ſimul inutili morâ cernens nihil aliud ab ſuis, quàm inopiâ aggravari ſocios, velis in altum datis, in Africam tranſmiſit. Et Himilco, ſecutus nequicquam Marcellum Syracufas, ſi qua, priuſquam majoribus copiis jungeretur, occasio pugnandi eſſet, poſtquam ea nulla contigerat, tutumque ad Syracufas & munimento & viribus hoſtem cernebat, ne fruſtra aſſidendo ſpectandoque obſidionem ſociorum tempus tereret, caſtra inde movit: ut, quocunque vocaſſet defeſſionis ab Romanis ſpes, admoveret exercitum, ac præſens ſuas res foventibus adderet animos. Murgantium primùm, prodito ab iſtis præſidio Romano, recepit: ubi frumentum magna vis commeatusque omnis generis convecti erant Romanis.

XXXVII. Ad hanc defectionem crecti sunt & aliarum civitatum animi: præsidiaque Romana aut perlebantur arcibus, aut prodita per fraudem opprimebantur. Henna, excelso loco ac prærupto undique sita, quum loco inexpugnabilis erat, tum præsidium in arce validum, præfectumque præsidii haud sanè opportunum insidiantibus habebat. L. Pinarius erat vir acer, & qui plus in eo, ne posset decipi, quàm in fide Siculorum, reponeret. & tum intenderant cum ad cavendi omnia curam tot auditæ proditiones defectionesque urbium, & clades præsidiorum. Itaque nocte dieque juxtà parata instructaque omnia custodiis ac vigiliis erant: nec ab armis aut loco suo miles abscedebat. Quod ubi Hennensium principes, jam pacti cum Himilcone de proditione præsidii, animadverterunt, nulli occasione fraudis Romanum patere, palam rentur agendum. *Urbem arcemque sue potestatis, aiunt, debere esse, si liberi in societatem, non servi in custodiam, traditi essent Romanis. itaque claves portarum reddi sibi æquum censent. Bonis sociis fidem suam maximum vinculum esse: & ita sibi populum Romanum senatumque gratias habiturum, si volentes, ac non coacti, mansissent in amicitia. Ad ea Romanus, Se in præsidio impositum esse, dicere, ab imperatore suo: clavesque portarum & custodiam arcis ab eo accepisse, quæ nec suo nec Hennensium arbitrio haberet, sed ejus, quæ commisisset. præsidio decedere apud Romanos capital esse: & neque liberorum etiam suorum eam legem parentes sanxisse. Consulem Marcellum baud procul esse: ad eum mitterent legatos, cujus juris atque arbitrii esset. Se verò negare illi missuros: testarique, si verbis nihil agerent, vindictam aliquam libertatis suæ quæsituros. Tum Pinarius: at illi, si ad consulem gravarentur mittere, sibi saltem darent populi concilium: ut sciretur, utràm paucorum ea denunciata, an universa civitatis, essent. Consensu in posterum diem concio edicatur.*

XXXVIII. Postquam ab eo colloquio in arcem se-

se

se recepit, convocatis militibus, Credo ego vos audisse, milites, inquit, quemadmodum praesidia Romana ab Siculis circumventa & oppressa sint per hos dies. Eam vos fraudem, Deum primò benignitate, dein vestrà ipsi virtute, dies noctesque perstando ac pervigilando in armis, vitastis. utinam reliquum tempus nec patiendo infanda, nec faciendo, traduci possit! Hæc occulta in fraude cautio est, quæ usi adhuc sumus: cui quoniam parum succedit, apertè ac propalam claves portarum reposcunt; quas simul tradiderimus, Karthaginensium extemplo Henna erit, fœdiusque hîc trucidabimur, quàm Murgantia praesidium interfectum est. Noctem unam ægre ad consultandum sumsi, quâ vos certiores periculi instantis facerem. Ortâ luce concionem habituri sunt, ad criminandum me concitandumque in vos populum. itaque crastino die, aut vestro, aut Hennensium sanguine Henna inundabitur. nec praecipiti spem ullam, nec occupantes periculi quicquam habebitis. qui prior strinxerit ferrum, ejus victoria erit. Intenti erga omnes armatique signum expectabitis. ego in concione ero: & tempus, quoad omnia instructa sint, loquenda altercandoque trabam. Quum togâ signum dederò, tum mihi undique clamore sublato turbam invadite, ac sternite omnia ferro: & cavete, quisquam supersit, à quibus aut vis, aut fraus timeri possit. Vos, Ceres mater ac Proserpina, precor, ceteri superi inferniue Dii, qui hæc urbem, hos sacros lacus lucosque colitis, ut ita nobis volentes propitii adsitis, si vitanda, non ferenda, fraudis causâ hoc consilii capimus. Pluribus vos, milites, hortarer, si cum armatis dimicatio futura esset. inermes, incautos ad satietatem trucidabitis. Et consulis castra in propinquo sunt, ne quid ab Himilcone & Karthaginensibus timeri possit.

XXXIX. Ab hac adhortatione dimissi corpora curant. Postero die alii aliis locis, ad obsidenda itinera claudendosque oppidanis exitus, pars maxima super theatrum circaque, assueti & antè spectaculis concionum, consistunt. Productus ad populum à magistratibus præfectus Romanus, quum consulis ea de re jus

ac

ac potestatem esse, non suam, & pleraque eadem, quæ pridie, dixisset; primò sensim, ac plures, reddere claves, dein jam unâ voce id omnes juberent, cunctantique ac differenti ferociter minitarentur, nec viderentur ultra vim ultimam dilaturi; tum præfectus togâ signum, ut convenerat, dedit. militesque intenti dudum ac parati, alii supernè in averfam concionem clamore sublato decurrunt, alii ad exitus theatri conferti obsistunt. Cæduntur Hennenses cavæa inclusi: coacervanturque, non cæde solùm, sed etiam fugâ; quum alii super aliorum capita ruerent, atque integri faucibus, vivi mortuis incidentes, cumularentur. Inde passim discurritur, & urbis captæ modo fugaque & cædes omnia tenet: nihilo remissiore militum irâ, quòd turbam inermem cædebant, quàm si periculum par & ardor certaminis eos irritaret. Ita Henna, aut malo, aut necessario facinore retenta. Marcellus nec factum improbavit, & prædam Hennensium militibus concessit, ratus, timore deterritos temperaturos prodicionibus præsidiorum Siculos. Atque ea clades, ut urbis in media Sicilia sitæ, claræque vel ob insignem munimento naturali locum, vel ob sacrata omnia vestigiis raptæ quondam Proserpinæ, propè uno die omnem Siciliam pervasit. Et quia cæde infandâ rebantur, non hominum tantùm, sed etiam Deorum sedem violatam esse, tum verò, qui etiam antè dubii fuerant, defecere ad Pœnos. Hippocrates inde Murgantiam, Himilco Agrigentum sese recepit: quum acciti à proditoribus nequicquam ad Hennam exercitum admovissent. Marcellus retro in Leontinos redit: frumentoque & com meatibus aliis in castra convectis, præsidio modico ibi relicto, ad Syracusas obsidendas venit, inde Ap. Claudio Romam ad consulatum petendum misso, T. Quintium Crispinum in ejus locum classi castrisque præfecit veteribus. ipse hibernacula quinque millia passuum Hexapylo (Leonta vocant locum) communiit, ædificavit.

cavitque. Hæc in Sicilia usque ad principium hiemis gesta.

XL. Eadem æstate & cum Philippo rege, quod jam antè suspectum fuerat, motum bellum est. Legati ab Oricò ad M. Valerium prætorem venerunt, præidentem classi Brundisio Calabriæque circà littoribus, nunciantes, Philippum primùm Apolloniam tentasse, lembis biremibus centum viginti flumine adverso subversum: deinde, ut ea res tardior spe fuerit, ad Oricum clam nocte exercitum admovisse: eamque urbem, sitam in plano, neque mœnibus, neque viris atque armis validam, primo impetu oppressam esse. Hæc nunciantes orabant, ut opem ferret, hostemque haud dubium Romanis terrâ aut maritimis viribus arceret; quibus ob nullam aliam causam, nisi quòd imminerent Italiæ, peterentur. M. Valerius, præsidio loci ejus relicto P. Valerio legato, cum classe instructa parataque, &, quod longæ naves militum capere non poterant, in onerariis impositis, altero die Oricum pervenit: urbemque eam, levi tenente præsidio, quod recedens inde reliquerat Philippus, haud magno certamine recepit. Legati eò ab Apollonia venerunt, nunciantes, in obsidione sese, quòd deficere ab Romanis nollent, esse: neque sustinere ultrà vim Macedonum posse, nisi præsidium mittatur Romanum. Facturum se, quæ vellent, pollicitus, duo millia delectorum militum navibus longis mittit ad ostium fluminis, cum præfecto sociùm, Q. Nævio Crista, viro impigro & perito militiæ. Is, expositis in terram militibus, navibusque Oricum retro, unde venerat, ad ceteram classem remissis, milites procul à flumine per viam minime ab regiis obsessam duxit, & nocte, ita ut nemo hostium sentiret, urbem est ingressus. Die insequenti quievit, dum præfectus juventutem Apolloniatum, armaque & urbis vires inspiceret. ubi ea visa inspectaque satis animorum fecerat, simulque ab exploratoribus comperit, quanta discordia

cordia ac negligentia apud hostes esset; silentio noctis ab urbe sine ullo tumultu egressus, castra hostium adeo neglecta atque aperta intravit, ut satis constaret, prius mille hominum vallum intrasse, quam quisquam sentiret: ac, si cæde abstinuissent, pervenire ad tabernaculum regium potuisse. Cædes proximorum portæ excitavit hostes. inde tantus terror pavorque omnes occupavit, ut non modò alius quisquam arma caperet, aut castris pellere hostem conaretur; sed etiam ipse rex, sicut somno excitus erat, propè seminudus fugiens, militi quoque, nedum regi, vix decoro habitu, ad flumen naveſque perfugerit. eodem & alia turba effusa est. Paulo minus tria millia militum in castris aut capta, aut occisa. plus tamen hominum aliquanto captum, quàm cæsum, est. Castris direptis, Apolloniæ catapultas, ballistas, tormenta que alia, quæ oppugnandæ urbi comparata erant, ad tuenda mœnia, si quando similis fortuna venisset, Apolloniam devexere: cetera omnis præda castrorum Romanis concessa est. Hæc quum Oricum essent nunciata, M. Valerius classem extemplo ad ostium fluminis duxit, ne navibus capeſſere fugam rex posset. Itaque Philippus, neque terrestri, neque navali certamine satis fore parem se fidens, subductis aut incensis navibus, terrâ Macedoniam petiit, magna ex parte inermi exercitu spoliatoque. Romana classis cum M. Valerio Orici hibernavit.

XLI. Eodem anno in Hispania variè res gestæ. nam, priusquam Romani amnem Iberum transirent, ingentes copias Hispanorum Mago & Hasdrubal fuderunt. defecissetque ab Romanis ulterior Hispania, ni P. Cornelius, raptim traducto exercitu Iberum, dubiis sociorum animis in tempore advenisset. Primò ad castrum Altum (locus est insignis cæde magni Hamilcaris) castra Rómani habuere. Arx erat munita, & convexerant antè frumentum. tamen, quia omnia circà hosti-



um plena erant, agmenque Romanum impune incur-  
 satum ab equitibus hostium fuerat, & ad duo millia,  
 aut moratorum aut palantium per agros, interfecta,  
 cessere inde Romani propius pacata loca, & ad mon-  
 tem Victoriæ castra communivere. Eò Cn. Scipio  
 cum omnibus copiis, & Hasdrubal Gisgonis filius, ter-  
 tius Karthaginensium dux, cum exercitu iusto adve-  
 nit: contraque castra Romana trans fluvium omnes  
 confedere. P. Scipio, cum expeditis clam profectus  
 ad loca circa visenda, haud sefellit hostes: oppressis-  
 sentque eum in patentibus campis, ni tumultum in pro-  
 pinquo cepisset. ibi quoque circumfessus adventu fra-  
 tris obsidione eximitur. Castulo, urbs Hispaniæ vali-  
 da ac nobilis, & adeo conjuncta societate Pœnis, ut  
 uxor inde Hannibali esset, ad Romanos defecit. Kar-  
 thaginenses Illiturgin oppugnare adorti, quia præsid-  
 ium ibi Romanum erat: videbanturque inopiâ eum lo-  
 cum maximè expugnaturi. Cn. Scipio, ut fociis præ-  
 sidioque ferret opem, cum legione expedita profectus,  
 inter bina castra cum magna cæde hostium urbem est  
 ingressus, & postero die eruptione æquè felici pugna-  
 vit. Supra duodecim millia hominum cæsa duobus  
 præliis: plus mille capti, cum sex & triginta militari-  
 bus signis. ita ab Illiturgi recessum est. Bigerra inde  
 urbs (focia & hæc Romanorum erat) à Karthaginensi-  
 bus oppugnari cœpta est. Eam obsidionem sine cer-  
 tamine adveniens Cn. Scipio solvit.

XLII. Ad Mundam exinde castra Punica mota: &  
 Romani eò confestim secuti sunt. Ibi signis collatis  
 pugnatum per quatuor ferme horas: egregièque vin-  
 centibus Romanis signum receptui est datum, quòd Cn.  
 Scipionis femur tragulâ confixum erat: pavorque cir-  
 ca eum ceperat milites, ne mortiferum esset vulnus.  
 Ceterum haud dubium fuit, quin, nisi ea mora inter-  
 venisset, castra eo die Punica capi potuerint. jam non  
 milites solum, sed elephanti etiam usque ad vallum a-  
 sti

Ei erant, superque ipso novem & triginta elephantibus confixi. Hoc quoque prælio ad duodecim millia hominum dicuntur cæsa, prope tria capta, cum signis militaribus septem & quinquaginta. Ad Auringen inde urbem Pœni recessere; &, ut territis instaret, secutus Romanus. Ibi iterum Scipio leſticulâ in aciem illatus confixit: nec dubia victoria fuit; minùs tamen dimidio hostium, quàm antea, quia pauciores superfu-erant, qui pugnarent, occisum. Sed gens nata instaurandis reparandisque bellis, Magone ad cōquiritonem militum fratre misso, brevi replevit exercitum, animosque ad tentandum de integro certamen fecit. Alii plerique milites, sicut pro parte toties intra paucos dies victa, iisdem animis, quibus priùs, eodemque eventu pugnare. plus octo millia hominum cæsa: haud multo minus quàm mille captum, & signa militaria quinquaginta octo; & spolia plurima Gallica fuisse, aurei torques, armillæque, magnus numerus. duo etiam insignes reguli Gallorum (Mœnicapto & Civismaro nomina erant) eo prælio ceciderunt. octo elephantibus capti, tres occisi. Quum jam res prosperæ in Hispania essent, verecundia Romanos tandem cepit, Saguntum oppidum, quæ causa belli esset, octavum jam annum sub hostium potestate esse. Itaque id oppidum, vi pulso præsidio Punico, receperunt, cultoribusque antiquis, quos vis reliquerat belli, restituerunt: & Turdetanos, qui contraxerant eis cum Karthaginensibus bellum, in potestatem redactos sub corona vendiderunt, urbemque eorum delevere.

XLIII. Hæc in Hispania, Q. Fabio, M. Claudio consulibus, gesta. Romæ quum tribuni plebis novi magistratum inſſent, extemplo censoribus, P. Furio & M. Atilio, à L. Metello tribunò plebis dies dicta ad populum est. quæstorem eum proximo anno, adempto equo, tribu moverant, atque ærarium fecerant, propter conjurationem deferendæ Italix ad Cannas factam.

ſed

sed novem tribunorum auxilio vetiti causam in magistratu dicere, dimissique fuerant. Ne lustrum perficerent, mors prohibuit P. Furii. M. Atilius magistratus se abdicavit. Consularia comitia habita à Q. Fabio Maximo consule. creati consules ambo absentes, Q. Fabius Maximus consulis filius, & Ti. Sempronius Gracchus iterum. Prætores fiunt M. Atilius, & qui tum ædiles curules erant, P. Sempronius Tuditanus, & Cn. Fulvius Centumalus, & M. Æmilius Lepidus. Ludos scenicos per quadriuum eo anno primum factos ab curulibus ædilibus, memoriæ proditur. Ædilis Tuditanus hic erat, qui ad Cannas, pavore aliis in tanta clade torpentibus, per medios hostes evasit. Comitibus perfectis, auctore Q. Fabio consule, designati consules Romam arcessiti magistratum inierunt: senatumque de bello ac provinciis suis prætorumque, & de exercitibus, quibus quique præessent, consuluerunt.

XLIV. Itaque provinciæ atque exercitus divisi. Bellum cum Hannibale consulibus mandatum, & exercituum unus, quem ipse Sempronius habuerat; alter quem Fabius consul. eæ binæ erant legiones. M. Æmilius prætor, cujus peregrina sors erat, jurisdictione M. Atilio collegæ prætori urbano mandatâ, Luceriam provinciam haberet, legionesque duas, quibus Q. Fabius, qui tum consul erat, prætor præfuerat. P. Sempronio provincia Ariminum, Cn. Fulvio Tuscûla, cum binis item legionibus, evenerunt: ut Fulvius urbanas legiones duceret, Tuditanus à M. Pomponio acciperet. Prorogata imperia provinciæque, M. Claudio Sicilia finibus eis, quibus regnum Hieronis fuisset: Lentulo proprætori provincia vetus: T. Otacilio classis, exercitus nulli additi novi. M. Valerio Græcia Macedoniaque, cum legione & classe, quam haberet: Q. Mucio cum veteri exercitu (duæ autem legiones erant) Sardinia: C. Terentio legio una, cui jam præerat, & Picenum. Scribi præterea duæ legiones urbanæ iussæ,  
&

& viginti millia sociorum. His ducibus, his copiis, adversus multa simul, aut mota aut suspecta bella, munierunt Romanum imperium. Consules, duabus urbanis legionibus scriptis, supplementoque in alias lecto, priusquam ab urbe moverent, prodigia procurarunt, quæ nunciata erant. Murus ac portæ tactæ, & Ariciæ etiam Jovis ædes de cælo tactæ fuerat. Et alia ludibria oculorum auriumque credita pro veris. navium longarum species in flumine Tarracina, quæ nullæ erant, visæ; & in Jovis Vicilini templo, quod in Compfano agro est, arma concrepuisse: & flumen Aniterni eruentum fluxisse. His procuratis ex decreto pontificum, profecti consules, Sempronius in Lucanos, in Apuliam Fabius. Pater filio legatus ad Suessulam in castra venit. quum obviam filius progrediretur, lictoresque verecundiâ majestatis ejus taciti antecirent; præter undecim fasces equo prævectus senex, ut consul animadvertere proximum lictorem jussit, & is, ut descenderet ex equo, inclamavit; tum demum desiliens, *Experiri, inquit, volui, fili, satin' scires, consulem te esse.*

XLV. In ea castra Dasius Altinius Arpinus clam nocte cum tribus servis venit, promittens, si sibi præmio foret, se Arpos proditurum esse. Quum eam rem ad consilium retulisset Fabius, aliis *pro transfuga verberandus necandusque videri, ancipitis animi communis hostis. qui post Cannensem cladem, tanquam cum fortuna fidem stare oporteret, ad Hannibalem discessisset, traxissetque ad defectionem Arpos; quumque res Romana contra spem votaque ejus velut resurgeret, turpius videatur novam referre proditionem proditis olim; qui aliunde stet semper, aliunde sentiat, infidus socius, vanus hostis; ad Faleriorum Pyrrhivæ proditorem tertium transfugis documentum esset.* Contra ea consulis pater Fabius, temporum oblitos homines, in medio ardore belli, tanquam in pace, libera de quoque arbitria agere, aiebat: qui, quum illud potius agendum atque eis cogitandum

*bandum sit, si quo modo fieri possit, ne qui socii à populo Romano desciscant, id non cogitent; documentum autem dicant statui oportere, si quis resipiscat, et antiquam societatem respiciat. Quod si abire ab Romanis liceat, redire ad eos non liceat; cui dubium esse, quin brevi deserta ab sociis Romana res, fœderibus Punicis omnia in Italia juncta visura sit? Se tamen non cum esse, qui Altinio fidei quicquam censeat habendum, sed mediam consecuturum consilii viam. neque cum pro hoste, neque pro socio in presentia habitum, liberâ custodiâ haud procul à castris placere in aliqua fida civitate servari per belli tempus: perpetrato bello, tum consultandum, utrùm defectio prior plus merita sit pœne, an hic reditus venia. Fabio assensum est. catenisque ligatus, traditur & ipse & comites: & auri satis magnum pondus, quod secum tum attulerat, ei servari iustum. Calibus eum interdium solutum custodes sequebantur: nocte clausum asservabant. Arpis domi primùm desiderari quærique est cœptus: dein fama, per totam urbem vulgata, tumultum, ut principe amisso, fecit: metuque rerum novarum extemplo nuncii ad Hannibalem missi. Quibus nequaquam offensus Pœnus, quia & ipsum, ut ambigueret fidei virum, suspectum jam pridem habebat, & causam nactus erat tam ditis hominis bona possidendi vendendique; ceterùm ut iræ magis, quàm avaritiæ, datum crederent homines, crudelitati quoque gravitatem addidit: conjugemque ejus ac liberos in castra accitos, quæstione prius habitâ, primùm de fuga Altinii, dein quantum auri argentique domi relictum esset, satis cognitis omnibus, vivos combussit.*

XLVI. Fabius, ab Sueffula profectus, Arpos primùm institit oppugnare. ubi quum à quingentis ferè passibus castra posuisset, contemplatus ex propinquo situm urbis mœniaque, quæ pars tutissima mœnibus erat, quâ maximè neglectam custodiam vidit, eâ potissimum aggredi statuit. Comparatis omnibus, quæ ad urbes oppugnandas usui sunt, centurionum robora ex toto

toto exercitu delegit, tribunosque viros fortes eis præfecit, & milites sexcentos, quantum satis visum est, attribuit: eosque, ubi quartæ vigiliæ signum cecinisset, ad eum locum scalas jussit ferre. Porta ibi humilis & angusta erat, viâ infrequenti per desertam partem urbis: eam portam scalis prius transgressos ad murum pergere, & ex interiore parte vi claustra refringere jubet, & tenentes partem urbis cornu signum dare, ut ceteræ copiæ admoventur: parata omnia atque instructa sese habiturum. Ea impigre facta: & quod impedimentum agentibus fore videbatur, id maxime ad fallendum adjuvit. imber, ab nocte media coortus, custodes vigilesque, dilapsos è stationibus, subfugere in tecta coëgit: sonituque primo largioris procellæ strepitum molientium portam exaudiri prohibuit; lentior deinde æqualiorque accidens auribus magnam partem hominum sopivit. Postquam portam tenuerunt, cornicines in via paribus intervallis dispositos canere jubent, ut consulem excirent. Id ubi factum ex composito est, signa efferri consul jubet, ac paulo ante lucem per effractam portam urbem ingreditur.

XLVII. Tum demum hostes excitati sunt, jam & imbre conquiescente, & propinquâ luce. Præsidium in urbe erat Hannibalis, quinque millia ferme armatorum: & ipsi Arpini tria millia hominum armabant. eos primos Pœni, ne quid ab tergo fraudis esset, hosti opposuerunt. Pugnatum primò in tenebris angustisque viis est: quum Romani non vias tantum, sed tecta etiam proxima portæ, occupassent, ne peti supernè ac vulnerari possent. Cogniti inter se quidam Arpinique & Romani; atque inde colloquia cœpta fieri, percunctantibus Romanis, quid sibi vellent Arpini? quam ob noxam Romanorum, quod aut meritum Pœnorum, pro alienigenis ac barbaris, Italici adversus veteres socios Romanos bellum gererent, & vëstigalem ac stipendiariam Italiam A-

fricæ facerent? Arpinis purgantibus, ignaros omnium se venum à principibus datos Perno, captos oppressosque à paucis esse. Inisio orto, plures cum pluribus colloqui. postremò prætor Arpinus ab suis ad consulem deductus; fideque datà inter signa aciesque, Arpini repentè pro Romanis adversus Karthaginiensem arma verterunt. Hispani quoque, paulo minus mille homines, nihil præterea cum consule pacti, quàm ut sine fraude Punicum emitteretur præsidium, ad consulem transtulerunt signa. Karthaginienfibus portæ patefactæ, emissique cum fide incolumes ad Hannibalem Salapiam venerunt. Arpi sine clade ullius, præterquam unius veteris proditoris, novi perfugæ, restituti ad Romanos. Hispanis duplicia cibaria dari iussà: operaque eorum forti ac fideli persæpe respublica usa est. Quum consul alter in Apulia, alter in Lucanis esset; equites centum duodecim nobiles Campani, per speciem prædandi ex hostium agro, permissu magistratuum ab Capua profecti, ad castra Romana, quæ super Sueffulam erant, venerunt. stationi militum, qui essent, dixerunt; colloqui sese cum prætore velle. Cn. Fulvius castris præerat: cui ubi nunciatum est, decem ex eo numero iussis inermibus deduci ad se, ubi, quæ postularent, audivit, (nihil autem aliud petebant, quàm ut, Capuà receptà, bona sibi restituerentur) in fidem omnes accepti. Et ab altero prætore Sempronio Tuditato oppidum Aternum expugnatum. amplius septem milia hominum capta, & ænis argentique signati aliquantum. Romæ scdum incendium per duas noctes ac diem unum tenuit: solo æquata omnia inter Salinas ac portam Carmentalem, cum Æquimalio Jugarioque viro. in templis Fortunæ ac matris Matutæ & Spei extra portam, latè vagatus ignis sacra profanaque multa absumpsit.

XLVIII. Eodem anno P. & Cn. Cornelli, quum in Hispania res prosperæ essent, multosque & veteres recipere

ciperent socios, & novos adjicerent, in Africam quoque spem extenderunt. Syphax erat rex Numidarum, subito Karthaginienſibus hoſtis factus: ad eum centuriones tres legatos miſerunt, qui cum eo amicitiam ſocietatemque facerent; & pollicerentur, ſi perſeveraret urgere bello Karthaginienſes, gratam eam rem fore ſenatui populoque Romano, & adniſuros, ut in tempore, & bene cumulatam gratiam referant. Grata ea legatio barbaro fuit: collocutusque cum legatis de ratione belli gerundi, ut veterum militum verba audivit, quàm multarum rerum ipſe ignarus eſſet, ex comparatione tam ordinatæ diſciplinæ, animum advertit. Tum, primùm ut pro bonis ac fidelibus ſociis facerent, oravit, ut duo legationem referrent ad imperatores ſuos; unus apud ſeſe magiſter rei militaris remaneret. rudem ad pedeftria bella Numidarum gentem eſſe, equis tantùm habilem. Ita jam inde à principiis gentis majores ſuos bella geſſiſſe, ita ſe à pueris inſuetos. Sed habere hoſtem pedeftri fidentem Marte: cui ſi æquari robore virium velit, & ſibi pedites comparandos eſſe; & ad id multitudine hominum regnum abundare: ſed armandi, ornandique & inſtruendi eos artem ignorare. omnia, velut fortè congregatâ turbâ, vaſta ac temeraria eſſe. Facturos ſe in præſentia, quod vellet, legati reſponderunt: fide acceptâ, ut remitteret ex templo eum, ſi imperatores ſui non comprobâſſent factum. Q. Statorio nomen fuit, qui ad regem remanſit. Cum duobus Romanis reliquis Numida legatòs in Hiſpaniam miſit ad accipiendam fidem ab imperatoribus Romanis. iſdem mandavit, ut protinus Numidas, qui intra præſidia Karthaginienſium auxiliares eſſent, ad tranſitionem perlicerent. Et Statorius ex multa juventute regi pedites conſcripſit: ordinatoſque proximè morem Romanum, inſtruendo & decurrendo ſigna ſequi, & ſervare ordines docuit: & operi aliſque juſtis militaribus ita aſſuefecit, ut brevi rex non equiti magis fideret, quàm pediti; collatiſque æ-



quo campo signis, iusto prœlio Karthaginensem hostem superaret. Romanis quoque in Hispania legatorum regis adventus magno emolumento fuit. namque ad famam eorum transitiones crebræ ab Numidis cœptæ fieri. Ita cum Syphace Romanis junctæ amicitia est. Quod ubi Karthaginienses acceperunt, ex templo ad Galam, in parte altera Numidiæ (Massyli ea gens vocatur) regnantem, legatos mittunt.

XLIX. Filium Gala Masinissam habebat, septem & decem annos natum, ceterum juvenem eâ indole, ut jam tum appareret, latius regnum opulentiusque, quàm acceperat, facturum. Legati, quoniam Syphax se Romanis junxisset, ut potentior societate eorum adversus reges populosque Africa esset, docent; melius fore Gala quoque, Karthaginensibus jungi quàm primum, antequam Syphax in Hispaniam, aut Romani in Africam transeant; opprimi Syphacem, nibildum præter nomen ex fœdere Romano habentem, posse. Facile persuasum Galæ, filio deposcente id bellum, ut exercitum mitteret: qui, Karthaginensium legionibus conjunctis, magno prœlio Syphacem devicit. Triginta millia eo prœlio hominum cæsa dicuntur. Syphax cum paucis equitibus in Maurusios ex acie Numidas (extremi prope Oceanum adversus Gades colunt) refugit: affluentibusque ad famam ejus undique barbaris, ingentes brevi copias armavit. cum quibus antequam in Hispaniam angusto diremptam freto trajiceret, Masinissa cum victore exercitu advenit: isque ibi cum Syphace ingenti gloriâ per se, sine ullis Karthaginensium opibus, gessit bellum. In Hispania nihil memorabile gestum, præterquam quod Celtiberum juventutem eadem mercede, quâ pacta cum Karthaginensibus erat, imperatores Romani ad se perduxerunt: & nobilissimos Hispanos supra trecentos in Italiam ad sollicitandos populares, qui inter auxilia Hannibalis erant, miserunt. Id modò ejus anni in Hispania ad memoriam insigne est, quod mercenarium militum

tem in castris neminem antè, quàm tum Celtiberos, Romani habuerunt.

## LIBER XXV.

## E P I T O M E.

II. **P.** Cornelius Scipio, postea Africanus, ante annos a-  
dilis factus est. VIII, &c. Hannibal urbem  
Tarentum, præter arcem, in quam presidium Romanorum  
fugerat, per Tarentinos juvenes, qui se noctu venatum ire  
simulaverant, cepit. XII. Ludi Apollinares ex Marcii car-  
minibus, quibus Cannensis clades prædicta fuerat, instituti  
sunt. XIII, XIV. *A Q.* Fulvio & *Ap.* Claudio consuli-  
bus adversus Hannoneim Pænorum ducem prospere pugnatum  
est. XVI. *Ti.* Sempronius Gracchus proconsul, ab hospite  
suo Lucano in insidias deductus, à Magona interfectus est.  
XIX. Centenius Penula, qui centurio militaverat; quum pe-  
tisset à senatu, ut sibi exercitus daretur, pollicitusque esset, si  
hoc impetrasset, de Hannibale victoriam, octo millibus acce-  
ptis, militum dux factus, conflixit acie cum Hannibale, &  
cum exercitu cæsus est. XXI. *Cn.* Fulvius prætor malè ad-  
versus Hannibalem pugnavit. in quo prælio hominum sexde-  
cim millia ceciderunt: ipse cum equitibus ducentis effugit.  
XXII. Capua obsessa est à *Q.* Fulvio & *Ap.* Claudio con-  
sulibus. XXIII, &c. Claudius Marcellus Syracusas expu-  
gnavit anno tertio, & ingentem se virum gessit. in eo tumu-  
tu urbis capta Archimedes, intentus formis, quas in pulvere  
descripserat, interfectus est. XXXIII, &c. *P.* & *Cn.*  
Scipiones in Hispania tot tantarumque rerum feliciter gesta-  
rum tristem exitum tulerunt: prope cum totis exercitibus cæsi  
anno octavo, quàm in Hispaniam iverant: XXXVI. amif-  
sæque ejus provincie possessio foret, nisi *L.* Marcii equitis Ra-

*mani virtute & industria, contractis exercituum reliquiis, ejusdem sortatu, bina castra hostium expugnata essent. Ad triginta septem millia caesa, ad mille octingentos triginta capti, prada ingens parva. Dux Marcius appellatus est.*

I. **D**UM hæc in Africa atque in Hispania geruntur, Hannibal in agro Tarentino æstatem consumpsit, spe per prodicionem urbis Tarentinorum potiundæ. ipsorum interim Sallentinorum ignobiles urbes ad eum defecerunt. Eodem tempore in Bruttis ex duodecim populis, qui anno prior ad Pœnos desciverant, Consentini & Thurini in fidem populi Romani redierunt. Et plures rediissent, ni T. Pomponius Vejentanus præfectus sociùm, prosperis aliquot populationibus in agro Bruttio justis ducis speciem nactus, tumultuario exercitu coacto, cum Hannone conflixisset. Magna ibi vis hominum, sed inconditæ turbæ agrestium servorumque, cæsa aut capta est: minimumque jacturæ fuit, quod præfectus inter ceteros est captus, & tum temerariæ pugnæ auctor, & antè publicanus, omnibus malis artibus & reipublicæ & societatibus infidus damnosusque.<sup>3</sup> Sempronius consul in Lucanis multa prælia parva, haud ullum dignum memoratu, fecit: & ignobilia oppida Lucanorum aliquot expugnavit. Quo diutius traheretur bellum, & variabant secundæ adversæque res non fortunam magis, quam animos, hominum; tanta religio, & ea magna ex parte externa, civitatem incescit, ut aut homines, aut Dii repente alii viderentur facti. nec jam in secreto modò atque intra parietes abolebantur Romani ritus; sed in publico etiam ac foro Capitolioque mulierum turba erat, nec sacrificantium, nec precantium Deos patrio more. Sacrificuli ac vates ceperant hominum mentes: quorum numerum auxit rustica plebs, ex incultia diutino bello infectisque agris egestate & metu in urbem compulsæ; & quæstus ex alieno

leno errore facilis, quem velut ex concessæ artis usu exercebant. Primò secretæ bonorum indignationes exaudiebantur, deinde ad Patres etiam & ad publicam querimoniam excessit res. Inculcati graviter ab senatu ædiles triumvirique capitales, quòd non prohiberent, quum emovere eam multitudinem è foro, ac disjicere apparatus sacrorum conati essent, haud procul afuit, quin violarentur. Ubi potentius jam esse id malum apparuit, quàm ut minores per magistratus sedaretur, M. Atilio prætori urbis negotium ab senatu datum est, ut his religionibus populum liberaret. Is & in concione senatusconsultum recitavit, & edixit, *Ut, quicumque libros vaticinos precationesve, aut artem sacrificandi conscriptam haberet, eos libros omnes literasque ad se ante Kalendas Apriles deferret: neu quis, in publico sacrove loco, novo aut externo ritu sacrificaret.*

II. Et aliquot publici sacerdotes mortui eo anno sunt: L. Cornelius Lentulus pontifex maximus, & C. Papirius C. F. Maso pontifex, & P. Furius Philus augur, & C. Papirius L. F. Maso decemvir sacrorum. In Lentuli locum M. Cornelius Cethegus, in Papirii Cn. Servilius Cæpio, pontifices suffecti sunt. augur creatus L. Quinctius Flaminius, decemvir sacrorum E. Cornelius Lentulus. Comitiorum consularium jam appetebat tempus; sed, quia consules à bello intentos avocare non placebat, Ti. Sempronius consul comitiorum causà dictatorem dixit C. Claudium Cæthonem. ab eo magister equitum est dictus Q. Fulvius Flaccus. Dictator primo comitali die creavit consules Q. Fulvium Flaccum, magistrum equitum, & Ap. Claudium Pulchrum, cui Sicilia provincia in prætura fuerat. Tum prætores creati Cn. Fulvius Flaccus, C. Claudius Nero, M. Junius Silanus, P. Cornelius Sulla. Comitiiis perfectis, dictator magistratu abiit. Ædilis curulis fuit eo anno cum M. Cornelio Cethego P. Cornelius Scipio, cui post Africano fuit cognomen. huic

petenti ædilitatem quum-oblisterent tribuni plebis, negantes rationem ejus habendam esse, quòd nondum ad petendum legitima ætas esset; *Si me, inquit, omnes Quirites adilem facere volunt, satis annorum habeo.* Tanto inde favore ad suffragium ferendum in tribus discursum est, ut tribuni repentè incepto destiterint. *Ædilitia largitio hæc fuit.* Ludi Romani pro temporis illius copiis magnificè facti, & diem unum instaurati, & congii olei in vicos singulos dati. L. Villius Tappulus & M. Fundanius Fundulus, ædiles plebei, aliquot matronas apud populum probri accusarunt: quasdam ex eis damnatas in exilium egerunt. Ludi plebei per biduum instaurati; & Jovis epulum fuit ludorum causâ.

III. Q. Fulvius Flaccus tertium, Ap. Claudius consulatum ineunt. Et prætores provincias sortiti sunt; P. Cornelius Sulla urbanam & peregrinam, quæ duorum antè fors fuerat; Cn. Fulvius Flaccus Apuliam, C. Claudius Nero Sueffulam, M. Junius Silanus Tuscos. Consulibus bellum cum Hannibale & binæ legiones decretæ: alter à Q. Fabio superioris anni consule, alter à Fulvio Centumalo acciperet. Prætorum, Fulvii Flacci, quæ Luceriæ sub Æmilio prætorè; Neronis Claudii, quæ in Piceno sub C. Terentio fuissent, legiones essent. supplementum in eas quisque scriberet sibi. M. Junio in Tuscos legiones urbanæ prioris anni datæ. Ti. Sempronio Graccho & P. Sempronio Tuditano imperium provinciæque Lucani & Galliæ cum suis exercitibus prorogatæ: item P. Lentulo, quæ vetus provincia in Sicilia esset; M. Marcello Syracusæ, & quæ Hieronis regnum fuisset: T. Otacilio classis: Græcia M. Valerio: Sardinia Q. Mucio Scævola: Hispaniæ P. & Cn. Corneliis. Ad veteres exercitus duæ urbanæ legiones à consulibus scriptæ, summaque trium & viginti legionum eo anno effecta est. Delectum consulum M. Postumii Pyrgensis cum magno prope motu rerum factum impediit. Publicanus  
cræ

erat Postumius, qui multis annis parem fraude avaritiâque neminem in civitate habuerat, præter T. Pomponium Vejentanum, quem, populantem temere agros in Lucanis, ductu Hannonis priore anno ceperant Karthaginienſes. Hi, quia publicum periculum erat à vi tempeſtatis in iis, quæ portarentur ad exercitus, & e-mentiti erant falſa naufragia, & ea ipſa, quæ vera ren-unciaverant, fraude ipſorum facta erant, non caſu. in veteres quaffasque naves paucis & parvi pretii rebus impositis, quum merſiſſent eas in alto, exceptis in præ-paratas ſcaphas nautis, multiplices fuiſſe merces emen-tiebantur. Ea fraus indicata M. Atilio prætori priore anno fuerat, ac per eum ad ſenatum delata, nec tamen ullo ſenatuſconſulto notata: quia Patres ordinem pu-blicanorum in tali tempore offenſum nolebant. Popu-lus ſeverior vindex fraudis erat; excitatique tandem duo tribuni plebis Sp. & L. Carviliæ, quum rem invi-ſam ipſamque cernerent, ducentum millium æris mulctam M. Poſtumo dixerunt. cui certandæ quum dies adveniſſet, conciliumque tam frequens plebis adef-ſet, ut multitudinem area Capitoliæ vix caperet; per-oratâ cauſâ, ſpes una videbatur eſſe, ſi C. Servilius Caſca tribunus plebis, qui propinquus cognatusque Po-ſtumo erat, prius, quàm ad ſuffragium tribus voca-rentur, interceſſiſſet. Teſtibus datis, tribuni populum ſummo-verunt; ſitellaque allata eſt, ut ſortirentur, ubi Latini ſuffragium ferrent. Interim publicani Caſcæ inſtare, ut concilio diem eximeret. populus reclama-re: & fortè in coram primus ſedebat Caſca, cui ſimul metus pudorque animum verſabat. Quum in eo pa-rum præſidii eſſet, turbandæ rei cauſâ publicani per vacuum in ſummo loco cuneo irruerunt, jur-gantes ſimul cum populo tribunisque. Nec procul di-micatione res erat, quum Fulvius conſul tribunis, *Nem-ne videtis, inquit, vos in ordinem coactos eſſe, & rem ad ſeditionem ſpectare, ni propere dimiſſitis plebis concilium?*

IV. Plebe dimissa, senatus vocatur, & consules referunt de concilio plebis turbato vi atque audaciâ publicanorum. *M. Furium Camillum, cujus exsilium ruina urbis secuta fuerit, damnari se ab iratis civibus passum esse. Decenviros ante eum, quorum legibus ad eam diem viverent, multos postea principes civitatis, judicium de se populi passos. Postumium Pyrgensem suffragium populo Romano extorsisse, concilium plebis sustulisse, tribunos in ordinem cœgisse, contra populum Romanum aciem instruxisse, locum occupasse, ut tribunos à plebe intercluderet, tribus in suffragium vocari prohiberet. Nihil aliud à cade ac dimicatione continuisse homines, nisi patientiam magistratum, quod cesserint in præsentia furori atque audaciâ paucorum, vincique se ac populum Romanum passi sint : & comitia, qua reus vi atque armis prohibetur erat, ne causa querentibus dimicationem daretur, voluntate ipsius sustulerint.* Hæc quum ab optimo quoque pro atrocitate rei acta essent, vimque eam contra rempublicam & pernicioso exemplo factam, senatus decreveret ; confestim Carvillii tribuni plebis, omisâ mulctæ certatione, rei capitalis diem Postumio dixerunt : ac, ni vades daret, prehendi à viatore, atque in carcerem duci jusserunt. Postumius, vadibus datis, non adfuit. Tribuni plebem rogaverunt, plebesque ita scivit : *Si M. Postumius ante Kalendas Maias non prodisset, citatusque eo die non respondisset, neque excusatus esset, videri eum in exilio esse : bonaque ejus venire, ipsi aquâ & igni placere interdici.* Singulis deinde eorum, qui turbæ ac tumultûs concitatores fuerant, rei capitalis diem dicere, ac vades poscere cœperunt. Primò non dantes, deinde etiam eos, qui dare possent, in carcerem conjiciebant : cujus rei periculum vitantes plerique in exilium abierunt.

V. Hunc fraus publicanorum, deinde fraudem audacia protegens, exitum habuit. Comitia inde pontifici maximo creando sunt habita. Ea comitia novus pontifex M. Cornelius Cethegus habuit. Tres ingenti certamine petierunt : Q. Fulvius Flaccus.

con-

consul, qui & antè bis consul & censor fuerat: & P. Manlius Torquatus, & ipse duobus consulatibus & censurâ insignis: & P. Licinius Crassus, qui & ædilitatem curulem petiturus erat. hic senes honoratosque juvenis in eo certamine vicit. Ante hunc, intra centum annos & viginti, nemo præter P. Cornelium Calissam, pontifex maximus creatus fuerat, qui sella curuli non sedisset. Consules quum ægre delectum conficerent, quòd inopia juniorum non facile in utrumque, ut & novæ urbanæ legiones, & supplementum veteribus scriberetur, sufficiebat; senatus abssistere eos incepto vetuit, & triumviros binos creari iussit: alteros, qui citra, alteros, qui ultra quinquagesimum lapidem in pagis, forisque, & conciliabulis omnem copiam ingenuorum inspicerent: & si qui roboris satis ad ferenda arma habere viderentur, etiamsi nondum militari atate essent, milites facerent. Tribuni plebis, si iis videretur, ad populum ferrent, ut, qui minores septem & decem annis sacramento dixissent, iis perinde stipendia procederent, ac si septem & decem annorum, aut majores, milites facti essent. Ex hoc senatusconsulto creati triumviri bini conquisitionem ingenuorum per agros habuerunt. Eodem tempore ex Sicilia literæ M. Marcelli de postulatis militum, qui cum P. Lentulo militabant, in senatu recitatae sunt. Cannensis reliquæ cladis hic exercitus erat, relegatus in Siciliam, sicut antè dictum est, ne ante Punici belli finem in Italiam reportaretur.

VI. Hi permissu Lentuli primores equitum centurionumque, & robora ex legionibus peditum, legatos in hiberna ad M. Marcellum miserunt, è quibus unus, potestate dicendi facta, Consulem, inquit, te, M. Marcelle, in Italiam adissemus, quum primum de nobis, etsi non iniquum, certè triste senatusconsultum factum est: nisi hoc sperassemus, in provinciam nos morte regum turbatam ad grave bellum adversus Siculos simul Pænosque mitti: & sanguine nostræ vulneribusque nos senatui satisfacturos esse: sicut



patrum memoriâ, qui capti à Pyrrho ad Heracleam erant, adversus Pyrrhum ipsum pugnantes satisfecerunt. Quanquam quod ob meritum nostrum succensuistis, Patres conscripti, nobis, aut succensetis? Ambo mihi consules & universum senatum intueri videor, quum te, M. Marcelle, intueor: quem si ad Cannas consulem habuissemus, melior & reipublicæ & nostra fortuna esset. Sine, quaeso, priusquam de conditione nostra queror, noxam, cujus arguimur, nos purgare. Si non Deum irâ, nec fato, cujus lege immobilis rerum humanarum ordo feritur, sed culpâ periimus ad Cannas, cujus tandem ea culpa fuit? militum, an imperatorum? Equidem miles nihil unquam dicam de imperatore meo, cui præsertim gratias sciam ab senatu actas, quod non desperaverit de republica; cui post fugam ab Cannis per omnes annos prorogatum imperium. Ceteros item ex reliquiis cladis ejus, quos tribunos militum habuimus, honores petere & gerere, & provincias obtinere audivimus. An vobis vestrisque liberis ignoscitis facile, Patres conscripti, in hac vilia capita sævi? & consuli primoribusque aliis civitatis fugere, quum spes alia nulla esset, turpe non fuit; milites utique morituros in aciem misistis? Ad Alliam propè omnis exercitus fugit: ad Furculas Caudinas, ne expertus quidem certamen, arma tradidit hosti, ut alias pudendas clades exercituum taceam: tamen tantum affuit ab eo, ut ulla ignominia iis exercitibus quereretur, ut & urbs Roma per eum exercitum, qui ab Allia Veios transfugerat, reciperaretur; & Caudina legiones, quæ sine armis redierant Romam, armata remissa in Samnium, eundem illam hostem sub jugum miserint, qui hæc suâ ignominia lætatus fuerat. Cannensem verò quisquam exercitum fuga aut pavoris insimulare potest, ubi plus quinquaginta millia hominum ceciderunt? unde consul cum equitibus septuaginta fugit? unde nemo superest, nisi quem hostis cadendo fessus reliquit? Quum captivis redemptio negabatur, nos vulgò homines laudabant, quod reipublica nos reservassemus: quod ad consulem Venusiam rediissemus, & speciem justî exercitus fecissemus. Nunc deteriore conditione sumus, quàm apud patres nostros fuerant captivi.

*ptivi. quippe illis arma tantum atque ordo militandi, locusque, in quo tenderent in castris, est mutatus: qua tamen, semel navata reipublica opera, & uno felici praelio, recuperarunt. Nemo eorum relegatus in exilium est: nemini spes emerendi stipendia adempta: hostis denique est datus, cum quo dimicantes, aut vitam semel, aut ignominiam finirent. Nos, quibus (nisi quod commisimus, ut quisquam ex Cannensi acie miles Romanus superesset) nihil objici potest, non solum a patria procul Italiaque, sed ab hoste etiam, relegati sumus. ubi senescamus in exilio, ne qua spes, ne qua occasio abolenda ignominia, ne qua placanda civium ira, ne qua denique bene moriendi sit. Neque ignominiae finem, nec virtutis premium petimus; modò experiri animum, & virtutem exercere liceat. laborem & periculum petimus, ut virorum, ut militum officio fungamur. Bellum in Sicilia jam alterum annum ingenti dimicatione geritur: urbes alias Pænus, alias Romanus expugnat: peditum, equitum acies concurrunt: ad Syracusas terræ marique res geritur: clamorem pugnantium crepitumque armorum exaudimus resides ipsi ac segnes, tanquam nec manus, nec arma habeamus. Servorum legionibus Ti. Sempronius consul toties jam cum hoste signis collatis pugnavit. Opera pretium habent, libertatem civitatemque. Pro servis saltem ad hoc bellum emptis vobis simus. congregari cum hoste liceat, & pugnando quarere libertatem. Vis tu mari, vis terræ, vis acie, vis urbibus oppugnandis experiri virtutem? asperissima quæque ad laborem periculumque deposcimus, ut, quod ad Cannas faciendum fuit, quamprimum fiat; quoniam, quicquid postea viximus, id omne destinatum ignominia est.*

VII. Sub hæc dicta, ad genua Marcelli procubuerunt. Marcellus id nec juris, nec potestatis suæ esse dixit. senatui scripturum se, omniaque de sententia Patrum facturum esse. Hæ literæ ad novos consules allatæ, ac per eos in senatu recitatæ sunt: consultusque de his literis ita decrevit senatus: *Militibus, qui ad Cannas commilitones suos pugnantes deseruissent, senatum nihil videre, cur respublica committenda sit. Si M. Claudio pro-*  
consuli

consuli aliter videretur, faceret, quod è republica fideque sua duceret: dum ne quis eorum munere vacaret, neu dono militari virtutis ergo donaretur, neu in Italiam reportaretur, donec hostis in terra Italia esset. Comititia deinde à prætore urbano de senatûs sententia plebisque scitu sunt habita: quibus creati sunt quinqueviri muris turribusque reficiendis: & triumviri binî; uni sacris conquirendis, donisque persignandis; alteri reficiendis ædibus Fortunæ & matris Matutæ intra portam Carmentalem, sed & Spei extra portam, quæ priore anno incendio consumptæ fuerant. Tempestates fœdæ fuere. In Albano monte biduum continenter lapidibus pluit. tacta de cælo multa: duæ in Capitolio sedes: vallum in castris multis locis supra Sueffulam, & duo vigiles exanimati. murus turreſque quædam Cumis non istæ modò fulminibus, sed etiam decussæ. Reate saxum ingens visum volitare: sol rubere solito magis, sanguineoque similis. Horum prodigiorum causa diem unum supplicatio fuit, & per aliquot dies consules rebus divinis operam dederunt: & per eosdem dies sacrum novemdiale fuit. Quum Tarentinorum defectio jam diu & in spe Hannibali, & in suspitione Romanis esset, causa fortè extrinsecus maturandæ ejus intervenit. Philcas Tarentinus, diu jam per speciem legationis Romæ quum esset, vir inquieti animi, & minimè otium, quo tum diutino senescere videbatur, patientis, aditum sibi ad obsides Tarentinos invenit. Custodiebantur in atrio Libertatis minore curâ, quia nec ipsis, nec civitati eorum fallere Romanos expediebat. Hos, crebris colloquiis sollicitatos, corruptis ædituis duobus, quum primis tenebris custodia eduxisset; ipse comes occulti itineris factus profugit. Lucæ primâ vulgata per urbem fuga est: missique, qui sequerentur, ab Tarracina comprehensos omnes retraxerunt. deducti in comitio, virgisque, approbante populo, cæci de saxo dejiciuntur.

VIII. Hujus atrocitas pœnz duarum nobilissimarum in Italia Græcarum-civitatum animos irritavit, quum publicè, tum etiam singulos privatim, ut quisque tam foedè interemptos aut propinquitatè, aut amicitia contingebat. Ex iis tredecim ferè nobiles juvenes Tarentini conjuraverunt, quorum principes Nico & Philemenus erant. Hi, priùs, quàm aliquid moverent, colloquendum cum Hannibale rati, nocte per speciem venandi urbe egressi, ad eum proficiscuntur. &, quum haud procul castris abessent, ceteri silvâ propè viam sese occuluerunt: Nico & Philemenus, progressi ad stationes comprehensique, ultro id petentes, ad Hannibalem deducti sunt. Qui quum & causas consilii sui, & quid pararent, exposuissent; collaudati, oneratique promissis, jubentur, ut fidem popularibus facerent prædandi causâ se urbe egressos, pecora Karthaginensium, quæ pastum propulsa essent, ad urbem agere. tutò ac sine certamine id facturos, promissum est. Conspecta ea præda juvenum est: minùsque, iterum ac sæpius id eos audere, miraculo fuit. Congressi cum Hannibale rursus, fide sanxerunt, liberos Tarentinos leges suaque omnia habituros, neque ullum vestigial Pœno pensuros, præsidiumve invitos recepturos: prodita præsidia Karthaginensium fore. Hæc ubi conveniunt, tunc verò Philemenus consuetudinem nocte egrediendi redeundique in urbem frequentiore facere: (& erat venandi studio insignis) canesque & alius apparatus sequebatur; captumque ferme aliquid, aut ab hoste ex præparato ablatum reportando, donabat aut præfecto, aut custodibus portarum. nocte maximè comæare propter metum hostium, credebant. Ubi jam eò consuetudinis adducta res est, ut, quocunque noctis tempore sibilo dedisset signum, porta aperiretur, tempus agendæ rei Hannibali visum est. Tridui viam aberat: ubi, quo minùs mirum esset, uno eodemque loco stativa cum tamdiu habere, agrum simulabat. Romanis

manis quoque, qui in præsidio Tarenti erant, suspecta esse jam segnis mora ejus desierat.

IX. Ceterum postquam Tarentum ire constituit, decem millibus peditum atque equitum, quos in expeditione velocitate corporum ac levitate armorum aptissimos esse ratus est, electis, quartâ vigiliâ noctis signa movit. præmissisque octoginta ferè Numidis equitibus præcepit, ut discurrerent circa vias, perlustrarentque omnia oculis, ne quis agrestium procul spectator agminis falleret; prægressos retraherent, obvios occiderent, ut prædonum magis, quàm exercitus, accolis species esset. ipse, raptim agmine acto, quindecim ferme millium spatio castra ab Tarento posuit: & ne ibi quidem nunciato, quò pergerent, tantum convocatos milites monuit, viâ omnes irent; nec diverti quenquam, aut excedere ordinem agminis paterentur, & in primis intenti ad imperia accipienda essent; neu quid nisi ducum jussu facerent: se in tempore editurum, quæ vellet agi. Eâdem ferme horâ Tarentum fama pervenerat, Numidas equites paucos populari agros, terroremque latè agrestibus injecisse. Ad quem nuncium nihil ultra motus præfectus Romanus, quàm ut partem equitum postero die luce primâ juberet exire ad arcendum populationibus hostem. in cetera adeo nihil ob id intenta cura est, ut contrâ pro argumento fuerit illa procurratio Numidarum, Hannibalem exercitumque castris non movisse. Hannibal concubiâ nocte movit. dux Philemenus erat, cum solito captæ venationis onere. ceteri proditores ea, quæ composita erant, expectabant. Convenerat autem, ut Philemenus, portulâ assuetâ venationem inferens, armatos induceret: parte aliâ portam Temenida adiret Hannibal. Ea mediterraneâ regione orientem spectabat. aliquantum intra mœnia includuntur. Quum portæ appropinquaret, editus ex composito ignis ab Hannibale est, refulsitque. idem redditum ab Nicone signum: extinctæ deinde utrinque

trinque flammæ sunt. Hannibal silentio ducebat ad portam. Nico ex improvise adortus sopitos vigiles in cubilibus suis obtruncat, portamque aperit. Hannibal cum peditum agmine ingreditur, equites subsistere jubet: ut, quod res postulet, occurrere libero campo possent. Et Philemenus portulæ parte aliâ, quâ commicare assuêrat, appropinquabat. nota vox ejus & familiare jam signum quum excitasset vigilem, dicentis, vix sustinere grandis bestię onus, portula aperitur. inferentes aprum duos juvenes secutus ipse cum expedito venatore, vigilem, incautiùs miraculo magnitudinis in eos, qui ferebant, versum, venabulo trajicit. ingressi deinde triginta ferè armati, ceteros vigiles obtruncant, refringuntque portam proximam: & agmen sub signis confestim irrupit. inde cum silentio in forum ducti, Hannibali sese conjunxerunt. Cum duobus millibus Gallorum Pœnus, in tres divisas partes, per urbem dimittit Tarentinos, & itinera quàm maxime frequentia occupare jubet: tumultu orto, Romanos passim cædi, oppidanis parci. sed, ut fieri id posset, præcipit juvenibus Tarentinis, ut, ubi quem suorum procul vidissent, quiescere & silere, ac bono animo esse juberent.

X. Jam tumultus erat clamorque, qualis esse in capta urbe solet: sed, quid rei esset, nemo satis pro certo scire. Tarentini Romanos ad diripiendam urbem credere coortos: Romanis seditio aliqua cum fraude videri ab oppidanis mota. Præfectus primò excitatus tumultu, in portum effugit: inde, acceptus scaphâ in arcem circumvehitur. Terrorem & tuba audita ex theatro faciebat. nam & Romana erat, à proditoribus ad hoc ipsum præparata: & inscients à Græco inflata, quis, aut quibus signum daret, incertum efficiebat. Ubi illuxit, & Romanis Punica & Gallica arma cognita, tum dubitationem exemerunt; & Græci, Romanos passim cæde stratos cernentes, ab Hannibale captam

ptam urbem senserunt. Postquam lux certior erat, & Romani, qui cædibus superfuerant, in arcem confugerant, conticescebatque paulatim tumultus; tum Hannibal Tarentinos sine armis convocare jubet. Convenire omnes, præterquam qui, cedentes in arcem, Romanos ad omnem adeundam simul fortunam profecuti fuerant. Ibi Hannibal, benignè allocutus Tarentinos, testatusque, quæ præstitisset civibus eorum, quos ad Trasimenum aut ad Cannas cepisset, simul in dominationem superbam Romanorum investus, recipere se in domos suas quemque iussit, & foribus nomen suum inscribere: se domos eas, quæ inscriptæ non essent, signo extemplo dato, diripi iussurum. Si quis in hospitio civis Romani (vacuas autem tenebant domos) nomen inscripisset, eum se pro hoste habiturum. Concione dimissâ, quum titulis notatæ fores discrimen patatæ ab hostili domo fecissent, signo dato, ad diripienda hospitia Romana passim discursus est. & fuit prædæ aliquantum.

XI. Postero die ad oppugnandam arcem ducit: quam quum & mari, quo in peninsula modum pars major circumluitur, præaltis rupibus, & ab ipsa urbe muro & fossâ ingenti septam videret, eoque nec vi, nec operibus expugnabilem esse; ne aut seipsum curâ tuendi Tarentinos à majoribus rebus moraretur; aut in relictos sine valido præsidio Tarentinos impetum ex arce, quum vellent, Romani facerent, vallo urbem ab arce intersepire statuit: non sine illa etiam spe, cum prohibentibus opus Romanis manum posse conferi; & si ferocius procucurrissent, magnâ cæde ita attenuari præsidii vires, ut faciliè per se ipsi Tarentini urbem ab iis tueri possent. Ubi cœptum opus est, patefactâ repentè portâ, in munientes impetum fecerunt Romani: pellicque se statio passa est, quæ pro opere erat, ut successu cresceret audacia, pluresque & longiùs pulsos persequerentur. Tum signo dato coorti undique Pœni sunt,

sunt, quos instructos ad hoc Hannibal tenuerat; nec sustinere impetum Romani, sed ab effusa fuga loci angustiae eos, impeditaque alia opere jam cepto, alia apparatu operis, morabantur. plurimi in fossam praecipitare, occisique sunt plures in fuga, quam in pugna. Inde & opus nullo prohibente fieri ceptum. Fossa ingens ducta, & vallum intra eam erigitur: modicoque post intervallo murum etiam eadem regione addere parat, ut vel sine praesidio tueri se adversus Romanos possent. Reliquit tamen modicum praesidium, ut simul in faciendo muro adjuvaret. ipse, profectus cum ceteris copiis, ad Galesum flumen (quinque milia ab urbe abest) posuit castra. Ex iis stativis regressus ad inspiciendum opus (quod aliquantum opinione ejus celerius creverat) spem cepit, etiam arcem expugnari posse. Et est non altitudine, ut cetera, tuta, sed loco plano posita, & ab urbe muro tantum ac fossa divisa. Quum jam machinationum omni genere & operibus oppugnaretur, missum à Metaponto praesidium Romanis fecit animum, ut nocte ex improvviso opera hostium invaderent. Alia disjecerunt, alia igni corruerunt. isque finis Hannibali fuit eâ parte arcem oppugnandi. Reliqua erat in obsidione spes, nec ea satis efficax, quia arcem tenentes, quæ in peninsula posita imminet faucibus portus, mare liberum habebant: urbs contra exclusa maritimis com meatibus, propiusque inopiam erant obsidentes, quam obsessi. Hannibal, convocatis principibus Tarentinorum, omnes praesentes difficultates exposuit: *neque arcis tam munita expugnanda viam cernere, neque in obsidione quicquam habere spei, donec mari potiantur hostes. Quod si naves sint, quibus com meatus invehi prohibeant, extemplo aut abcessuros, aut dedituros se hostes.* Assentiebantur Tarentini; ceterum ei, qui consilium afferret, opem quoque in eam rem afferendam esse, censebant. *Punicas enim naves ex Sicilia accitas id posse facere: suas, quæ sinu exiguo intus inclusa essent,*



essent, quum claustra portus hostis haberet, ecquem ad modum inde in apertum mare evasuras? Evadent, inquit Hannibal. Multa, quae impedita naturâ sunt, consilio expediuntur. Urbem in campo sitam habetis. plana & satis lata via patet in omnes partes. Vid, quae in portum per mediam urbem ad mare transmissa est, plaustris transveham naves baud magnâ mole. & mare nostrum erit, quo nunc hostes potiuntur: & illinc mari, hinc terrâ circumsidebimus arcem. immo brevi, aut relictam ab hostibus, aut cum ipsis hostibus capiemus. Hæc oratio non spem modò effectûs, sed ingentem etiam ducis admirationem fecit. Contracta extemplo undique plaustra, junctaque inter se: & machinæ ad subducendas naves admotæ, munitumque iter, quo faciliora plaustra minorque moles in transitu esset. Jumenta inde & homines contracti, & opus impigre coeptum: paucosque post dies classis instructa ac parata circumvehitur arcem, & ante os ipsum portus anchoras jacet. Hunc statum rerum Hannibal Tarenti reliquit, regressus ipse in hiberna. Ceterum, defectio Tarentinorum utrûm priore anno, an hoc, facta sit, in diversum auctores trahunt. plures propioresque ætate memoriæ rerum hoc anno tradunt factum.

XII. Romæ consules prætoresque usque ante diem quintum Kalendas Maias Latinæ tenuerunt. eo die perpetrato sacro in monte, in suas quisque provincias proficiscuntur. Religio deinde nova objecta est ex carminibus Marcianis. Vates hic Marcius illustris fuerat, &, quum conquisitio priore anno ex senatusconsulto talium librorum fieret, in M. Atilii prætoris urbani, qui eam rem agebat, manus venerant. is protinus novo prætori Sullæ tradiderat. Ex hujus Marcii duobus carminibus, alterius post rem actam editi cum rato auctoritas eventu, alteri quoque, cujus nondum tempus venerat, afferebat fidem. Priore carmine Can-nensis prædicta elades in hæc fœmæ verba erat: *Annem Trojgena Cannam Romane fuge: ne te alienigena cogant in campo*

*Campo Diomedis conferre manus. Sed neque credes tu mihi, donec compleris sanguine campum; multaque millia occisa tua deferet amnis in pontum magnum ex terra frugifera; piscibus atque avibus ferisque, quæ incolunt terras, iis fuit esca caro tua. nam mihi ita Jupiter fatus est. Et Diomedis Argivi campos & Cannam flumen, qui militaverant in iis locis, juxta atque ipsam cladem agnoscebant. Tum alterum carmen recitatum, non eo tantum obscurius, quia incertiora futura præteritis sunt, sed perplexius etiam scripturæ genere. Hostem, Romani, si expellere vultis, vomicamque, quæ gentium venit longè, Apollini votendos censeo ludos, qui quotannis comiter Apollini fiant: quum populus dederit ex publico partem, privati uti conferant pro se suisque. Iis ludis faciendis præerit prætor is, qui jus populo plebeique dabit summum. Decemviri Græco ritu hostiis sacra faciant. Hæc si rectè faxitis, gaudebitis semper, fietque res vestra melior. nam is Divus exstinguet perduelles vestros, qui vestros campos pascunt placide. Ad id carmen explanandum diem unum sumpserunt. postero die senatusconsultum factum est, ut decemviri libros, de ludis Apollini reque divina faciunda, inspicerent. Ea quum inspecta relataque ad senatum essent, censuerunt Patres: Apollini ludos votendos faciundosque: & quando ludi facti essent, duodecim millia aris prætori ad rem divinam, & duas hostias majores dandas. Alterum senatusconsultum factum est, Ut decemviri sacra Græco ritu facerent, iisque hostiis. Apollini bove aurato & capris duabus albis auratis, Latone bove femina aurata. Ludos prætor in circo maximo quum facturus esset, edixit, ut populus per eos ludos stipem Apollini, quantam commodum esset, conferret. Hæc est origo ludorum Apollinarii, victoriæ, non valetudinis, ergo, ut plerique rentur, votorum factorumque. populus coronatus spectavit: matronæ supplicavere: vulgò apertis januis in propatulis epulati sunt, celeberrque dies omni ceremoniarum genere fuit.*

XIII. Quum Hannibal circa Tarentum, consules ambo in Samnio essent, sed circumfessuri Capuam viderentur; quod malum diuturnæ obsidionis esse solet, jam famem Campani sentiebant; quia sementem facere prohibuerant eos Romani exercitus. Itaque legatos ad Hannibalem miserunt, orantes, ut prius, quàm consules in agros suos educerent legiones, viæque omnes hostium præfidiis insiderentur, frumentum ex propinquis locis convehi juberet Capuam. Hannibal, Hannonem ex Brutiis cum exercitu in Campaniam transire, & dare operam, ut frumenti copia fieret Campanis, jussit. Hanno, ex Brutiis profectus cum exercitu, vitabundus castra hostium consulesque, qui in Samnio erant, quum Benevento jam appropinquaret, tria passuum millia ab ipsa urbe loco edito castra posuit. inde ex fociis circa populis, quò æstate comportatum erat, devehi frumentum in castra jussit; præfidiis datis, quæ commeatus eos prosequerentur. Capuam inde nuncium misit, quâ die in castris ad accipiendum frumentum præsto essent, omni undique genere vehiculorum jumentorumque ex agris contracto. Id pro cetera sollicitudine negligentiaque à Campanis actum. paulo plus quadringenta vehicula missa, & pauca præterea jumenta. ob id castigatis ab Hannone, quòd ne fames quidem, quæ mutas accenderet bestias, curam eorum stimulare posset, alia prodita dies ad frumentum majore apparatu petendum. Ea omnia, sicut acta erant, quum enunciata Beneventanis essent, legatos decem ex templo ad consules (circa Bovianum castra Romanorum erant) miserunt. Qui quum, auditis, quæ ad Capuam agerentur, inter se comparassent, ut alter in Campaniam exercitum duceret; Fulvius, cui ea provincia obvenerat, profectus, nocte Beneventi mœnia est ingressus. Ex propinquo cognoscit, Hannonem cum exercitûs parte profectum frumentatum: per quæstorem Campanis datum frumentum: duo millia plau-

stro-

stratum, inconditam inermemque aliam turbam, advenisse: per tumultum ac trepidationem omnia agi, castrorumque formam & militarem ordinem, immixtis agrestibus iis ex terris, sublatum. His satis compertis, consul militibus edicit, signa tantum armaque in proximam noctem expedirent: castra Panica oppugnanda esse. Quartâ vigiliâ profecti, sarcinis omnibus impedimentisque Beneventi relictis, paulo ante lucem quum ad castra pervenissent, tantum pavoris injece-  
runt, ut, si in plano castra posita essent, haud dubiè primo impetu capi potuerint. altitudo loci & munimenta defenderunt, quæ nulla ex parte adiri, nisi arduo ac difficili ascensu, poterant. Luce primâ prælium ingens accensum est, nec vallum modò tutantur Pœni, sed, ut quibus locus æquior esset, deturbant nitentes per ardua hostes.

XIV. Vicit tamen omnia pertinax virtus, & aliquot simul partibus ad vallum ac fossas perventum est; sed cum multis vulneribus ac militum pernicië. Itaque convocatis tribunis militum consul, *abstinentem temerario incêpto*, ait: *tutius sibi videri, reduci eo die exercitum Beneventum: dein postero castris se hostium jungi, ne exire inde Campani, neve Hanno regredi posset. Id quo facilius obtineatur, collegam quoque & exercitum ejus se acciturum, totumque ed versuros bellum.* Hæc consilia ducis, quum jam receptui canetet, clamor militum aspernantium tam segne imperium disjecit. Proxima portæ hostium erat còhors Peligna: cujus præfectus Vibius Accusus arreptum vexillum trans vallum hostium trajecit. Exsecratus inde seque & cohortem, si ejus vexilli hostes potiti essent, princeps ipse per fossam vallumque in castra irrumpit. Jamque intra vallum Peligni pugnabant, quum alterâ parte, Valerio Flacco tribuno militum tertie legionis exprobrante Romanis ignaviam, qui sociis captorum castrorum concederent decus, T. Pedanius, princeps primus centurio, quum signi-

signifero signum ademisset, *Jam hoc signum, & hic certuris*, inquit, *intra vallum hostium erit. Sequantur, qui capi signum ab hoste prohibebuntur sunt.* Manipulares sui primum transcendentem fossam, dein legio tota secuta est. Jam & consul, ad conspectum transgredientium vallum mutato consilio, ab revocando ad incitandos hortandosque versus milites, ostendere, in quanto discrimine ac periculo fortissima cohors sociorum & civium legio esset. Itaque pro se quisque omnes per æqua atque iniqua loca, quum undique tela conjicerentur, armaque & corpora hostes objicerent, pervadunt, irrum-puntque. multi vulnerati, etiam quos vires sanguisque defereret, ut intra vallum hostium caderent, nitebantur. Capta itaque momento temporis, velut in plano sita, nec permunita castra. Cædes inde, non jam pugna erat, omnibus intra vallum permixtis. supra sex millia hostium occisa, supra septem millia capitum, cum frumentatoribus Campanis omnique plaustrorum & jumentorum apparatu, capta. & alia ingens præda fuit, quam Hanno, populabundus passim quum lisset, ex sociorum populi Romani agris traxerat. Inde, de-jectis hostium castris, Beneventum reditum est, prædamque ibi ambo consules (nam & Ap. Claudius eo post paucos dies venit) vendiderunt, diviseruntque. & donati, quorum operâ castra hostium capta erant: ante alios Accusus Pelignus, & T. Pedanius princeps tertiæ legionis. Hanno ab Cominio Cerito, quò nunciata castrorum clades est, cum paucis frumentatoribus, quos fortè secum habuerat, fugæ magis, quàm itineris, modo in Bruttios rediit.

XV. Et Campani, auditâ suâ pariter sociorumque clade, legatos ad Hannibalem miserunt, qui nunciarent, *duos consules ad Beneventum esse, dici iter à Capua; tantum non ad portas & muros bellum esse. ni propere subveniat, celerius Capuam, quàm Arpos, in potestatem hostium venturam. Ne Tarentum quidem, non modò arcem, tanti dedit*

*debere esse, ut Capuam, quam Karthagini equare sit solitus, desertam indefensamque populo Romano tradat.* Hannibal, curæ sibi fore rem Campanam pollicitus, in præsentia duo milia equitum cum legatis mittit, quo præsidio agros populationibus possent prohibere. Romanis interim, sicut aliarum rerum, arcis Tarentinæ, præsidii-que, quod ibi obsideretur, cura esse. C. Servilius legatus, ex auctoritate Patrum à P. Cornelio prætore in Etruriam ad frumentum cœmendum missus, cum aliquot navibus onustis in portum Tarentinum inter hostium custodias pervenit. Cujus adventu, qui antè, in exigua spe, vocati sæpe ad transitionem ab hostibus per colloquia erant, ultro ad transeundum hostes vocabant sollicitabantque. & erat satis validum præsidium, traductis ad arcem Tarenti tuendam, qui Metaponti erant, militibus. Itaque Metapontini extemplo, metu, quo tenebantur, liberati, ad Hannibalem deferre. Hoc idem eadem orà maris & Thurini fecerunt. movit eos non Tarentinorum magis defectio, Metapontinorumque, quibus, indidem ex Achaia oriundi, etiam cognatione juncti erant, quàm ira in Romanos propter obsides nuper interfectos. Eorum amici cognatique literas ac nuncios ad Hannonem Magonem-que, qui in propinquo in Brutiis erant, miserunt, *si exercitum ad mœnia admovissent, se in potestatem eorum urbem tradituros esse.* M. Atinius Thuriis cum modico præsidio præerat, quem facile elici ad certamen temere incundum rebantur posse; non militum, quos perpauca habebat, fiducià, quàm juventutis Thurinæ, eam ex industria centuriaverat armaveratque ad tales casus. Divisis copiis inter se, duces Poeni quum agrum Thurinum ingressi essent, Hanno cum peditum agmine infestis signis ire ad urbem pergit. Mago cum equitatu, testus collibus, ad tegendas insidias oppositis, subsistit. Atinius, peditum tantum agmine per exploratores comperto, in aciem copias educit, & frau-

dis intestinae & hostium insidiarum ignarus. Pedestre praelium fuit persegne, paucis in prima acie pugnantibus Romanis; Thurinis expectantibus magis, quam adjuvantibus, eventum: & Karthaginensium acies de industria pedem referebat, ut ad terga collis ab equite suo infessi hostem incautum pertraheret. Quò ubi ventum est, coorti cum clamore equites, propere in conditam Thurinorum turbam, nec satis fido animo, unde pugnat, statim, extemplo in fugam avertunt. Romani, quanquam circumventos hinc pedes, hinc eques urgebat, tamen aliquandiu pugnam traxere. postremo & ipsi terga vertunt, atque ad urbem fugiunt. Ibi proditores conglobati, quum popularium agmen patentibus portis accepissent, ubi Romanos suos ad urbem ferri viderunt, conclamant, *instare Pænam, permixtosque & hostes urbem invasuros, ni propere portas claudant*. Ita exclusos Romanos præbuere hosti ad eandem. Atinius tamen cum paucis receptus. Seditio inde paulisper tenuit; quum alii urbem tuendam, inde alii cedendum fortunæ, & tradendam urbem victoribus censerent. ceterum, ut plerumque, fortuna & consilia mala vicerunt: Atinio cum suis ad mare ac naves deducto, magis quia ipsi, ob imperium in se mite ac iustum, consultum volebant, quam respectu Romanorum, Karthaginenses in urbem accipiunt. Consules à Benevento in Campanum agrum legiones ducunt, non ad frumenta modò, quæ jam in hibernis erant, corrumpenda, sed ad Capuam oppugnandam; nobilem se consulatum tam opulentæ urbis excidio rati facturos, simul & ingens flagitium imperio dempturos, quòd urbi tam propinquæ tertium annum impunita desertio esset. Ceterum, ne Beneventum sine præsidio esset, & ut ad subita belli, si Hannibal (quod facturum haud dubitabant) ad opem ferendam fociis Capuam venisset, equites vim sustinere possent, Ti. Gracchum ex Lucanis cum equitatu ac levi armatura Beneventum venire iubet:

dent: legionibus stativisque ad obtinendas res in Lucanis aliquem præficeret.

XVI. Graccho, priusquam ex Lucanis moveret, sacrificanti triste prodigium factum est. ad exta, sacrificio perpetrato, angues duo ex occulto allapsi, edere jecur, conspectique repentè ex oculis abierunt. id quum aruspicum monitu sacrificium instauraretur, atque intentius exta referata fervarentur: iterum ac tertium venisse tradunt, libatoque jocinore intactos angues abuisse. Quum aruspices, ad imperatorem id pertinere prodigium, præmonuissent, & ab occultis cavendum hominibus consultisque; nullà tamen providentià factum imminens moveri potuit. Flavius Lucanus fuit, caput partis ejus Lucanorum, quum pars ad Hannibalem defecisset, quæ cum Romanis stabat: & jam anno in magistratu erat; ab eisdem illis creatus prætor. Is, mutatà repentè voluntate, locum gratiæ apud Pœnum quærens, neque transire ipse, neque trahere ad defectionem Lucanos satis habuit, nisi imperatoris & ejusdem hospitis proditi capite ac sanguine foedus cum hostibus sanxisset. ad Magonem, qui in Brutiis præerat, clam in colloquium venit: fideque ab eo acceptà, si Romanum iis imperatorem tradidisset, liberos cum suis legibus venturos in amicitiam Lucanos; deducit Pœnum, in locum pacis Gracchum adducturus. Magonem ibi pedites equitesque armare, & capere eas latebras, ubi ingentem numerum occuleret, jubet. Loco satis inspecto atque undique explorato, dies composita gerendæ rei est. Flavius ad Romanum imperatorem venit: *Rem se, ait, magnam inchoasse, ad quam perficiendam ipsius Gracchi operâ opus esse. omnium populorum prætoribus, qui ad Pœnum in illo communi Italia motu descissent, persuasisse, ut redirent in amicitiam Romanorum: quando res quoque Romana, quæ prope exitium clade Cannensi venisset, in dies melior atque auctior fieret; Hannibalis vis senesceret, ac propè ad gibikum venisset. Veteri delicto haud implacabiles fore Romanos:*



manas: nullam anquam gentem magis exorabilem, promptioremque veniam danda fuisse. quoties rebellionem etiam majorum suorum ignotum? Mac ab se, ait, dicta: ceterum ab ipso Graccho eadem hac audire malle eos, praesentisque contingere dextram: id pignus fidei secum ferre. Locum se consiliis dixisse à conspectu amotum, haud procul à castris Romanis. Ibi paucis verbis transigi rem posse, ut omne nomen Lucanum in fide ac societate Romana sit. Gracchus, fraudem & sermoni & rei abesse ratus, ac similitudine veri captus, cum lictoribus ac turma equitum è castris profectus, duce hospite in insidias praecipitatur. Hostes subito exorti: &, ne dubia proditio esset, Flavius his se adiungit. tela undique in Gracchum atque equites conjiciuntur. Gracchus ex equo descendit. idem ceteros facere jubet, hortaturque, Ut, quod unum reliquum fortuna fecerit, id cobonestent virtute. Reliquum autem quid esse paucis, à multitudine in valle silva ac montibus septa circumventis, praeter mortem? id referre, utrum praebentes corpora pecorum modo inulti trucidentur, an, toto animo à pati-endo expectandoque eventu in impetum atque iram verso, agentes audentesque, perfusi hostium cruore, inter expirantem inimicorum cumulatam armaque & corpora cadant. Lucanum proditorem ac transfugam omnes peterent. qui eam ultimam praese ad inferos misisset, eum decus eximiam egregiumque solatium suae morti inventurum. Inter haec dicta, paludamento circum laevum brachium intorto, (nam ne scuta quidem secum extulerant) in hostes impetum fecit. Major, quam pro numero hominum, editur pugna. jaculis maximè aperta corpora Romanorum, & quum undique ex altioribus locis in cavam valem conjectus esset, transfiguntur. Gracchum, jam nudatum praesidio, vivum capere Poeni nituntur. ceterum ille, conspicatus Lucanum hospitem inter hostes, adeo infestus confertos invasit, ut parci ei sine multorum perniciem non posset. Exanimem cum Mago extemplo ad Hannibalem misit, ponique cum captis simul fasci-

baw

bus ante tribunal imperatoris iussit. Hæc vera fama est. Gracchus in Lucanis ad campos, qui Veteres vocantur, periit.

XVII. Sunt, qui in agro Beneventano, prope Calorem fluvium, ostendant à castris cum lictoribus ac tribus servis lavandi causâ progressum, quum fortè inter salicta innata ripis laterent hostes, nudum atque inermem, saxisque, quæ volvit amnis, propugnantem, interfectum. Sunt, qui aruspicum monitu quingentos passus à castris progressum, ut loco puro ea, quæ antè dicta prodigia sunt, procuraret, ab insidentibus fortè locum duabus turmis Numidarum circumventum scribant. adeo nec locus, nec ratio mortis in viro tam claro & insigni constat. Funeris quoque Gracchi varia est fama. Alii in castris Romanis sepultum ab suis, alii ab Hannibale (& ea vulgatiores fama est) tradunt in vestibulo Punicorum castrorum rogam exstructum esse, armatum exercitum decucurrisse cum tripudiis Hispanorum, motibusque armorum & corporum suæ cuique genti assuetis, ipso Hannibale omni rerum verborumque honore exsequias celebrante. Hæc tradunt, qui in Lucanis rei gestæ auctores sunt. Si illis, qui ad Calorem fluvium interfectum memorant, credere velis, capitis tantum Gracchi hostes potiti sunt. eo delato ad Hannibalem, missus ab eo confestim Carthalo, qui in castra Romana ad Cn. Cornelium quaestorem deferret. is funus imperatoris in castris, celebrantibus cum exercitu Beneventanis, fecit.

XVIII. Consules, agrum Campanum ingressi, quum passim popularentur, eruptione oppidanorum & Magonis cum equitatu territi & trepidi, ad signa milites palatos passim revocarunt: &, vixdum instructâ acie fusi, supra mille & quingentos milites amiserunt. Inde ingens ferocia superbæ suo pte ingenio genti crevit, multisque proeliis lacebant Romanos: sed intentiones ad cavendum consules una pugna fecerat, incaute

atque inconsultè inita. Restituit tamen his animos, & illis minuit audaciam, parva una res. sed in bello nihil tam leve est, quod non magnæ interdum rei momentum faciat. T. Quintio Crispino Badius Campanus hospes erat, perfamiliari hospitio junctus. creverat consuetudo, quòd æger Romæ apud Crispinum Badius ante defectionem Campanam liberaliter comiterque curatus fuerat. Tum Badius, progressus ante stationes, quæ pro porta stabant, vocari Crispinum iussit. quod ubi est Crispino nunciatum, ratus colloquium amicum ac familiare quæri, manente memoriâ, etiam in discidio publicorum fœderum, privati juris, paulum à ceteris processit. Postquam in conspectum venire, *Provoco te, inquit, ad pugnam, Crispine, Badius. Conscendamus equos, summotisque aliis, uter bello melior sit, discernamus.* Ad ea Crispinus, *nec sibi, nec illi, ait, hostes deesse, in quibus virtutem ostendant: se, etiamsi in acie occurrat, declinaturum, ne hospitali cade dextram violet.* conversusque abibat. Enimvero ferocius tum Campanus increpare mollitiem ignaviamque, & se digna probra in infontem jacere, *hospitalem hostem appellans, simulantemque parcere, cui sciat parem se non esse. si parum publicis fœderibus ruptis dirempta simul & privata jura esse putet, Badium Campanum, T. Quintio Crispino Romano palam, duobus exercitibus audientibus, renunciare hospitium. Nihil sibi cum eo consociatum, nihil fœderatum hosti cum hoste, cujus patriam ac penates publicos privatosque oppugnatum venisset. Si vir esset, congrederetur.* Diu cunctantem Crispinum perpulere turmales, ne impune insultare Campanum pateretur. itaque tantum moratus, dum imperatores consuleret, permitterentne sibi extra ordinem in provocantem hostem pugnare, permissu eorum arma cepit, equumque conscendit, & Badium, nomine compellans, ad pugnam evocavit. Nulla mora à Campano facta est. infestis equis concurrerunt. Crispinus supra scutum sinistrum humerum Badio hastâ transfixit,

xit, superque delapsus cum vulnere ex equo desiluit, ut pedes jacentem conficeret. Badius, priusquam opprimeretur, parmâ atque equo relicto, ad suos aufugit: Crispinus, equum, armaque capta, & cruentam cuspidem insignis spoliis ostentans, cum magna laude & gratulatione militum, ad consules est deductus, laudatusque ibi magnificè, & donis donatus.

XIX. Hannibal ex agro Beneventano castra ad Capuam quum movisset, tertio post die, quàm venit, copias in aciem eduxit: haudquaquam dubius, quòd Campanis, absente se, paucos antè dies secunda fuisset pugna, quin multo minùs se suumque toties victorem exercitum sustinere Romani possent. Ceterum, postquam pugnari cœptum est, equitum maximè incursum, quum jaculis obrueretur, laborabat Romana acies: donec signum equitibus datum est, ut in hostem admitterent equos. ita equestre prœlium erat; quum procul visus Sempronianus exercitus, cui Cn. Cornelius questor præerat, utrique parti parem metum præbuit, ne hostes novi adventarent. Velut ex composito utrinque signum receptui datum: reductique in castra prope æquo Marte discesserunt. plures tamen ab Romanis primo incursum equitum ceciderunt. Inde consules, ut averterent Capuâ Hannibalem, nocte, quæ secuta est, diverfi, Fulvius in agrum Cumanum, Claudius in Lucanos abiit. Postero die, quum vacua castra esse Romanorum nunciatum Hannibali esset, & duobus agminibus diversos abiisse; incertus primò, utrùm sequeretur, Appium institit sequi. Ille, circumducto hoste, quâ voluit, alio itinere ad Capuam rediit. Hannibal alia in his locis bene gerendæ rei fortuna oblata est. M. Centenius fuit cognomine Pœnula, insignis inter primipili centuriones & magnitudine corporis & animo. is, perfunctus militiâ, per P. Cornelium Sullam prætorem in senatum introductus, petit à Patribus, uti sibi quinque millia militum darentur. *Sc. peritum &*

*hostis & regionum, brevi opera pretium facturum; & quibus artibus ad id locorum nostri & duces & exercitus capti forent, iis adversus inventorem usurum.* Id non promissum magis stolidè, quàm stolidè creditum: tanquam eadem militares & imperatoris artes essent. data, pro quinque, octo millia militum; pars dimidia cives, pars socii: & ipse aliquantum voluntariorum itinere in agris concivit, ac, propè duplicato exercitu, in Lucanos pervenit; ubi Hannibal, nequicquam secutus Claudium, substiterat. Haud dubia res est, quippe inter Hannibalem ducem & centurionem, exercitusque, alterum vincendo veteranum, alterum novum totum, magna ex parte etiam tumultuarium ac semiermem. Ut conspecta inter se agmina sunt, & neutra pars detrectavit pugnam, extemplo instructæ acies. pugnatum tamen, ut in nulla pari re, duas amplius horas, concitatâ & donec dux stetisset, Romanâ acie. Postquam is, non pro vetere fama solum, sed etiam metu futuri dedecoris, si suâ temeritate contractæ cladi superesset, objectans se hostium telis, cecidit, fusa extemplo est Romana acies. sed adeo ne fugæ quidem iter patuit, omnibus viis ab equite incisiss, ut ex tanta multitudine vix mille evaserint; ceteri passim, alii aliâ peste, absumpti sint.

XX. Capua à consulibus iterum summâ vi obsideri cœpta est: quæque in eam rem opus erant, comportabantur parabanturque. Casilinum frumentum conventum: ad Vulturni ostium, ubi nunc urbs est, castellum communitum: (antè Fabius Maximus munierat) præsidium impositum, ut mare proximum & flumen in potestate essent. In ea duo maritima castella frumentum, quod ex Sardinia nuper missum erat, quodque M. Junius prætor ex Etruria cœmerat, ab Ostia conventum est, ut exercitui per hiemem copia esset. Ceterum super eam cladem, quæ in Lucanis accepta erat, volonum quoque exercitus, qui, vivo Graccho, summa

ma fide stipendia fecerat, velut exauctoratus morte ducis, ab signis discessit. Hannibal non Capuam neglectam, neque, ut tanto discrimine, desertos volebat socios : sed, prospero ex temeritate unius Romani ducis successu, in alterius ducis exercitûsque opprimendi occasionem imminabat. Cn. Fulvium prætorem Apuli legati nunciabant, primò, dum urbes quasdam Apulorum, quæ ad Hannibalem descivissent, oppugnaret, intentius rem egisse : postea nimio successu & ipsum & milites, prædâ impletos, in tantam licentiam socordiamque effusos, ut nulla disciplina militiæ esset. Quum sæpe alias, tum paucis diebus antè expertus, qualis sub infcio duce exercitus esset, in Apuliam castra movit.

XXI. Circa Herdoneam Romanæ legiones & prætor Fulvius erant. quò ubi allatum est, hostes adventare, propè est factum, ut injussu prætoris signis convulsis in aciem exirent. nec res ulla magis tenuit ; quàm spes haud dubia, suo id arbitrio, ubi vellent, acturos. Nocte insequenti Hannibal, quum tumultuatum in castris, & plerosque ferociter, signum ut daret, institisse duci ad arma vocantes sciret, haud dubius prosperæ pugnæ occasionem dari, tria millia expeditorum militum in villis circà, vepribusque, & silvis disponit ; qui, signo dato, simul omnes è latebris existerent : & Magonem ac duo ferme millia equitum, quâ fugam inclinaturam credebat, omnia itinera infidere jubet. his nocte præparatis, primâ luce in aciem copias educit. Nec Fulvius est cunctatus, non tam suâ ullâ spe, quàm militum impetu fortuito tractus. itaque eadem temeritate, quâ processum in aciem est, instruitur ipsa acies ad libidinem militum fortè procurrentium consistentiumque, quo loco ipsorum tulisset animus, deinde per libidinem aut metum deferentium locum. prima legio & sinistra ala in primo instructæ, & in longitudinem porrecta acies. clamantibus tribunis, *nihil introrsus ro-*

*perruptures*: nihil, quod salutare esset, non modò ad animum, sed ne ad aures quidem admittebant. Et Hannibal, haudquaquam similis dux, neque simili exercitu, neque ita instructo aderat. ergo ne clamorem quidem atque impetum primum eorum Romani sustinere. Dux, stultitiâ & temeritate Centenio par, animo nequaquam comparandus, ubi rem inclinâtâ ac trepidantes suos vidit, equo arrepto cum ducentis ferme equitibus effugit: cetera à fronte pulsa, à tergo atque alis circumventa acies, eò usque est cæsa, ut ex duodeviginti millibus hominum duo millia haud amplius evaserint. castris hostes potiti sunt.

XXII. Hæ clades, super aliam alia, Romam quum essent nunciatæ, ingens quidem & luctus & pavor civitatem cepit. sed tamen, quia consules, ubi summa rerum esset, ad id locorum prospere rem gererent, minus his cladibus commovebantur. Legatos ad consules mittunt C. Lætorium, M. Metilium, qui nunciarent, ut reliquias duorum exercituum cum cura colligerent: darentque operam, ne per metum ac desperationem hosti se dederent, (id quod post Cannensem accidisset cladem) & ut desertores de exercitu volonum conquirent. Idem negotii P. Cornelio datum, cui & delectus mandatus erat: isque per fora conciliabulaque edixit, ut conquisitio volonum fieret, iique ad signa reducerentur. Hæc omnia intentissimâ curâ acta. Ap. Claudius consul, D. Junio ad ostium Vulturni, M. Aurelio Cottâ Puteolis præposito, qui, ut quæque naves ex Etruria ac Sardinia accessissent, ex templo in castra mitterent frumentum; ipse ad Capuam regressus, Q. Fulvium collegam invenit Casilini, omnia inde portantem molientemque ad oppugnandam Capuam. Tum ambo circumfederunt urbem, & Claudium Neronem prætorem ab Suessula ex Claudianis castris exciverunt. Is quoque, modico ibi præsidio ad tenendum locum relicto, ceteris omnibus copiis  
ad

ad Capuam descendit. ita tria prætoria circa Capuam erecta, tres & exercitus diversis partibus opus aggressi, fossâ valloque circumdare urbem parant, & castella excitant modicis intervallis: multisque simul locis cum prohibentibus opera Campanis eo eventu pugnant, ut postremò portis muroque se contineret Campanus. Prius tamen, quàm hæc continuarentur opera, legati ad Hannibalem missi, qui quererentur, desertam ab eo Capuam, ac propè redditam Romanis: obtestarenturque, ut tunc saltem opem non circumseffis modò, sed etiam circumvallatis, ferret. Consulibus literæ à P. Cornelio prætore missæ, *Ut, priusquam clauderent Capuam operibus, potestatem Campanis facerent, ut, qui eorum vellent, exirent ab Capua, suasque res secum auferrent. Liberos fore suaque omnia habituros, qui ante Idus Martias exissent. post eam diem quique exissent, quique ibi mansissent, hostium futuros numero.* ea pronunciata Campanis, atque ita spreta, ut ultro dicerent contumelias, minarenturque. Hannibal ab Herdonea Tarentum duxerat legiones; spe, aut vi, aut dolo, arcis Tarentinæ potiundæ. Quod ubi parum processit, ad Brundisium flexit iter, prodi id oppidum ratus. ibi quoque quum frustra tereret tempus, legati Campani ad eum venerunt, querentes simul, orantesque. quibus Hannibal magnificè respondit, & antea solvisse obsidionem, & nunc adventum suum consules non laturos. Cum hac spe dimissi legati, vix regredi Capuam, jam duplici fossâ valloque cinctam, potuerunt.

. XXIII. Quum maximè Capua circumvallaretur, Syracusarum oppugnatio ad finem venit, præterquam vi ac virtute ducis exercitusque, intestinâ etiam prodicione adjuta. Namque Marcellus initio veris incertus, utrùm Agrigentum ad Himilconem & Hippocratem verteret bellum, an obsidione Syracusas præmeret, quanquam nec vi capi videbat posse inexpugnabilem terrestri ac maritimo situ urbem, nec fame, quam pro-



pe liberi ab Karthagine commeatus alerent, tamen, ne quid inexpertum relinqueret, transfugas Syracusanos (erant autem apud Romanos aliqui nobilissimi viri, inter defectionem ab Romanis, quia ab novis consiliis abhorrebant, pulsi) colloquiis suæ partis tentare hominum animos jussit, & fidem dare, si traditæ forent Syracusæ, liberos eos ac suis legibus victuros esse. Non erat colloquii copia, quia multorum animi suspecti omnium curam oculosque converterant, ne quid falleret tale admissum. Servus unus exfulum, pro transfuga intromissus in urbem, conventis paucis, initium colloquendi de tali re fecit. deinde in piscatoria quidam navi, retibus operiti, circumvestique ita ad castra Romana, collocutique cum transfugis: & idem sæpius eodem modo alii atque alii. postremò ad octoginta facti. Et, quum jam composita omnia ad prodicionem essent, indicio delato ad Epicydem per Attalum quendam, indignantem sibi rem creditam non esse, necati omnes cum cruciatu sunt. Alia subinde spes, postquam hæc vana evaserat, excepit. Damippus quidam Laedæmonius, missus ab Syracusis ad Philippum regem, captus ab Romanis navibus erat. hujus utique redimendi & Epicydæ cura erat ingens; nec abnuvit Marcellus, jam tum Ætolorum, cujus gentis socii Lacedæmonii erant, amicitiam affectantibus Romanis. Ad colloquium de redemptione ejus missis, medius maximè atque utrisque opportunus locus, ad portum Trogiliorum, propter turrin, quam vocant Galeagram, est visus. quò quum sæpius commearent, unus ex Romanis, ex propinquo murum contemplatus, numerando lapides, æstimandoque ipse secum, quid in fronte paterent singuli, altitudinem muri, quantum proximè conjecturâ poterat, permensus, humilioremque aliquantò pristinâ opinione suâ & ceterorum omnium ratus esse, & vel mediocribus scalis superabilem, ad Marcellum rem desert. Haud spernenda visa. sed, quum adiri  
locus,

locus, qui ob idipsum intentius custodiebatur, non posset, occasio quærebatur: quam obtulit transfuga, nunciatus, diem festum Dianæ per triduum agi, & quia alia in obsidione desint, vino largius epulas celebrari, & ab Epicuræ præbito universæ plebei, & per tribus à principibus diviso. Id ubi accepit Marcellus, cum paucis tribunorum militum collocutus, electisque per eos ad rem tantam agendam audendamque idoneis centurionibus militibusque, & scalis in occulto comparatis, ceteris signum dari jubet, ut maturè corpora curarent, quietique darent. nocte in expeditionem eundum esse. Inde ubi id temporis visum, quo de die epulatis jam vini satias principumque somni esset, signi unius milites ferre scalas iussit; & ad mille ferè armati tenui agmine per silentium eò deducti. Ubi sine strepitu ac tumultu primi evaserunt in murum, secuti ordine alii; quum priorum audacia dubiis etiam animum faceret.

XXIV. Jam mille armatorum ceperant partem, quum ceteræ admotæ, pluribusque scalis in murum evadebant, signo ab Hexapulo dato; quò per ingentem solitudinem erat perventum, quia magna pars, in turribus epulati, aut sopiti vino erant, aut semigraves potabant. paucos tamen eorum oppressos in cubilibus interfecerunt. Prope Hexapylon est portula magnæ vi refringi cœpta; & è muro ex composito tuba datum signum erat. Et jam undique, non furtim, sed vi aperta, gerebatur res. quippe ad Epipolas, frequentem custodiis locum, perventum erat, terrendique magis hostes erant, quàm fallendi; sicut territi sunt. nam simul ac tubarum est auditus cantus, clamorque tenentium muros partemque urbis; omnia teneri custodes rati, alii per murum fugere, alii salire de muro, præcipitarique turba paventium. Magna pars tamen ignara tantæ mali erat, & gravatis omnibus vino somnoque, & in vastæ magnitudinis urbe, partium sensu non satis pertinenti

tinente in omnia. Sub luce, Hexapylo effracto, Marcellus, omnibus copiis urbem ingressus, excitavit convertitque omnes ad arma capienda, opemque, si quam possent, jam captæ propè urbi ferendam. Epicydes, ab Insula, quam ipsi Nason vocant, citato profectus agmine, haud dubius, quin paucos, per negligentiam custodum transgressos murum, expulsurus foret, occurrentibus pavidis, tumultum augere eos, dictitans, & majora ac terribiora vero afferre, postquam conspexit omnia circa Epipolas armis completa, laceffito tantum hoste paucis missilibus, retro in Achradinam agmen convertit: non tam vim multitudinemque hostium metuens, quàm ne qua intestina fraus per occasionem oriretur, clausasque inter tumultum Achradinæ atque Insulæ inveniret portas. Marcellus, ut, mœnia ingressus, ex superioribus locis urbem, omnium ferme illâ tempestate pulcherrimam, subjectam oculis vidit, illacrymâsse dicitur, partim gaudio tantæ perpetratæ rei, partim vetustâ gloriâ urbis. Athenicasium classes demersæ, & duo ingentes exercitus cum duobus clarissimis ducibus deleti, occurrebant, & tot bella cum Karthaginensibus tanto cum discrimine gesta; tot tam opulenti tyranni regesque; præter ceteros Hiero, quum recentissimæ memoriæ rex, tum ante omnia, quæ virtus ei fortunaque sua dederat, beneficiis in populum Romanum insignis. ea quum universa occurrerent animo, subiretque cogitatio, jam illa momento horæ arsurâ omnia, & ad cineres reditura; priusquam signa Achradinam admoveret, præmittit Syracusanos, qui intra præsidia Romana, ut antè dictum est, fuerant, ut alloquio leni perlicerent hostes ad dedendam urbem.

XXV. Tenebant Achradinæ portas murosque maxime transfugæ, quibus nulla erat per conditiones vasis spes: ii nec adire muros, nec alloqui quenquam passi. Itaque Marcellus, postquam id inceptum irritum fuit, ad Euryalum signa referri jussit. tumultus est  
ia

in extrema parte urbis versus à mari, vizque immi-  
nens ferenti in agros mediterraneaue insulæ, percom-  
modè situs ad commeatus excipiendos. Præerat huic  
arci Philodemus Argivus, ab Epicyde impositus, ad  
quem missus à Marcello Sosis, unus ex interfectoribus  
tyranni, quum, longo sermone habito, dilatus per fru-  
strationem esset, retulit Marcello, tempus eum ad de-  
liberandum fuisse. Quum is diem de die differret,  
dum Hippocrates atque Himilco admoverent castra le-  
gionesque, haud dubius, si in arcem accepisset eos, de-  
leri Romanum exercitum inclusum muris posse; Mar-  
cellus, ut Euryalum neque tradi, neque capi vidit pos-  
se, inter Neapolim & Tycham (nomina partium ur-  
bis, & instar urbium sunt) posuit castra, timens, ne,  
si frequentia intrasset loca, contineri ab discursu miles  
avidus prædæ non posset. Legati eò ab Tycha &  
Neapoli cum insulis & velamentis venerunt, precan-  
tes, ut à cædibus & ab incendiis parceretur. De quo-  
rum precibus, quàm postulatis, magis consilio habito,  
Marcellus ex omnium sententia edixit militibus, *ne-  
quis liberum corpus violaret. cetera præda futura.* castraque  
testis parietum pro muro septa. portis regione plate-  
arum patentibus stationes præsidiaque disposuit, ne  
quis in discursu militum impetus in castra fieri posset.  
Inde, signo dato, milites discurrerunt: refractisque  
foribus, quum omnia terrore ac tumultu streperent, à  
cædibus tamen temperatum est. rapinis nullus antè  
modus fuit, quàm omnia diuturnà felicitate cumulata  
bona egressere. Inter hæc & Philodemus, quum spes,  
auxilii nulla esset, fide acceptà, ut inviolatus ad Epi-  
cyden rediret, deducto præsidio, tradidit tumultum Ro-  
manis. Aversis omnibus ad tumultum ex parte captæ  
urbis, Bomilcar, noctem eam nactus, quàm propter vim  
tempestatis stare ad anchoram in salo Romana classis  
non posset, cum triginta quinque navibus ex portu  
Syracusano profectus, libero mari vela in altum dedit.  
quia-

quinque & quinquaginta navibus Epicydæ & Syracusanis relictis: edoctisque Karthaginiensibus, in quanto res Syracusana discrimine esset, cum centum navibus post paucos dies redit, multis (ut fama est) donis ex Hieronis gaza ab Epicyde donatus.

XXVI. Marcellus, Euryalo recepto præsidioque addito, unâ curâ erat liber, ne qua ab tergo vis hostium in arcem accepta inclusos impeditosque mœnibus suos turbaret. Achradinam inde, trinis castris per idonea dispositis loca, spe ad inopiam omnium rerum inclusos redacturum, circumfedit. Quum per aliquot dies quietæ stationes utrinque fuissent, repente adventus Hippocratis & Himilconis, ut ultro undique oppugnantur Romani, fecit. nam & Hippocrates, castris ad magnum portum communitis, signoque, iis dato, qui Achradinam tenebant, castra vetera Romanorum adortus est, quibus Crispinus præerat; & Epicydes eruptionem in stationes Marcelli fecit: & classis Punica littori, quod inter urbem & castra Romana erat, appulsa est; ne quid præsidii Crispino submitti à Marcello posset. Tumultum tamen majorem hostes præbuerunt, quàm certamen. nam & Crispinus Hippocratem non repulit tantum munimentis, sed insecutus etiam est trepidè fugientem: & Epicydem Marcellus in urbem compulit. satisque jam etiam in posterum videbatur provisum, ne quid ab repentinis eorum excursionibus periculi foret. Accessit & pestilentia, commune malum, quod facile utrorumque animos averteret à bellâ consiliis. nam tempore autumnî, & locis naturâ gravibus, multo tamen magis extra urbem, quàm in urbe, intoleranda vis æstûs per utraque castra omnium ferme corpora movit. Et primò temporis ac loci vitio & ægri erant, & moriebantur: postea curatio ipsa & contactus ægrorum vulgabat morbos: ut aut neglecti desertique, qui incidissent, morerentur, aut assidentes curantesque eadem vi morbi repletos secum traherent.

traherent: quotidianaque funera & mors ob oculos esset, & undique dies noctesque ploratus audirentur. postremò ita assuetudine mali efferaverant animos, ut non modò lacrimis iustoque comploratu prosequerentur mortuos, sed ne efferrent quidem, aut sepelirent, jacerentque strata exanimata corpora in conspectu similem mortem expectantium; mortuique ægros, ægri validos, cum metu, tum tabe ac pestifero odore corporum, conficerent. &, ut ferro potius morerentur, quidam invadebant soli hostium stationes. Multo tamen vis major pestis Pœnorum castra, quàm Romana, (diu circumsedendo Syracusas, cœlo aquisque adsueverant magis) affecerat. Ex hostium exercitu Siculi, ut primùm videre ex gravitate loci vulgari morbos, in suas quisque propinquas urbes dilapsi sunt. at Karthaginenses, quibus nusquam receptus erat, cum ipsis ducebus Hippocrate atque Himilcone, ad internecionem omnes perierunt. Marcellus, ut tanta vis ingruerat mali, traduxerat in urbem suos: infirmaque corpora tecta & umbræ recreaverant. multi tamen ex Romano exercitu eadem peste absumpti sunt.

XXVII. Deleto terrestri Punico exercitu, Siculi, qui Hippocratis milites fuerant, in haud magna oppida, ceterum & situ & munimentis tuta, (tria millia alterum ab Syracusis, alterum quindecim abest) cò & commeatus è civitatibus suis comportabant, & auxilia arcescebant. Interea Bomilcar, iterum cum classe profectus Karthaginem, ita exposità fortunà sociorum, ut spem faceret, non ipsis modò salutarem opem ferri posse, sed Romanos quoque in capta quodammodo urbe capi, perpulit, ut onerarias naves quamplurimas omni copiâ rerum onustas secum mitterent, classemque suam augerent. igitur, centum triginta navibus longis & septingentis onerariis profectus à Karthagine, satis prosperos ventos ad trajiciendum in Siciliam habuit. sed iidem venti superare eum Pachynum prohibebant.

Bomil-

Bomilcaris adventus, famâ primò, dein præter spem morâ, quum gaudium & metum in vicem Romanis Syracusanisque præbuisset; Epicydes metuens, ne, si pergerent iidem, quî tum tenebant, ab ortu solis flare per dies plures venti, classis Punica Africam repeteret, traditâ Achradinâ mercenariorum militum ducibus, ad Bomilcarem navigat, classem in statione versâ in Africam habentem, atque timentem navale prælium, non tam quòd impar viribus aut numero navium esset, (quippe etiam plures habebat) quàm quòd venti aptiores Romanæ, quàm suæ, classi flarent, perpulit tandem, ut fortunam navalis certaminis experiri vellet. Et Marcellus, quum & Siculum exercitum ex tota insula conciri videret, & cum ingenti commeatu classem Punicam adventare, ne simul terrâ marique inclusus urbe hostium urgeretur, quanquam impar numero navium erat, prohibere aditu Syracusarum Bomilcarem constituit. Dux classes infestæ circa promontorium Pachynum stabant, ubi prima tranquillitas maris in altum evexisset, concursuræ. Itaque, cadente jam Euro, qui per dies aliquot sævierat, prior Bomilcar movit: cujus prima classis petere altum visa est, quo facilius superaret promontorium. ceterum, postquam tendere ad se Romanas naves vidit, incertum quâ subitâ territus re, Bomilcar vela in altum dedit, missisque nunciis Heracleam, qui onerarias retro in Africam repetere juberent, ipse, Siciliam prætervectus, Tarentum petit. Epicydes, à tanta repente destitutus spe, ne in obsidionem magna ex parte captæ urbis rediret, Agrigentum navigat, expectaturus magis eventum, quàm inde quicquam moturus.

XXVIII. Quæ ubi in castra Siculorum sunt nunciata, Epicydem Syracusis excessisse, à Karthaginienfibus relictam insulam, & propè iterum Romanis traditam; legatos de conditionibus dedendæ urbis, exploratâ prius per colloquia voluntate eorum, qui obsidebantur, ad

ad Marcellum mittunt. Quum haud ferme discreparet, quin, quæ ubique regum fuissent, Romanorum essent; Siculis cetera cum libertate ac legibus suis servarentur; evocatis ad colloquium his, quibus ab Epicyde creditæ res erant, *missos se simul ad Marcellum, simul ad eos ab exercitu Siculorum*, aiunt, *ut una omnium, quæ obsiderentur, quique extra obsidionem essent, fortuna esset; neve alteri propriè sibi paciscerentur quicquam*. Recepti deinde ab iis, ut necessarios hospitesque alloquerentur, expositis, quæ pacta jam cum Marcello haberent, oblata spe salutis perpulere eos, ut secum præfectos Epicydis, Polyclitum, & Philistionem, & Epicydem, cui Sindon cognomen erat, aggredierentur. interfectis iis, & multitudine ad concionem vocatâ, & inopiam, quâ ipsi inter se fremere occultè soliti erant, conquesti, *quoniam tot mala urgerent, negarunt, fortunam accusandam esse, quòd in ipsorum esset potestate, quamdiu ea paterentur*. Romanis causam oppugnandi Syracusas fuisse caritatem Syracusanorum, non odium: nam, ut occupatas res ab satellitibus Hannibalis, deinde Hieronymi, Hippocrate atque Epicyde audierint, tum bellum movisse, & obsidere urbem cøpisse, ut crudeles tyrannos ejus, non ut ipsam urbem, expugnarent. Hippocrate verò interempto, Epicyde intercluso ab Syracusis, & præfectis ejus occisis, Karthaginensibus omni possessione Sicilia terrâ marique pulsas, quam superesse causam Romanis, cur non, perinde ac si Hiero ipse viveret, unicus Romanæ amicitia cultor, incolumes Syracusas esse velint? Itaque nec urbi nec hominibus aliud periculum, quàm ab semet ipsis, esse, si occasionem reconciliandi se Romanis prætermisissent. eam autem, qualis illo momento hora sit, nullam deinde fore, simul liberatos ab impotentibus tyrannis apparuisset.

XXIX. Omnium ingenti assensu audita ea oratio est. Prætores tamen priùs creari, quàm legatos nominari, placuit. ex ipsorum deinde prætorum numero missi oratores ad Marcellum. quorum princeps, *Neque primò, inquit, Syracusani à vobis defecimus, sed Hieronymus*



mus, nequaquam tam in vos impius, quàm in nos: nec postea pacem, tyranni cade compositam, Syracusanus quisquam, sed satellites regii Hippocrates atque Epicydes, oppressis nobis hinc metu, hinc fraude, turbaverunt. nec quisquam dicere potest, aliquando nobis libertatis tempus fuisse, quod pacis vobiscum non fuerit. Nunc certè cade eorum qui oppressas tenebant Syracusas, quum primùm nostri arbitrii esse cœpimus, extemplo venimus ad tradenda arma; dedendos nos, urbem, mœnia: nullam recusandam fortunam, quæ imposita à vobis fuerit. Gloriam capta nobilissima pulcherrimæque urbis Græcarum Dei tibi dederunt, Marcelle. quicquid unquam terræ marique memorandum gessimus, id tui triumphi titulo accedit. Famane credi velis, quanta urbs à te capta sit, quàm posteris quoque eam spectaculo esse, (quò quisque terrâ, quisque mari venerit, nunc nostra de Atheniensibus Karthaginensibusque tropæa, nunc tua de nobis ostendat) incolumesque Syracusas familia vestra sub clientela nominis Marcellorum tutelaque habendas tradas? Ne plus apud vos Hieronymi, quàm Hieronis, memoria momenti faciat. diutius ille multo amicus fuit, quàm hic hostis: & illius etiam benefacta persensistis; hujus amentia ad perniciem tantum ipsius valuit. Omnia & impetrabilia & tuta erant apud Romanos. inter ipsos plus belli ac periculi erat. Namque transfugæ, tradi se Romanis rati, mercenariorum quoque militum auxilia in eundem compulere metum: arreptisque armis prætores primùm obtruncant, inde ad cædem Syracusanorum discurrunt: quosque fors obtulit, Irati interfecere, atque omnia, quæ in promptu erant, diripuerunt. tum, ne sine ducibus essent, sex præfectos creavere, ut terni Achradinæ ac Naso præessent. Sedato tandem tumultu, exsequentibus sciscitando mercenariis, quæ acta cum Romanis essent, dilucere, id quod erat, cœpit; aliam suam ac perfugarum causam esse.

XXX. In tempore legati à Marcello redierunt, fallacè eos suspicione incitatos memorantes, nec causam  
expe-

expetendæ pœnæ eorum ullam Romanis esse. Erat ex tribus Achradinæ præfectis Hispanus, Mericus nomine. ad eum inter comites legatorum de industria unus ex Hispanorum auxiliaribus est missus: qui, sine arbitris Mericum nactus, primum, quo in statu reliquisset Hispaniam, (& nuper inde venerat) exponit. *Omnia Romanis ibi obtineri armis. posse eum, si opera pretium faciat, principem popularium esse: seu militare cum Romanis, seu in patriam reverti libeat. Contrà, si malle obsideri pergat, quam spem esse terrâ marique clauso?* Motus fr̃s Mericus, quum legatos ad Marcellum mitti placuisset, fratrem inter eos mittit: qui, per eundem illum Hispanum secretus ab aliis, ad Marcellum deductus, quum fidem accepisset, composuissetque agendæ rei ordinem, Achradinam redit. Tum Mericus, ut ab suspicione proditionis averteret omnium animos, negat, *sibi placere, legatos commcare ultro citroque, neque recipiendum quenquam, neque mittendum: &, quo intentius custodia servantur, opportuna loca dividenda præfectis esse, ut suæ quisque partis tutandæ reus sit.* Omnes assensu sunt partibus dividundis: ipsi regio evenit ab Arethusa fonte usque ad ostium magni portûs. id ut scirent Romani, fecit. Itaque Marcellus nocte navim onerariam cum armatis remulco quadriremis trahi ad Achradinam iussit, exponique milites regione portæ, quæ prope fontem Arethusam est. Hoc quum quartâ vigiliâ factum esset, expositosque milites portâ, ut convenerat, recepisset Mericus; luce primâ Marcellus omnibus copiis mœnia Achradinæ aggreditur: ita ut non eos solum, qui Achradinam tenebant, in se converteret, sed ab Naso etiam agmina armatorum concurrerent, relictis stationibus suis, ad vim & impetum Romanorum arcendum. In hoc tumultu actuariæ naves, instructæ jam antè circumvestæque, ad Nasum armatos exponunt, qui, improvisè adorti semiplenas stationes & adapertas fores portæ, quâ paulo antè excurrerant armati,

mati, haud magno certamine Nasum cepere, desertam  
trepidatione & fugâ custodum. neque ullis minus præ-  
sidii aut pertinaciæ ad manendum, quàm transfugis,  
fuit: quia, ne suis quidem satis credentes se, medio  
certamine effugerunt. Marcellus ut captam esse Na-  
sum didicit, & Achradinæ regionem unam teneri, Me-  
ricumque cum præsidio suis adjunctum, receptui ceci-  
dit: ne regiæ opes, quarum fama major, quàm res,  
erat, diriperentur.

XXXI. Suppresso impetu militum, & iis, qui in A-  
chradina erant, transfugis spatium locusque fugæ da-  
tus est; & Syracusani, tandem liberi metu, portis A-  
chradinæ apertis, oratores ad Marcellum mittunt, ni-  
hil petentes aliud, quàm incolumitatem sibi liberisque  
suis. Marcellus, concilio advocato, & adhibitis et-  
iam Syracusanis, qui per seditiones pulsi ab domo in-  
tra præsidia Romana erant, respondit: *non plura per  
annos quinquaginta benefacta Hieronis, quàm paucis his annis  
maleficia eorum, qui Syracusas tenuerint, erga populum Ro-  
manum esse. sed pleraque eorum, quò debuerint, recidisse; fœ-  
derumque ruptorum ipsos ab se graviores multò, quàm popu-  
lus Romanus voluerit, pœnas exegisse. Se quidem tertium an-  
num circumfedere Syracusas: non ut populus Romanus scr-  
vam civitatem haberet, sed ne transfugarum duces captam &  
oppressam tenerent. Quid potuerint Syracusani facere, ex-  
emplo vel eos Syracusanorum esse, qui intra præsidia Romana  
fuerint, vel Hispanum ducem Mericum, qui præsidium tra-  
diderit, vel ipsorum Syracusanorum postremò, seram quidem,  
sed forte consilium. Omnium sibi laborum periculorumque, cir-  
ca mœnia Syracusana terrâ marique tam diu exhaustorum, ne-  
quaquam tantum fructum esse, quàm capere Syracusas potuisse.*  
Inde quæstor cum præsidio ad Nasum ad accipiendam  
pecuniam regiâ custodiendamque missus. urbs diri-  
pienda militi data est, custodibus divisus per domos e-  
orum, qui intra præsidia Romana fuerant. Quum mul-  
ta iræ, multa avaritiæ, fœda exempla ederentur, Ar-  
chime-

Chimædon, memoriæ proditum est, in tanto tumultu, quantum capta urbs in discursu diripientium militum cedere poterat, intentum formis, quas in pulvere descripserat, ab ignaro milite, quis esset, interfectum. ægre id Marcellum tulisse, sepulturæque curam habitam: & propinquis etiam inquisitis honori præsidioque nomen ac memoriam ejus fuisse. Hoc maxime modo Syracusæ captæ: in quibus prædæ tantum fuit, quantum vix captâ Karthagine tum fuisset, cum qua viribus æquis certabatur. Paucis antè diebus, quàm Syracusæ caperenter, T. Otacilius cum quinqueremibus octoginta Uticam ab Lilybæo transmisit: & quum ante lucem portum intrasset, onerarias frumento onustas cepit: egressusque in terram, depopulatus est aliquantum agri circa Uticam, prædamque omnis generis retro ad naves egit. Lilybæum tertio die, quàm inde profectus erat, cum centum triginta onerariis navibus frumento prædæque onustis rediit: idque frumentum extemplo Syracusas misit. quod ni tam in tempore subvenisset, victoribus victisque pariter perniciofa fames instabat.

XXXII. Eadem æstate in Hispania, quum biennio ferme nihil admodum memorabile factum esset, consiliisque magis, quàm armis, bellum gereretur, Romani imperatores egressi hibernis copias conjunxerunt. ibi concilium advocatum, omniumque in unum congruerunt sententiæ; quando ad id locorum id modò actum esset, ut Hasdrubalem tendentem in Italiam retinerent; tempus esse id jam agi, ut bellum in Hispania finiretur: & satis ad id virium credebant accessisse, viginti millia Celtiberorum eâ hieme ad arma excitata. Tres exercitus erant. Hasdrubal Gisgonis filius & Mago, conjunctis castris, quinque ferme dierum inter ab Romanis aberant. Propior erat Hamilcaris filius Hasdrubal, vetus in Hispania imperator. ad urbem nomine Anitorgin exercitum habebat. Eum volebant

lebant prius opprimi duces Romani : & spes erat satis superque ad id virium esse. illa restabat cura, ne, fuso eo perculsi, alter Hasdrubal & Mago, in avios saltus montesque recipientes sese, bellum extraherent. Optimum igitur rati, divisis bifariam copiis, totius simul Hispaniæ amplecti bellum : ita inter se diviserunt, ut P. Cornelius duas partes exercitus Romanorum socio- rumque adversus Magonem duceret atque Hasdrubalem ; Cn. Cornelius cum tertia parte veteris exercitus, Celtiberis adjunctis, cum Hasdrubale Barcino bellum gereret. Unâ profecti ambo duces exercitusque, Celtiberis prægredientibus, ad urbem Anitorgin in conspectu hostium, dirimente amni, ponunt castra. Ibi Cn. Scipio, cum quibus antè dictum est copiis, substitit, & P. Scipio profectus ad destinatam belli partem.

XXXIIF. Hasdrubal postquam animadvertit, exiguum Romanum exercitum in castris, & spem omnem in Celtiberorum auxiliis esse ; peritus omnis barbaricæ, & præcipuè omnium earum gentium, in quibus per tot annos militabat, perfidiæ, facili linguæ commercio, quum utraque castra plena Hispanorum essent, per occulta colloquia paciscitur magnâ mercede cum Celtiberorum principibus, ut copias inde abducant. Nec atrox visum facinus. non enim, ut in Romanos verterent arma, agebatur : & merces, quanta vel pro bello satis esset, dabatur, ne bellum gererent : & quum quies ipsa, tum reditus domum fructusque videndi suos suæque, grata vulgo erant. Itaque non ducibus facilius, quàm multitudini, persuasum est : simul ne metus quidem ab Romanis erat, quippe tam paucis, si vi retinerent. Id quidem cavendum semper Romanis ducibus erit, exempla que hæc verè pro documentis habenda, ne ita externis credant auxiliis, ut non plus sui roboris suarumque propriè virium in castris habeant. Signis repentè sublati, Celtiberi abeunt, nihil aliud querentibus causam obtestantibusque, ut manerent, Romanis

manis respondentes, quàm domestico se avocari bello. Scipio, postquam focii nec precibus, nec vi retineri poterant, nec se aut parem sine illis hosti esse, aut fratri rursus conjungi vidit posse, nec ullum aliud salutare consilium in promptu esse, retro, quantum posset, cedere statuit; in id omni curâ intentus, necubi hosti æquo se committeret loco; qui, transgressus flumen, propè vestigiis abeuntium insistebat.

XXXIV. Per eosdem dies P. Scipionem par terror, periculum majus ab novo hoste, urgebat. Masinissa erat juvenis, eo tempore focius Karthaginienſium, quem deinde clarum potentemque Romana fecit amicitia. is tum cum equitatu Numidarum & adveniēti P. Scipioni occurrit, & deinde assiduè dies noctesque infestus aderat, ut non vagos tantum, procul à castris lignatum pabulatumque progressos, exciperet, sed ipsis obequitaret castris, inſectusque in medias sæpe stationes, omnia ingenti tumultu turbaret. noctibus quoque sæpe incurſu repentino in portis valloque trepidatum est: nec aut locus, aut tempus ullum vacuum à metu ac sollicitudine erat Romanis: compulſisque intra vallum, adempto rerum omnium usu, quum propè justa obſidio eſſet, futuramque arctiorem eam appareret, & se Indibilis, quem cum septem millibus & quingentis Suesſetanorum adventare fama erat, Pœnis conjunxiſſet; dux cautus & providens Scipio, viſtus neceſſitatibus, temerarium capit conſilium, ut nocte Indibili obviam iret: &, quocunque occuſſiſſet loco, prælium conſereret. Relicto igitur modico præſidio in caſtris, præpoſitoque T. Fontejo legato, mediâ nocte profectus, cum obviis hoſtibus manus conſeruit. Agmina magis, quàm acies, pugnabant: ſuperior tamen, ut in tumultuaria pugna, Romanus erat. ceterum & equites Numidæ repentè, quos ſefelliſſe ſe dux ratus erat, ab lateribus circumfuſi, magnum terrorem intulere. Contraſto adverſus Numidas certamine novo, ter-

tius insuper advenit hostis, duces Pœni affectuti ab tergo jam pugnantes: ancepsque prælium Romanos circumsteterat, incertos in quem potissimum hostem, quamve in partem conferti eruptionem facerent. Pugnantem hortantique imperatori, & offerenti se ubi plurimus labor erat, latus dextrum lanceâ trajicitur: cu-neusque is hostium, qui in confertos circa ducem impetum fecerat, ut exanimem labentem ex equo Scipionem vidit, alacres gaudio cum clamore per totam aciem nunciantes discurrunt, imperatorem Romanum cecidisse. Hæc pervagata passim vox, ut & hostes haud dubiè pro victoribus, & Romani pro victis essent, fecit. Fuga confestim ex acie, duce amisso, fieri cœpta est. ceterum ut ad erumpendum inter Numidas leviumque armorum alia auxilia haud difficilis res erat; ita effugere tantum equitum, æquantiumque equos velocitate peditum, vix poterant: cæsi-que propè plures in fuga, quàm in pugna, sunt. nec superfuisset quiscquam, ni præcipiti jam ad vesperum die nox intervenisset.

XXXV. Haud segniter inde duces Pœni fortunâ usi, confestim è prælio, vix necessariâ quiete datâ militibus, ad Hasdrubalem Hamilcaris citatum agmen rapiunt, non dubiâ spe quum juncti essent, debellari posse. Quò ubi est ventum, inter exercitus ducesque, victoriâ recenti lætos, gratulatio ingens facta, imperatore tanto cum omni exercitu deletò, & alteram pro haud dubio parem victoriam exspectantes. Ad Romanos nondum quidem fama tantæ cladis pervenerat, sed mœstum quoddam silentium erat, & tacita divinationio; qualis jam præfagientibus animis imminenti mali esse solet. Imperator ipse, præterquam quòd ab sociis se desertum, hostium tantum auctas copias sentiebat, conjecturâ etiam & ratione ad suspicionem acceptæ cladis, quàm ad ullam bonam spem, pronior erat. *Quoniam modo enim Hasdrubalem ac Magonem, nisi defunctos*

*Etas suo bello, sine certamine adducere exercitum potuisse? Quomodo autem non obstitisse, aut ab tergo secutum fratrem? ut, si prohibere, quo minus in unum coirent & duces & exercitus hostium, non posset, ipse certe cum fratre conjungere copias.* His anxius curis id modò esse salutare in præsens credebat, cedere inde, quantum posset: & inde unà nocte, ignaris hostibus, & ob id quietis, aliquantum emensus est iter. Luce, ut senserunt profectos hostes, præmissis Numidis, quàm poterant maximè citato agmine sequi cœperunt: ante noctem assecuti Numidæ, nunc ab tergo, nunc in latera incurstantes. Consistere cœperunt, ac tutari agmen, quantum possent; tamen, tutò ut simul pugnarent procederentque, Scipio hortabatur, priusquam pedestres copiæ assequerentur.

XXXVI. Ceterum nunc agendo, nunc sustinendo agmen, quum aliquandiu haud multum procederetur, & nox jam instaret, revocat è prælio suos Scipio: & collectos in tumultum quendam, non quidem satis tutum, (præsertim agmini perculso) editiorem tamen, quàm cetera circà erant, subducit. Ibi primò, impedimentis & equitatu in medium receptis, circumdati pedites haud difficulter impetus incurfantium Numidarum arcebant: dein, postquam toto agmine tres imperatores cum tribus justis exercitibus aderant, apparebatque, parum armis ad tuendum locum sine munimento valituros esse; circumspectare atque agitare dux cœpit, si quo modo posset vallum circuminjicere. sed erat adeo nudus tumulus & asperi soli, ut nec virgulta vallo cædendo, nec terra cespiti faciendo, aut ducendæ fossæ, aliive ulli operi apta inveniri posset: nec naturâ quicquam satis arduum aut abscisum erat, quod hosti aditum ascensumve difficilem præberet; omnia fastigio leni subvexa. Ut tamen aliquam imaginem valli objicerent, clitellas illigatas oneribus, velut struentes ad altitudinem solitam, circumdabant; cumulo farinarum omnis generis objecto, ubi ad moliendum cli-



tellæ defuerant. Punici exercitus postquam advenere, in tumulum quidem perfacile agmen erexere, muniti-  
onis verò facies nova primò eos velut miraculo quo-  
dam tenuit, quum duces undique vociferarentur, *Quid  
starent? & non ludibrium illud, vix feminis puerisque moran-  
dis satis validum, distraberent diriperentque? Captum bo-  
stem teneri, latentem post sarcinas.* Hæc contemptim du-  
ces increpabant. ceterùm, neque transilire, neque mo-  
liri onera objecta, nec cædere stipatas cistellas, ipsisque  
obrutas sarcinis, facile erat. Tardatis diu quum a-  
molita objecta onera armatis dedissent viam, pluribus-  
que idem partibus fieret, capta jam undique castra e-  
rant: pauci ab multis, percussique à victoribus passim  
cædebantur. Magna pars tamen militum, quum in  
propinquas refugisset silvas, in castra P. Scipionis, qui-  
bus T. Fonteius legatus præerat, perfugerunt. Cn.  
Scipionem alii in tumulo primo impetu hostium cæsum  
tradunt: alii cum paucis in propinquam castris turrim  
perfugisse. hanc igni circumdatam, atque ita exustis  
foribus, quas nullà moliri potuerunt vi, captam; o-  
mnesque intus cum ipso imperatore occisos. Anno  
octavo, postquam in Hispaniam venerat, Cn. Scipio,  
undetrigesimo die post fratris mortem, est interfectus.  
Luctus ex morte eorum non Romæ major, quàm per  
totam Hispaniam, fuit. Quin apud cives partem do-  
loris & exercitus amissi, & alienata provincia, & pu-  
blica trahebat clades. Hispaniæ ipsos lugebant deside-  
rabantque duces: Cnæum tamen magis, quo diutius  
præfuerat iis, priorque & favorem occupaverat, & spe-  
cimen iustitiæ temperantiæque Romanæ primus dede-  
rat.

XXXVII. Quum deletus exercitus amissæque Hispa-  
niæ viderentur, vir unus res perditas restituit. Erat in  
exercitu L. Marcius Septimi filius, eques Romanus,  
impiger juvenis, animique & ingenii aliquanto, quàm  
pro fortuna, in qua erat natus, majoris. ad summam  
indo-

indolem accesserat Cn. Scipionis disciplina : sub qua per tot annos omnes militiæ artes edoctus fuerat. Hic, & ex fuga collectis militibus, & quibusdam de præsidiiis deductis, haud contemnendum exercitum fecerat, junxeratque cum T. Fontejo P. Scipionis legato. Sed tantum præstitit eques Romanus auctoritate inter milites atque honore, ut, castris citra Iberum communitis, quum ducem exercituum comitiis militaribus creari placuisset, subeuntes alii aliis in custodiam valli stationesque, donec per omnes suffragium iret, ad L. Marcium cuncti summam imperii detulerint. Omne inde tempus (exiguum id fuit) muniendis castris convehendisque commeatibus consumptum : & omnia imperia milites, quum impigre, tum haudquaquam abjecto animo, exsequebantur. Ceterum postquam Hasdrubalem Gisgonis, venientem ad reliquias belli delendas, transisse Iberum, & appropinquare allatum est, signumque pugnæ propositum ab novo duce milites viderunt ; recordati, quos paulo antè imperatores habuissent, quibusque & ducibus & copiis freti prodire ad pugnam soliti essent, flere omnes repente & offensare capita : & alii manus ad cælum tendere, Deos incusantes : alii, strati humi, suum quisque nominatim ducem implorare. neque sedari lamentatio poterat, excitantibus centurionibus manipulares, & ipso mulcente & increpante Marcio, *quid in muliebres & inutiles se projecissent fletus potius, quàm ad tutandos semet ipsos & rempublicam secum acuerent animos, & ne inultos imperatores suos jacere sinerent ?* Quum subito clamor tubarumque sonus (jam enim prope vallum hostes erant) exauditur. inde, verso repente in iram luctu, discurrere ad arma : ac, velut aecensi rabie, discurrunt ad portas, & in hostem, negligenter atque incompotè venientem, incurrunt. Extemplo improvisa res pavorem incutit Pœnis : mirabundique unde tot hostes tam subito exorti propè deleti exercitu forent, unde tanta

audacia, tanta fiducia sui victis ac fugatis, quis imperator duobus Scipionibus cæsis extitisset, quis castris præisset, quis signum dedisset pugnae; ad hæc tot tam necopinata, primò omnium incerti stupentesque referunt pedem: dein, validà impressione pulsi, terga vertunt. Et aut fugientium cædes fœda fuisset, aut temerarius periculosusque sequentium impetus, ni Marcius propere receptui dedisset signum, obstitensque ad prima signa, quosdam & ipse retinens, concitatam repressisset aciem. inde in castra avidos adhuc cædisque & sanguinis reduxit. Karthaginienses, trepidè primò ab hostium vallo acti, postquam neminem insequi viderunt, metu substitisse rati, contemptim rursus & sedato gradu in castra abeunt. Par negligentia in castris custodiendis fuit. nam, etsi propinquus hostis erat, tamen reliquias eum esse duorum exercituum ante paucos dies deletorum succurrebat. Ob hoc quum omnia neglecta apud hostes essent, exploratis iis, Marcius ad consilium, primà specie temerarium magis, quàm audax, animum adjecit, ut ultro castra hostium oppugnaret: facilius esse ratus, unius Hasdrubalis expugnari castra, quàm, si se rursus tres exercitus ac tres duces junxissent, sua defendi: simul aut, si successisset cœptis, recepturum se afflictas res: aut, si pulsus esset, tamen ultro inferendo arma, contemptum sui demuturum.

XXXVIII. Ne tamen subita res & nocturnus terror etiam non suæ fortunæ consilium perturbaret, alloquendos adhortandosque sibi milites ratus, concione advocatà ita disseruit: *Vel mea erga imperatores nostros vivos mortuosque pietas, vel præsens omnium nostrum, milites, fortuna fidem cuius facere potest, mihi hoc imperium, ut amplum iudicio vestro, ita re ipsà grave ac sollicitum esse. Quo enim tempore, nisi metus marorem obstupesceret, vix ita compos mei essem, ut aliqua solatia invenire agro animo possem; cogor vestram omnium vicem (quod difficillimum*

nam in luctu est) unus consulere. & ne tum quidem, ubi, quonam modo has reliquias duorum exercituum patria conservare possim, cogitandum est, avertere animum ab assiduo mœrore libet. Præsto est enim acerba memoria, & Scipiones me ambo dies noctesque curis insomniisque agitant, & excitant sæpe somno; neu se, neu invictos per octo annos in his terris milites suos, commilitones vestros, neu rempublicam patiar inultam, & suam disciplinam suaque instituta sequi jubent: & ut imperiis vivorum nemo obedientior me uno fuerit, ita post mortem suam, quod quaque in re facturos illos fuisse maxime censeam, id optimum ducere. Vos quoque velim, milites, non lamentis lacrimisque tanquam exstinctos prosequi, (vivunt vigetque famâ rerum gestarum) sed, quotiescunque occurreret memoria illorum, velut si adhortantes signumque dantes videatis eos, ita prælia inire. Nec alia profectò species, hesterno die oculis animisque vestris oblata, memorabile illud edidit prælium: quo documentum dedistis hostibus, non cum Scipionibus exstinctum esse nomen Romanum; & cujus populi vis atque virtus non obruta sit Cannensi clade, ex omni profectò sevitia fortunæ emersuram esse. Nunc, quia tantum ausi estis sponte vestrà, experiri libet, quantum audeatis duce vestro victore. non enim hesterno die, quum signum receptui dedi sequentibus effusè vobis turbatum hostem, frangere audaciam vestram, sed differre in majorem gloriam atque opportunitatem, volui: ut postmodo preparati incautos, armati incermes, atque etiam sopitos, per occasionem aggredi possetis. Nec hujus occasionis spem, milites, fortè temere, sed ex re ipsa conceptam habeo. A vobis quoque profectò si quis quærat, quonam modo pauci à multis, victi à victoribus castra tutati sitis; nihil aliud respondeatis, quàm idipsum timentes vos omnia & operibus firmata habuisse, & ipsos paratos instructosque fuisse. Et ita se res habet. ad id, quod ne timeatur, fortuna facit, minimè tuti sunt homines: quia, quod neglexeris, incautum atque apertum habeas. Nihil omnium nunc minus metuant hostes, quàm ne obsessi modò ipsi atque oppugnati castra sua ultro oppugnemus. Audeamus, quod credi non potest ausuros

nos. eo ipso, quod difficillimum videtur, facillimum erit. Tertiâ vigiliâ noctis silenti agmine ducam vos. exploratum habeo, non vigiliarum ordinem, non stationes justas esse. Clamor in portis auditus & primus impetus castra ceperit. tum inter torpidos somno, paventesque ad necopinatum tumultum, & inermes in cubilibus suis oppressos, illa cedes edatur, à qua vos hosterno die revocatos agre ferebatis. Scio, audax videri consilium: sed in rebus asperis & tenui spe fortissima quaque consilia tutissima sunt. quia, si in occasionis momento, cujus pratervolat opportunitas, cunctatus paulum fueris, nequicquam mox omissum queras. Unus exercitus in propinquo est: duo baud procul absunt. nunc aggredientibus spes aliqua est: & jam tentastis vestras atque illorum vires. Si diem proferimus, & hesternæ eruptionis famâ contemni desierimus, periculum est, ne omnes duces, omnes copia convenient. Tres deinde duces, tres exercitus sustinebimus hostium, quos Cn. Scipio incolumi exercitu non sustinuit? Ut dividendo copias periere duces nostri, ita separati ac divisi opprimi possunt hostes. alia belli gerendi via nulla est. proinde nihil, præter noctis proxima opportunitatem, expectemus. Ite, Deis bene juvantibus, corpora curate, ut integri vigentesque eodem animo in castra hostium irrumpatis, quo vestra tutati estis. Læti & audire ab novo duce novum consilium, & quo audacius erat, magis placebat. reliquum diei expediendis armis & curatione corporum consumptum: & major pars noctis quieti data est. quartâ vigiliâ movere.

XXXIX. Erant ultra proxima castra sex millium intervallo distantes aliæ copię Pœnorum. Vallis cava intererat, condensa arboribus. in hujus silvæ medio ferme spatio cohors Romana arte Punicâ abditur, & equites. Ita medio itinere intercepto, ceteræ copię silenti agmine ad proximos hostes ductæ. & quum statio nulla pro portis, neque in vallo custodiæ essent, velut in sua castra, nullo usquam obistente, penetrare. Inde signa canunt, & tollitur clamor. Pars se-

mi-

missos hos hostes cadunt: pars ignes casis, stramento arido testis, injiciunt: pars portas occupant, ut fugam intercludant. Hostes simul ignis, clamor, cades, velut alienatos sensibus, nec audire, nec providere quicquam sinunt. incidunt inermes inter catervas armatorum; alii ruunt ad portas, alii obseptis itineribus super vallum saliant: &, ut quisque evaserat, protinus ad castra altera fugiunt: ubi ab cohorte & equitibus ex occulto procurentibus circumventi, caesque ad unum omnes sunt. quanquam, etiam si quis ex ea caede effugisset, adeo raptim captis propioribus castris in altera transcursum castra ab Romanis est, ut praevenire nuncius cladis non posset. Ibi vero, quo longius ab hoste aberant, & quia sub lucem pabulatum, lignatum, & praedatum quidam dilapsi fuerant, neglecta magis omnia ac soluta invenere: arma tantum in stationibus posita: milites inermes, aut humi sedentes accubantesque, aut obambulantes ante vallum portasque. Cum his tam securis solutisque Romani, calentes adhuc ab recenti pugna, ferocesque victoriam, praedium ineunt. Itaque nequaquam resisti in portis potuit. intra portas, concursu ex totis castris ad primum clamorem & tumultum facto, atrox proelium oritur: diuque tenuisset, ni cruenta scuta Romanorum visa, indicium alterius cladis Poenis, atque inde pavorem injecissent. Hic terror in fugam avertit omnes: effusaque, quam iter est, nisi quos cades oppressit, exuuntur castris. Ita nocte ac die bina castra hostium expugnata ductu L. Marcii. Ad triginta septem millia hostium caesa, auctor est Claudius, qui annales Acilianos ex Graeco in Latinum sermonem vertit: captos ad mille octingentos triginta: praedam ingentem partam. in caesuisse clypeum argenteum pondo centum triginta octo, cum imagine Barcini Hasdrubalis. Valerius Antias una castra Magonis capta tradit, septem millia caesa hostium: altero proelio, eruptione pugnatum cum Has-

drubale: decem millia occisa, quatuor millia trecentos triginta captos. Piso quinque millia hominum, quum Mago cedentes nostros effusè sequeretur, causa ex infidelis scribit. Apud omnes magnum nomen Marci ducis est. & veræ gloriæ ejus etiam miracula addunt: flammam ei conclonanti fufam è capite, sine ipsius sensu, cum magno pavore circumstantium militum. monumentumque victoriæ ejus de Poenis, usque ad incensum Capitollum, fuisse in templo clypeum, Marcium appellatum, cum imagine Hasdrubalis. Quictæ deinde aliquandè in Hispania res fuere, utrisque, post tantas acceptas in vicem illatasque clades, cunctantibus periculum summæ rerum facere.

XL. Dum hæc in Hispania geruntur, Marcellus; captis Syracusis, quum cetera in Sicilia tantâ fide atque integritate composuisset, ut non modò suam gloriam, sed etiam majestatem populi Romani, augeret; ornamenta urbis, signa, tabulasque, quibus abundabant Syracusæ, Romam devexit. Hostium quidem illa spolia, & parta belli jure: ceterum inde primum initium mirandi Græcarum artium opera, licentiæque huic sacra profanaque omnia vulgò spoliandi factum est: quæ postremò in Romanos Deos, templum id ipsum primum, quod à Marcello eximiè ornatum est, vertit. Viscebantur enim ab externis ad portam Capenam dedicata à Marcello templa, propter excellentia ejus generis ornamenta, quorum perexigua pars comparet: Legationes omnium ferme civitatum Siciliæ ad eum conveniebant. Dispar ut causa earum, ita conditio erat. qui ante captas Syracusas aut non desciverant, aut redierant in amicitiam, ut socii fideles accepti cultique: quos metus post captas Syracusas dediderat, ut victi à victore leges acceperunt. Erant tamen haud parvæ reliquæ belli circa Agrigentum Romanis: Epicydes & Hanno duces reliqui prioris belli, & tertius novus ab Hannibale in locum Hippocratis missus, Libyphœnicum

cum generis Hipponiates, (Mutinē populares vocabant) vir impiger, & sub Hannibale magistro omnes belli artes edoctus. Huic ab Epicyde & Hannone Numidæ dati auxiliares: cum quibus ita pervagatus est hostium agros, ita socios ad retinendos in fide animos eorum, ferendoque in tempore cuique auxilium, adiit, ut brevi tempore totam Siciliam impleret nominis sui, nec spes alia major apud faventes rebus Karthaginensium esset. Itaque inclusi ad tempus mœnibus Agrigenti dux Pœnus Syracusanusque, non consilio Mutinis, quàm fiduciâ, magis ausi egredi extra muros, ad Himeram amnem posuerunt castra. Quod ubi perlatum ad Marcellum est, extemplo copias movit; & ab hoste quatuor ferme millium intervallo consedit, quid agerent pararentve expectaturus. Sed nullum neque locum, neque tempus cunctationi consiliove dedit Mutines, transgressus amnem, ac stationibus hostium cum ingenti terrore ac tumultu investas. Postero die propè justo prælio compulit hostem intra munimenta. inde revocatus seditione Numidarum in castris factâ, quum trecenti ferme eorum Heracleam Minoam concessissent, ad mitigandos revocandosque eos profectus, magnopere monuisse duces dicitur, ne absente se cum hoste manus confererent. Id ambo ægre passi duces, magis Hanno, jam antè anxius gloriâ ejus: *Mutinē sibi modum facere, degenerem Afrum imperatori Karthaginensi, misse ab senatu populoque.* Is perpulit cunctantem Epicyden, ut, transgressi flumen, in aciem exirent. nam si Mutinē opperirentur, & secunda pugne fortuna evenisset, haud dubiè Mutinis gloriam fore.

XLI. Enimvero indignum ratus Marcellus se, qui Hannibalem subnifum victoriâ Cannensī ab Nola repulisset, his terrâ marique victis ab se hostibus cedere, arma prope capere milites, & efferri signa jubet. Instruenti exercitum decem effusis equis advolant ex hostium acie Numidæ, nunciantes, populares suos, pri-



mum eà seditione motos, quâ trecenti ex numero suo concesserint Heracleam, dein quòd præfectum suum ab obtrestantibus ducibus gloriæ ejus, sub ipsam certaminis diem, ablegatum videant, quieturos in pugna. Gens fallax promissi fidem præstitit. itaque & Romanis crevit animus, nuncio celeri per ordines misso, destitutum ab equite hostem esse, quem maximè timebant: & territi hostes, præterquam quòd maximâ parte virium suarum non juvabantur, timore etiam incusso, ne ab suo & ipsi equite oppugnarentur. Itaque haud magni certaminis fuit. primus clamor atque impetus rem decrevit. Numidæ, quum in concursu quieti stetissent in cornibus, ut terga dantes suos viderunt, fugæ tantum parumper comites facti, postquam omnes Agrigentum trepido agmine petentes viderunt, ipsi metu obsidionis passim in civitates proximas dilapsi. Multa millia hominum cæsa captaque, & octo elephanti. Hæc ultima in Sicilia Marcelli pugna fuit. victor inde Syracusas rediit. Jam ferme in exitu annus erat. itaque senatus Romæ decrevit, ut P. Cornelius prætor literas Capuam ad consules mitteret; dum Hannibal procul abesset, nec ulla magni discriminis res ad Capuam gereretur, alter eorum, si ita videretur, ad magistratus subrogandos Romam veniret. Literis acceptis, inter se consules compararunt, ut Claudius comitia perficeret, Fulvius ad Capuam maneret. Consules Claudius creavit Cn. Fulvium Centumalum & P. Sulpicium Servii filium Galbam, qui nullum antea curulem magistratum gessisset. Prætores deinde creati, L. Cornelius Lentulus, M. Cornelius Cethegus, C. Sulpicius, C. Calpurnius Piso. Pisoni jurisdictio urbana, Sulpicio Sicilia, Cethego Apulia, Lentulo Sardinia evenit. Consulibus prorogatum in annum imperium est.

## LIBER XXVI.

## EPI TOME.

X. **H** Annibal ad tertium ab urbe Roma lapidem super Anienem castra posuit. ipse verò cum duobus milibus equitum usque ad ipsam Capenam portam, ut urbis flumen exploraret, oboquitavit. XI. Et quum per triduum in aciem utrinque exercitus omnis descendisset, certamen tempestas diremit: nam quum in castra rediissent, statim serenitas erat. XIV. Capua capta est à Q. Fulvio & Ap. Claudio Consulibus. Principes Campanorum veneno sibi consciverunt mortem. XV. Quum senatus Campanorum deligatus esset ad palos, ut securi feriretur; literas à senatu missas Q. Fulvius consul, quibus jubebatur parcere, antequam legeret, in sinu posuit, & lege agi jussit, & supplicium peregit. XVIII, XIX. Quum in comitiis apud populum quæreretur, cui manderetur Hispaniarum imperium; nullo id volente suscipere, P. Scipio, P. filius, qui in Hispania ceciderat, professus est se iturum: & suffragio populi consensuque omnium missus, Novam Karthaginem uno die expugnavit, quum ageret vigesimum quartum annum, videreturque divina stirpe creatus: quoniam & ipse, postquam togam acceperat, quotidie in Capitolio erat; & in cubiculo matris ejus anguis saepenumero videbatur. XXI, &c. XL. Res praterea in Sicilia gestas continet, XLI, &c. & amicitiam cum Ætolis junctam, XXIV. bellumque gestum adversum Acarnanas & XXV. Philippum Macedonia regem.

I. **C**N. Fulvius Centumalus, P. Sulpicius Galba consules, quum Idibus Martiis magistratum intissent, senatu in Capitolium vocato, de republica, de administratione belli, de provinciis exercitibusque Patres consuluerunt. Q. Fulvio, Ap. Clau-

Claudio, prioris anni consulibus, prorogatum imperium est; atque exercitus, quos habebant, decreti. adjectumque, ne à Capua, quam obsidebant, abscederent, priusquam expugnassent. Ea tum cura maxime intentos habebat Romanos: non ab ira tantum, quæ in nullam unquam civitatem justior fuit, quam quod urbs tam nobilis ac potens, sicut defectione suâ traxerat aliquot populos, ita recepta inclinatura rursus animos videbatur ad veteris imperii respectum. Et prætoribus prioris anni, M. Junio in Etruria, P. Sempronio in Gallia, cum binis legionibus, quas habuerant, prorogatum est imperium. prorogatum & M. Marcello, ut pro consule in Sicilia reliqua belli perficeret eo exercitu, quem haberet: si supplemento opus esset, suppleret de legionibus, quibus P. Cornelius prætor in Sicilia præesset: dum ne quem militem legeret ex eo numero, quibus senatus missionem redditumque in patriam negasset ante belli finem. C. Sulpicio, cui Sicilia evenerat, duæ legiones, quas P. Cornelius habuisset, decretæ: & supplementum de exercitu Cn. Fulvii, qui priore anno in Apulia sædè cæsus fugatusque erat. Huic generi militum senatus eundem, quem Cannensibus, finem statuerat militiæ: additum etiam utrorumque ignominia est, ne in oppidis hibernarent, neve hiberna propius ullam urbem decem millibus passuum ædificarent. L. Cornelio in Sardinia duæ legiones datæ, quibus Q. Mucius præfuerat. supplementum, si opus esset, consules scribere iussi. T. Otacilio & M. Valerio Siciliæ Græciæque ora cum legionibus classibusque, quibus præerant, decretæ. Quinquaginta Græci cum legione una, centum Siculi cum duabus legionibus habebant naves. Tribus & viginti legionibus Romanis eo anno bellum terrâ marique est gestum.

II. Principio ejus anni quum de literis L. Marcii referretur, res gestæ magnificæ senatui visæ: titulus hono-

honoris (quòd, imperio non populi jussu, non ex auctoritate Patrum dato, *Proprator senatui*, scripserat) magnam partem hominum offendebat. Rem mali exempli esse, imperatores legi ab exercitibus: & solenne auspicatorum comitiorum in castra & provincias, procul ab legibus magistratibusque, ad militarem temeritatem transferri. &, quum quidam referendum ad senatum censerent, melius visum differri eam consultationem, donec proficiscerentur equites, qui ab Marcio literas attulerant. Rescribi de frumento & vestimentis exercitus placuit: *eam utramque rem cura fore senatui*. adscribi autem, *Propratori L. Marcio*, non placuit: ne id ipsum, quod consultationi reliquerant, pro præjudicato ferret. Dimissis equitibus, de nulla re prius consules retulerunt, omniumque in unum sententiæ congruebant, agendum cum tribunis plebis esse, primo quoque tempore ad plebem ferrent, quem cum imperio mitti placeret in Hispaniam ad eum exercitum, cui Cn. Scipio imperator præfuisset. Ea res cum tribunis acta promulgataque est. Sed aliud certamen occupaverat animos. C. Sempronius Blæsus die dicta, Cn. Fulvium, ob exercitum in Apulia amissum, in concionibus vexabat: *multos imperatores temeritate atque inscientiâ exercitum in locum precipitem perduxisse dictitans: neminem, præter Cn. Fulvium, antè corrupisse omnibus vitiis legiones suas, quàm proderet. itaque verè dici posse, prius eos perisse, quàm viderent hostem; nec ab Hannibale, sed ab imperatore suo, victos esse. Neminem, quum suffragium in-eat, satis cernere, cui imperium, cui exercitum permittat. Quid interfuisse inter Ti. Sempronium? Quum ei servorum exercitus datus esset, brevi effecisse disciplinâ atque imperio, ut nemo eorum generis ac sanguinis sui memor in acie esset, præsidio sociis, hostibus terrori essent: Canus, Beneventum, aliasque urbes eos velut ex faucibus Hannibalis ereptas populo Romano restituisse. Cn. Fulvium Quiritium Romanorum exercitum, honestè genitos, liberaliter educatos, servilibus vitiis imbuisse.*

imbuisse. ergo effecisse, ut feroces & inquieti inter socios, ignavi & imbelles inter hostes essent; nec impetum modò Patrum, sed ne clamorem quidem sustinere possent. Nec, Hercule, mirum esse, milites in acie non stetisse, quum primus omnium imperator fugeret. magis mirari se, aliquos stantes cecidisse, & non omnes comites Cn. Fulvii fuisse pavoris ac fuga. C. Flaminium, L. Paullum, L. Postumium, Cn. ac P. Scipiones cadere in acie maluisse, quàm deserere circumventos exercitus. Cn. Fulvium propè unum nuncium deleti exercitus Romam redisse. Facinus indignum esse, Cannensem exercitum, quòd ex acie fugerit, in Siciliam deportatum, ne prius inde dimittatur, quàm hostis ex Italia decesserit, & hoc idem in Cn. Fulvii legionibus nuper decretum: Cn. Fulvio fugam ex prælio, ipsius temeritate commisso, impunitam esse: & cum in ganea lustrisque, ubi juventam egerit, senectutem acturum: milites, qui nihil aliud peccaverint, quàm quòd imperatoris similes fuerint, relegatos propè in exilium, ignominiosam pati militiam. adeo imparem libertatem Romam diti ac pauperi, honorato atque inonorato esse.

III. Reus ab se culpam in milites transferebat: Eos ferociter pugnam poscentes productos in aciem, non eo, quo voluerint, (quia serum dici fuerit) sed postero die, & tempore & loco a quo instructos, seu famam, seu vim hostium non sustinuisse. Quum effusè omnes fugerent, se quoque turbam ablatum; ut Varronem Cannensi pugna, ut multos alios imperatores. Qui autem solum se restantem prodesse reipublicæ, nisi si mors sua remedio publicis cladibus futura esset, potuisse? Non se inopiam commeatûs, non in loca iniqua incautè deductum, non agmine inexplorato euntium insidiis circumventum. vi apertâ, armis, acie victum: nec suorum animos, nec hostium, in potestate habuisse. suum cuique ingenium audaciam aut pavorem facere. Bis est accusatus, pecuniâque antiquis. tertio, testibus datis, quum, præterquam quòd omnibus probis onerabatur, iurati permulti dicerent, fugæ pavorisque initium à prætore ortum; ab eo desertos milites, quum haud vanum timorem ducis crede-

crederent, terga dedisse; tanta ira accensa est, ut capite anquirendum concio succlamaret. De eo quoque novum certamen ortum. nam, quum tribunus bis pecuniâ anquisisset, tertio capitis se anquirere diceret; tribuni plebis appellati, *collegæ*, negârunt, *se in mora esse, quo minùs, quod ei more majorum permissum esset, seu legibus, seu moribus mallet, anquireret, quoad vel capitis, vel pecunie judicâset privato*. Tum Sempronius, *perduellionis se judicare Cn. Fulvio*, dixit, diemque comitiis ab C. Calpurnio prætore urbis petit. Inde alia spes ab reo tentata est: si adesse in judicio Q. Fulvius frater posset, florens tum & famâ rerum gestarum, & propinquâ spe Capuz potiundæ. Id quum per literas miserabiliter pro fratris capite scriptas petisset Fulvius, negâssentque Patres è republica esse, abscedi à Capua; postquam dies comitiorum aderat, Cn. Fulvius exsulatum Tarquinius abiit. id ei justum exsilium esse, sciuit plebs.

IV. Inter hæc vis omnis belli versa in Capuam erat. obsidebatur tamen acrius, quàm oppugnabatur: nec aut famem tolerare servitia ac plebs poterant, aut mittere nuncios ad Hannibalem per custodias tam artas. Inventus est Numida, qui, acceptis literis, evasurum se professus, ut promissum præstaret, per media Romana castra nocte egressus, spem accendit Campanis, dum aliquid virium superesset, ab omni parte eruptionem tentandi. Ceterum in multis certaminibus equestria prælia ferme prospera faciebant: pedites superabantur. sed nequaquam tam lætum vincere, quàm triste vinci ullâ parte erat ab obfesso & propè expugnato hoste. Inita tandem ratio est, ut, quod viribus deerat, arte æquaretur. ex omnibus legionibus electi sunt juvenes, maxime vigore ac levitate corporum veloces: eis parmæ breviores, quàm equestres, & septena jacula quaternos longa pedes data, præfixa ferro, quale hastis velitaribus inest. eos singulos in equos suos acci-

accipientes equites assuefecerunt, & vehi post sese, & desilire perneciter, ubi signum datum esset. Postquam assuetudine quotidianâ satis intrepidè visum est fieri, in campum, qui medius inter castra murumque erat, adversus instructos Campanorum equites processerunt. & ubi ad coniectum teli ventum est, signo dato velites desiliunt. pedestris inde acies ex equitatu repente in hostium equites incurrit: jaculaque cum impetu alia super alia emittunt. Quibus plurimis in equos virosque passim coniectis permultos vulneraverunt: pavoris tamen plus ex re nova atque inopinata injectum est, & in perculsum hostem equites investi, fugam stragemque eorum usque ad portas fecerunt. Inde equitatu quoque superior Romana res fuit. Institutum, ut velites in legionibus essent. Auctorem peditum equiti immiscendorum centurionem Q. Navium ferunt, honorique id ei apud imperatorem fuisse.

V. Quum in hoc statu ad Capuam res essent, Hannibalem diversum Tarentinæ arcis potiundæ Capuæque retinendæ trahebant curæ. vicit tamen respectus Capuæ, in quam omnium sociorum hostiumque conversos videbat animos; documento futuræ, qualemcunque eventum defectio ab Romanis habuisset. Igitur, magnâ parte impedimentorum relictâ in Bruttiis, & omni graviore armatu, cum delectis peditum equitumque, quàm poterat aptissimis ad maturandum iter, in Campaniam contendit. secuti tamen tam raptim euntem tres & triginta elephanti. In valle occulta post Tifata montem imminem Capuæ consedit. Adveniens quum castellum Galatiam, præsidio vi pulso, cepisset, in circumfidentes Capuam se vertit. præmissis antè nunciis Capuam, quo tempore castra Romana aggressurus esset, ut eodem & illi, ad eruptionem parati, portis omnibus sese effunderent, ingentem præbuit terrorem. nam aliâ parte ipse adortus est; aliâ Campani omnes, pedites equitesque, & cum iis Punicum præsidium,

dium, cui Boftar & Hanno præerant, erupit. Romani, ut in re trepida, ne ad unam concurrento partem aliquid indefensi relinquerent, ita inter se copias partiti sunt. Ap. Claudius Campanis, Fulvius Hannibali est oppositus. C. Nero proprætor cum equitibus sextæ legionis viâ, quæ Sueffulam fert; C. Fulvius Flaccus legatus cum sociali equitatu constitit è regione Vulturni amnis. Prælium non solito modò clamore ac tumultu est cœptum, sed, ad alium virorum, equorum, armorumque sonum, disposita in muris Campanorum imbellis multitudo tantum cum æris crepitu, qualis in defectu lunæ silenti nocte cieri solet, edidit clamorem, ut averteret etiam pugnantium animos. Campanos facilè à vallo Appius arcebat. Major vis ab altera parte Fulvium, Hannibal & Pœni, urgebant. legio ibi sexta loca cessit: quâ pulsâ, cohors Hispanorum cum tribus elephantis usque ad vallum pervasit: ruperatque mediam aciem Romanorum, & in ancipiti spe ac periculo erat, utrùm in castra perrumperet, an intercluderetur à suis. Quem pavorem legionis periculumque castrorum Fulvius ubi vidit, Q. Navium primoresque alios centurionum hortatur, *ut cohortem hostium sub vallo pugnantem invadant. in summo discrimine rem verti: aut viam dandam iis esse, & minore conatu, quàm condensam aciem irrupissent, in castra irrupturos: aut consiciendos sub vallo esse. Nec magni certaminis rem fore: paucos esse, & ab suis interclusos; & quæ, dum paveat Romanus, interrupta acies videatur, eam, si se utrinque in hostem vertat, ancipiti pugna medios circumventuram.* Navius ubi hæc imperatoris dicta accepit, secundi hastati signum ademptum signifero in hostes insert; jacturum in medios eos minitans, ni se propere sequantur milites, & partem capeflant pugnæ. Ingens corpus erat, & arma honestabant; & sublatum altè signum converterat ad spectaculum cives hostesque. ceterùm, postquam jam ad signa pervenerat Hispanorum, tum undique



que in eum tragulæ conjectæ, & propè tota in unum acies versa : sed neque hostium multitudo, neque telorum vis arcere impetum ejus viri potuerunt.

VL. Et M. Atilius legatus, primi principis ex eadem legione signum inferri in cohortem Hispanorum coëgit. Et, qui castris præerant, L. Porcius Licinus & T. Popillius legati pro vallo acriter propugnant, elephantosque transgredientes in ipso vallo conficiunt. quorum corporibus quum oppleta esset fossa, velut agere aut ponte injecto, transitum hostibus dedit. Ibi per stragem jacentium elephantorum atroꝝ edita cædes. Altera in parte castrorum jam impulsæ erant Campani Punicumque præsidium, & sub ipsa porta Capuæ, quæ Vulturum fert, pugnabatur : neque tam armati irrupentibus Romanis resistebant, quàm quòd porta, ballistis scorpionibusque instructa, missilibus procul hostes arcebat. & suppressit impetum Romanorum vulnus imperatoris Ap. Claudii : cui, suos ante prima signa adhortanti, sub lævo humero summum pectus gæso ictum est. Magna tamen vis hostium ante portam est cæsa : ceteri trepidi in urbem compulsi. Et Hannibal, postquam cohortis Hispanorum stragem vidit, summæque vi castra hostium defendi, omisâ oppugnatione, recipere signa, & convertere agmen perditum, objecto à tergo equitatu, ne hostis instaret, coepit. Legionum ardor ingens ad hostem insequendum fuit : sed Flaccus receptui cani jussit ; satis ad utrumque profectum ratus ; ut & Campani, quàm haud multum in Hannibale præsidii esset, & ipse Hannibal sentiret. Cæsa eo die, qui hujus pugnæ auctores sunt, octo millia hominum de Hannibalis exercitu, tria ex Campanis tradunt : signaque Karthaginensibus quindecim adempta, duodeviginti Campanis. Apud alios nequaquam tantam molem pugnæ inveni, plusque pavoris, quàm certaminis, fuisse : quum inopinatò in castra Romana Numidæ Hispanique cum elephantis irrupissent ;

plissent; elephanti, per media castra vadentes, stragem tabernaculorum ingenti sonitu ac fugam abrumpentium vincula jumentorum facerent; fraudem quoque super tumultum adjectam, immixtis ab Hannibale, qui (habuit aliquot) gnari Latinæ linguæ juberent consulum verbis, quoniam amissa castra essent, pro se quemque militum in proximos montes fugere: sed eam celeriter cognitam fraudem, oppressamque magnâ cæde hostium; elephantos igni è castris exactos. Hoc ultimum (utcumque initum finitumque est) ante deditio- nem Capuæ prælium fuit. Medixtuticus, qui summus magistratus apud Campanos est, eo anno Seppius Lesius erat, loco obscuro tenuique fortunâ ortus. . Ma- trem ejus quondam, pro pupillo eo procurantem fami- liare ostentum, quum respondisset aruspex, summum quod esset imperium Capuæ, perventurum ad eum puerum, nihil ad eam spem agnoscentem, dixisse fe- runt, *Næ tu perditas res Campanorum narras, ubi summus bonos ad filium meum perveniet?* Ea ludificatio veri, & ipsa in verum vertit. nam quum fame ferroque urge- rentur, nec spes ulla superesset, iis, qui nati in spem honorum erant, honores detrectantibus; Lesius, que- rendo desertam ac proditam à primoribus Capuam, summum magistratum ultimus omnium Campanorum cepit.

VII. Ceterùm Hannibal, ut nec hostes elici ampli- us ad pugnam vidit, nec per castra eorum perrumpi ad Capuam posse, ne suos quoque commeatus interclude- rent novi consules, abscedere irritò incepto, & move- re à Capua statuit castra. Multa secum, quoniam in- de ire pergeret, volventi subiit animum impetus, ca- put ipsum belli Romam petendi: cujus rei semper cu- pitæ prætermissam occasionem post Cannensem pu- gnam & alii vulgò fremebant, & ipse non dissimula- bat. *necopinato pavore ac tumultu, non esse desperandum, a- liquam partem urbis occupari posse; & si Roma in discrimine esset,*

esset, Capuam extemplo emissuros aut ambo imperatores Romanos, aut alterum ex iis: Et, si divisissent copias, utrumque infirmiores factum aut sibi, aut Campanis, bene gerenda rei fortunam daturus esse. Una ea cura angebat, ne, ubi abcessisset, extemplo dederentur Campani. Numidam promptum ad omnia audenda donis perlicit, ut, literis acceptis, specie transfugæ castra Romana ingressus, alterà parte Capuam clam pervadat. Literæ autem erant adhortatione plenæ. Professionem suam, quæ salutaris illis foret, abstracturam ad defendendam Romam ab oppugnanda Capua duces atque exercitus Romanos. Ne desponderent animos: tolerando paucos dies, totam soluturos obsidionem. Inde naves in flumine Vulturno comprehensas subigi ad id, quod jam antè præsidii causâ fecerat, castellum iussit. Quarum ubi tantam copiam esse, ut unâ nocte trajici posset exercitus, allatum est, cibariis decem dierum præparatis, deductas nocte ad flumen legiones ante lucem trajecit.

VIII. Id priusquam fieret, ita futurum compertum ex transfugis, Fulvius Flaccus senatui Romam quum scripsisset, variè hominum animi pro cuiusque ingenio affecti sunt. Ut in re tam-trepida, senatu extemplo vocato, P. Cornelius, cui Asinæ cognomen erat, omnes duces exercitusque ex tota Italia, neque Capuæ, neque ullius alterius rei memor, ad urbis præsidium revocabat. Fabius Maximus, abscedi à Capua, terrerique & circumagi ad nutus comminationesque Hannibalis, flagitiosum ducebat. Qui ad Cannas victor ire tamen ad urbem ausus non esset, eum, à Capua repulsam, spem potius ad urbis Romæ cepisse? Non ad Romam obsidendam, sed ad Capuam liberandam obsidionem, ire. Romanum cum eo exercitu, qui ad urbem esset, Jovem, fœderum ruptorum ab Hannibale testem, Deosque alios defensuros esse. Has diversas sententias media sententia P. Valerii Flacci vicit: qui, utriusque rei memor, imperatoribus, qui ad Capuam essent, scribendam censuit, Quid ad urbem præsti-

*præsidii esset, quantas autem Hannibal copias duceret, aut quanto exercitu ad Capuam obsidendam opus esset, ipsos scire. Si & Romam è ducibus alter, & exercitus pars mitti posset, ut ab reliquo & duce & exercitu Capua rectè obsideretur; inter se compararent Claudius Fulviusque, utri obsidenda Capua, utri, ad prohibendam obsidione patriam, Romam veniundum esset. Hoc senatusconsulto Capuam perlato, Q. Fulvius proconsul, cui, collegâ ex vulnere ægro, eundum Romam erat, è tribus exercitibus milite electo, ad quindecim millia peditum, mille equites, Vulturum traducit. inde quum Hannibalem Latinâ viâ iturum satis comperisset, ipse per Appiæ municipia, quæque propter eam viam sunt, Setiam, Coram, Lanuvium præmisit, ut commeatus paratos & in urbibus haberent, & ex agris deviis in viam proferrent, præsidiaque in urbes contraherent, ut sua cuique respublica in manu esset.*

IX. Hannibal, quo die Vulturum est transgressus, haud procul à flumine castra posuit. Postero die præter Cales in agrum Sidicinum pervenit. ibi diem unum populando moratus, per Sueffulam Alifanumque & Casinatem agrum viâ Latinâ ducit. sub Casinum bi-duo stativa habita & passim populationes factæ. Inde præter Interamnam Aquinumque, in Fregellanum agrum ad Lirim fluvium ventum. ubi intercisum pontem à Fregellanis morandi itineris causâ invenit. Et Fulvium Vulturum tenuerat amnis, navibus ab Hannibale incensus, rates ad trajiciendum exercitum, in magna inopia materiæ, ægre comparantem. trajecto ratibus exercitu, reliquum Fulvio expeditum iter, non per urbes modò, sed circa viam, expositis benignè commeatibus, erat: alacresque milites alius alium, ut adderet gradum, memor ad defendendam ire patriam, hortabantur. Romam Fregellanus nuncius, diem novemque itinere continuato, ingentem attulit terrorem. tumultuosius, quàm allatum erat, cursus hominum, as-

fingen-

fingentium vana auditis, totam urbem conciverat. ploratus mulierum non ex privatis solum domibus exaudiebatur; sed undique matronæ, in publicum effusæ, circa Deum delubra discurrunt, crinibus passis aras verrentes, nixæ genibus, supinas manus ad cælum ac Deos tendentes, orantesque, ut urbem Romanam è manibus hostium eriperent; matresque Romanas & liberos parvos inviolatos servarent. Senatus magistratibus in foro præsto est, si quid consulere velint. Alii accipiunt imperia, disceduntque ad suas quisque officiorum partes: alii offerunt se, si quo usus operæ sit. præsidia in arce, in Capitolio, in muris, circa urbem, in monte etiam Albano atque arce Æsulana ponuntur. Inter hunc tumultum, Q. Fulvium proconsulem profectum cum exercitu à Capua affertur; cui ne minueretur imperium, si in urbem venisset, decernit senatus, ut Q. Fulvio par cum consulibus imperium esset. Hannibal, infestius perpopulato agro Fregellano propter intercisos pontes, per Frusinatem Ferentinatamque & Anagninum agrum in Lavicanum venit. inde Algidum Tusculum petiit: nec receptus mœnibus, infra Tusculum dextro versus Gabios descendit. inde in Pupiniam exercitu demisso, octo millia passuum ab Roma posuit castra. Quo propius hostis accedebat, eo major cædes fiebat fugientium, præcedentibus Numidis: pluresque omnium generum atque ætatum capiebantur.

X. In hoc tumultu Fulvius Flaccus, portâ Capenâ cum exercitu Romam ingressus, mediâ urbe per Carinas Æsquilias contendit. inde egressus, inter Æsquilinam Collinamque portam posuit castra. Ædiles plebis commeatum eò comportârunt. Consules senatusque in castra venerunt. ibi de summa republica consultatum. Placuit, consules circa portas Collinam Æsquilinamque ponere castra: C. Calpurnium prætorem urbanum Capitolio atque arci præesse: & senatum frequentem in foro contineri, si quid in tam subitis rebus consulto

salto opus esset. Inter hæc Hannibal ad Anienem fluvium, tria millia passuum ab urbe, castra admovit. ibi stativis positis, ipse cum duobus millibus equitum à porta Collina usque ad Herculis templum est progressus; atque, unde proximè poterat, mœnia situmque urbis obequitans contemplabatur. Id eum tam licenter atque otiosè facere, Flacco indignum visum est. itaque immisit equites, summo verique atque in castra redigi hostium equitatum jussit. Quum commissum prœlium esset, consules transfugas Numidarum, qui tum in Aventino ad mille & ducentos erant, mediâ urbe transire Æsquilias jusserunt: nullos aptiores, inter convalles testaque hortorum & sepulchra aut cavas undique vias, ad pugnandum futuros rati. quos quum ex arce Capitolioque clivo publico in equis decurrentes quidam vidissent, captum Aventinum clamaverunt. Ea res tantum tumultum ac fugam præbuit, ut, nisi castra Punica extra urbem fuissent, effusa se omnis pavida multitudo fuerit. tunc in domos atque in testa refugiebant: vagosque in viis suos pro hostibus lapidibus telisque incessabant. Nec comprimi tumultus aperiri que error poterat, refertis itineribus agrestium turbâ pecorumque, quæ repentinus pavor in urbem compulerat. Equestre prœlium secundum fuit, summotique hostes sunt: & quia multis locis comprimendi tumultus erant, qui temere oriebantur, placuit, omnes, qui dictatores, consules, censesve fuissent, cum imperio esse, donec recessisset à muris hostis. Et diei quod reliquum fuit, & nocte insequenti, multi temere excitati tumultus sunt, compressique.

XI. Postero die transgressus Anienem Hannibal in aciem omnes copias eduxit: nec Flaccus consulesque certamen detrectare. Instructis utrinque exercitibus in ejus pugnæ casum, in qua urbs Roma victori præmium esset, imber ingens grandine mixtus ita u-

tramque aciem turbavit, ut vix armis retentis in castra sese receperint, nullius rei minore, quàm hostium, metu. Ex postero die eodem loco acies instructas eadem tempestas diremit. ubi recepissent se in castra, mira serenitas cum tranquillitate oriebatur. In religionem ea res apud Pœnos versa est: auditaque vox Hannibalis fertur, *potiunda sibi urbis Romæ modò mentem non dari, modò fortunam*. Minuere etiam spem ejus & aliar, parva magnaque, res: magna illa, quòd, quum ipse ad mœnia urbis Romæ armatus sederet, milites sub vexillis in supplementum Hispaniæ profectos audivit: parva autem, quòd per eos dies cum fortè agrum, in quo ipse castra haberet, venisse, nihil ob id deminuto pretio, cognitum ex quodam captivo est. Id verò adeo superbum atque indignum visum, ejus soli, quod ipse bello captum possideret haberetque, inventum Romæ emptorem; ut, extemplo vocato præcone, tabernas argentarias, quæ circa forum Romanum tunc essent, jusserit venire. His motus ad Tutiam fluvium castra retulit, sex millia passuum ab urbe. inde ad lucum Feroniæ pergit ire, templum eà tempestate inclitum divitiis. Capenates aliqui accolæ ejus erant; primitias frugum eò donaque alia pro copia portantes, multo auro argentoque id exornatum habebant. His omnibus donis tum spoliatum templum. æris acervi, quum rudera milites religione inducti jacerent, post profectiorem Hannibalis magni inventi. Hujus popufatio templi haud dubia inter scriptores est. Cœlius, Romam euntem ab Ereto divertisse eò Hannibalem, tradit: iterque ejus ab Reate, Cutiliisque, & ab Amiterno orditur. ex Campania in Samnium, inde in Pelignos pervenisse; præterque oppidum Sulmonem in Marrucinos transisse; inde Albenfi agro in Marfos, hinc Amiternum, Forulosque vicum venisse. Neque ibi error est, quòd tanti exercitus vestigia intra tam brevís ævi memoriam potuerint confundi. tunc enim eà

ea constat. Tantum id interest, veneritne eo itinere ad urbem, an ab urbe in Campaniam redierit.

XII. Ceterum non quantum pertinaciz ad premedam obsidione Capuam Romanis fuit, tantum ad defendendam Hannibali. namque ex Lucanis in Bruttium agrum, ad fretum verò ac Rhegium eo cursu contendit, ut propè repentino adventu incautos opprimerit. Capua etsi nihilo segnius obsessa per eos dies fuerat, tamen adventum Flacci sensit: & admiratio orta est, non simul regressum Hannibalem. Inde per colloquia intellexerunt, relictos se desertosque, & spem Capuz retinendæ deploratam apud Pœnos esse. Accessit edictum proconsulis ex senatusconsulto propositum, vulgatumque apud hostes: *ut, qui civis Campanus ante certam diem transisset, sine fraude esset.* Nec ulla facta est transitio, metu magis eos, quàm fide, continente; quia majora in defectione deliquerant, quàm quibus ignosci posset. Ceterum quemadmodum nemo privato consilio ad hostem transibat, ita nihil salutare in medium consulebatur. Nobilitas rempublicam deseruerat, neque in senatum cogi poterant. in magistratu autem erat, qui non sibi honorem adjecisset, sed indignitate suâ vim ac jus magistratui, quem gerebat, dempsisset. Jam ne in foro quidem, aut publico loco, principum quisquam apparebat: domibus inclusi patris occisum cum suo exitio in dies expectabant. summa curæ omnis in Hostarem Hannonemque præfectos præsidii Punici versa erat, suo, non sociorum, periculo sollicitos. Hi, conscriptis ad Hannibalem literis, non libere modò, sed etiam asperere, quibus, *non Capuam solum traditam in manum hostibus, sed se quoque & præsidium in omnes cruciatus proditos, incusabant: abiisse cum in Bruttios, velut auertentem sese, ne Capua in oculis ejus caperetur. at, Hercule, Romanos ne oppugnatione quidem urbis Romana abstrahi ab Capua obsidenda potuisse. tanto constantiorum inimicum Romanum, quàm amicum Pœnum esse. Si*



*redeat Capuam, bellumque omne cōvertat, & se & Campanos paratos eruptioni fore. Non cum Reginis, neque Tarentinis bellum gesturos transisse Alpes. ubi Romana legiones sint, ibi & Karthaginienſium exercitus debere eſſe. Sic ad Cannas, ſic ad Traſimenum rem bene geſtam; cōeundo, conferendo cum hoſte caſtra, fortunam tentando. In hanc ſententiam literæ conſcriptæ Numidis, propoſitâ mercede jam proſeſſis operam, dantur. Hi ſpecie transfugarum quum ad Flaccum in caſtra veniſſent, ut inde tempore capto abirent; fameſque, quæ tam diu Cápuz erat, nulli non probabilem cauſam tranſitionis faceret, mulier repente Campana in caſtra venit, ſcortum transfugarum unius; indicatque imperatori Romano, Numidas fraude compoſitâ tranſiſſe, literaſque ad Hannibalem ferre. id unum ex iis, qui ſibi rem aperuiſſet, arguere ſeſe paratam eſſe. Productus primò ſatis conſtanter ignorare ſe mulierem ſimulabat: paulatim dein conviſtus veris, quum tormenta poſci & parari videret, ſaſſus id ita eſſe. literæque prolatae; & additum etiam indicio, quod celabatur, & alios ſpecie transfugarum Numidas vagari in caſtris Romanis. hi ſupra ſeptuaginta comprehenſi, & cum transfugis novis mulcati virgis, manibuſque præciſis, Cápua rediguntur. Conſpectum tam triſte ſupplicium fregit animos Campanorum.*

XIII. Concuſſus ad curiam populi factus coëgit Leſum ſenatum vocare: & primoribus, qui jam diu publicis conſiliis aberant, propalam minabantur, niſi venirent in ſenatum, circa domos eorum ituros ſe, & in publicum omnes vi extracturos eſſe. Is timor frequentem ſenatum magiſtratui præbuit. Ibi quum ceteri de legatis mittendis ad imperatores Romanos agerent, Vibius Virrius, qui defeſtionis ab Romanis auctor fuerat, interrogatus ſententiâ, negat, eos, qui de legatis & de pace ac deditione loquantur, meminiffe, nec quid facturi fuerint, ſi Romanos in poteſtate habuiſſent; nec quid ipſes patien-

*patiendam sit. Quid? vos, inquit, eam deditionem fore censetis, quâ quondam, ut adversus Samnites auxilium impetraremus, nos nostraque omnia Romanis dedidimus? Jam è memoria excessit, quo tempore, & in qua fortuna à populo Romano defecerimus? jam, quemadmodum in defectione præsidium, quod poterat emitte, per cruciatum & ad contumeliam necârimus? quoties in obsidentes, quàm inimicè eruperimus, castra oppugnârimus? Hannibalem vocaverimus ad opprimendos eos? hoc quod recentissimum est, ad oppugnandam Romam hinc cum miserimus? Age contra, qua illi infestè in nos fecerint, repetite: ut ex eo, quid speretis, habeatis. Quum hostis alienigena in Italia esset, & Hannibal hostis, & cuncta bello arderent, omiſſis omnibus, omiſſo ipſo Hannibale, ambo consules & duo consulares exercitus ad Capuam oppugnandam miserunt. Alterum annum circumvallatos inclusosque nos fame macerant, & ipsi nobiscum ultima pericula ac gravissimos labores perpeſſi, circa vallum ac fossas saepe trucidati, & propè ad extremum castris exuti. Sed omitto hæc. vetus atque usitata res est, in oppugnanda hostium urbe labores ac pericula pati. illud ira atque odii execrabilis indicium est. Hannibal ingentibus copiis peditum equitumque castra oppugnavit, & ex parte cepit: tanto periculo nihil moti sunt ab obsidione. Profectus trans Vulturnum, perussit Calenum agrum: nihil tantâ sociorum clade advocati sunt. Ad ipsam urbem Romanam infesta signa ferri iussit. eam quoque tempestatem imminuentem spreverunt. Transgressus Anienem, tria millia passuum ab urbe castra posuit: postremò ad moenia ipsa & ad portas accessit. Romam se adepturum eis, nisi omitterent Capuam, ostendit. non omiserunt. Feras bestias, caco impetu ac rabie concitatas, si ad cubilia & catulos earum ire pergas, ad opem suis ferendam avertas. Romanos Roma circumſeſſa, conjuges, liberi, quorum ploratus hinc propè exaudiebantur, aræ, foci, Deum delubra, sepulchra majorum temerata ac violata, à Capua non avertent. tanta aviditas supplicii expetendi, tanta sanguinis nostri hauriendi est sitis. Nec injuria forsitan, nos quoque idem fecissemus.*

*cissemus, si data fortuna esset. Itaque quando aliter Diis immortalibus visum est, quum mortem ne recusare quidem debeam; cruciatus contumeliasque, quas sperat hostis, dum liber, dum mei potens sum, effugere morte, præterquam honestâ, etiam leni, possum. Non videbo Ap. Claudium & Q. Fulvium, victoriâ insolenti subnisos, neque victus per urbem Romanam triumphi spectaculum trahar, ut deinde in carcere, aut ad palum deligatus, lacerato virgis tergo, cervicem securi Romanæ subjiciam: nec dirui incendique patriam videbo: nec rapi ad stuprum matres Campanas, virginesque, & ingenuos pueros. Albam, unde ipsi oriundi erant, à fundamentis proruerunt, ne stirpis, ne memoria originum suarum exstaret: nedum eos Capuæ parsuros credam, cui infestiores, quàm Karthagini, sunt. Itaque quibus vestrum antè fato cedere, quàm hæc tot tam acerba videant, in animo est; iis apud me hodie epula instructæ paratæque sunt. Satiatis vino ciboque poculum idem, quod mihi datum fuerit, circumferetur: ea potio corpus ab cruciatu, animum à contumeliis, oculos, aures, à videndis audiendisque omnibus acerbis indignisque, quæ manent victos, vindicabit. parati erunt, qui magno rogo in propatulo adium accenso corpora exanimâ injiciant. Hæc una via & honesta & libera ad mortem. & ipsi virtutem mirabuntur hostes, & Hannibal fortes socios sciet ab se desertos ac proditos esse.*

XIV. Hanc orationem Virrii plures audierunt cum assensu, quàm forti animo id, quod probabant, exsequi potuerunt. Major pars senatûs, multis sæpe bellis expertam populi Romani clementiam haud diffidentes sibi quoque placabilem fore, legatos ad dedendam Romanis Capuam decreverunt, miseruntque. Vibium Virrium septem & viginti ferme senatores domum secuti sunt, epulatique cum eo; &, quantum facere potuerant, alienatis mentibus vino ab imminentis sensu mali, venenum omnes sumserunt: inde misso convivio, dextris inter se datis, ultimoque complexu, collacrimantes suum patriæque casum, alii, ut eodem rogo

rego cremarentur, manserunt; alii domos digressi sunt. Impletæ cibis vinoque venæ minùs efficacem in maturanda morte vim veneni fecerunt. itaque noctem totam plerique eorum, & diei insequentis partem quum animam egissent; omnes tamen, priusquam aperirentur hostibus portæ, expirarunt. Postero die porta Jovis, quæ adversus castra Romana erat, jussu proconsulis aperta est. eâ intromissa legio una & duæ alæ, cum C. Fulvio legato. Is, quum omnium primùm arma relæque, quæ Capuæ erant, ad se conferenda curasset, custodiis ad omnes portas dispositis, ne quis exire aut emitti posset, præsidium Punicum comprehendit, senatum Campanum ire in castra ad imperatores Romanos jussit. quò quum venissent, extemplo his omnibus catenæ injectæ, jussique ad quæstōres deferre, quod auri argentique haberent. auri pondo septuaginta fuit, argenti tria millia pondo & ducenta. senatores quinque & viginti Cales in custodiam, duodetriginta Teanum missi: quorum de sententiâ maximè descitum ab Romanis constabat.

XV. De suppliciis Campani senatûs haudquaquam inter Fulvium Claudiumque conveniebat. Facilis impetrandæ veniæ Claudius, Fulvio durior sententia erat. Itaque Appius Romanus ad senatum arbitrium ejus rei totum rejiciebat: percunctandi etiam æquum esse potestatem fieri Patribus, num communicassent consilia cum aliquibus sociorum Latini nominis municipiorum: & num ope eorum in bello forent & municipiorum adjuti. *Id verò minime committendum esse, Fulvius dicere, ut sollicitarentur criminibus dubiis sociorum fidelium animi: & subjicerentur indicibus, quæis, neque quid facerent, neque quid dicerent, quicquam unquam pensi fuisset: itaque se eam questionem oppressurum extincturumque.* Ab hoc sermone quum digressi essent, & Appius, quamvis ferociter loquentem, collegam, non dubitaret, tamen literas super tanta re ab Roma expectaturum; Fulvi-

us, ne id ipsum impedimentum incepto foret, dimit-  
tens prætorium, tribunis militum ac præfectis socium  
imperavit, uti duobus millibus equitum delectis de-  
nunciarent, ut ad tertiam buccinam præstò essent. Cum  
hoc equitatu nocte Teanum profectus, primâ luce por-  
tam intravit, atque in forum perrexit: concursuque  
ad primum equitum ingressum factò, magistratum Si-  
dicinum citari jussit, imperavitque, ut produceret Cam-  
panos, quos in custodia haberet. Producti omnes, vir-  
gisque cæsi, ac securi percussi. Inde citato equo Ca-  
les percurrit: ubi quum in tribunali consedisset, pro-  
ductique Campani deligarentur ad palum, eques citus  
ab Roma venit, literasque à C. Calpurnio prætore Ful-  
vio & senatusconsultum tradidit. murmur ab tribuna-  
li totam concionem pervasit, differri rem integram ad  
Patres de Campanis. & Fulvius, id ita esse ratus, ac-  
ceptas litèras, neque resolutas, quum in gremio repo-  
suisset, præconi imperavit, ut lictorem lege agere ju-  
beret. Ita de iis quoque, qui Calibus erant, sumptum  
supplicium. Tum literæ lectæ senatûsque consultum,  
serum ad impediendam rem actam; quæ summâ ope  
approperata erat, ne impediri posset. Consurgentem  
jam Fulvium Taurea Jubellius Campanus, per medi-  
am vadens urbem turbamque, nomine inclamavit: &  
quum, mirabundus quidnam sese vellet, resedisset Flac-  
cus, *Me quoque, inquit, jube occidi, ut gloriari possis, mul-  
to fortiozem, quàm ipse es, virum abs te occisum esse.* Quum  
Flaccus negaret, *profectò satis compotem mentis esse: mo-  
dò, prohiberi etiam se, si id vellet, senatusconsulto, diceret:*  
tum Jubellius, *Quandoquidem, inquit, captâ patriâ, pro-  
pinquis amicisque amissis, quum ipse manu meâ conjugem li-  
berosque interfecerim, ne quid indigni paterentur, mibi ne  
mortis quidem captâ eadem est, quæ bis civibus meis; petatur  
à virtute invisa hujus vitæ vindicta.* atque ita gladio, quem  
veste texerat, per adversum pectus transfixus, ante po-  
des imperatoris moribundus procubuit.

XVI. Quid,

XVI. Quia, & quod ad supplicium attinet Campanorum, & pleraque alia, de Flacci unius sententia acta erant; mortuum Ap. Claudium sub deditionem Capuæ, quidam tradunt. hunc quoque ipsum Tauream neque suâ sponte venisse Cales, neque suâ manu interfectum: sed, dum inter ceteros ad palum deligatur, quia parum inter strepitus exaudiri possent, quæ vociferabatur, silentium fieri Flaccum iussisse: tum Tauream illa, quæ antè memorata sunt, dixisse, *virum se fortissimum ab nequaquam pari ad virtutem occidi*. Sub hæc dicta, jussu proconsulis præconem ita pronunciâsse, *Lictor, viro forti adde virgâs, & in eum primum lege age*. Lectum quoque senatusconsultum, priusquam securi feriret, quidam auctores sunt. sed, quia adscriptum in senatusconsulto fuerit, *si ei videretur, integram rem ad senatum rejiceret*, interpretatum esse, quid magis è re publica duceret, æstimationem sibi permissam. Capuam à Calibus reditum est, Atellaque & Calatia in deditionem acceptæ. ibi quoque in eos, qui capita rerum erant, animadversum. Ita ad septuaginta principes senatûs interfecti; trecenti ferme nobiles Campani in carcerem conditi: alii, per sociorum Latini nominis urbes in custodias dati, variis casibus interierunt: multitudo alia civium Campanorum venundata. De urbe agroque reliqua consultatio fuit, quibusdam delendam. consentibus urbem prævalidam, propinquam, inimicam. Ceterum præsens utilitas vicit. nam propter agrum, quem omni fertilitate terræ satis constabat. primum in Italia esse, urbs servata est, ut esset aliqua aratorum sedes. urbi frequentandæ multitudo incolarum libertinorumque & institorum opificumque retenta: ager omnis & testæ publicæ populi Romani facta. Ceterum habitari tantum, tanquam urbem, Capuam, frequentarique placuit: corpus nullum civitatis, nec senatûs, nec plebis concilium, nec magistratus esse. sine consilio publico, sine imperio multitudi-

nem, nullius rei inter se sociam, ad consensum inhabilem fore. præfectum ad jura reddenda ab Roma quotannis missuros. Ita ad Capuam res compositæ, consilio ab omni parte laudabili. severè & celeriter in maximè noxios animadversum: multitudo civium dissipata in nullam spem reditûs: non sævitum incendiis ruinisque in tecta innoxia murosque: & cum emolumento quæsitâ etiam apud socios lenitatis species, incolumitate urbis nobilissimæ opulentissimæque, cujus ruinis omnis Campania, omnes, qui Campaniam circâ accolunt, populi ingemuissent: confessio expressa hosti, quanta vis in Romanis ad expetendas pœnas ab infidelibus sociis, & quàm nihil in Hannibale auxilii ad receptos in fidem tuendos esset.

XVII. Romani Patres, perfuncti, quod ad Capuam attinebat, curâ, C. Neroni ex iis duabus legionibus, quas ad Capuam habuerat, sex millia peditum, & trecentos equites, quos ipse legisset, & socium Latini nominis peditum numerum parem, & octingentos equites decernunt. cum exercitum Puteolis in naves impositum Nero in Hispaniam transportavit. Quum Taraconem navibus venisset, expositisque ibi copiis, & navibus subductis, socios quoque navales multitudinis augendæ causâ armasset; profectus ad Iberum flumen, exercitum ab T. Fontejo & L. Martio accepit. inde pergit ad hostes ire. Hasdrubal Hamilcaris ad Lapidés atros castra habebat in Aufetanis. is locus est inter oppida Illiturgin & Mentissam. Hujus saltûs fauces Nero occupavit. Hasdrubal, ne in arto res esset, caduceatorem misit, qui promitteret, si inde missus foret, se omnem exercitum ex Hispania deportaturum. Quam rem quum læto animo Romanus accepisset, diem posterum Hasdrubal colloquio petivit, ut Romani leges conscriberent de tradendis arcibus urbium, dique statuenda, ad quam præsidia deducerentur, suæque omnia sine fraude Pœni deportarent. Quod ubi impetravit,

navit, extemplo primis tenebris, atque inde tota nocte, quod gravissimum exercitus erat, Hasdrubal, quacunque posset, evadere è saltu jussit. data sedulo opera est, ne multi eà nocte exirent, ut ipsa paucitas, quum ad hostem silentio fallendum aptior, tum ad evadendum per artas semitas ac difficiles esset. Ventum insequenti die ad colloquium est: sed loquendo plurà scribendoque, dedita operà, quæ in rem non essent, die consumpto, in posterum dilatum est. Addita insequens nox spatium dedit & alios emittendi: nec postero die res finem invenit. ita aliquot dies disceptando palam de legibus, noctesque emittendis clam è castris Karthaginiensibus, absumptæ: & postquam major pars emissa exercitus erat, jam ne iis quidem, quæ ultro dicta erant, stabatur: minúsque ac minús (cum timore simul fidè decrescente) conveniebat. Jam ferme pedestres omnes copiæ evaserant è saltu: quum primâ luce densa nebula saltum omnem camposque circum intexit. quod ubi sensit Hasdrubal, mittit ad Neronem, qui in posterum diem colloquium differret. illum diem religiosum Karthaginiensibus ad agendum quicquam rei seriæ esse. Ne tum quidem suspecta fraus. quum data esset venia ejus dici, extemplo Hasdrubal, cum equitatu elephantisque castris egressus, sine ullo tumultu in tutum evasit. Horâ ferme quartâ dispulsa sole nebula aperuit diem, vacuaque hostium castra conspexerunt Romani. Tum demum Claudius, Punicam fraudem agnoscens, ut se dolo captum sensit, proficiscentem institit sequi, paratus configere acie: sed hostis detrectabat pugnam, levîa tamen prælia inter extremum Punicum agmen præcursoresque Romanorum fiebant.

XVIII. Inter hæc Hispaniæ populi, nec qui post gladem acceptam desecerant, redibant ad Romanos, nec ulli novi deficiebant. Et Romæ senatui populoque, post receptam Capuam, non Italiæ jam major,



quàm Hispaniæ, cura erat: & exercitum augeri, & imperatorem mitti placebat. nec tamen, quem mitterent, satis constabat; quàm illud, ubi duo summi imperatores intra dies triginta cecidissent, qui in locum duorum succederet, extraordinariâ curâ deligendum esse. Quum alii alium nominarent, postremum eò decursum est, ut populus proconsuli creando in Hispaniam comitia haberet: diemque comitiis consules edixerunt. Primò exspectaverant, ut, qui se tanto imperio dignos crederent, nomina profiterentur. quæ ut destituta exspectatio est, redintegratus luctus acceptæ cladis, desideriumque imperatorum amissorum. Mœsta itaque civitas, propè inops consilii, comitiorum die tamen in campum descendit: atque in magistratus versi circumspectant ora principum, aliorum alios intuentium, fremuntque, adeo perditas res desperatumque de republica esse, ut nemo audeat in Hispaniam imperium accipere. Quum subitò P. Cornelius, Publii, qui in Hispania ceciderat, filius, quatuor & viginti ferme annos natus, professus se petere, in superiore, unde conspici posset, loco constitit. In quem postquam omnium ora conversa sunt, clamore ac favore ominati extemplo sunt felix faustumque imperium. iussi deinde inire suffragium, ad unum omnes non centuriæ modò, sed etiam homines, P. Scipioni imperium esse in Hispania jusserunt. Ceterùm post rem actam, ut jam refederat impetus animorum ardorque, silentium subitò ortum & tacita cogitatio, quidnam egissent? num favor plus valuisset, quàm ratio? ætatis maximè pœnitebat: quidam fortunam etiàm domus horrebant, nomenque, ex funestis duabus familiis, in eas provincias, ubi inter sepulchra patris patruique res gerendæ essent, proficiscentis.

XIX. Quam ubi ab re tanto impetu acta sollicitudinem curamque hominum animadvertit, advocatâ concione, ita de ætate sua imperioque mandato, & bello,

bello, quod gerundum esset, magno elatoque animo disseruit, ut ardorem eum, qui resederat, excitaret rursus novaretque: & impleret homines certioris spei, quàm quantam fides promissi humani, aut ratio ex fiducia rerum subicere solet. Fuit enim Scipio non veris tantum virtutibus mirabilis, sed arte quoque quâdam ab juvenia in ostentationem earum compositus: pleraque apud multitudinem, aut per nocturnas visa species, aut velut divinitus mente monita, agens: sive & ipse capti quâdam superstitione animi, sive ut imperia consiliaque, velut sorte oraculi missa, sine cunctatione exsequerentur. Ad hoc jam inde ab initio præparans animos, ex quo togam virilem sumpsit, nullo die prius ullam publicam privatamque rem egit, quàm in Capitolium iret, ingressusque ædem consideret: & plerumque solus in secreto ibi tempus tereret. Hic mos, qui per omnem vitam servabatur, seu consultò, seu temere, vulgatæ opinioni fidem apud quosdam fecit, stirpis eum divinæ virum esse; retulitque famam, in Alexandro Magno prius vulgatam, & vanitate & fabulâ parem, anguis immanis concubitu conceptum, & in cubiculo matris ejus persæpe visam prodigii ejus speciem, interventuque hominum evolutam repente, atque ex oculis elapsam. His miraculis nunquam ab ipso elusa fides est: quin potius aucta arte quâdam, nec abnuendi tale quicquam, nec palam affirmandi. Multa alia ejusdem generis, alia vera, alia assimulata, admirationis humanæ in eo juvene excefferant modum: quibus freta tunc civitas, ætati haudquaquam maturæ tantam molem rerum, tantumque imperium permisit. Ad eas copias, quas ex veteri exercitu Hispania habebat, quæque à Puteolis cum C. Nerone trajectæ erant, decem millia militum & mille equites adduntur. & M. Junius Silanus proprætor adjutor ad res gerendas datus est. Ita cum triginta navium classe (omnes autem quinquereemes erant) ostiis Tiberinis profectus præ-

ter oram Tusci maris, Alpes atque Gallicum finem, & deinde Pyrenæi circumvectus promontorium, Emporiis, urbe Græcâ (oriundi & ipsi à Phocæa sunt) copias exposuit: inde sequi navibus jussit, Tarraconem pedibus profectus, conventum omnium sociorum (etenim legationes ad famam adventûs ejus ex omni se provincia effuderant) habuit. naves ibi subduci jussit, remissis quatuor triremibus Massiliensium, quæ officii causâ ab domo profectæ fuerant. Responso inde legationibus suspensis varietate tot casuum dare cœpit. ita elato ab ingenti virtutum suarum fiducia animo, ut nullum ferrox verbum excideret; ingensque omnibus, quæ diceret, quum majestas inesset, tum fides.

XX. Profectus ab Tarracone, & civitates sociorum & hiberna exercitûs adiit: collaudavitque milites, quod, duabus tantis cladibus deinceps isti, provinciam obtinuissent: nec fructum secundarum rerum sentire hostes passi, omni cis Iberum agro eos arcuissent, sociosque cum fide tutati essent. Marcium secum habebat cum tanto honore, ut facillè appareret, nihil minus, quàm vereri, ne quis obstaret gloriæ suæ. Successit inde Neroni Silanus, & in hiberna novi milites deducti. Scipio, omnibus, quæ adeunda agendaque erant, maturè aditis peractisque, Tarraconem concessit. Nihilo minor fama apud hostes Scipionis erat; quàm apud cives sociosque, & divinatio quædam futuri; quo minus ratio timoris reddi poterat oborti temere, majorem inferens metum. In hiberna diversimodè concesserant: Hasdrubal Gisgonis usque ad Oceanum & Gades: Mago in mediterranea, maxime supra Castellonensem saltum: Hasdrubal Hamilcaris filius proximus Ibero circa Saguntum hibernavit. Æstatis ejus extremo, quo capta est Capua, & Scipio in Hispaniam venit, Punica classis, ex Sicilia Tarentum accita ad arcendos commeatus præsidii Romani, quod in arce Tarentina erat, clauserat quidem omnes ad arcem à mari:

in mari aditus; sed assidendo diutius artio rem annonam sociis, quàm hosti, faciebat. non enim tantum subvehi oppidanis per pacata littora apertosque portus præsidio navium Punicarum poterat, quantum frumenti classis ipsa turbâ navali mixta ex omni genere hominum absumebat. ut arcis præsidium etiam sine investo (quia pauci erant) ex antè præparato sustentari posset; Tarentinis classique ne investum quidem sufficeret. Tandem majore gratiâ, quàm venerat, classis dimissa est. annona haud multum laxaverat: quia, remoto maritimo præsidio, subvehi frumentum non poterat.

XXI. Ejusdem æstatis exitu, M. Marcellus ex Sicilia provincia quum ad urbem venisset, à C. Calpurnio prætore senatus ei ad ædem Bellonæ datus est. ibi quum de rebus à se gestis disseruisset, questus leniter non suam magis, quàm militum, vicem, quod provinciâ confectâ exercitum deportare non licuisset, postulavit, ut triumphanti urbem inire liceret. id non impetravit. Quum multis verbis actum esset, utrùm minus conveniret, cujus nomine absentis, ob res prospere ductu ejus gestas, supplicatio decreta foret, & Diis immortalibus habitus honos, ei præsentì negare triumphum: an, quem tradere exercitum successorì jussissent, (quod, nisi manente in provincia bello, non decerneretur) cum quasi debellato triumphare, quum exercitus, testis meriti atque immeriti triumphì, abesset; medium visum, ut ovans urbem iniret. Tribuni plebis ex auctoritate senatûs ad populum tulerunt, ut M. Marcello, quo die urbem ovans iniret, imperium esset. Pridie, quàm urbem iniret, in monte Albano triumphavit. inde ovans multam præ se prædam in urbem intulit. Cum simulacro captarum Syracusarum, catapultæ ballistæque, & alia omnia instrumenta bellatâ, & pacis diuturnæ regiæque opulentæ ornamenta, argenti ærisque fabricati vis, alia supellex, pretiosa-  
que

que vestis, & multa nobilia signa, quibus inter primas Græciæ urbes Syracusæ ornatæ fuerant. Punicæ quoque victoriæ signum, octo ducti elephanti. Et non minimum fuit spectaculum cum coronis aureis præcedentes Sosius Syracusanus, & Mericus Hispanus. quorum altero duce nocturno Syracusas introitum erat; alter Nasum, quodque ibi præsidii erat, prodiderat. His ambobus civitas data, & quingena jugera agri. Sosis in agro Syracusano, qui aut regius, aut hostium populi Romani fuisset, & ædes Syracusis cujus vellet eorum, in quos belli jure animadversum esset: Merico Hispanisque, qui cum eo transierant, urbs agerque in Sicilia ex iis, qui à populo Romano defecissent, jussa dari. Id M. Cornelio mandatum, ut, ubi ei videretur, urbem agrumque eis assignaret. In eodem agro Belligeni, per quem illectus ad transitionem Mericus erat, quadringenta jugera agri decreta. Post profecti-  
onem ex Sicilia Marcelli, Punica classis octo millia perditum, tria Numidarum equitum exposuit. Ad eos Murgantinæ desciverunt terræ. secutæ defectionem earum Hybla & Macella sunt, & ignobiliores quædam aliæ. Et Numidæ, præfecto Mutine, vagi per totam Siciliam, sociorum populi Romani agros urebant. Super hæc exercitus Romanus iratus, partim quòd cum imperatore non decessus ex provincia esset, partim quòd in oppidis hibernare vetiti erant, segni fungebantur militiâ: magisque eis auctor ad seditionem, quàm animus, deerat. Inter has difficultates M. Cornelius prætor & militum animos, nunc consolando, nunc castigando, sedavit, & civitates omnes, quæ defecerant, in ditionem redegit: atque ex his Murgantiam Hispanis, quibus urbs agerque debebatur, ex senatusconsulto attribuit.

XXII. Consules, quum ambo Apuliam provinciam haberent, minusque jam terroris à Pœnis & Hannibale esset, sortiri jussi Apuliam Macedoniamque provinci-

as. Sulpicio Macedonia evenit, isque Lævino successit. Fulvius, Romam comitiorum causâ arcessitus, quum comitia consulibus rogandis haberet, prærogativa Veturia juniorum declaravit T. Manlium Torquatium, & T. Otacilium. Manlius, qui præsens erat, gratulandi causâ quum turba cõret, nec dubius esset consensus populi, magnâ circumfusus turbâ ad tribunal consulis venit; petitque, ut pauca sua verba audiret, centuriamque, quæ tulisset suffragium, revocari juberet. Erectis omnibus expectatione, quidnam postulaturus esset, oculorum valetudinem excusavit. *Impudentem & gubernatorem & imperatorem esse, qui, quum alienis oculis ei omnia agenda sunt, postulet sibi aliorum capita ac fortunas committi. proinde, si videretur, & redire in suffragium Veturiam juniorum juberet, & meminisset in consulibus creandis belli, quod in Italia sit, temporumque rei-publicæ. Vixdum requiêsse aures à strepitu & tumultu hostili, quo paucos antè menses affederint prope mœnia Romana. Post hæc quum centuria frequens succlamâisset, nihil se mutare sententiæ, eosdemque consules dicturos esse; tum Torquatus, Neque ego vestros, inquit, mores consul ferre poterò, neque vos imperium meum. Redite in suffragium, & cogitate bellum Punicum in Italia, & hostium ducem Hannibalem esse. Tum centuria, & auctoritate mota viri, & admirantium circâ fremitu, petit à consule, ut Veturiam seniorum citaret: velle se cum majoribus natu colloqui, & ex auctoritate eorum consules dicere. Citatis Veturiæ senioribus, datum secretò in Ovili cum his colloquendi tempus. Seniores de tribus consulendum dixerunt esse, duobus jam plenis honorum, Q. Fabio & M. Marcello; & si utique novum aliquem adversus Pœnos consulem creari vellent, M. Valerium Lævinum egregiè adversus Philippum regem terrâ marique res gessisse. Ita de tribus consultatione datâ, senioribus dimissis, juniores suffragium ineunt. M. Claudium Marcellum, fulgentem tum Siciliâ domitâ, & M. Valerium*

lerium absentes consules dixerunt. auctoritatem prærogativæ omnes centuriæ secutæ sunt. Eludant nunc antiqua mirantes. non equidem, si qua sit sapientium civitas, quam docti fingunt magis, quam norunt, aut principes gravioribus temperantioresque à cupidine imperii, aut multitudinem melius moratam censeam fieri posse. Centuriam verò juniorum seniores consulere voluisse, quibus imperium suffragio manderet, vix ut verisimile sit, parentum quoque hoc seculo vilis levisque apud liberos auctoritas fecit.

XXIII. Prætoria inde comitia habita. P. Manlius Vulso, & L. Manlius Acidinus, & C. Lætorius, & L. Cincius Alimentus creati sunt. Fortè ita incidit, ut comitiis perfectis nunciaretur, T. Otacilium, quem T. Manlio, nisi interpellatus ordo comitiorum esset, collegam absentem daturus fuisse videbatur populus, mortuum in Sicilia esse. Ludi Apollinares & priore anno fuerant, & eo anno ut fierent, referente Calpurnio prætorè, senatus decrevit, ut in perpetuum voverentur. Eodem anno prodigia aliquot visa nuntiataque sunt. In æde Concordiæ Victoria, quæ in culmine erat, fulmine ista decussaque, ad Victorias, quæ in antefixis erant, hæsit, neque inde procidit. Et Anagninæ & Fregellis nunciatum est, murum portasque de cælo tactas: & in foro Sudertano sanguinis rivos per diem totum fluxisse, & Ereti lapidibus pluuisse, & Reate mulam peperisse. Ea prodigia hostiis majoribus sunt procurata, & obsecratio in unum diem populo indicta, & novemdiale sacrum. Sacerdotes publici aliquot eo anno demortui sunt, novique suscepti: in locum M. Æmilii Numidæ decemviri sacrorum M. Æmilius Lepidus: in locum M. Pomponii Mathonis pontificis C. Livius: in locum Sp. Carvili Maximi auguris M. Servilius. T. Otacilius Crassus pontifex quia exacto anno mortuus erat, ideo nominatio in locum ejus non est facta.

facta. C. Claudius flamen Dialis, quod exta perperam dederat, flaminio abiit.

XXIV. Per idem tempus M. Valerius Lævinus, tentatis prius per secreta colloquia principum animis, ad indictum antè ad id ipsum concilium Ætolorum classe expedita venit. Ubi quum Syracusas Capuamque captam, in fidem in Sicilia Italiaque rerum secundarum, ostentasset, adjecissetque, jam inde à majoribus traditum morem Romanis colendi socios, ex quibus alios in civitatem atque æquum secum jus accepissent, alios in ea fortuna haberent, ut socii esse, quàm cives, mallent. Ætolos eo in majore futuros honore, quod gentium transmarinarum in amicitiam primi venissent. Philippum eis & Macedonas graves accolae esse; quorum se vim ac spiritus & jam fregisse, & ed redacturum esse, ut non his modò urbibus, quas per vim ademissent Ætolis, excedant, sed ipsam Macedoniam infestam habeant. Et Acarnanas, quos ægre ferrent Ætoli à corpore suo diremptos, restitutum se in antiquam formulam jurisque ac ditionis eorum. Hæc, dicta promissaque ab Romano imperatore, Scopas, qui tum prætor gentis erat, & Dorymachus, princeps Ætolorum, affirmaverunt auctoritate suâ, minore cum verecundia & majore cum fide vim majestatemque populi Romani extol-lentes. maximè tamen spes potiundæ movebat Acarnaniæ. Igitur conscriptæ conditiones, quibus in amicitiam societatemque populi Romani venirent: additumque, ut, si placeret vellentque, eodem jure amicitia Elei, Lacedæmoniique, & Attalus, & Pleuratus, & Scerdilædus essent. (Asiæ Attalus, hi Thracum & Illyriorum reges.) Bellum ut extemplo Ætoli cum Philippo terrâ gererent. Navibus ne minùs viginti quinquereimis adjuvaret Romanus. Urbium Corcyra tenus ab Ætolia incipienti solum testaque, & muri cum agris, Ætolorum; alia omnis praeda populi Romani esset. Darentque operam Romani, ut Acarnaniam Ætoli haberent. Si Ætoli pacem cum Philippo facerent, fœderi adscriberent, ita ratam eorum pacem, si  
Phi-



*Philippus arma ab Romanis sociisque, quique eorum ditionis essent, abstinisset. Item, si populus Romanus fœdere jungeretur regi, ut caveret, ne jus ei belli inferendi Ætolis sociisque eorum esset. Hæc convenerunt, conscriptaque biennio post Olympiæ ab Ætolis, in Capitolio ab Romanis, ut testata sacratis monumentis essent, sunt posita. Moræ causâ fuerant retenti Romæ diutius legati Ætolorum. Nec tamen impedimento id rebus gerendis fuit. & Ætoli extemplo moverunt adversus Philippum bellum, & Lævinus Zacynthum (parva insula est propinqua Ætoliz: urbem unam eodem, quo ipsa est, nomine habet; eam præter arcem vi cepit) & Oeniadas Nasumque Acarnanum captas Ætolis contribulit. Philippum quoque satis implicatum bello finitimo ratus, ne Italiam Pœnosque & pacta cum Hannibale posset respicere, Corcyram ipse se recepit.*

XXV. Philippo Ætolorum defectio Pellæ hibernanti allata est. itaque, quia primo vere moturus exercitum in Græciam erat, Illyrios finitimasque eis urbes alterno metu quietas ut Macedonia haberet, expeditionem subitam in Oricinorum atque Apolloniatum fines fecit: egressosque Apolloniatas, cum magno terrore atque pavore, compulit intra muros. Vastatis proximis Illyrici, in Pelagoniam eadem celeritate vertit iter: inde Dardanorum urbem, sitam in Macedonia, transitum Dardanis facturam, cepit. His raptim actis, memor Ætolici junctique cum eo Romani belli, per Pelagoniam, & Lyncum, & Bottizam, in Thessaliam descendit. Ad bellum secum adversus Ætolos capessendum incitari posse homines credebat; & relicto ad fauces Thessaliz Perseo cum quatuor millibus armatorum ad arcendos aditu Ætolos, ipse, priusquam majoribus occuparetur rebus, in Macedoniam, atque inde in Thraciam exercitum ac Mædos duxit. Incurrere ea gens in Macedoniam solita erat; ubi regem occupatum externo bello, ac sine præsidio esse regnum sen-

senfisset. Ad Phragandas igitur vastare agros, & urbem Jamphorinam, caput arcemque Mædicæ, oppugnare cepit. Scopas, ubi profectum in Thraciam regem, occupatumque ibi bello audivit, armatâ omni juventute Ætolorum, bellum inferre Acarnaniæ parat. Adversus quod Acarnanum gens & viribus impar, & jam Oeniadas Nasumque amissa cernens, Romanaque insuper arma ingruere, irâ magis instruit, quàm consilio, bellum. Conjugibus liberisque & senioribus supra sexaginta annos in propinquam Epirum missis, ab quindecim ad sexaginta annos conjurant, nisi victores, se non redituros. Qui victus acie excessisset, cum ne quis urbe, testo, mensâ, lare reciperet, diram execrationem in populares, obtestationem quàm sanctissimam potuerunt adversus hospites, composuerunt. precatique simul Epirotas sunt, ut, qui suorum in acie cecidissent, eos uno tumulo contegerent, adhiberentque humatis titulum: HIC SITI SUNT ACARNANES, QUI, ADVERSUS VIM ATQUE INJURIAM ÆTOLORUM PRO PATRIA PUGNANTES, MORTEM OCCUBUERUNT. Per hæc incitatis animis, castra in extremis finibus suis obvia hosti posuerunt. nunciis ad Philippum missis, quanto res in discrimine esset, omittere Philippum, id quod in manibus erat, coegerunt bellum, Jamphorinâ per deditionem receptâ, & prospero alio successu rerum. Ætolorum impetum tardaverat primò conjurationis fama Acarnanicæ: deinde auditus Philippi adventus, regredi etiam in intimos coëgit fines. Nec Philippus, quanquam, ne opprimerentur Acarnanes, itineribus magnis ierat, ultra Dium est progressus. inde, quum audisset reditum Ætolorum ex Acarnania, & ipse Pellam rediit.

XXVI. Lævinus, veris principio à Corcyra profectus navibus, superato Leucatâ promontorio, quum venisset Naupactum, Anticyram inde se petiturum edixit, ut præsto ibi Scopas Ætolique essent. Sita Anticyra

tieyra est in Locride lævâ parte sinum Corinthiacum intrantibus. breve terrâ iter eò, brevis navigatio ab Naupacto est. Tercio ferme post die utrinque oppugnari cœpta est. Gravior à mari oppugnatio erat; quia & tormenta machinæque omnis generis in navibus erant, & Romani inde oppugnabant. Itaque intra paucos dies recepta urbs per deditionem Ætolis traditur, præda ex pacto Romanis cessit. Literæ Lævino redditæ, consulem eum absentem declaratum, & successorem venire P. Sulpicium. ceterum, diuturno ibi morbo implicitus, serius spe omnium Romam venit. M. Marcellus, quum Idibus Martiis consulatum inisset, senatum eo die, moris modò causâ, habuit, professus, *nihil se, absente collegâ, neque de republica, neque de provinciis, acturum. Scire se, frequentes Siculos prope urbem in villis obrectatorum suorum esse. quibus, tantam abesse, ut per se non liceat palam Roma crimina edita flectaque ab inimicis vulgare, ut, in simularent, aliquem sibi timorem, absente collegâ, dicendi de consule esse, ipse eis extemplo daturus senatum fuerit. Ubi quidem collega venisset, non passurum quicquam prius agi, quàm ut Siculi in senatum introducantur. Delectum propè à M. Cornelio per totam Siciliam habitum, ut quamplurimi questum de se Romam venirent. eundem literis falsis urbem implèssè, bellum in Sicilia esse, ut suam laudem minuat. Moderati animi gloriâ eo die adeptus consul, senatum dimisit; ac propè iustitium omnium rerum futurum videbatur, donec alter consul ad urbem venisset. Otium, ut solet, excitavit plebis rumores: belli diuturnitate, & vastatos agros circa urbem, quâ infesto agmine isset Hannibal, & exhaustam delectibus Italiam, & propè quotannis exercitus casus querebantur; & consules bellicosos ambo, viros acres nimis & feroces, creatos, qui vel in pace tranquilla bellum excitare possent, nedium in bello respirare civitatem forent passuri.*

XXVII. Interruptit hos sermones nocte, quæ pridie Quinquatrus fuit, pluribus simul locis circa forum incendium

incendium ortum. eodem tempore septem tabernæ, quæ  
 postea quinque, & argentariæ, quæ nunc novæ appel-  
 lantur, arserunt. Comprehensa postea privata ædificia:  
 neque enim tum basilicæ erant: comprehensæ lautu-  
 miæ, forumque piscatorium, & atrium regium. Ædes  
 Vestæ vix defensa est tredecim maximè servorum ope-  
 rā, qui in publicum redempti ac manumissi sunt. nocte  
 ac die continuatum incendium fuit. Nec ulli dubium  
 erat, humanā id fraude factum esse, quod plurimis si-  
 mul locis, & iis diversis, ignes coorti essent. Itaque  
 consul ex auctoritate senatūs pro concione edixit, qui,  
 quorum operā id conflatum incendium, profiteretur,  
 præmium fore, libero pecuniam, servo libertatem.  
 Eo præmio inductus Campanorum Calaviorum servus  
 (Mannus ei nomen erat) indicavit, dominos & quinque  
 prætenæ juvenes nobiles Campanos, quorum parentes à Q.  
 Fulvio securi percussi erant, id incendium fecisse; vulgoque  
 facturos alia, ni comprehendantur. Comprehensi ipsi fa-  
 miliaque eorum. & primò elevabatur index indi-  
 ciumque: pridie eum verberibus castigatum ab dominis  
 discessisse, per iram ac levitatem ex re fortuita crimen  
 commentum. ceterum ut coram coarguebantur, & que-  
 stio ex ministris facinoris foro mediò haberi cœpta  
 est, facti omnes, atque in dominos servosque conscios  
 animadversum est. indici libertas data, & viginti mil-  
 lia æris. Consuli Lævino Capuam prætereunti cir-  
 cumfusa multitudo Campanorum est, obsecrantium  
 cura lacrimis, ut sibi Romam ad senatum ire liceret,  
 oratum, si quā misericordiā tandem flecti possent, ne  
 se ad ultimum perditum irent, nomenque Campano-  
 rum à Q. Flacco deleri sinerent. Flaccus, sibi priva-  
 tam similitudinem cum Campanis, negare, ullam esse: publi-  
 cas inimicitias & hostiles esse, & futuras, quoad eo animo  
 esse erga populum Romanum sciret. nullam enim in terris  
 gentem esse, nullam infestiorē populum nomini Romano. Id-  
 eo se moribus iachses tenere eos: quia, si qui evassissent ali-  
 quā,

quâ, velut feras bestias per agros vagari, & laniare, & trucidare, quodcumque obvium datur. Alios ad Hannibalem transfugisse, alios ad Romam incendendam profectos. inventurum in semiuſto foro conſulem veſtigia ſcleris Campanorum. Veſta adem petitam, & æternos ignes, & conditum in penetrâli fatale pignus imperii Romani. Se minimè cenſere tutum eſſe, Campanis poteſtatem intrandî Romana mœnia fieri. Lævinus Campanos, jurejurando à Flacco adactos, quinto die, quàm ab ſenatu reſponſum accepiffent, Capuam redituros, ſequi ſe Romam juſſit. Hâc circumſuſus multitudine, ſimul Siculis obviâ egreſſis Ætolisq; Romam prævit, clariffimarum urbium excidio celeberrimis viris victos bello accuſatores in urbem adducens. De republica tamen primùm ac de provinciis ambo conſules ad ſenatum retulere.

XXVIII. Ibi Lævinus, quo ſtatu Macedonia & Græcia, Ætoli, Acarnanes Locrique eſſent, quaſque ibi res ipſe egiffet terrâ mariq; expoſuit. Philip-pum, inferentem bellum Ætolis, in Macedoniam retro ab ſe compulſum, ad intima penitus regni abiſſe, legionemq; inde deduci poſſe. claſſem ſatis eſſe ad arcendum Italiâ regem. Hæc de ſe deque provincia, cui præſuerat. Conſulum de provinciis communis relatio fuit. decrevere Patres, Ut alteri conſulum Italia bellumq; cum Hannibale provincia eſſet: alter claſſem, cui T. Otacilius præſuiſſet, Siciliamq; provinciam cum L. Cincio prætoris obtineret. Exercitus eis duo decreti, qui in Etruria Galliaque eſſent. eæ quatuor erant legiones. urbanæ duæ ſuperioris anni in Etruriam; duæ, quibus Sulpicius conſul præſuiſſet, in Galliam mitterentur. Galliz & legionibus præſeſſet, quem conſul, cujus Italia provincia eſſet, præfeciffet. In Etruriam C. Calpurnius, poſt præturam prorogato in annum imperio, miſſus; & Q. Fulvio Capua provincia decreta, prorogatumq; in annum imperium. Exercitus civium ſociorumq; miſui juſſus, ut ex duabus legionibus una legio, quinque millia

millia peditum, & trecenti equites essent; dimissis, qui plurima stipendia haberent: & sociorum septem millia peditum & trecenti equites relinquerentur, eadem ratione stipendiorum habitâ in veteribus militibus dimittendis. Cn. Fulvio consuli superioris anni, nec de provincia Apulia, nec de exercitu, quem habuerat, quicquam mutatum. tantum in annum prorogatum imperium est. P. Sulpicius collega ejus omnem exercitum, præter socios navales, jussus dimittere est. Item ex Sicilia exercitus, cui M. Cornelius præfesset, ubi consul in provinciam venisset, dimitti jussus. L. Cincio prætori ad obtinendam Siciliam Cannenses milites dati, duarum instar legionum. Totidem legiones in Sardiniam P. Manlio Vulsoni prætori decretæ, quibus L. Cornelius in eadem provincia priore anno præfuerat. Urbanas legiones ita scribere consules jussi, ne quem militem facerent, qui in exercitu M. Claudii, M. Valerii, Q. Fulvii, fuissent; neve eo anno plures, quam una & viginti, Romanæ legiones essent.

XXIX. His senatusconsultis perfectis, sortiti provincias consules. Sicilia & classis Marcello, Italia cum bello adversus Hannibalem Lævino evenit. Quæ fors, velut iterum captis Syraculis, ita exanimavit Siculos, exspectatione sortis in consulum conspectu stantes, ut comploratio eorum flebilesque voces & extemplo oculos hominum converterent, & postmodo sermones præbuerint. Circumibant enim senatum cum veste sordida, affirmantes, se non modò suam quisque patriam, sed totam Siciliam, relicturos, si eò Marcellus iterum cum imperio redisset. Nullo suo merito cum antè implacabilem in se fuisset: quid iratum, quòd Romam de se questum venisse Siculos sciat, facturum? Obrui Ætne ignibus, aut margi freto, satius illi infelix esse, quam velut dedit maxæ inimico. Hæ Siculorum querelæ, domos primum nobilium circumlatæ, celebratæque sermonibus, quos partim misericordia Siculorum, partim invidia Marcelli excitabat,

in senatum etiam pervenerunt. Postulatum à consulibus est, ut de permutandis provinciis senatum consulerent. Marcellus, si jam auditi ab senatu Siculi essent, etiam forsitan futuram fuisse sententiam suam, dicere. nunc, ne quis timore frenari eos dicere posset, quo minus de eo libere querantur, in cujus potestate mox futuri sint, si collega nihil intersit, mutare se provinciam paratum esse. deprecari senatus præjudicium; nam, quum extra sortem collega optionem dari provincie iniquum fuerit, quanto majorem injuriam, imò contumeliam esse, sortem suam ad eum transferri? Ita senatus, quum, quid placeret, magis ostendisset, quàm decreisset, dimittitur. inter ipsos consules permutatio provinciarum, rapiente fato Marcellum ad Hannibalem, facta est: ut, ex quo primus adversæ pugnae gloriam ceperat, in ejus laudem postremus Romanorum imperatorum, prosperis tum maximè bellicis rebus, caderet.

XXX. Permutatis provinciis, Siculi, in senatum introducti, multa de Hieronis regis fide perpetua erga populum Romanum verba fecerunt, in gratiam publicam avertentes, Hieronymum ac postea Hippocraten & Epicyden tyrannos, quum ob alia, tum propter defectionem ab Romanis ad Hannibalem, invisos fuisse sibi. ob eam causam & Hieronymum à principibus juventutis propè publico consilio interfectum: & in Epicydis Hippocratisque cadem septuaginta nobilissimorum juvenum conjurationem factam; quos, Marcelli morâ destitutos, quia ad prædictum tempus exercitum ad Syracusas non admovisset, indidio facto, omnes ab tyrannis interfectos. Eam quoque Hippocratis atque Epicydis tyrannidem Marcellum excutasse, Leontinis crudeliter direptis. Nunquam deinde principes Syracusanorum desisse ad Marcellum transire, pollicerique, se urbem, quum vellet, ei tradituros. sed eum primò vi capere maluisse. dein, quum id neque terrâ, neque mari, omnia expertus, potuisset, auctores traditarum Syracusarum fabrum ætarium Sosin, & Mericum Hispanum, quàm principes Syracusanorum habere, toties id nequic-

nèquicquam ultro offerentes, præoptasse: quo scilicet justiore de causa vetustissimos socios populi Romani trucidaret, ac diriperet. Si non Hieronymus ad Hannibalem defecisset, sed populus Syracusanus & senatus, si portas Marcello Syracusanis publicè, & non, oppressis Syracusanis, tyranni eorum Hippecrates & Epicydes, clausissent, si Karthaginensium animis bellum cum populo Romano gessissent; quid ultra, quàm quod fecerit, nisi ut deleret Syracusas, facere hostiliter Marcellum potuisse? Certè præter mœnia & tecta exhausta urbis, & refracta ac spoliata Deum delubra, Diis ipsis ornamentisque eorum ablatis, nihil relictum Syracusis esse. Bona quoque militis adempta, ita ut ne nudo quidem solo, reliquiis direpta fortuna, alere sese ac suos possent. Orare se Patres conscriptos, ut, si nequeant omnia, saltem, quæ compareant cognoscique possint, restitui dominis jubeant. Talia conquestos quum excedere extemplo, ut de postulatis eorum Patres consuli possent, Lævinus jussisset, Maneant imò, inquit. Marcellus, ut coram his respondeam, quando eâ conditione pro vobis, Patres conscripti, bella gerimus, ut victos armis accusatores habeamus. Duæ capta hoc anno urbes Capua Fulvium reum, Marcellum Syracusæ habeant.

XXXI. Reductis in curiam legatis, tum consul, Non adeo majestatis, inquit, populi Romani imperii que hujus oblitus sum, Patres conscripti, ut, si de meo crimine ambigetur, consul dicturus causam, accusantibus Gracis, fuerim. Sed non, quid ego fecerim, in disquisitionem venit, quàm quid isti pati debuerint. qui si non fuerunt hostes, nihil interest, nunc, an vivo Hierone, Syracusas violaverim. Sin autem desciverunt, legatos nostros ferro atque armis petierunt, urbem ac mœnia clauserunt, exercituque Karthaginensium adversus nos tutati sunt; quis passos esse hostilia, quum fecerint, indignatur? Tradentes urbem principes Syracusanorum averse. tus sum: Sosin & Mericum Hispanum, quibus tantum crederem, potiores habui. Non estis extremi Syracusanorum, quippe qui aliis humilitatem obijciatis. Quis est vestrum, qui se mihi portas aperturum, qui armatos milites meos in urbem ac-



capturum promiserit? Odistis & execramini eos, qui fecerunt, & ne hic quidem contumeliis in eos dicendis parcitis: tantum abest, ut & ipsi tale quicquam facturi fueritis. Ipsa humilitas eorum, Patres conscripti, quam isti obijciunt, maximo argumento est, me neminem, qui navatam operam rei publicae nostra velit, aversum esse. Et, antequam obsidem Syracusas, nunc legatis mittendis, nunc ad colloquium eundo, tentavi pacem: &, postquam neque legatos violandi verecundia erat, nec mihi ipsi congresso ad portas cum principibus responsum dabatur, multis terrâ marique exhaustis laboribus, tandem vi atque armis Syracusas cepi. Qua captis acciderint, apud Hannibalem & Karthaginenses victosque justius, quam apud victoris populi senatum, quererentur. Ego, Patres conscripti, Syracusas spoliatas si negaturus essem, nunquam spoliis earum urbem Romam exornarem. Qua autem singulis victor aut ademi, aut dedi; quum belli jure, tum ex cuiusque merito, satis scio me fecisse. Ea vos rata habeatis, Patres conscripti, ne magis reipublicae interest, quam mea. Mea quippe fides exsoluta est: ad rempublicam pertinet, ne ista mea rescindendo, alios in posterum segniores duces faciat. Et quoniam coram & Siculorum & mea verba audistis, Patres conscripti, simul templo excedemus, ut, me absente, liberius consuli senatus possit. Ita dimissis Siculis, & ipse in Capitolium ad delectum discessit.

XXXII. Consul alter de postulatis Siculorum ad Patres retulit. Ibi quum diu de sententiis certatum esset, & magna pars senatus, principe ejus sententiae T. Manlio Torquato, cum tyrannis bellum gerendum fuisse, censerent, hostibus & Syracusanorum & populi Romani: & eodem recipi, non capi: & receptam legibus antiquis & libertate stabiliri, non fessam miserandâ servitute bello affligi. Inter tyrannorum & ducis Romani certamina, premium victoris in medio positam urbem pulcherrimam ac nobilissimam pervisse, horreum atque ararium quondam populi Romani: cujus munificentia ac donis multis tempestatibus, hoc denique ipso Punico bello, adjuncta ornataque respublicae esset. Si ab inferis existat

*existat rex Hiero, fidissimus imperii Romani cultor, quo ore aut Syracusas, aut Romam ei ostendi posse? quum, ubi semirutam ac spoliata patriam respexisset, ingrediens Romam in vestibulo urbis, propè in porta, spolia patrie sue visurus sit? Hæc taliaque quum ad invidiam consulis miserationemque Siculorum dicerentur, mitius tamen decreverunt Patres causâ Marcelli: Quæ is gerens bellum victorque e-gisset, rata habenda esse. in reliquam curæ senatui fore rem Syracusanam, mandaturosq; consuli Lavino, quod sine ja-ctura reipublicæ fieri posset, fortunis ejus civitatis consuleret. Missis duobus senatoribus in Capitolium ad consulem, uti rediret in curiam, & introductis Siculis, senatuscon-sultum recitatum est: legatique, benignè appellati ac dimissi, ad genua se Marcelli consulis projecerunt, ob-secrantes, ut, quæ deplorandæ ac levandæ calamitatis causâ dixissent, veniam eis daret, & in fidem clientelamque se ur-bemque Syracusas acciperet. post hæc consul clementer ap-pellatos dimisit.*

XXXIII. Campanis deinde senatus datus est, quo-rum oratio miserabilior, causa durior erat. neque e-nim meritas pœnas negare poterant, nec tyranni erant, in quos culpam conferrent: sed satis pensum pœna-rum, tot veneno absumptis, tot securi percussis sena-toribus, credebant. *Paucos nobilium superstites esse, quos nec sua conscientia, ut quicquam de se gravius consulerent, im-pulerit, nec victoris ira capitis damnaverit; eos libertatem sibi suisque, & donorum aliquam partem orare, cives Roma-nos, affinitatibus plerosque & propinquis jam cognationibus ex connubio vetusto junctos. Summotis deinde è templo, paulisper dubitatum, an arcessendus à Capua Q. Ful-vius esset. (mortuus enim post captam Claudius consul erat) ut coram imperatore, qui res gessisset, sicut inter Marcellum Siculosque disceptatum fuerat, disceptare-tur: dein, quum M. Atilium, C. Fulvium fratrem Flacci, legatos ejus, ac Q. Minucium & L. Veturium, Philonem, item Claudii legatos, qui omnibus gerendis*

rebus adfuerant, in senatu viderent, nec Fulvium advocari à Capua, nec differri Campanos vellent; interrogatus sententiam M. Atilius Regulus, cujus ex iis, qui ad Capuam fuerant, maxima auctoritas erat; *In consilio, inquit, arbitror me fuisse consulibus, Capuà captā, quum quereretur, ecquis Campanorum de republica nostra bene meritus esset; duas mulieres compertum est, Vestiam Oppiam Atellanam Capuæ habitantem, & Fauculam Cluviam, quæ quondam questum corpore fecisset; illam quotidie sacrificasse pro salute & victoria populi Romani; hanc captivis egentibus alimenta clam suppeditasse. Ceterorum omnium Campanorum eundem erga nos animum, quem Karthaginensium, fuisse: securique percussos à Q. Fulvio esse magis, quorum dignitas inter alios, quam quorum culpa, eminebat. Per senatum agi de Campanis, qui cives Romani sunt, injussu populi non video posse. idque & apud majores nostros in Satricanis factum est, quum defecissent, ut M. Antistius tribunus plebis prius rogationem ferret, sciretque plebs, uti senatui de Satricanis sententia dicenda jus esset. Itaque censeo, cum tribunis plebis agendum esse, ut eorum unus pluresve rogationem ferant ad plebem, quā nobis statuendi de Campanis jus fiat. L. Atilius tribunus plebis ex auctoritate senatus plebem in hæc verba rogavit: Omnes Campani, Atellani, Calatini, Sabatini, qui se dediderunt in arbitrium ditionemque populi Romani Fulvio proconsuli, quæque unā secum dediderunt, agrum urbemque, divina, humanaque, utensiliaque, sive quid aliud dediderunt; de iis rebus quid fieri velitis, vos rogo, Quirites. Plebes sic jussit, Quod senatus juratus, maxima pars, censeat, qui assidetis, id volumus jubemusque.*

XXXIV. Ex hoc plebiscito senatus consultus, Oppia Cluviaque primum bona ac libertatem restituit. si qua alia prætia petere ab senatu vellent, venire eas Romam. Campanis in familias singulas decreta facta, quæ non operæ pretium est omnia enumerare. Aliorum bona publicanda: ipsos liberosque eorum & conjuges vendendas, extra  
filiat,

*Bias, que enupfissent prius, quàm in populi Romani potestatem venirent. Alios in vincula condendos, ac de his posterius consulendum. Aliorum Campanorum summam etiam censûs distinxerunt, publicanda necne bona essent; pecua captiva, præter equos, & mancipia, præter puberes virilis sexûs, & omnia, quæ solo non continerentur, restituenda, censuerunt, dominis. Campanos omnes, Atellanos, Calatinos, Sabatinos, extra quàm, qui eorum, aut ipsi aut parentes eorum, apud hostes essent, liberos esse, iusserunt, ita ut nemo eorum civis Romanus, aut Latini nominis esset: neve quis eorum, qui Capuæ fuissent, dum portæ clausæ essent, in urbe agrove Campano intra certam diem maneret. Locus, ubi habitarent, trans Tiberim, qui non contingeret Tiberim, daretur. qui nec Capuæ, nec in urbe Campana, quæ à populo Romano defecisset, per bellum fuissent, eos cis Lirim amnem Romam versus; qui ad Romanos transissent prius, quàm Hannibal Capuam veniret, cis Vulturum emovendos, censuerunt. ne quis eorum propius mare quindecim millibus passuum agrum adificiumve haberet. Qui eorum trans Tiberim emoti essent, ne ipsi posterive eorum uspiam pararent. haberentve, nisi in Vejente, aut Sutrimo, Nepefinove agro: dum ne cui major, quàm quinquaginta iugerum, agri modus esset. Senatorum omnium, quique magistratus Capuæ, Atellæ, Calatiæ gessissent, bona venire Capuæ, iusserunt. libera corpora, quæ venundari placuerat, Romam mitti, ac Romæ venire. Signa, statuas aneas, quæ capta de hostibus dicerentur, quæ eorum sacra ac profana essent, ad pontificum collegium rejecerunt. Ob hæc decreta mœstiores aliquanto, quàm Romam venerant, Campanos dimiserunt. nec jam Q. Fulvius Sævitiam in sese, sed iniquitatem Deûm atque execrabilem fortunam suam incusabant.*

XXXV. Dimissis Siculis Campanisque, delectus habitus. scripto deinde exercitu, de remigum supplemento agi cœptum. in quam rem quum neque hominum satis, nec, ex qua pararentur, stipendiumque acciperent, pecuniæ quicquam eâ tempestate in publico

esset; edixerunt consules, ut privati ex censu ordinibusque, sicut antea, remiges darent cum stipendio cēbariisque dierum triginta. Ad id edictum tantus fremitus hominum, tanta indignatio fuit, ut magis dux, quàm materia, seditioni deesset. *Secundum Siculos Campanosque plebem Romanam perdendam lacerandamque sibi consules sumpsisse. per tot annos tributo exhaustos nil reliqui, præter terram nudam ac vastam, habere. Testa hostes incendisse, servos agri cultores rempublicam abduxisse, nunc ad militiam parvo ære emendo, nunc remiges imperando. Si quid cui argenti arisve fuerit, stipendio remigum & tributis annuis ablatum. Se, ut dent, quod non habeant, nullâ vi, nullo imperio cogi posse. Bona sua venderent: in corpora, quæ reliqua essent, fervirent. Ne ande redimantur quidem, quicquam superesse. Hæc non in occulto, sed propalam in foro atque oculis ipsorum consulum ingens turba circumfusi fremebant: nec eos sedare consules, nunc castigando, nunc consolando, poterant. Spatium deinde his tridui se dare ad cogitandum dixerunt: quo ipsi ad rem inspiciendam expediendamque usi sunt. Senatui postero die habuerunt de remigum supplemento: ubi quum multa differuissent, cur æqua plebis recusatio esset, verterunt orationem eò, ut dicerent, *Privatis id, seu æquum, seu iniquum, onus injungendum esse. Nam unde, quum pecunia in arario non esset, paraturos navales socios? Quomodo autem sine classibus aut Siciliam obtineri, aut Italiâ Philippum arceri posse, aut tuta Italia littora esse?**

XXXVI. Quum in hac difficultate rerum consiliū hæreret, ac propè torpor quidam occupasset hominum mentes, tum Lævinus consul, *Magistratus senatui, & senatum populo, sicut honore præsent, ita ad omnia, quæ dura atque aspera essent, subeunda duces debere esse. Si quid injungere inferiori velis, id prius in te ac tuos si ipse juris statueris, facilius omnes obedientes habeas. nec impensa gravis est, quum ex ea plus quàm pro virili parte sibi quemque capere principum vident. Itaque classes habere atque ornare vo-*  
luntus

*Annus populum Romanum? privatos sine recusatione remiges dare? nobismet ipsis primam imperemus. Aurum, argentum, æs signatum omne senatores crastino die in publicum conferamus: ita ut annulos sibi quisque, & conjugibus, & liberis, & filio bullam, & quibus uxor filiaque sunt, singulas uncias pondi auri relinquant; argenti, qui curuli sellâ sederunt, equi ornamenta & libras pondi, ut salinum patellamque Deorum causâ habere possint. ceteri senatores libram argenti tantum, æris signati quina millia in singulos patresfamilie relinquamus. Ceterum omne aurum, argentum, æs signatum, ad triumviros mensarios extemplo deferamus, nullo antè senatusconsulto facto: ut voluntaria collatio & certamen adjuvanda reipublica excitet ad emulandum animos primùm equestris ordinis, dein reliquæ plebis. hanc unam viam, multa inter nos collocuti, consules invenimus. Ingredimini, Diis bene juvantibus. Respublica incolumis & privatas res facile salvas præstat. publica prodendo, tua nequicquam serves. In hæc tanto animo consensus est, ut gratiæ ultro consulibus agerentur. senatu inde misso, pro se quisque aurum, argentum & æs in publicum conferunt, tanto certamine injecto, ut prima inter primos nomina sua vellent in publicis tabulis esse; ut nec triumviri accipiundo, nec scribæ referendo sufficerent. Hunc consensum senatus equester ordo est secutus: equestris ordinis, plebes. ita sine edicto, sine coërcitione magistratûs, nec remige in supplementum, nec stipendio respublica eguit: paratissimeque omnibus ad bellum, consules in provincias profecti sunt.*

XXXVII. Neque aliud magis tempus bellî fuit, quo Karthaginienfes Romanique pariter variis casibus immixtis magis in ancipiti spe ac metu fuerint. Nam Romanis & in provinciis, hinc in Hispania adversæ res, hinc prosperæ in Sicilia, luctum & læticiam misceverant: & in Italia, quum Tarentum amissum damno & dolori, tum arx cum præsidio retenta præter spem gaudio fuit: & terrorem subitum pavoremque

urbis Romæ obfessæ & oppugnatae Capuæ post dies paucos capta in lætitiâ vertit. Transmarinæ quoque res quâdam vice pensatæ. Philippus hostis tempore haud satis opportune factus; Ætoli novi adfociti socii, Attalusque Asiæ rex, jam velut despondente fortunâ Romanis imperium Orientis. Karthaginenses quoque Capuam amissam & Tarentum captum æquabant: &, ut ad mœnia urbis Romanæ nullo prohibente se pervenisse in gloria ponebant, ita pigebat irriti incepti; pudebatque adeo se spreto, ut, sedentibus ipsis ad Romana mœnia, aliâ portâ exercitus Romanus in Hispaniam duceretur. Ipsæ quoque Hispaniæ, quo propius spem venerant, tantis duobus ducibus exercitibusque cæsis, debellatum ibi, ac pulsos inde Romanos esse; eo plus, ab L. Marcio tumultuario duce ad vanum & irritum victoriam redactam esse, indignationis præbebant. Ita æquante fortunâ, suspensa omnia utrinque erant, integrâ spe, integro metu, velut illo tempore primum bellum inciperent.

XXXVIII. Hannibalem ante omnia angebat, quod Capua, pertinacius oppugnata ab Romanis, quàm defensa ab se, multorum Italiæ populorum animos averterat: quos neque omnes tenere præsidii, nisi vellet in multas parvasque partes carpere exercitum, quod minimè tum expediebat, poterat: nec, deductis præsidii, spei liberam vel obnoxiam timori sociorum relinquere fidem. Præceps in avaritiâ & crudelitatem animus ad spolianda, quæ tueri nequibat, ut vastata hosti relinquerentur, inclinavit. Id sædum consilium, quum incepto, tum etiam exitu fuit: neque enim indigna patientium modò abalienabantur animi, sed ceterorum etiam. quippe ad plures exemplum, quàm calamitas, pertinebat. Nec consul Romanus tentandis urbibus, sicunde spes aliqua se ostendisset, deerat. Salapiæ principes erant Dasius & Blattius: Dasius Hannibali amicus; Blattius, quantum ex tuto poterat, rem  
Roma-

Romanam fovebat, & per occultos nuncios spem prodicionis fecerat Marcello; sed sine adjutore Dasio res transigi non poterat. Multum ac diu cunctatus, & tum quoque magis inopiâ consilii potioris, quàm spe effectus, Dasium appellabat. at ille, quum ab re averfus, tum æmulo potentatûs inimicus, rem Hannibali aperit. Arcesso utroque, Hannibal quum pro tribunali quædam ageret, mox de Blattio cogniturus, starentque summoto populo accusator & reus: Blattius de prodicione Dasium appellabat. *Enimvero, ille, velut in manifesta re, exclamat, sub oculis Hannibalis secum de prodicione agi.* Hannibali atque eis, qui aderant, quo audacior res erat, minûs similis veri visa est. *emulationem profectò atque odium esse: & id crimen asserri, quod, quia testem habere non posset, liberius fingenti sit.* Ita inde dimissi sunt. nec Blattius antè abstitit tamen tam audaci incepto, quàm idem obtundendo, docendoque, quàm ea res ipsis patriæque salutaris esset, pervicit, ut præsidium Punicum (quingenti autem Numidæ erant) Salapiaque traderetur Marcello. Nec sine cæde multa tradi potuit. longè fortissimi equitum toto Punico exercitu erant. Itaque, quanquam improvisa res fuit, nec usus equorum in urbe erat, tamen, armis inter tumultum captis, & eruptionem tentaverunt, &, quum evadere nequirent, pugnantes ad ultimum occubuerunt. nec plus quinquaginta ex his in potestatem hostium vivi venerunt. plusque aliquanto damni hæc ala equitum amissa Hannibali, quàm Salapia, fuit: nec deinde unquam Pœnus (quo longè plurimùm valuerat) equitatu superior fuit.

XXXIX. Per idem tempus, quum in arce Tarentina vix inopia tolerabilis esset, spem omnem præsidium, quod ibi erat, Romanum præfectusque præsidii atque arcis M. Livius in comitatibus ab Sicilia missis habebant. qui ut tutò præterveherentur oram Italiæ, classis viginti ferme navium Rhegii stabat. Præerat



classi commeatibusque D. Quinctius, obscuro genere ortus, ceterum multis fortibus factis gloriam militari illustis. Primum quinque naves, quarum maximæ duæ triremes à Mareello ei traditæ erant, habuit: postea rem impigre sæpe gerenti tres additæ quinqueremes: postremò ipse à sociis, Rheginisque, & à Velia, & à Paesto, debitas ex fœdere exigendo, classem viginti navium, sicut antè dictum est, effecit. Huic ab Rhegio profectæ classi Democrates, cum pari classe navium Tarentinarum numero, quindecim millia ferme ab urbe ad Sacriportum obvius fuit. Velis tum fortè, improvidus futuri certaminis, Romanus veniebat. sed circa Crotònem Sybarimque suppleverat remigio naves, instructamque & armatam egregiè pro magnitudine navium classem habebat: & tum fortè sub idem ferè tempus & venti vis omnis cecidit, & hostes in conspectu fuere, ut ad componenda armamenta, expediendumque remigem ac militem ad imminens certamen satis temporis esset. Rarò aliàs tantis animis justæ concurrerunt classès: quippe quum in majoris discrimen rei, quàm ipsæ erant, pugnarent. Tarentini, ut, recuperatâ urbe ab Romanis post centesimum propè annum, arcem etiam liberarent; spe commeatus quoque hostibus, si navali prælio possessionem maris ademissent, interclusuros: Romani, ut, retentâ possessione arcis, ostenderent, non vi aut virtute, sed proditiōe ac furto, Tarentum amissam. Itaque ex utraque parte signo dato quum rostris concurrissent, neque retro navem inhiberent, nec dirimi ab se hostem paterentur, quam quis indeptus navem erat, ferreâ injectâ manu; ita conferebant ex propinquo pugnam, ut non missilibus tantum, sed gladiis etiam propè collato pede gereretur res. Proræ inter se junctæ hærebant, puppes alieno remigio circumagebantur. ita in arto stipatæ erant naves, ut vix ullum telum in manum vanum intercideret. frontibus velut pedestris acies

urge-

urgebant, perviazque naves pignantibus erant. Insignis tamen inter ceteras pugna fuit duarum, quæ primæ agminis concurrerant inter se. In Romana nave ipse Quinctius erat, in Tarentina Nico, cui Perconis fuit cognomen, non publico modò, sed privato etiam odio invisus atque infestus Romanis: quòd ejus factionis erat, quæ Tarentum Hannibali prodiderat. Hic Quinctium, simul pignantem hortantemque suos, incautum hastâ transfigit. ille atque præceps cum armis procidit ante proram. victor Tarentinus, in turbatam duce amisso navem impigre transgressus, quàm summovisset hostes, & prora jam Tarentinorum esset, puppim malè conglobati tuerentur Romani; repentè & alia à puppi triremis hostium apparuit. Ita in medio circumventa Romana navis capitur. hinc ceteris terror injectus, ut prætoriam navem captam videre: fugientesque passim, aliæ in alto merse, aliæ in terram remis abreptæ, mox prædæ fuere Thurinis Metapontinisque. ex onerariis, quæ cum comœatu sequebantur, perpaucae in potestatem hostium venire: aliæ, ad incertos ventos hinc atque illinc obliqua transferentes vela, in altum evertæ sunt. Nequaquam pari fortunâ per eos dies Tarenti res gesta. nam ad quatuor millia hominum frumentatum egressa, quum in agris passim vagarentur; Lævius, qui arcis præsidioque Romano præerat, intentus in omnes occasiones gerendæ rei, C. Perrium, impigrum virum, cum duobus millibus armorum ex arce emisit. qui, vagè effusos per agros palatosque adortus, quum diu passim cecidisset, paucos ex multis, trepidâ fugâ incidentes semiapertis portarum foribus, in urbem compulit, ne urbs eodem impetu caperetur. Ita æquatæ res ad Tarentum; Romanis victoribus terrâ, Tarentinis mari, frumenti spes, quæ in oculis fuerat, utrosque frustrata pariter.

XL. Per idem tempus Lævinus consul, jam magnâ parte anni circumactâ, in Siciliam, veteribus novisque

visque fociis exspectatus, quum venisset, primum ac potissimum omnium ratus, Syraculis novâ pace inconditas componere res. Agrigentum inde (quod belliqueliquum erat, tenebaturque à Karthaginiensium valido præsidio) duxit legiones. & adfuit fortuna incepto. Hanno erat imperator Karthaginiensium, sed omnem in Mutine Numidisque spem repositam habebant. Per totam Siciliam vagus prædas agebat ex fociis Romanorum: neque intercludi ab Agrigento vi aut arte ullâ, nec, quin crumperet, ubi vellet, prohiberi poterat. Hæc ejus gloria, quia jam imperatoris quoque famæ officiebat, postremò in invidiam vertit; ut ne bene gestæ quidem res jam Hannoni propter auctorem satis lætæ essent. propter quæ postremò præfecturam ejus filio suo dedit, ratus, cum imperio auctoritatem quoque ei inter Numidas erepturum. quod longè aliter evenit. Nam veterem favorem ejus sua insuper invidia auxit. neque ille indignitatem injuriæ tulit, confestimque ad Lævinum occultos nuncios misit de tradendo Agrigento. Per quos ut est facta fides, compositusque rei gerendæ modus, portam ad mare ferentem Numidæ quum occupassent, pulsus inde custodibus, aut cæsis, Romanos ad id ipsum missos in urbem acceperunt. Et quum agmine jam in media urbis ac forum magno tumultu iretur, ratus Hanno non aliud, quàm tumultum ac secessionem (id quod & antè acciderat) Numidarum esse, ad comprimendam seditionem processit. atque ille, quum ei multitudo major, quàm Numidarum, procul visa, & clamor Romanus haudquaquam ignotus ad aures accidisset, prius, quàm ad ictum teli veniret, cepisset fugam. per averfam portam emissus, assumpto comite Epicyde, cum paucis ad mare pervenit: nâstique opportunè parvum navigium, relicta hostibus Siciliâ, de qua per tot annos certatum erat, in Africam trajecerunt. alia multitudo Pœnorum Siculorumque, ne tentato quidem certamine, quum cæci in fu-

gam ruerent, clausique exitus essent, circa portas caesa. Oppido recepto Lævinus, qui capita rerum Agrigenti erant, virgis caesos securi percussit: ceteros prædamque vendidit. omnem pecuniam Romam misit. Fama Agrigentinarum cladis Siciliam quum pervasisset, omnia repente ad Romanos inclinaverunt. Proditæ brevi sunt viginti oppida: sex vi capta: voluntariâ deditione in fidem venerunt ad quadraginta. quarum civitatum principibus quum pro cuiusque merito consul pretia pœnasque exsolvisset, coëgissetque Sículos, positis tandem armis, ad agrum colendum animos convertere, ut esset non incolarum modò alimentis frugifera insula, sed urbis Romæ atque Italiæ (id quod multis sæpe tempestatibus fecerat) annonam levaret; ab Agathyrna inconditam multitudinem secum in Italiam transvexit. quatuor millia hominum erant, mixti ex omni colluvione exsules, obæratī, capitalia ausi plerique; & quum in civitatibus suis ac sub legibus vixerant, & postquam eos ex variis causis fortuna similis conglobaverat Agathyrnam, per latrocinia ac rapinam tolerantes vitam. hos neque relinquere Lævinus in insula, tum primùm novâ pace coalescente, velut materiam novandis rebus, satis tutum ratus est: & Rheginis usui futuri erant ad populandum Bruttium agrum, assuetam latrociniiis quærentibus manum. Et, quod ad Siciliam attinet, eo anno debellatum est.

XLI. In Hispania principio veris P. Scipio, navibus deductis, evocatisque edicto Tarraconem sociorum auxiliis, classē onerariæque ostium inde Iberi fluminis petere jubet. Eodē legiones ex hibernis convenire quum jussisset: ipse cum quinque millibus sociorum ab Tarracone profectus ad exercitum est. quò quum venisset, alloquendos maximè veteres milites, qui tantis superfuerant cladibus, ratus, concione advocatâ, ita disseruit: *Nemo ante me novus imperator militibus suis prius, quàm operâ eorum usus esset, gratias a-*  
*gere*

gere jure ac merito potuit. Me vobis prius, quàm provinciam aut castra viderem, obligavit fortuna: primum, quòd pietate erga patrem patruumque meum vivos mortuosque fuisset: deinde, quòd amissam tantà clade provincia possessionem, integram, & populo Romano & successori mihi, virtute vestrà obtinuistis. Sed quum jam benignitate Deum id paremus atque agamus, non ut ipsi maneamus in Hispania, sed ne Pœni maneant, nec ut pro ripa Iberi stantes arceamus transitu hostes, sed ut ultro transeamus, transferamusque bellum; vereor, ne cui vestrùm majus id audaciusque consilium, quàm aut pro memoria cladum nuper acceptarum, aut pro etate mea, videatur. Adversa pugna in Hispania nullius in animo, quàm meo, minùs obliterari possunt. Quippe cui pater & patruus intra triginta dierum spatium, ut aliud super aliud cumlaretur familie nostra funus, interfecti sunt. Sed ut familiaris penè orbitas ac solitudo frangit animum; ita publica quum fortuna tum virtus desperare de summa rerum prohibet. Ea fato quodam data nobis fors est, ut magnis omnibus bellis victi vicerimus. Vetera omitto, Porcenam, Gallos, Samnites: à Punicis bellis incipiam. Quot classes, quot duces, quot exercitus priore bello amissi sunt? Jam quid hoc bello memorem? Omnibus aut ipse adfui cladibus: aut, quibus afui, maximè unus omnium eas sensi. Trebia, Trasimenus, Cannæ, quid aliud sunt, quàm monumenta occisorum exercituum consulumque Romanorum? Adde defectionem Italia, Sicilia majoris partis, Sardinie. Adde ultimum terrorem ac pavorem, castra Punica inter Anicnem & mœnia Romana posita, & visum propè in portis victorem Hannibalem. In hac ruina rerum stetit una integra atque immobilis virtus populi Romani. Hæc omnia strata humi erexit ac sustulit. Vos omnium primi, milites, post Cannensem cladem vadenti Hasdrubali ad Alpes Italiamque, qui si se cum fratre conjunxisset, nullum jam nomen esset populi Romani, dum auspicioque patris mei obstitistis. & hæc secunda res illas adversas sustinuerunt. Nunc, benignitate Deum, omnia secunda, prospera, in dies latiora ac meliora in Italia Sicilia-

que.

que geruntur. In Sicilia Syracusa, Agrigentum captum, pulsi totâ insulâ hostes, receptaque provincia in ditione populû Romani est. In Italia Arpi recepti, Capua capta. Iter omne ab urbe Roma trepidâ fugâ emensus Hannibal, in extremam angulam agri Bruttii compulsus, nihil jam majus precatur Deos, quàm ut incolumi cedere atque abire ex hostium terra liceat. Quid igitur minùs conveniat, milites, quàm, quum aliæ super alias clades cumularentur, ac Dii propè ipsi cum Hannibale starent, vos hîc cum parentibus meis (æquentur enim etiam honore nominis) sustinuisse labantem fortunam populû Romani; nunc eosdem, quia illic omnia secunda lataque sunt, animis deficere? Nuper quoque quæ acciderunt, ætinam tam sine meo luctu, quàm vestro, transissent! Nunc Dii immortales imperii Romani præsides, qui centuriis omnibus, ut mihi imperium juberent dari, fuere auctores, iidem auguriis auspiciisque, & per nocturnos etiam visus omnia leta ac prospera portendunt. Animus quoque meus, maximus mihi ad hoc tempus vates, præsagit, nostram Hispaniam esse & brevi extorre hinc omne Punicum nomen, maria terrasque fœdâ fugâ impleturum. Quod mens suâ sponte divinât, idem subjicit ratio baud fallax. Vexati ab iis socii nostram fidem per legatos implorant. tres duces discrepantes, propè ut defecerint alii ab aliis, trifariam exercitum in diversissimas regiones distraxere. Eadem in illos ingruit fortuna, quæ nuper nos afflixit. nam & deseruntur ab sociis, ut priùs ab Celtiberis nos: & diduxerunt exercitus; quæ patri patruoque meæ causâ exitiû fuit. Nec discordia intestina cõtre eos in unum sinet, neque singuli nobis resistere poterunt. Vos modò, milites, favete nomini Scipionum, soboli imperatorum vestrorum, velut accisis recrescenti stirpibus. Agite, milites veteres, novum exercitum novumque ducem traducite Iberum, traducite in terras cum multis fortibus factis sæpe à vobis peragratas. Brevis faciam, ut, quemadmodum nunc noscitis in me patris patruique similitudinem oris vultûsque, & lineamenta corporis; ita ingenii, fidei, virtutisque exemplum expressam

*pressam ad effigiem vobis. reddam, ut revixisse, aut renatum, sibi quisque Scipionem imperatorem dicat.*

XLII. Hâc oratione accensus militum animis, relicto ad præsidium regionis ejus M. Silano, cum tribus millibus peditum & trecentis equitibus, ceteras omnes copias (erant autem viginti quinque millia peditum, duo millia & quingenti equites) Iberum trajecit. Ibi quibusdam suadentibus, ut, quoniam in tres tam diversas regiones discessissent Punici exercitus, proximum aggrediretur, periculum esse ratus, ne eo facto in unum omnes contraheret, nec par esset unus tot exercitibus, Karthaginem Novam interim oppugnare statuit; urbem quum ipsam opulentam suis opibus, tum hostium omni bellico apparatu plenam; (ibi arma, ibi pecunia, ibi totius Hispaniæ obsides erant) sitam præterea quum opportunè ad trajiciendum in Africam, tum super portum satis amplum quantævis classi, & nescio an unum in Hispaniæ ora, quâ nostro adjacet mari. Nemo omnium, quò iretur, sciebat, præter C. Lælium. Is, classe circummissus, ita moderari cursum navium jussus erat, ut eodem tempore exercitus ostenderetur, & classis portum iatraret. Septimo die ab Ibero Karthaginem ventum est. simul terrâ marique. castra ab regione urbis, quâ in Septentrionem versa est, posita: his ab tergo (nam frons naturâ tutâ erat) vallum objectum. Ceterum sita Karthago sic est. Sinus est maris mediâ ferè Hispaniæ orâ, maximè Africo vento oppositus, & quingentos passus introrsus retractus, paululo plus passuum in latitudinem patens. hujus in ostio sinus parva insula objecta ab alto portum ab omnibus ventis, præterquam Africo, tutum facit. ab intimo sinu peninsula excurrit, tumulus is ipse, in quo condita urbs est, ab ortu solis & à meridie cincta mari: ab occasu stagnum claudit, paulum & ad septentrionem fusum; incertæ altitudinis, utcumque exæstuat aut deficit mare. Continenti urbem jugum.

gum ducentos ferè & quinquaginta passus patens conjungit. unde, quum tam parvi operis munitio esset, non objecit vallum imperator Romanus : seu fiduciam hosti superbè ostentans, sive ut subeunti sæpe ad mœnia urbis recursus pateret.

XLIII. Cetera, quæ munienda erant, quum perfecisset, naves etiã in portu, velut maritimam quoque ostentans obsidionem, instruxit : circumvestusque classem, quum monuisset præfectos navium, ut vigilias nocturnas intenti servarent, omnia ubique primò obsessum hostem conari : regressus in castra, ut consilii sui rationem, quòd ab urbe potissimùm oppugnanda bellum orsus esset, militibus ostenderet, & spem potius cohortando faceret, concione advocatà ita disse-ruit : *Ad urbem unam oppugnandum si quis vos adductos credit, is magis operis vestri, quàm emolumenti rationem exactam, milites, habet. Oppugnabitis enim verè mœnia unius urbis, sed in una urbe universam ceperitis Hispaniam. Hic sunt obsides omnium nobilium regum populorumque : qui, simul in potestate vestra erunt, extemplo omnia, quæ nunc sub Karthaginensibus sunt, in ditionem tradent. Hic pecunia omnis hostium, sine qua neque illi gerere bellum possunt, quippe qui mercenarios exercitus alant ; & quæ nobis maximo usui ad conciliandos animos barbarorum erit. Hic tormenta, arma, armamenta, & omnis apparatus belli est, qui simul & vos instruet, & hostes nudabit. Potiemur præterea quum pulcherrimâ opulentissimâque urbe, tum opportunissimâ portu egregio, unde terrâ marique, quæ belli usus poscunt, suppeditentur. quæ quum magna ipsi habedimus, tum dempsimus hostibus multo majora. Hæc illis arx, hoc horreum, ararium, armamentarium, hoc omnium rerum receptaculum est. Hinc relictus in Africam cursus est : hæc una inter Pyrenæum & Gades statio : hinc omni Hispania imminet Africa. Sed, quoniam vos instructos & ordinatos cognosco, ad Karthaginem novam oppugnandam totis viribus & bono animo transseamus. Quumque omnes unâ voce, hoc faciendum, suc-*  
clama-



clamarent, eos Karthaginem duxit. tum terrâ marique eam oppugnari jubet.

XLIV. Contrâ Mago Pœnorum dux, quum terrâ marique instrui oppugnationem videret, & ipse copias ita disponit. Oppidanorum duo millia ab ea parte, quâ castra Romana erant, opponit: quingentis militibus arcem infedit: quingentos tumulto urbis in orientem verso imponit: multitudinem aliam, quò clamor, quò subita vocâisset res, intentam ad omnia occurrere jubet. Patefactâ deinde portâ, eos, quos in via ferente ad castra hostium instruxerat, mittit. Romani, duce ipso præcipiente, parumper cessere, ut propiores subsidiis in certamine ipso submittendis essent. Et primò haud impari stetero acie: subsidia deinde, identidem submissa è castris, non averterunt solùm in fugam hostes, sed adeò effusis institerunt, ut, nisi receptui cecinisset, permixti fugientibus irrupturi fuisse in urbem viderentur. Trepidatio verò non in prælio major, quàm totâ urbe fuit. multæ stationes pavore atque fugâ desertæ sunt, reliquæ muri; quum, quæ cuique erat proximum, desiluissent. Quod ubi egressus Scipio in tumultum, quem Mercurii vocant, animadvertit, multis partibus nudata defensoribus mœnia esse; omnes è castris excitos ire ad oppugnandam urbem, & ferre scalas jubet. ipse, trium præ se juvenum validorum scutis oppositis, (ingens enim jam vis omnis generis telorum è muris volabat) ad urbem succedit, hortatur, imperat, quæ in rem sunt: quodque plurimum ad accendendos militum animos intererat, testis spectatorque virtutis atque ignaviæ cujusque adest. Itaque in vulnera ac tela ruunt; neque illos muri, neque superstantes armati arcere queunt, quin certatim ascendant. Et ab navibus eodem tempore ea, quæ mari alluitur, pars urbis oppugnari cœpta est. Ceterùm tumultus inde major, quàm vis, adhiberi poterat. dum applicant, dum partim exponunt scalas militesque,

litesque, dum, quâ cuique proximum est, in terram evadere properant, ipsâ festinatione & certamine alii alios impediunt.

XLV. Inter hæc repleverat jam Pœnus armatis muros, & vis magna, ex ingenti copia congesta, telorum suppeditabat. Sed neque viri, nec tela, nec quicquam aliud æquè, quàm mœnia ipsa sese, defendebant. raræ enim scalæ altitudinē æquari poterant: &, quo quæque altiores, eo infirmiores erant. Itaque, quum summus quisque evadere non posset, subirent tamen alii, onere ipso frangebantur. quidam, stantibus scalis, quum altitudo caliginem oculis offudisset, ad terram delati sunt. Et quum passim homines scalæque ruerent, & ipso successu audacia atque alacritas hostium cresceret, signum receptui datum est; quod spem non præsentis modò ab tanto certamine ac labore quietis obsessis, sed etiam in posterum dedit, scalis & coronâ capi urbem non posse. opera & difficilia esse, & tempus datura, ad ferendam opem, imperatoribus suis. Vix prior tumultus conticuerat, quum Scipio ab defessis jam vulneratisque recentes integrosque alios accipere scalas jubet, & vi majore aggredi urbem. Ipse, ut ei nunciatum est, æstum decedere, quòd per piscatores Tarraconenses, nunc levibus cymbis, nunc, ubi eæ siderent, vadis pervagatos stagnum, compertum habebat, facilem pedibus ad murum transitum dari, eò secum armatos duxit. Medium ferme dici erat: & ad id, quòd suâ sponte cedente in mare æstu trahebatur aqua, acer etiam Septentrio ortus inclinatum stagnum eodem, quò æstus, ferebat, & adeo nudaverat vada, ut alibi umbilico tenuis aqua esset, alibi genua vix superaret. Hoc, curâ ac ratione compertum, in prodigium ac Deos vertens Scipio, qui ad transitum Romanis mare vertent, & stagno auferrent, viasque antè nunquam initas humano vestigio aperirent, Neptunum jubebat ducem itineris sequi, ac medio stagno evadere ad mœnia.

XLVI. Ab

XLVI. Ab terra ingens labor succedentibus erat : nec altitudine tantum mœnium impediabantur, sed quod cuntes ad ancipites utrinque ictus subiectos habebant Romanos; ut latera infestiora subeuntibus, quam adversa corpora, essent. At parte in alia quintæ & per stagnum facilis transitus, & in murum ascensus inde fuit. nam neque opere emunitus erat, ut ubi ipsius loci ac stagni præsidio satis creditum foret; nec ulla armatorum statio aut custodia opposita, intentis omnibus ad opem eò ferendam, unde periculum ostendebatur. Ubi urbem sine certamine intravere, pergunt inde, quanto maximo cursu poterant, ad eam portam, circa quam omne contractum certamen erat. In quod adeo intenti omnium non animi solum fuere, sed etiam oculi auresque pugnantium spectantiumque & adhortantium pugnautes, ut nemo ante ab tergo senserit captam urbem, quam tela in aversos inciderunt, & utrinque ancipitem hostem habebant. tunc, turbatis defensoribus metu, & mœnia capta, & porta intus forisque pariter refringi cœpta : & mox cædendo confraetis, ne iter impediretur, foribus, armati impetum fecerunt. Magna multitudo & muros transcendebat, sed hi passim ad cædem oppidanorum versi. illa, quæ portam ingressa erat, iusta acies, cum ducibus, cum ordinibus, mediâ urbe in forum processit. Inde quum duobus itineribus fugientes videret hostes, alios ad tumulum in orientem versum, qui tenebatur quingentorum militum præsidio, alios in arcem, in quam & ipse Mago cum omnibus ferè armatis, qui muris pulsi fuerant, refugerat; partim copiarum ad tumulum expugnandum mittit, partim ipse ad arcem ducit. & tumulus primò impetu est captus, & Mago, arcem conatus defendere, quum omnia hostium plena videret, neque spem ullam esse, se arcemque & præsidium deditit. Quoad dedita arx est, cædes totâ urbe passim factæ; nec ulli puberum, qui obuius fuit, parcebatur. tum,  
signo

signo dato, cædibus finis factus. ad prædam victores versi, quæ ingens omnis generis fuit.

XLVII. Liberorum capitum virile fecus ad decem millia capta. inde, qui cives Novæ Karthaginis erant, dimisit: urbemque & sua omnia, quæ reliqua eis bellum fecerat, restituit. Opifices ad duo millia hominum erant, eos publicos forè populi Romani edixit, cum spe propinqua libertatis, si ad ministeria belli enisè operam navassent. Ceteram multitudinem incolarum juvenum, ac validorum servorum, in classem ad supplementum remigum dedit. & auxerat navibus octo captivis classem. Extra hanc multitudinem Hispanorum obsides erant: quorum perinde, ac si fociorum liberi essent, cura habita. Captus & apparatus ingens belli; catapultæ maximæ formæ centum viginti, minores ducentæ octoginta & una: ballistæ majores viginti tres, minores quinquaginta duæ: scorpionum majorum minorumque, & armorum telorumque, ingens numerus: signa militaria septuaginta quatuor. Et auri argentique relata ad imperatorem magna vis: pateræ aureæ fuerunt ducentæ septuaginta sex, libras ferme omnes pondo: argenti facti signatique decem & octo millia & trecenta pondo: vasorum argenteorum magnus numerus. Hæc omnia C. Flaminio quæstori appensa annumerataque sunt. tritici quadraginta millia modium, hordei ducenta septuaginta. Naves onerariæ sexaginta tres in portu expugnatae captæque: quædam cum suis oneribus, frumento, armis, ære præterea, ferroque, & hinteis, & sparto, & navali alia materia ad classem ædificandam: ut minimum omnium, inter tantas opes belli captas, Karthago ipsa fuerit.

XLVIII. Eo die Scipio, C. Lælio cum fociiis navibus urbem custodire jussu, ipse in castra legiones reduxit: fessosque milites omnibus uno die belli operibus (quippe qui & acie dimicassent, & capiendâ urbe tantum

tantum laboris periculique adfſent, & captâ, cum iis, qui in arcem confugerant, iniquo etiam loco pugnâſſent) curare corpora juffit. Poſtero die, militibus navalibusque focis convocatis, primùm Diis immortalibus laudeſque & grates egit, qui ſe non urbis ſolùm opulentiffimæ omnium in Hiſpania uno die compotem feciſſent, ſed antè eò congeſſiſſent omnis penè Africæ atque Hiſpaniæ opes: ut neque hoſtibus quicquam relinqueretur, & ſibi ac ſuis omnia ſupereſſent. Militum deinde virtutem collaudavit, quòd eos non erupcio hoſtium, non altitudo mœnium, non inexplorata ſtagni vada, non caſtellum in alto tumulto ſitum, non munitiffima arx deterruiſſet, quo minùs tranſcenderent omnia petrumperentque. Itaque, quanquam omnibus omnia deberet, præcipuum muralis coronæ decus ejus eſſe, qui primus murum aſcendiſſet. profiteretur, qui ſe dignum eo duceret dono. Duo profeſſi ſunt: Q. Trebellius centurio legionis quartæ, & Sex. Digitius focus navalis. nec ipſi tam inter ſe acriter contendebant, quàm ſtudia excitaverant uterque ſui corporis hominum. Sociis C. Lælius præfectus clafſis; legionariis M. Sempronius Tuditanus aderat. Ea contentio quum prope ſeditionem veniret, Scipio tres recuperatores quum ſe daturum pronunciâſſet, qui, cognitâ cauſâ teſtibusque auditis, judicarent, uter prior in oppidum tranſcendiſſet; C. Lælio & M. Sempronio advocatis partis utriusque P. Cornelium Caudinum de medio adjecit; eoſque tres recuperatores conſidere, & cauſam cognoscere juffit. Quum res eo majore ageretur certamine, quòd amoti tantæ dignitatis non tam advocati, quàm moderatores ſtudiorum fuerant; C. Lælius, reliſto concilio, ad tribunal ad Scipionem accedit, eumque docet, *rem ſive modo ac modeſtia agi: ac propè eſſe, ut manus inter ſe conſerant. Ceterum, etiamſi vis abſit, nihilominus deteſtabili exemplo rem agi; quippe ubi fraude ac perjurio decus petatur virtutis.* Stare binc legionarios

gionarios milites, hinc classicos, per omnes Deos paratos jurare, magis quæ velint, quàm quæ sciant, vera esse, & obstringere perjurio non se solum suumque caput, sed signa militaria, & aquilas, sacramentique religionem. Hæc se ad eum de sententia P. Cornelii & M. Sempronii deferre. Scipio, collaudato Lælio, ad concionem advocavit, pronuntiavitque, *Se satis compertum habere, Q. Trebellium & Sex. Digitium pariter in murum descendisse: seque eos ambos, virtutis causâ, coronis muralibus donare.* Tum reliquos, prout cuique meritum virtusque erat, donavit. ante omnes C. Lælium præfectum classis & omni genere laudis sibi ipse æquavit, & coronâ aureâ ac triginta bubus donavit.

XLIX. Tum obsides civitatum Hispaniæ vocari jussit: quorum quantus numerus fuerit, piget scribere, quippe quum alibi trecentos ferme, alibi septingentos viginti quinque fuisse inveniam. Æquè & alia inter auctores discrepant. Præsidium Punicum alius decem, alius septem, alius haud plus quàm duum millium fuisse scribit. Captâ alibi decem millia capitum, alibi supra quinque & viginti invenias. Scorpiones majores minoresque ad sexaginta captos scripserim, si auctorem Græcum sequar Silenum: si Valerium Antiatem, majorum scorpionum sex millia, minorum tredecim: adeo nullus mentiendi modus est. Ne de ducibus quidem convenit. plerique Lælium præfuisse classis; sunt, qui M. Junium Silanum dicant. Arinem præfuisse Punico præsidio, deditumque Romanis, Antias Valerius; Magonem alii scriptores tradunt. Non de numero navium captarum, non de pondere auri atque argenti, & redactæ pecuniæ, convenit. Si aliquibus assentiri necesse est, media simillima veris sunt. Ceterum Scipio, vocatis obsidibus, primum universos bonum animum habere jussit. *Venisse eos in populi Romani potestatem, qui beneficio, quàm metu, obligare homines malit; exterarumque gentes fide ac societate junctas habere,*

*quàm triffi fubjectas fervitio.* Deinde, acceptis nominibus civitatum, recensuit captivos, quot cujusque populi effent: & nuncios domum mifit, ut ad fuos quifque recipiendos veniret. Si quarum fortè civitatum legati aderant, eis præfentibus fuos reftituit: ceterorum curam benignè tuendorum C. Flaminio quæftori attribuit. Inter hæc è media turba obfidum mulier magno natu, Mandonii uxor, qui frater Indibilis Ilergetum reguli erat; flens ad pedes imperatoris procubuit, obteftarique cœpit, ut curam cultumque feminarum impenfius cuftodibus commendaret. quum Scipio, *nihil profectò defuturum*, diceret; tum rurfus mulier, *Haud magni ifta facimus*, inquit. *quid enim huic fortune non fatis eft? Alia me cura, atatem harum intuentem, (nam ipfa jam extra periculum injuria muliebris fum) ftimulat.* Ætate & formâ florentes circâ erant Indibilis filiz, alizque nobilitate pari, quæ omnes eam pro parente colebant. Tum Scipio, *Mea populi que Romani difciplina caufâ facerem*, inquit, *ne quid, quod fanctum ufquam effet, apud nos violaretur. nunc, ut id curem impenfius, veftira quoque virtus dignitasque facit: qua ne in malis quidem oblita decoris matronalis eftis.* Spectatz deinde integritatis viro tradidit eas, tuerique haud fecus verecundè ac modeftè, quàm hofpitum conjuges ac matres, juffit.

L. Captiva deinde à militibus adducitur ad eum adulta virgo, adeo eximiâ formâ, ut, quacunque incedebat, converteret omnium oculos. Scipio, percunſtatus patriam parentesque, inter cetera accepit, deſponſam eam principi Celtiberorum adoleſcenti: Alucio nomen erat. Extemplo igitur parentibus ſponſoque ab domo accitis, quum interim audiret, deperire eum ſponſæ amore, ubi primùm venit, accuratiore eum ſermone, quàm parentes, alloquitur. *Juvenis*, inquit, *juvenem appello, quo minor fit inter nos bujus ſermonis verecundiâ.* Ego, quum ſponſa tua capta à militibus

*das nostris ad me ducta esset, audiremque, eam tibi cordi esse, & forma faceret fidem, quia ipse, si frui liceret ludo atatis, (praesertim recto & legitimo amore) & non respública animum nostrum occupasset, veniam mihi dari sponsam impensius amanti vellem: tuo, cujus possum, amori faveo. Fuit sponsa tua apud me eadem, quā apud soceros tuos parentesque suos, verecundiā: servata tibi est, ut inviolatum & dignum me teque dari tibi donum posset. Hanc mercedem unam pro eo munere paciscor: amicus populo Romano sis. & si me virum bonum credis esse, quales patrem patruumque meum jam ante haec gentes norant, scias multos nostri similes in civitate Romana esse; nec ullum in terris populum hodie dici posse, quem minus tibi hostem tuisque esse velis, aut amicum malis. Adolescentens, simul pudore & gaudio perfusus, dextram Scipionis tenens, Deos omnes invocare ad gratiam illi pro se referendam, quoniam sibi nequaquam satis facultatis, pro suo animo atque illius erga se merito, esset. Parentes inde cognatique virginis appellati, qui, quoniam gratis sibi redderetur virgo, ad quam redimendam satis magnum attulissent auri pondus, orare Scipionem, ut id ab se donum acciperet, coeperunt: haud minorem ejus rei apud se gratiam futuram esse, affirmantes, quā redditæ inviolatæ foret virginis. Scipio, quando tanto opere peterent, accepturum se pollicitus, poni ante pedes jussit: vocatoque ad se Alucio, *Super dotem, inquit, quam accepturus à socero es, haec tibi à me dotalia dona accedent: aurumque tollere, ac sibi habere jussit.* His lætus donis honoribusque dimissus domum, implevit populares laudibus meritis Scipionis: *Venisse Diis simillimum juvenem, vincentem omnia, quum armis, tum benignitate ac beneficiis.* Itaque, delectu clientium habito, cum delectis mille & quadringentis equitibus intra paucos dies ad Scipionem revertit.*

LI. Scipio retentum secum Lælium, dum captivos obsidesque & prædam ex consilio ejus disponderet, satis



omnibus compositis, datâ quinquereme, captivisque, Magone & quindecim ferè senatoribus, qui simul cum eo capti erant, in navem impositis, nuncium victoriæ Romam mittit. ipse paucos dies, quibus morari Karthagine statuerat, exercendis navalibus pedestribusque copiis absumpsit. Primo die legiones in armis quatuor millium spatio decurrerunt: secundo die arma curare & tergere ante tentoria jussit: tertio die rudibus inter se in modum justæ pugnæ concurrerunt, præpilatisque missilibus jaculati sunt: quarto die quies data: quinto iterum in armis decursus est. Hunc ordinem laboris quietisque, quoad Karthagine morati sunt, servarunt. Remigium classicique milites, tranquillo in altum eVecti, agilitatem navium simulacris navalis pugnæ experiebantur. Hæc extra urbem terrâ marique corpora simul animosque ad bellum acuebant. urbs ipsa strepebat apparatu belli, fabris omnium generum in publica officina inclusis. dux cuncta pari curâ obibat. nunc in classe ac navali erat: nunc cum legionibus decurrebat; nunc operibus aspiciendis tempus dabat, quæque in officinis, quæque in armamentario ac navalibus fabrorum multitudo plurima in singulos dies certamine ingenti faciebat. His ita inchoatis, refectisque, quâ quassi erant, muris, dispositisque præfidiis ad custodiam urbis, Tarraconem est profectus, à multis legationibus protinus in via aditus. quas partim dato responso ex itinere dimisit, partim distulit Tarraconem, quò omnibus novis veteribusque fociis edixerat conventum. Et cuncti ferè, quicis Iberum incolunt, populi, multi etiam ulterioris provinciæ convenerunt. Karthaginensium duces primò ex industria famam captæ Karthaginis compresserunt: deinde, ut clarior res erat, quàm ut tegi ac dissimulari posset, elevabant verbis. *Necopinato adventu ac propè furto unius diei urbem unam Hispaniæ interceptam. cujus rei tam parva præmio elatum insolentem juvenem, in-*  
*modico*

modico gaudio speciem magna victoria imposuisse. At, ubi appropinquare tres duces, tres victores hostium exercitus audisset, occursum ei extemplo domesticorum funerum memoriam. Hæc in vulgus jactabant, haudquaquam ipsi ignari, quantum sibi ad omnia virium, Karthagine amissâ, decessisset.

## LIBER XXVII.

## E P I T O M E.

I. C. N. Fulvius proconsul cum exercitu ab Hannibale ad Herdoneam casus est. II. Meliore eventu à Claudio Marcello consule adversus eundem ad Numistronem pugnatum est. inde Hannibal noctu recessit. XII, &c. Marcellus insecutus est, & subinde cedentem pressit, donec confingeret. XIV. priore pugna Hannibal superior fuit, Marcellus insequenti. XV, XVI. Fabius Maximus pater consul Tarentinos per prodicionem recepit. XVIII, XIX. In Hispania ad Bæculam Scipio cum Hasdrubale Hamilcaris conflixit, & vicit. inter alia captum puerum regalem eximia forma ad avunculum Masinissam cum donis dimisit. XXVII. Claudius Marcellus, T. Quinctius Crispinus consules, speculandi causâ progressi à castris, insidiis ab Hannibale circumventi sunt. Marcellus occisus fuit, Crispinus fugit. XXX, &c. Res præterea à P. Sulpicio prætore adversus Philippum & Achaos gestas continet. XXXVI. Lustrum à censoribus conditum est: censa sunt civium capita centum triginta septem millia centum & octo: ex quo numero apparuit, quantum hominum tot præliorum adversa fortuna populo Romano abstulisset. XXXIX, &c. Hasdrubal, qui cum exercitu novo transcenderat Alpes, ut se Hannibali conjungeret, cum

*millibus hominum quinquaginta sex casus est, M. Livii consulis ductu, sed non minore operâ Claudii Neronis consulis. XLIII. qui, quum Hannibali oppositus esset, relictis castris, ita ut hostem falleret, cum electa manu profectus, Hasdrubalem circumvenit.*

I. **H**IC status rerum Hispaniæ erat. In Italia consul Marcellus, Salapiâ per prodicionem receptâ, Maroneam & Meles de Samnitibus vi cepit. Ad tria millia militum ibi Hannibalis, quæ præsidii causâ relictæ erant, oppressa. Præda (& aliquantum ejus fuit) militi concessa. tritici quoque ducenta quadraginta millia modium, & centum decem millia hordei inventa. Ceterum nequaquam inde tantum gaudium fuit, quanta clades intra paucos dies accepta est, haud procul ab Herdonea urbe. Castra ibi Cn. Fulvius proconsul habebat, spe recipiendæ Herdoneæ, quæ post Cannensem cladem ab Romanis defecerat, nec loco satis tuto posita, nec præsidiis firmata. Negligentiam insitam ingenio ducis augebat spes ea, quod labare iis adversus Pœnum fidem senserat, postquam, Salapiâ amissâ, excessisse his locis in Brutios Hannibalem auditum est. Ea omnia ab Herdonea per occultos nuncios delata Hannibali, simul curam sociæ retinendæ urbis, & spem fecere incautum hostem aggrediendi. exercitum expedito, ita ut famam propè præveniret, magnis itineribus ad Herdoneam contendit, &, quò plus terroris hosti objiceret, acie instructâ accessit. Par audaciâ Romanus, consilio & viribus impar, copiis raptim eductis, conflixit. quinta legio & sinistra alâ acriter pugnam inierunt. Ceterum Hannibal, signo equitibus dato, ut, quum pedestres acies occupassent præsentî certamine oculos apimosque, circumvecti, pars castra hostium, pars terga trepidantium invaderent, ipse in Fulvii similitudinem nominis, quod Cn. Fulvium prætorem biennio antè in  
iisdem

isdem devicerat locis, increpans, similem eventum pugnae fore affirmabat. Neque ea spes vana fuit. nam, quum comminus acie & peditum certamine multi cecidissent Romanorum, starent tamen ordines signaque, equestris à tergo tumultus, simul à castris clamor hostilis auditus, sextam antè legionem, quæ, in secunda acie posita, prior ab Numidis turbata est; quintam deinde atque eos, qui ad prima signa erant, avertit. Pars in fugam effusi, pars in medio cæsi: ubi & ipse Cn. Fulvius cum undecim tribunis militum cecidit. Romanorum sociorumque quot cæsa in eo prælio milia sint, quis pro certo affirmet? quum tredecim milia alibi, alibi haud plus, quàm septem, inveniam. Castris prædâque victor potitur. Herdoneam, quia & defecturam fuisse ad Romanos comperit, nec mansuram in fide, si inde abcessisset, multitudine omni Metapontum ac Thurios traductâ, incendit: occidit principes, qui cum Fulvio colloquia occulta habuisse comperti sunt. Romani, qui ex tanta clade evaserant, diversis itineribus semerme ad Marcellum consulem in Samnium perfugerunt.

II. Marcellus, nihil admodum tantâ clade territus, literas Romam ad senatum de duce & exercitu ad Herdoneam amisso scribit. *ceterum, eundem se, qui post Cannensem pugnam ferocem victoriâ Hannibalem contudisset, ire adversus eum, brevem illi latitiam, quâ exsultet, facturum.* Et Romæ quidem quum luctus ingens ex præterito, tum timor in futurum erat. Consul, ex Samnio in Lucanos transgressus, ad Numistrone in conspectu Hannibalis loco plano, quum Pœnus collem teneret, posuit castra. Addidit & aliam fidentis speciem, quod prior in aciem eduxit. nec detrectavit Hannibal, ut signa portis efferri vidit. Ita tamen aciem instruxerunt, ut Pœnus dextrum cornu in collem erigeret, Romani sinistrum ad oppidum applicarent. Ab hora tertia quum ad noctem pugnam extendissent, fessæque pu-

quando primæ acies essent, ab Romanis prima legio & dextera ala, ab Hannibale Hispani milites & funditor Baliaris, elephanti quoque, commisso jam certamine in prælium acti. Diu pugna neutro inclinata stetit. Primæ legioni tertia, dexterae alae sinistra subiit, & apud hostes integri à fessis pugnam accepere. Novum atque atrox prælium ex tam segni repente exarsit, recentibus animis corporibusque: sed nox incertâ victoriâ diremit pugnantes. Postero die Romani ab sole orto in multum diei stetero in acie: ubi nemo hostium adversus prodiit, spolia per otium legere, & congestos in unum locum cremavere suos. Nocte insequenti Hannibal silentio movit castra, & in Apuliam abiit: Marcellus, ubi lux fugam hostium aperuit, faucibus cum præsidio modico Numistrone relictis, præpositoque his L. Furio Purpureone tribuno militum, vestigiis institit sequi. Ad Venusiam adeptus cum est. Ibi per dies aliquot quum ab stationibus procurfaretur, mixta equitum peditumque tumultuosa magis prælia, quàm magna, & ferme omnia Romanis secunda fuerunt. Inde per Apuliam ducti exercitus sine ullo memorando certamine; quum Hannibal nocte signa moveret, locum insidiis quærens; Marcellus, nisi certâ luce, & explorato antè, non sequeretur.

III. Caput interim Flaccus dum bonis principum vendendis, agro, qui publicatus fuerat, locando (locavit autem omnem frumento) tempus terit; ne defset materia in Campanos sæviendi, novum in occulto gliscens per indicium protractum est facinus. Milites ædificiis emotos, simul ut cum agro testâ urbis fruenta locarentur, simul metuens, ne suum quoque exercitum, sicut Hannibalis, nimia urbis amœnitas emolli-  
ret, in portis murisque sibimet ipsos testâ militariter coëgerat ædificare. erant autem pleraque ex cratibus aut tabulis facta, alia arundine texta, stramento intacta omnia, velut de industria, alimentis ignis. Hæc  
noctis

noctis unâ horâ ut omnia incenderent, centum septuaginta Campani, principibus fratribus Blofiis, conjuraverant. indicio ejus rei ex familia Blofiorum factô, portis repentè jussu proconsulis clausis, quum ad arma signo dato milites concurrissent; comprehensî omnes, qui in noxâ erant, & quæstione acriter habitâ, damnati neatique: indicibus libertas, & æris dena millia data. Nucerinis & Acerranis querentes, ubi habitarent, non esse, Acerris ex parte incensîs, Nuceriâ deletâ, Romam Fulvius ad senatum misit. Acerranis permissum, ut ædificarent, quæ incensâ erant: Nucerini Atellam, quia id maluerant, (Atellanis Calatiam migrare jussis) traducti. Inter multas magnasque res, quæ, nunc secundæ, nunc adversæ, occupabant cogitationes hominum, ne Tarentinæ quidem arcis excidit memoria. M. Ogulnius & P. Aquillius in Etruriam legati ad frumentum cœmendum, quod Tarentum portaretur, profecti: & mille milites de exercitu urbano, par numerus Romanorum sociorumque, eodem in præsidium cum frumento missi sunt.

IV. Jam æstas in exitu erat, comitiorumque consularium instabat tempus. sed literæ Marcelli, negantis à republica esse, vestigium abscedi ab Hannibale, cui cedenti certamenque abnuenti gravis ipse instaret, curam injecerant, ne aut consulem, tum maximè res agentem, à bello avocarent, aut in annum consules decessent. Optimum visum est, quanquam extra Italiam esset, Valerium potiùs consulem ex Sicilia revocari. Ad eum literæ jussu senatûs ab L. Manlio prætore urbis missæ, cum literis consulis M. Marcelli: ut ex iis nosceret, quæ causa Patribus eum potiùs, quàm collegam, revocandi ex provincia esset. Eo ferè tempore legati ab rege Syphace Romam venerunt, quæ: is prospera prœlia cum Karthaginensibus fecisset, memorantes. *Regem nec inimiciorem ulli populo, quàm Karthaginensi, nec amiciorem, quàm Romano, affirmabant.*

*esse. misisse cum antea legatos in Hispaniam ad Ca. & P. Cornelios, imperatores Romanos. nunc ab ipso velut fonte petere Romanam amicitiam voluisse.* Senatus non legatis modo benignè respondit, sed & ipse legatos cum donis ad regem misit, L. Genucium, P. Pœtelium, P. Popillium. Dona tulerè, togam, & tunicam purpuream, sellam eburneam, pateram ex quinque pondo auri factam. Protinus & alios Africæ regulos iussi adire, iis quoque quæ darentur, portata, togæ prætextæ, & terna pondo patere aureæ. Et Alexandriam ad Ptolemæum Cleopatramque reges M. Atilius & M. Acilius legati, ad commemorandam renovandamque amicitiam missi, dona tulere, regi togam & tunicam purpuream cum sella eburnea: reginæ pallam pictam cum amiculo purpureo. Multa eâ æstate, quâ hæc facta sunt, ex propinquis urbibus agrisque nunciata sunt prodigia; Tusculi agnum cum ubere lactenti natum: Jovis ædis fulmen fulmine ictum, ac propè omni testè nudatum: iisdem ferme diebus, Anagninæ terram ante portam ictam, diem ac noctem sine ullo ignis alimento arsisse: & aves, ad compitum Anagninum, in luco Dianæ nidos in arboribus reliquisse: Tarracinæ in mari haud procul portu angues magnitudinis miræ, lascivientium piscium modo exfultasse: Tarquiniis porcum cum ore humano genitum: & in agro Capenate, ad lucum Feroniæ, quatuor signa sanguine multo diem ac noctem sudasse. Hæc prodigia hostiis majoribus procurata decreto pontificum: & supplicatio diem unum Romæ ad omnia pulvinaria, alterum, in Capenate agro, ad Feroniæ lucum, indicta.

V. M. Valerius consul literis excitus, provinciâ exercituque mandato Cincio prætori, M. Valerio Messallâ præfecto, classis cum parte navium in Africam prædatum simul speculatumque, quæ populus Karthaginienſis ageret pararetque, misso, ipse decem navibus Romam profectus quum prospere pervenisset, senatum

datum extemplo habuit. ibi de suis rebus gestis commemoravit. *Quum annos prope sexaginta in Sicilia terræ marique sæpe magnis cladibus bellatum esset, se eam provinciam confecisse. neminem Karthaginensem in Sicilia esse: neminem Siculum, qui metu inde fugati afuerint, non esse: annos in urbes, in agros suos reductos, arare, serere: desertam recoli tandem terram, frugiferam ipsis cultoribus, populoque Romano pace ac bello fidissimum annona subsidium. Exin Mutine, & si quorum aliorum merita erga populum Romanum erant, in senatum introductis, honores omnibus, ad exsolvendam fidem à consule, habitis. Mutines etiam civis Romanus factus, rogatione ab tribuno plebis, ex auctoritate Patrum, ad plebem latâ. Dum hæc Romæ geruntur, M. Valerius Messalla quinquaginta navibus quum ante lucem ad Africam accessisset, improvisò in agrum Uticensem exscensionem fecit: eumque latè depopulatus, multis mortalibus cum alia omnis generis præda captis, ad naves rediit, atque in Siciliam transmisit: tertiedecimo die, quàm profectus inde erat, Lilybæum relictus. Ex captivis, quaestione habitâ, hæc comperta, consuli que Lævino omnia ordine perscripta, ut sciret, quo in statu res Africæ essent. Quinque millia Numidarum cum Masinissa, Gale filio, acerrimo juvene, Karthagine esse; & alios per totam Africam milites mercede conducere, qui in Hispaniam ad Hasdrubalem trajicerentur: ut is, quàm maximo exercitu primo quoque tempore in Italiam transgressus, jungeret se Hannibali. in eo positam victoriam credere Karthaginenses. Classem præterea ingentem apparari ad Siciliam repetendam, eamque se credere brevi trajeturam. Hæc recitata à consule ita movere senatum, ut non expectanda comitia consuli censerent, sed dictatorem comitiorum habendum causâ dici, & extemplo in provinciam redeundum. Illa disceptatio tenebat, quòd consul in Sicilia se M. Valerium Messallam, qui tum classi præset, dictatorem dicturum esse aiebat: Patres extra Romanum*



agrūm (cum autem in Italia terminari) negabant dictatorem dici posse. M. Lucretius tribunus plebis quum de ea re consuleret, ita decrevit senatus, *Ut consul prius, quam ab urbe discederet, populum rogaret, quem dictatorem dici placeret; eumque, quem populus jussisset, diceret dictatorem. Si consul nolisset, prator populum rogaret: si ne, is quidem vellet, tum tribuni ad plebem ferrent.* Quum consul se populum rogaturum negasset, quod suæ potestatis esset, prætoremque vetuisset rogare; tribuni plebis rogârunt, plebesque scivit, ut Q. Fulvius, qui tum ad Capuam erat, dictator diceretur. sed, quo die id plebis concilium futurum erat, consul clam nocte in Siciliam abiit: destitutique Patres literas ad M. Claudium mittendas censuerunt, ut desertæ ab collega reipublicæ subveniret, diceretque, quem populus jussisset, dictatorem. Ita à M. Claudio consule Q. Fulvius dictator dictus, & ex eodem plebiscito & ab Q. Fulvio dictatore P. Licinius Crassus pontifex maximus magister equitum dictus.

VI. Dictator postquam Romam venit, Cn. Sempromium Blæsum legatum, quem ad Capuam habuerat, in Etruriam provinciam ad exercitum misit, in locum C. Calpurnii prætoris; quem, ut Capuæ exercituique suo præesset, literis excivit. Ipse comitia, in quem diem primum potuit, edixit: quæ, certamine inter tribunos dictatoremque injecto, perfici non potuerunt. Galæxia juniorum, quæ sorte prærogativa erat, Q. Fulvium & Q. Fabium consules dixerat, eodemque jure vocatæ inclinassent, ni tribuni plebis C. & L. Arennii se interposuissent: qui, *neque magistratum continuari sat is civile esse, aiebant; & multo fœdioris exempli, eum ipsum creari, qui comitia haberet.* Itaque, si suum nomen dictator acciperet, se comitiis intercessuros: si aliorum, præterquam ipsius, ratio haberetur, comitiis se moram non facere. Dictator causam comitiorum auctoritate senatus, plebiscito, exemplis tutabatur. Namque, Cn. Servilio consule, quum

G. Fla-

**C. Flaminius** alter consul ad *Trasimenum* cecidisset, ex auctoritate Patrum ad plebem latum, plebemque scivisse, ut, quoad bellum in Italia esset, ex iis, qui consules fuissent, quos & quoties vellet, reficiendi consules populo jus esset. exemplumque eam in rem se habere vetus **L. Postumii Megelli**, qui interrex iis comitiis, quæ ipse habuisset, consul cum **C. Junio Bubulco** creatus esset; recens **Q. Fabii**, qui sibi continuari consulatum, nisi id bono publico fieret, profectum nunquam sivisset. His orationibus quum diu certatum esset, postremò ita inter dictatorem ac tribunos convenit, ut eo, quod censuisset senatus, staretur. Patribus id tempus reipublicæ visum est, ut per veteres, & expertos, bellicque peritos imperatores reipublica gereretur. itaque moram fieri comitiis non placere. Concedentibus tribunis, comitia habita. Declarati consules **Q. Fabius Maximus** quintum, **Q. Fulvius Flaccus** quartum. Prætores inde creati, **L. Veturius Philo**, **T. Quinctius Crispinus**, **C. Hostilius Tubulus**, **C. Aurunculeius**. Magistratibus in annum creatis, **Q. Fulvius** dictaturam se abdicavit. Extremo ætatis hujus classis Punica navium quadraginta, cum præfecto **Hamilcare** in Sardiniam trajecta, **Olbiensem** primò, dein, postquam ibi **P. Manlius Vulso** prætor cum exercitu apparuit, circumacta inde ad alterum insulæ latus, **Caralitani** agrum vastavit, & cum præda omnis generis in Africam rediit. Sacerdotes Romani eo anno mortui aliquot suffectique. **C. Servilius** pontifex factus in locum **T. Otacili Crassi**. **Ti. Sempronius Ti. F. Longus** augur factus in locum **T. Otacili Crassi**. Decemvir item sacris faciundis in locum **Ti. Semproni C. F. Longi Ti. Sempronius Ti. F. Longus** suffectus. **M. Marcius** rex sacrorum mortuus est, & **M. Æmilius Pa-**  
**pus maximus curio.** neque in eorum locum sacerdotes eo anno suffecti. Et censores hic annus habuit **L. Veturium Philonem** & **P. Licinium Crassum**, maximum ponti-

pontificem. Crassus Licinius nec consul, nec prætor antè fuerat, quàm censor est factus. ex ædilitate gradum ad censuram fecit. Sed hi censores neque senatum legerunt, nec quicquam publicæ rei egerunt: mors diremit L. Veturii. inde & Licinius censurâ se abdicavit. Ædiles curules L. Veturius & P. Licinius Varus ludos Romanos diem unum instaurârunt. Ædiles plebis Q. Catus & L. Porcius Licinus ex multaticio argento signa ænea ad Cereris dedere: & ludos, pro temporis ejus copia, magnifici apparatûs fecerunt.

VII. Exitu anni hujus, die quarto & tricesimo, quàm ab Tarracone profectus erat, C. Lælius legatus Scipionis Romam venit: isque, cum agmine captivorum ingressus urbem, magnum concursum hominum fecit. Postero die in senatum introductus, captam Karthaginem, caput Hispaniæ, uno die, receptasque aliquot urbes, quæ defecissent, novasque in societatem adscitas, exposuit. Ex captivis còmperta his serè congruentia, quæ in literis fuerant M. Valerii Messallæ. Maximè movit Patres Hasdrubalis transitus in Italiam, vix Hannibali atque ejus armis subsistentem. Productus & in concionem Lælius eadem edisseruit. Senatus ob res feliciter à P. Scipione gestas supplicationem in unum diem decrevit. C. Lælium primo quoque tempore, cum quibus venerat navibus, redire in Hispaniam jussit. Karthaginis expugnationem in hunc annum contuli, multis auctoribus; haud nescius, quosdam esse, qui anno insequenti captam tradiderint: quod mihi minùs simile veri visum est, annum integrum Scipionem nihil gerundo in Hispania consumpsisse. Q. Fabio Maximo quintum, Q. Fulvio Flaccò quartum consulibus, Idibus Martiis, quo die magistratum inierunt, Italia ambobus provincia decreta; regionibus tamen partitum imperium: Fabius ad Tarentum, Fulvius in Lucanis ac Brutiis, rem gereret. M. Claudio prorogatum in annum imperium. Prætores

res sortiti provincias: C. Hostilius Tubulus urbanam, L. Veturius Philo peregrinam cum Gallia, T. Quinctius Crispinus Capuam, C. Aurunculeius Sardiniam. Exercitus ita per provincias divisi. Fulvio duæ legiones, quas in Sicilia M. Valerius Lævinus haberet: Q. Fabio, quibus in Etruria C. Calpurnius præfuisset, decretæ. Exercitus urbanus ut in Etruriam succederet: C. Calpurnius eidem præflect provinciae exercituique: Capuam exercitumque, quem Q. Fulvius habuisset, T. Quinctius obtineret. C. Hostilius ab C. Lætorio proprætoris provinciam exercitumque, qui tum jam Arimini erat, acciperet. M. Marcello, quibus consul bene rem gesserat, legiones decretæ. M. Valerio cum L. Cincio (his quoque est enim prorogatum in Sicilia imperium) Cannensis exercitus datus: eumque supplere ex militibus, qui ex legionibus Cn. Fulvii superessent, iussi. Conquisitos eos consules in Siciliam miserunt: additaque eadem militiæ ignominia, sub qua Cannenses militabant, quique ex prætoris Cn. Fulvii exercitu, ob similis iram fugæ, missi eò ab senatu fuerant. C. Aurunculeio eadem in Sardinia legiones, quibus P. Manlius Vulso eam provinciam obtinuerat, decretæ. P. Sulpicio, eadem legione, eademque classe Macedoniam obtinere iusso, prorogatum in annum imperium. triginta quinqueremes ex Sicilia Tarentum ad Q. Fabium consulem mitti iussæ: cetera classe prædatum in Africam aut ipsum M. Valerium Lævinum trajicere; aut mittere, seu L. Cincium, seu M. Valerium Messallam. Nec de Hispania quicquam mutatum, nisi quòd non in annum Scipioni Silanoque, sed donec revocati ab senatu forent, prorogatum imperium est. Ita provinciarum exercitumque in eum annum partita imperia.

VIII. Inter majorum rerum curas comitia maximi curionis, quum in locum M. Æmilii sacerdos crearetur, vetus excitaverunt certamen; patriciis negantibus

bus C. Mamili Vituli, qui unus ex plebe petebat, habendam rationem esse, quia nemo ante eum, nisi ex Patribus, id sacerdotium habuisset. Tribuni appellati ad senatum rejecerunt. Senatus populi potestatem fecit. Ita primus ex plebe creatus maximus curio C. Mamilius Vitulus. Et flaminem dialem invitum inaugurari coëgit P. Licinius pontifex maximus C. Valerium Flaccum. Decemvir sacris faciundis creatus in locum Q. Mucii Scævolarum demortui C. Lætorius. Causam inaugurari coacti flaminis libens reticuissem, ni ex mala fama in bonam vertisset. Ob adolescentiam negligentem luxuriosamque C. Flaccus flamen captus à P. Licinio pontifice maximo erat, L. Flacco fratri germano cognatisque aliis ob eadem vitia invisus. Is, ut animum ejus cura sacrorum & ceremoniarum cepit, ita repente exiit antiquos mores, ut nemo totâ juventute haberetur prior, nec probatior primoribus Patrum, suis pariter alienisque, esset. Hujus famæ consensu elatus ad justam fiduciam sui, rem intermissam per multos annos ob indignitatem flaminum priorum repetivit, ut in senatum introiret. Ingressum eum curiam quum L. Licinius prætor inde eduxisset, tribunos plebis appellavit flamen. Vetustum jus sacerdotiæ petebat: datum id cum toga prætexta, & sella curuli, & flaminio esse. Prætor, non exoletis vetustate annalium exemplis stare jus, sed recentissimæ cujusque consuetudinis usu, volebat: nec patrum nec avorum memoriâ dialem quenquam id jus usurpasse. Tribuni, rem inertiam flaminum oblitteratam ipsis, non sacerdotio, damno fuisse, quum æquum censuissent, ne ipso quidem contra tendente prætore, magno assensu Patrum plebisque, flaminem in senatum introduxerunt; omnibus ita existimantibus, magis sanctitate vitæ, quam sacerdotii jure, rem eam flaminem obtinuisse. Consules prius, quàm in provincias irent, duas urbanas legiones; in supplementum, quantum opus erat ceteris

exere

exercitibus militum, scripserunt. Urbanum veterem exercitum Fulvius consul C. Fulvio Flacco legato (frater hic consulis erat) in Etruriam dedit ducendum, & legiones, quæ in Etruria erant, Romam deducendas. Et Fabius consul reliquias exercitus Fulviani conquistatus (fuere autem ad tria millia trecenti triginta sex) Q. Maximum filium ducere in Siciliam ad M. Valerium proconsulem iussit: atque ab eo duas legiones & triginta quinquereemes accipere. Nihil hæc eduçtæ ex insula legiones minuerunt nec viribus nec specie ejus provinciæ præsidium. nam quum, præter egregiè suppletas duas veteres legiones, transfugarum etiam Numidarum equitum peditumque magnam vim haberet, Siculos quoque, qui in exercitu Epicydis aut Pœnorum fuerant, belli peritos viros, milites scripsit. Ea externa auxilia quum singulis Romanis legionibus adjunxisset, duorum speciem exercituum servavit: altero L. Cincium partem insulæ, quâ regnum Hieronis fuerat, tueri iussit; altero ipse ceteram insulam tuebatur, divisam quondam Romani Punicique imperii finibus; classe quoque navium septuaginta partitâ, ut omni ambitu litorum præsidia oræ maritimæ essent. Ipse cum Mutinis equitatu provinciam peragrabat, ut videret agros, cultaque ab incultis notaret, & perinde dominos laudaret castigaretque. Ita tantum eâ curâ frumenti provenit, ut & Romam mitteret, & Catanam conveheret, unde exercitui, qui ad Tarentum æstiva acturus esset, posset præberi.

IX. Ceterum transportati milites in Siciliam (& erant major pars Latini nominis sociorumque) prope magni motus causa fuere: adeo ex parvis sæpe magnarum momenta rerum pendent. Fremitus enim inter Latinos sociosque in conciliis ortus: *Decimum annum delectibus, stipendiis exhaustos esse. quotannis ferme clade magnâ pugnare. Alios in acie occidi, alios morbo absumi: magis perire sibi civem, qui ab Romano miles lectus sit,*  
quod

quàm qui à Pæno captus. quippe ab hoste gratis remitti in patriam; ab Romanis extra Italiam in exsilium veriùs, quàm in militiam, ablegari. Octavum jam ibi annum senescere Cannensem militem, moriturum autè, quàm Italià hostis (quippe nunc quum maximè florens viribus) excedat. Si veteres milites non redeant in patriam, novi legantur, brevi neminem superfuturum. Itaque, quod propediem res ipsa negatura sit, priusquam ad ultimam solitudinem atque egestatem perveniant, negandum populo Romano esse. Si consentientes in hoc socios videant Romani, profectò de pace cum Karthaginensibus iungenda cogitatuuros. aliter nunquam, vivo Hannibale, sine bello Italiam fore. Hæc acta in conciliis. Triginta tum coloniæ populi Romani erant. ex iis duodecim, quum omnium legationes Romæ essent, negaverunt consulibus esse, unde milites pecuniamque darent. Eæ fuere Ardea, Nepete, Sutrium, Alba, Carseoli, Cora, Sueffa, Circeji, Setia, Cales, Narnia, Interamna. Novâ re consules isti, quum abstertere eos à tam detestabili consilio vellent, castigando increpandoque plus, quàm leniter agendo, profecturos rati, eos ausos esse consulibus dicere, aiebant, quod consules, in senatu ut pronunciarent, in animum inducere non possent. non enim detractionem eam munerum militiæ, sed apertam defectionem à populo Romano esse. Redirent itaque propere in colonias, et, tanquam integrâ re, locuti magis, quàm ausi, tantum nefas, cum suis consulerent. admonerent, non Campanos, neque Tarentinos eos esse, sed Romanos; inde oriundos, inde in colonias atque in agrum bello captum stirpis augenda causâ, missos: quæ liberi parentibus deberent, ea illos Romanis debere, si ulla pietas, si memoria antiqua patria esset. Consulerent igitur de integro. nam, tum quidem quæ temere agidissent, ea prodendi imperii Romani, tradenda Hannibali victoria esse. Quum alternis hæc consules diu jactassent, nihil moti legati, neque se, quod domum renunciarent, habere dixerant, neque senatum suum, quid novi consuleret, ubi nec miles, qui legeretur, nec pecunia, quæ daretur in stipendium, esset. Quum obsti-

obstinatos eos viderent consules, rem ad senatum detulerunt. ubi tantus pavor animis omnium est injectus, ut magna pars, *actum de imperio*, diceret. *idem alias colonias facturas; idem socios consensisse omnes, ad prodendam Hannibali urbem Romanam.*

X. Consules hortari & consolari senatum, & dicere, *Alias colonias in fide atque officio pristino fore, eas quoque ipsas, quæ officio decessissent, si legati circa eas colonias mittantur, qui castigent, non qui precentur, verecundiam imperii habituras esse.* Permissum ab senatu iis quum esset, agerent, facerentque, ut è republica ducerent; pertentatis prius aliarum coloniarum animis, citaverunt legatos, quæsiweruntque ab iis, *ecquid milites ex formula paratos haberent?* Pro duodeviginti coloniis M. Sextilius Fregellanus respondit: *& milites ex formula paratos esse: & si pluribus opus esset, plures duros: & quicquid aliud imperaret velletque populus Romanus, enisè facturos. ad id sibi neque opes deesse, animum etiam superesse.* Consules, sibi parum videri, præfati, pro merito eorum, suâ voce collaudari eos, nisi universi Patres iis in curia gratias egissent, sequi in senatum iusserunt. Senatus, quàm poterat honoratissimo decreto allocutus eos, mandat consulibus, ut ad populum quoque eos producerent, & inter multa alia præclara, quæ ipsis majoribusque suis præstitissent, recens etiam meritum eorum in rempublicam commemorarent. Ne nunc quidem post tot secula fileantur, fraudenturve laude suâ, Signini fuere, & Norbani, Saticulani, & Brundisini, & Fregellani, & Lucerini, & Venusini, & Hadriani, & Firmani, & Ariminenses: & ab altero mari, Poptiani, & Pæstani, & Cosani: & mediterranei, Beneventani, & Æterni, & Spoletini, & Placentini, & Cremonenses. Harum coloniarum subsidio tum imperium populi Romani stetit: iisque gratiæ & in senatu, & ad populum actæ. Duodecim aliarum coloniarum, quæ detractaverunt imperium, mentionem fieri Patres vetuerunt,



tuerunt, neque illos dimitti, neque retineri, neque appellari à consulibus. ea tacita castigatio maximè ex dignitate populi Romani visa est. Cetera expedientibus, quæ ad bellum opus erant, consulibus, aurum viceſimarium, quod in ſanctiore ærario ad ultimos caſus ſervabatur, promi placuit. Prompta ad quatuor milia pondo auri. inde quingena pondo data consulibus, & M. Marcello, & P. Sulpicio proconsulibus, & L. Veturio prætori, qui Galliam provinciam fortitus erat; additumque Fabio consuli centum pondo auri præcipuum, quod in arcem Tarentinam portaretur. cetero uſi ſunt ad veſtimenta præſenti pecuniâ locanda exercitui, qui in Hiſpania bellum ſecundâ ſuâ famâ duciſque gerebat.

XI. Prodigia quoque, priuſquam ab urbe conſules profiſcerentur, procurari placuit. In Albano monte taſta de cœlo erant ſignum Jovis, arborque templo propinqua, & Oſtiz lacus, & Capuæ murus, Fortunæque ædes, & Sinueſſæ murus portaque. Hæc de cœlo taſta. Cruentam etiam fluxiſſe aquam Albanam, quidam auctores erant. Et Romæ intus cellam ædis Fortis Fortunæ de capite ſignum, quod in corona erat, in manus ſponte ſuâ prolapſum. Et Priverni ſatis conſtabat bovem locutum, volturiumque frequenti foro in tabernam devolaſſe, & Sinueſſæ natum ambiguo inter marem at feminam ſexu infantem: quos androgynos vulgus (ut pleraque, faciliore ad duplicanda verba Græco ſermone) appellat: & lacte pluſſe, & cum elephanti capite puerum natum. Ea prodigia hoſtiis majoribus procurata, & ſupplicatio circa omnia pulvinaria, & obſecratio in unum diem indiſta: & decretum, ut C. Hoſtilius prætor ludos Apollini, ſicut hiſ annis voti faſtiſque erant, voveret faceretque. Per eos dies & cenſoribus creandis Q. Fulvius conſul comitia habuit. Creati cenſores, ambo qui nondum conſules fuerant, M. Cornelius Cethegus, P. Sempronius Tudic

**Tuditanus.** Hi censores, ut agrum Campanum fruentum locarent, ex auctoritate Patrum latum in plebem est, plebesque scivit. Senatus lectionem contentio inter censores de principe legendo tenuit. Sempronii lectio erat: ceterum Cornelius morem traditum à patribus sequendum aiebat. ut, qui primus censor ex iis, qui viverent, fuisset, eum principem legerent: is T. Manlius Torquatus erat. Sempronius, cui Dii sortem legendi dedissent, ei jus liberum eosdem dedisse Deos. Se id suo arbitrio facturum: lecturumque Q. Fabium Maximum, quem tum principem Romane civitatis esse, vel Hannibale iudice, victurus esset. Quum diu certatum verbis esset, concedente collegà, lectus à Sempronio princeps in senatu Q. Fabius Maximus consul: inde alius lectus senatus, octo præteritis, inter quos L. Cæcilius Metellus erat, infamis auctor deferendæ Italiæ post Cannensem cladem. In equestribus quoque notis eadem servata causa. sed erant perpauca, quos ea infamia attingeret. Illis omnibus (& multi erant) adempti equi, qui Cannensium legionum equites in Sicilia erant. addiderunt acerbitati etiam tempus, ne præterita stipendia procederent iis, qui equo publico emeruerant, sed dena stipendia equis privatis facerent. Magnum præterea numerum eorum conquisiverunt, qui equo merere deberent: atque ex iis, qui principio ejus belli septemdecim annos nati fuerant, neque militaverant, omnes ærarios fecerunt. Locaverunt inde reficienda, quæ circa forum incendio consumpta erant, septem tabernas, macellum, atrium regium.

**XII.** Transactis omnibus, quæ Romæ agenda erant, consules ad bellum profecti. Prior Fulvius prægressus Capuam. Post paucos dies consecutus Fabius; qui & collegam coràm obtestatus, & per literas Marcellum, ut quàm acerrimo bello detineret Hannibalem, dum ipse Tarentum oppugnaret: eâ urbe ademptâ hosti jam vadique pulso, nec ubi consisteret, nec quid fidum respiceret

spiceret habenti, ne remorandi quidem causam in Italia fore. Rhegium etiam nuncium mittit ad præfectum præsidii, quod ab Lævino consule adversus Bruttios ibi locatum erat, octo millia hominum: pars maxima ab Agathyrna (sicut antea dictum est) ex Sicilia traducta, raptò vivere hominum adfectorum. additi erant Bruttiorum indidem perfugæ, & audaciâ & audendi omnia necessitatibus pares. Hanc manum ad Bruttium primum agrum depopulandum duci jussit, inde ad Cauloniam urbem oppugnandam. Imperata non impigre solum, sed etiam avidè, exsecuti, direptis fugatisque cultoribus agri, summâ vi urbem oppugnabant. Marcellus, & consulis literis excitus, & quia ita in animum induxerat, neminem ducem Romanum tam parem Hannibali, quàm se, esse, ubi primum in agris pabuli copia fuit, ex hibernis profectus, ad Canusium Hannibali occurrit. Sollicitabat ad defectionem Canusinos Pœnus. ceterum, ut appropinquare Marcellum audivit, castra inde movit. Aperta erat regio, sine ullis ad insidias latebris; itaque in loca saluosa cedere inde cœpit. Marcellus vestigiis instabat, castraque castris conferebat: &, opere perfecto, extemplo in aciem legiones educebat. Hannibal, turmatim per equites peditumque jaculatores levia certamina serens, casum universæ pugnæ non necessariū ducebat. tractus est tamen ad id, quod vitabat, certamen. Noctē prægressum assequitur locis planis ac patentibus Marcellus. castra inde ponentem, pugnando undique in munitores, operibus prohibet. Ita signa collata, pugnatumque totis copiis: &, quum jam nox instaret, Marte æquo discessum est. castra, exiguo distantia spatio, raptim ante noctem permunita. Postero die luce primâ Marcellus in aciem copias eduxit. nec Hannibal detrectavit certamen, multis verbis adhortatus milites, *ut, memores Trasimeni Cannarumque, constanderent ferociam hostis. urgere atque instare eum. non iter quietos*

*quietos facere, non castra ponere pati, non respirare aut circumspicere. quotidie simul orientem solem & Romanam aciem in campis videndam esse. Si uno praelio baud incruentus abeat, quietius deinde tranquilliusque cum bellaturum. His irritati adhortationibus, simulque tædio ferociæ hostium quotidie instantium laceffentiumque, acriter praelium ineunt. Pugnatum amplius duabus horis est. cedere inde ab Romanis dextra ala & extraordinarii cœpere. Quod ubi Marcellus vidit, duodevicesimam legionem in primam aciem inducit. Dum alii trepidi cedunt, alii segniter subeunt, turbata tota acies est, dein prorsus fusa; &, vincente pudorem metu, terga dabant. Cecidere in pugna fugaque ad duo millia & septingenti civium sociorumque: in his quatuor Romani centuriones, duo tribuni militum, M. Licinius & M. Helvius. Signa militaria quatuor de ala, prima quæ fugit; duo de legione, quæ cedentibus sociis successerat, amissa.*

XIII. Marcellus, postquam in castra reditum est, concionem adeo sævam atque acerbam apud milites habuit, ut praelio, per diem totam infelicitè tolerato, tristior iis irati ducis oratio esset. *Diis immortalibus, ut in tali re, laudes gratesque, inquit, ago, quòd victor hostis, cum tanto pavore incidentibus vobis in vallum portasque, non ipsa castra est aggressus. deseruissetis profectò eodem terrore castra, quo omisistis pugnam. Qui pavor hic? qui terror? qua repente, qui, & cum quibus pugnaretis, oblivio animos cepit? nempe iidem sunt hi hostes, quos vincendo & victos sequendo priorem astatem absumpsistis; quibus dies noctesque fugientibus per hos dies institistis; quos levibus praeliis fatigastis; quos hesterno die nec iter facere, nec castra ponere passi estis. Omitto ea, quibus gloriari potestis: cuius & ipsius pudere ac pænitere vos oportet, referam. nempe, aquis manibus hesterno die diremistis pugnam. Quid hac nox, quid hic dies attulit? vestra his copia imminuta sunt, an illorum auxilia?*

*aucta? Non equidem mihi cum exercitu meo loqui videor, nec cum Romanis militibus. corpora tantum atque arma eadem sunt. An, si eosdem animos habuissetis, terga vestra vidisset hostis? signa alicui manipulo aut cohorti abstulisset? Adhuc caesis Romanis legionibus gloriabatur. vos illi hodierno die primum fugati exercitus dedistis decus. Clamor inde ortus, ut veniam ejus dici daret; ubi vellet, deinde experiretur militum suorum animos. Ego verò experiar, inquit, milites: & vos crastino die in aciem educam, ut viatores potius, quàm victi, veniam impetretis, quam petitis. Cohortibus, quæ signa amiserant, hordecum dari jussit: centurionesque manipulorum, quorum signa amissa fuerant, destitutis gladiis discinctos destituit; & ut postero die omnes, equites, pedites, armati adessent, edixit. Ita concio dimissa fatentium, jure ac merito sese increpitos; neque illo die virum quenquam in acie Romana fuisse, præter unum ducem: cui aut morte satisfaciendum, aut egregià victorià esset. Postero die ornati armatique ad edictum aderant. Imperator eos collaudat, pronunciatque, à quibus orta pridie fuga esset, cohortesque, quæ signa amisissent, se in primam aciem inducturum. edicere jam sese, omnibus pugnandum ac vincendum esse: & adnitendum singulis universisque, ne prius hesternæ fugæ, quàm hodiernæ victoriæ, fama Romam perveniat. Inde cibo corpora firmare jussi, ut, si longior pugna esset, viribus sufficerent. Ubi omnia dicta factaque sunt, quibus excitarentur animi militum, in aciem procedunt.*

XIV. Quod ubi Hannibali nunciatum est: Cum eo nimirum, inquit, hoste res est, qui nec bonam, nec malam ferre fortunam potest. Seu vicit, ferociter instat victis: seu victus est, instaurat cum victoribus certamen. Signa inde canere jussit, copias educit. Pugnatum utrinque aliquanto, quàm pridie, acrius est: Pœnis ad obtinendum hesternum decus adnitentibus, Romanis ad demendam ignominiam. Sinistra ala ab Romanis & cohortes,

hortes, quæ amiserant signa, in prima acie pugnabant, & legio vicesima ab dextro cornu instructa. L. Cornelius Lentulus & C. Claudius Nero legati cornibus præerant, Marcellus mediam aciem, hortator testisque præsens, firmabat. Ab Hannibale Hispani primam obtinebant frontem, & id roboris in omni exercitu erat. Quum anceps diu pugna esset, Hannibal elephantos in primam aciem induci iussit, si quem injicere ea res tumultum ac pavorem posset. Et primò turbârunt signa ordinesque, & partim occulcatis, partim dissipatis terrore, qui circà erant, nudaverant unâ parte aciem. latiusque fuga manâset, ni C. Decimius Flavius tribunus militum, signo arrepto primi hastati, manipulum ejus signi se sequi jussisset. duxit, ubi maximè tumultum conglobatæ belluæ faciebant, pilaque in eas conjici jussit. Hædere omnia tela haud difficili ex propinquo in tanta corpora lectu, & tam confertâ turbâ. sed ut non omnes vulnerati sunt; ita, in quorum tergis infixæ steterè pila, (ut est genus anceps) in fugam versi etiam integros avertère. Tum jam non unus manipulus, sed pro se quisque miles, qui modò assequi agmen fugientium elephantorum poterat, pila conjicere. eo magis ruere in suos belluæ; tantoque majorem stragem edere, quàm inter hostes ediderant, quanto acrius pavor consternatam agit, quàm insidentis magistri imperio regitur. In perturbatam transcursu belluarum aciem signa inferunt Romani pedites: & haud magno certamine dissipatos trepidantesque avertunt. Tum in fugientes equitatum immittit Marcellus, nec antè finis sequendi est factus, quàm in castra paventes compulsi sunt. Nam super alia, quæ terrorem trepidationemque facerent, elephantique duo in ipsa porta corruerant, coactique erant milites per fossam vallumque ruere in castra. ibi maxima hostium cædes facta: cæsa ad octo millia hominum, quinque elephantum. Nec Romanis incruenta victoria fuit. mille ferme & septin-

genti de duabus legionibus, & sociorum supra mille & trecentos occisi: vulnerati permulti civium sociorumque. Hannibal nocte proximâ castra movit. Cupientem insequi Marcellum prohibuit multitudo fauciorum.

XV. Speculatores, qui prosequerentur agmen, missi, postero die retulerunt, Brutios Hannibalem petere. Iisdem serè diebus & ad Q. Fulvium consulem Hirpini, & Lucani, & Volscientes, traditis præsidiiis Hannibalis, quæ in urbibus habebant, dediderunt sese, clementerque à consule, cum verborum tantum castigatione ob errorem præteritum, accepti. Et Bruttii similis spes veniæ facta est: quum ab iis Vibius & Pactius fratres, longè nobilissimi gentis ejus, eandem, quæ data Lucanis erat, conditionem deditionis petentes venissent. Q. Fabius consul oppidum in Salentinis Manduriam vi cepit. ibi ad quatuor millia hominum capta, & ceteræ prædæ aliquantum. Inde Tarentum profectus, in ipsis faucibus portus posuit castra. naves, quas Livius tutandis com meatibus habuerat, partim machinationibus onerat apparatuque mœnium oppugnandorum, partim tormentis & saxis omni que missilium telorum genere instruit, onerarias quoque, non eas solum, quæ remis agerentur; ut alii machinas scalasque ad muros ferrent, alii procul ex navibus vulnerarent mœnium propugnatores. Eæ naves, ab aperto mari ut urbem aggrederentur, instructæ paratæque sunt. Et erat liberum mare, classe Punicâ, quum Philippus oppugnare Ætolos pararet, Corcyram transmissâ. In Bruttiiis interim Caulonis oppugnatores, sub adventum Hannibalis, ne opprimerentur, in tumultum, à præsentî impetu tutum, se recepere. Fabium, Tarentum obsidentem, leve dictu momentum ad rem ingentem potiundam adjuvit. Præsidium Bruttiorum datum ab Hannibale Tarentini habebant. ejus præsidii præfectus deperibat amore mulierculæ, cujus frater in exerci-

exercitu Fabii consulis erat. Is, certior literis sororis factus de nova consuetudine advenæ locupletis, atque inter populares tam honorati, spem nactus per sororem quolibet impelli amantem posse, quid speraret, ad consulem detulit. quæ quum haud vana cogitatio visa esset, pro perfuga iussus Tarentum transire, ac per sororem præfecto conciliatus, primò occultè animum ejus tentando, dein, satis exploratà levitate, blanditiis muliebribus perpulit eum ad proditionem custodiæ loci, cui præpositus erat. Ubi & ratio agendæ rei, & tempus convenit, miles, nocte per intervalla stationum clàm ex urbe emissus, ea, quæ acta erant, quæque ut agerentur, convenerat, ad consulem refert. Fabius vigiliâ primâ, dato signo iis, qui in arce erant, quique custodiam portûs habebant, ipse circuito portu ab regione urbis in orientem versa occultus confedit. Canere inde tubæ simul ab arce, simul à portu & ab navibus, quæ ab aperto mari appulsæ erant; clamorque undique cum ingenti tumultu, unde minimum periculi erat, de industria ortus. Consul interim silentio continebat suos. Igitur Democrates, qui præfectus antea classis fuerat, fortè illo loco præpositus, postquam quieta omnia circa se vidit, alias partes eo tumultu personare, ut captæ urbis interdum excitaretur clamor, veritus ne inter cunctationem suam consul aliquam vim faceret, signaque inferret, præsidium ad arcem, unde maxime terribilis accidebat sonus, traducit. Fabius, quum & ex temporis spatio & ex silentio ipso (quòd, ubi paulo antè strepebant excitantes vocantesque ad arma, inde nulla accidebat vox) deductas custodias sensisset; ferri scalas ad eam partem muri, quâ Bruttiorum cohortem præsidium agitare proditionis conciliator nunciaverat, jubet. Eâ primum est captus murus, adjuvantibus recipientibusque Bruttiis: & transcensum in urbem est. inde & proxima refracta porta, ut frequenti agmine signa inferrentur. Tum,



clamore sublato, sub ortum ferme lucis, nullo obvio armato, in forum perveniunt: omnesque undique, qui ad arcem portumque pugnabant, in se converterunt.

XVI. Prælium in aditu fori majore impetu, quam perseverantiâ, commissum est. non animo, non armis, non arte belli, non vigore aut viribus corporis, par Romano Tarentinus erat. Igitur, pilis tantum conjectis, prius penè, quam conficerent manus, terga dederunt, disapsique per nota urbis itinera in suas amicorumque domos. Duo ex ducibus Nico & Democrates fortiter pugnantes cecidere. Philæmenus, qui proditiōis ad Hannibalem auctor fuerat, quum citato equo ex prælio avectus esset; vagus paulo post equus errans per urbem cognitus; corpus nusquam inventum est. creditum vulgò est, in puteum apertum ex equo præcipitasse. Karthalonem autem, præfectum præsidii Punici, cum commemoratione paterni hospitii, positis armis, venientem ad consulem, miles obvi-  
us obtruncat. Alii alios passim sine discrimine armatos, inermes, cædunt, Karthaginieneses Tarentinosque pariter. Bruttii quoque multi interfecti, seu per errorem, seu vetere in eos insito odio, seu ad proditiōis famam (ut vi potius atque armis captum Tarentum videretur) exstinguendam. Tum ab cæde ad diripiendam urbem discursum. millia triginta servilium capitum dicuntur capti: argenti vis ingens facti signati-  
que: auri octoginta tria millia pondo: signa tabulæ-  
que, propè ut Syracusarum ornamenta æquaverint. Sed majore animo generis ejus prædâ abstinuit Fabius, quàm Marcellus; qui interroganti scribæ, quid fieri signis vellet, (ingentis magnitudinis Dii sunt, suo quisque habitu in modum pugnantiū formati) *Deos iratos Tarentinis relinqui* jussit. Murus inde, qui urbem ab arce dirimebat, dirutus est ac disiectus. Dum hæc Tarenti aguntur, Hannibal iis, qui Cauloniam obsidebant, in deditionem acceptis, audita oppugnatione  
Taren-

Tarenti, dies noctesque cursim agmine asto, quum, festinans ad opem ferendam, captam urbem audisset; *Et Romani, inquit, suum Hannibalem habent. eadem, quæ ceperamus, arte Tarentum amisimus.* Ne tamen fugientis modo convertisse agmen videretur, quo constituerat loco, quinque millia ferme ab urbe posuit castra. ibi paucos moratus dies, Metapontum sese recepit. inde duos Metapontinos cum literis principum ejus civitatis ad Fabium Tarentum mittit, fidem ab consule accepturos, impunita iis priora fore, si Metapontum ei cum præsidio Punico prodidissent. Fabius, veræ, quæ afferrent, esse ratus, diem, quæ accessurus esset Metapontum, constituit: literasque ad principes dedit, quæ ad Hannibalem delatæ sunt. Enimvero lætus successu fraudis, si ne Fabius quidem dolo invictus fuisset, haud procul Metaponto insidias ponit. Fabio auspicanti prius, quàm egrederetur ab Tarento, aves semel atque iterum non addixerunt. hostiæ quoque cæsâ confusenti Deos aruspex, cavendum à fraude hostili & ab insidiis, prædixit. Metapontini, postquam ad constitutam non venerat diem, remissi, ut cunctantem hortarentur, repente comprehensi, metu gravioris questionis, detegunt insidias.

XVII. Æstatis ejus principio, quæ hæc agebantur, P. Scipio in Hispania quum hiemem totam reconciliandis barbarorum animis, partim donis, partim remissione obsidum captivorumque, absumpsisset; Edesco ad eum, clarus inter duces Hispanos, venit. Erant conjux liberique ejus apud Romanos. sed præter eam causam etiam velut fortuita inclinatio animorum, quæ Hispaniam omnem averterat ad Romanum à Punico imperio, traxit eum. Eadem causa Indibili Mandonioque fuit, haud dubiè omnis Hispaniæ principibus, eum omni popularium manu, relicto Hasdrubale, secedendi in imminentes castris ejus tumulos, unde per continentia juga tutus receptus ad Romanos esset. Hasdruba-

drubal, quum hostium res tantis augescere incrementis cerneret, suas imminui, ac fore, ut, nisi audendo aliquid moveret, quâ cœpissent, fluerent, dimicare quàm primùm statuit. Scipio avidior etiam certaminis erat, quum à spe, quam successus rerum augebat; tum quòd priùs, quàm jungerentur hostium exercitus, cum uno dimicare duce exercituque, quàm simul cum universis, malebat. Ceterum, etiam, si cum pluribus pariter dimicandum foret, arte quâdam copias auxerat. nam quum videret, nullum esse navium usum, quia vacua omnis Hispaniæ ora classibus Punicis erat, subductis navibus Tarracone, navales socios terrestribus copiis addidit. & armorum affatim erat captorum Karthagine, & quæ post captam eam fecerat, tanto opificum numero incluso. Cum iis copiis Scipio, veris principio ab Tarracone egressus, (jam enim & Lælius redierat ab Roma, sine quo nihil majoris rei motum volebat) ducere ad hostem pergit. Per omnia pateata eunti, ut cujusquæ populi fines transiret, prosequentibus excipientibusque sociis, Indibilis & Mandonius cum suis copiis occurrerunt. Indibilis pro utroque locutus, haudquaquam ut barbarus stolidè incautéque, sed potius cum verecunda gravitate: propiorque excusanti transitionem ut necessariam, quàm glorianti eam velut primam occasionem raptam. *Scire enim se, transfuga nomen execrabile veteribus sociis, novis suspectum esse. neque eum se reprehendere morem hominum, si tamen anceps odium causa, non nomen, faciat.* Merita inde sua in duces Karthaginieneses commemoravit, avaritiam contra eorum, superbiamque, & omnis generis injurias in se atque populares. *Itaque corpus duntaxat suum ad id tempus apud eos fuisse: animum jam pridem ibi esse, ubi jus ac fas crederent coli. ad Deos quoque confugere supplices, qui nequeant hominum vim atque injurias pati.* Se id Scipionem orare, ut transitio sibi nec fraudi apud eum, nec honori sit. *quales ex hac die experiundo cognov-*

rit,

*rāt, perinde opera eorum pretium faceret.* Ita prorsus respondet facturum Romanus: nec pro transfugis habiturum, qui non duxerint societatem ratam, ubi nec divini quicquam, nec humani sanctum esset. Productæ deinde in conspectum iis conjuges liberique lacrimantibus gaudio redduntur, atque eo die in hospitium abducti. Postero die fœdere accepta fides; dimissique ad copias adducendas. Iisdem deinde castris tendebant, donec ducibus iis ad hostem perventum est.

XVIII. Proximus Karthaginensium exercitus Hasdrubalis prope urbem Bæculam erat. pro castris equitum stationes habebat. In eas velites antesignanique, & qui primi agminis erant, advenientes ex itinere, priusquam castris locum caperent, adeo contemptim impetum fecerunt, ut faciliè appareret, quid utrique parti animorum esset. In castra trepidâ fugâ compulsi equites sunt: signaque Romana portis propè ipsis illata. Atque illo quidem die, irritatis tantùm ad certamen animis, castra Romani posuerunt. Noste Hasdrubal in tumultum copias recipit, plano campo in summo patentem: fluvijs ab tergo; antè circâque velut ripa præceps oram ejus omnem cingebat. Suberat & altera inferior submissa fastigio planities. eam quoque altera crepido haud facilior in ascensum ambibat. In hunc inferiorem campum postero die Hasdrubal, postquam stantem pro castris hostium aciem vidit, equites Numidas, leviumque armorum Baliares, & Afros dimisit. Scipio, circumvectus ordines signaque, ostendebat, *hostem, prædamnatâ spe æquo dimicandi campo, captantem tumulos, loci fiduciâ, non virtutis armorumque, stare in conspectu. sed altiora mœnia habuisse Karthaginem, qua transcendisset miles Romanus. Nec tumulos, nec arcem, ne mare quidem armis obstitisse suis. ad id fore altitudines, quas cepissent hostes, ut per præcipitia & prærupta salientes fugerent. eam quoque se illis fugam clausurum.* Cohortesque duas, alteram tenere fauces vallis, per quam deferre-

tur amnis, jubet; alteram, viam insidere, quæ ab urbe per tumuli obliqua in agros ferret. ipse expeditos, qui pridie stationes hostium pepulerant, ad levem armaturam, infimo stantem supercilio, ducit. Per aspreta primò, nihil aliud quàm viâ impediti, iere. deinde, ut sub ictum venerunt, telorum primò omnis generis vis ingens effusa est in eos: ipsi contrà, faxa, quæ locus strata passim, omnia ferme missilia, præbet, ingerere, non milites solùm, sed etiam turba calonum immixta armatis. Ceterùm, quanquam ascensus difficilis erat, & propè obruebantur telis faxisque, assuetudine tamen succedendi muros; & pertinaciâ animi, subierunt primi. Qui, simul cepere aliquid æqui loci, ubi firmo consisterent gradu, levem & concursatorem hostem, atque intervallo tutum, quum procul missilibus pugna eluditur, instabilem eundem ad comminus conferendas manus, expulerunt loco, & cum cæde magna in aciem altiori superstantem tumulo impingere. Inde Scipio, jussis adversus mediam evadere aciem victoribus, ceteras copias cum Lælio dividit; atque cum parte dextrâ tumuli circumire, donec mollioris ascensus viam inveniret, jubet. ipse ab læva, circuitu haud magno, in transversos hostes incurrit. Inde primò turbata acies est, dum ad circumsonantem undique clamorem flectere cornua & obvertere ordines volunt. Hoc tumultu & Lælius subiit; &, dum pedem referunt, ne ab tergo vulnerarentur, laxata prima acies, locusque ad evadendum & mediis datus est; qui per tam iniquum locum, stantibus integris ordinibus, elephantisque ante signa locatis, nunquam evasisent. Quum ab omni parte cædes fieret, Scipio, qui lævo cornu in dextrum incucurrerat, maximè in nuda hostium latera pugnabat. Et jam ne fugæ quidem patebat locus. nam & stationes utrinque Romanæ dextrâ lævâque insederant vias: & portam castrorum ducis principumque fuga clauserat; additâ trepidatione elephaa-

phantorum, quos territos æquè atque hostes timebant. Cæsa igitur ad octo millia hominum.

XIX. Hasdrubal jam antè, quàm dimicaret, pecunià raptà, elephantisque præmissis, quàm plurimos poterat, de fuga excipiens, præter Tagum flumen ad Pyrenæum tendit. Scipio, castris hostium potitus, quum præter libera capita omnem prædam militibus concessisset, in recensendis captivis decem millia peditum, duo millia equitum invenit. ex iis Hispanos sine pretio omnes domum dimisit: Afros vendere quæstorem iussit. Circumfusa inde multitudo Hispanorum, & antè deditorum, & pridie captorum, regem cum ingenti consensu appellavit. Tum Scipio, silentio per præconem facto, sibi maximum nomen imperatoris esse, dixit, quo se milites sui appellassent. regium nomen alibi magnum, Romæ intolerabile esse. Regalem animum in se esse, si id in hominis ingenio amplissimum ducerent, tacitè judicarent; vocis usurpatione abstinere. Sensere etiam barbari magnitudinem animi; cujus miraculo nominis alii mortales stupere, id ex tam alto fastigio aspernantis. Dona inde regulis principibusque Hispanorum divisa, & ex magna copia captorum equorum trecentos, quos vellet, eligere Indibilem iussit. Quum Afros venderet: iussu imperatoris quæstor, puerum adultum inter eos formâ insigni, quum audisset regii generis esse, ad Scipionem misit. quem quum percunctaretur Scipio, quis, & cujas, & cur id ætatis in castris fuisset? Numidam esse, ait, Massivam populares vocare. orbem à patre relictum, apud maternum avum Galam, regem Numidaram, eductum, cum avunculo Masinissa, qui nuper cum equitatu subsidio Carthaginensibus venisset, in Hispaniam trajecisse. Prohibitum propter ætatem à Masinissa, nunquam antè prælium iniisse. Eo die, quo pugnatum cum Romanis esset, inscio avunculo, clam armis equoque sumpto, in aciem exisse: ibi, prolapsus equo effusum in præceps, captum ab Romanis esse. Scipio, quum asservari Numidam iussisset, quæ pro tribunali

agenda erant, peragit. inde, quum se in prætorium recepisset, vocatum cum interrogat, *velletne ad Massissam reverti?* Quum, effusus gaudio lacrimis, *cupere* verò, diceret; tum puero anulum aureum, tunicam lato clavo, cum Hispano sagulo & aurea fibula, e-quumque ornatum donat, iussisque proficisci, quoad vellet, equitibus dimisit.

XX. De bello inde consilium habitum. & auctori-bus quibusdam, ut confestim Hasdrubalem conseq-uetur, anceps id ratus, ne Mago atque Hasdrubal cum eo jungerent copias, præsidio tantum ad insidendum Pyrenæum misso, ipse reliquum æstatis recipiendis in fidem Hispaniæ populis absumpsit. Paucis post prælium factum ad Bæculam diebus, quum Scipio, rediens jam Tarraconem, saltu Castulonensi excessisset, Hasdrubal Gisgonis filius & Mago imperatores ex ul-teriore Hispania ad Hasdrubalem venire, serum post malè gestam rem auxilium; consilio in cetera exse-quenda belli haud parum opportuni. Ibi conferenti-bus, quid in cujusque provinciæ regione animorum Hispanis esset, unus Hasdrubal Gisgonis, ultimam Hi-spaniæ oram, quæ ad Oceanum & Gades vergit, igna-ram adhuc Romanorum esse, eoque Karthaginien-sibus satis fidam, censebat. Inter Hasdrubalem alterum & Magonem constabat, *beneficiis Scipionis occupatos omnium animos publicè privatimque esse: nec transitionibus finem aut fore, quàm omnes Hispani milites aut in ultima Hispania a-moti, aut traducti in Galliam forent. Itaque, etiamsi sena-tus Karthaginien-sium non censuisset, eundem tamen Hasdru-bali fuisse in Italiam, ubi belli caput rerumque summa esset; simul, ut Hispanos omnes præcul ab nomine Scipionis ex Hispania abduceret. exercitum ejus, cum transitionibus, tum adver-so prælio imminutum, Hispanis repleti militibus. Et Ma-gonem, Hasdrubali Gisgonis filio tradito exercitu, ipsum cum grandi pecunia ad conducenda mercede auxilia in Bætiæ tra-jicere. Hasdrubalem Gisgonis cum exercitu penitus in Lusitaniam*

*Andam abire, nec cum Romanis manus conferere. Masinisse ex omni equitatu, quod roboris esset, tria millia equitum expleri; cumque vagum per citeriorem Hispaniam sociis opem ferre, hostium oppida atque agros populari. his decretis, ad exsequenda, quæ statuerant, duces digressi. Hæc eo anno in Hispania acta. Romæ fama Scipionis in dies crescere. Fabio Tarentum captum astu magis, quàm virtute, gloriæ tamen esse. Fulvii senescere fama. Marcellus etiam adverso rumore esse, super quàm quod primò malè pugnaverat, quia, vagante per Italiam Hannibale, mediâ æstate Ventusiam in tecta milites abduxisset. Inimicus erat ei C. Publicius Bibulus tribunus plebis. Is jam à prima pugna, quæ adversa fuerat, assiduus concionibus infamem invisumque plebei Claudium fecerat, & jam de imperio abrogando ejus agebat: quum tamen necessarii Claudii obtinuerunt, ut, relicto Venusiæ legato, Marcellus Romam rediret ad purganda ea, quæ inimici decernerent: nec de imperio ejus abrogando, absente ipso, ageretur. Fortè sub idem tempus & Marcellus ad deprecandam ignominiam, & Q. Fulvius consul comitiorum causâ Romam venit.*

XXI. Actum de imperio Marcelli in circo Flaminio est, ingenti concursu plebisque & omnium ordinum. Accusavitque tribunus plebis, non Marcellum modò, sed omnem nobilitatem. *Fraude eorum: & cunctatione fieri, ut Hannibal decimum jam annum Italiam provinciam habeat: diutius ibi, quàm Karthagine, vixerit. Habere fructum imperii prorogati Marcello populum Romanum: bis casum exercitum ejus æstiva Venasia sub telluris agere.* Hanc tribuni orationem ita obruit Marcellus commemorati-  
one rerum suarum, ut non rogatio solùm de imperio ejus abrogando antiquaretur, sed postero die consulem eum ingenti consensu centuriæ omnes crearent. Additur collega T. Quinctius Crispinus, qui tum prætor erat. Postero die prætores creati P. Licinius Crassus



Dives, pontifex maximus, P. Licinius Varus, Sex. Julius Cæsar, Q. Claudius Flamen. Comitiorum ipsorum diebus sollicita civitas de Etruriæ defectione fuit. Principium ejus rei ab Arretinis fieri, C. Calpurnius scripserat, qui eam provinciam pro prætore obtinebat. Itaque confestim eò missus Marcellus, consul designatus, qui rem inspiceret, ac, si digna videretur, exercitu accito, bellum ex Apulia in Etruriam transferret. Eo metu compressi Etrusci quieverunt. Tarentinorum legatis pacem petentibus cum libertate ac legibus suis responsum ab senatu est, ut redirent, quum Fabius consul Romam venisset. Laudi & Romani & plebei eo anno in singulos dies instaurati. Ædiles curules fuere L. Cornelius Caudinus & Ser. Sulpicius Galba: plebei C. Servilius & Q. Cæcilius Metellus. Servilium negabant jure aut tribunum plebis fuisse, aut ædilem esse; quòd patrem ejus, quem triumvirum agrarium occisum à Bojis circa Mutinam esse opinio per decem annos fuerat, vivere, atque in hostium potestate esse, satis constabat.

XXII. Undecimo anno Punici belli consulatum inierunt M. Marcellus quintum (ut numeretur consulatus, quem vitio creatus non gessit) & T. Quinctius Crispinus. Utrisque consalibus Italia decreta provincia est, & duo consulares prioris anni exercitus: tertius tum erat Venusiæ, cui M. Marcellus præfuerat. ita ut ex tribus eligerent duo, quos vellent; tertius ei traderetur, cui Tarentum & Salentini provincia evenisset. Ceteræ provinciæ ita divisæ prætoribus. P. Licinio Varo urbana, P. Licinio Crasso pontifici maximo peregrina, & quò senatus consuisset: Sex. Julio Cæsari Sicilia, Q. Claudio Flamini Tarentum. Prorogatum imperium in annum est Q. Fulvio Flacco, ut provinciam Capuam, quæ T. Quinctii prætoris fuerat, cum una legione obtineret. prorogatum & C. Hostilio Tubula est, ut pro prætore in Etruriam ad duas legiones

legiones succederet C. Calpurnio: prorogatum & L. Veturio Philoni est, ut pro prætor Galliam eandem provinciam cum iisdem duabus legionibus obtineret, quibus prætor obtinisset. Quod in L. Veturio, idem in C. Aurunculeio decretum ab senatu, latumque de prorogando imperio ad populum est, qui prætor Sardiniam provinciam cum duabus legionibus obtinuerat. additæ ei ad præsidium provinciæ quinquaginta naves, quas P. Scipio ex Hispaniâ misisset. Et P. Scipioni, & M. Silano suæ Hispaniæ, suiue exercitus in annum decreti. Scipio ex octoginta navibus, quas aut secum ex Italia adductas aut captas Karthagine habebat, quinquaginta in Sardiniam transmittere iussus: quia fama erat, magnum navalem apparatus eo anno Karthagine esse; ducentis navibus omnem oram Italiæ, Siciliæque, ac Sardinia impleturos. Et in Sicilia ita divisa res est. Sex. Cæsari exercitus Cannensis est datus. M. Valerius Lavinus (ei quoque enim prorogatum imperium est) classem, quæ ad Siciliam erat, navium septuaginta obtineret. Adderet eò triginta naves, quæ ad Tarentum prioris anno fuerant. cum eacentum navium classe, si videretur ei, prædatum in Africam trajiceret. Et P. Sulpicio, ut eadem classe Macedoniam Græciamque provinciam haberet, prorogatum in annum imperium est. De duabus, quæ ad urbem Romam fuerant, legionibus nihil mutatum. Supplementum, quò opus esset scriberent consules, permissum. Unâ & viginti legionibus eo anno defensum imperium Romanum est. Et P. Licinio Varo prætori urbis negotium datum, ut naves longas triginta veteres reficeret, quæ Ostiæ erant, & viginti novas naves sociis navalibus implet: ut quinquaginta navium classe oram maris vicinam urbi Romæ tueri posset. C. Calpurnius ventus ab Arretio movere exercitum, nisi quum successor venisset. Idem & Tubulo imperatum, ut inde præcipue caveret, ne qua nova consilia caperentur.

XXIII. Prætores in provincias profecti. Consulæ religio tenebat, quod, prodigiis aliquot nunciatis, non facile litabant. Et ex Campania nunciata erant, Capuæ duas ædes, Fortunæ & Martis, & sepulchra aliquot de cælo tacta. Cumis (adeo minimis etiam rebus prava religio inserit Deos) mures in æde Jovis aurum rosisse. Casini examen apium ingens in foro confedissee. Et Ostiæ murum portamque de cælo tactam. Cære vulturium volasse in ædem Jovis. Volturnis sanguine lacum manasse. Horum prodigiorum causâ diem unum supplicatio fuit. Per dies aliquot hostiæ majores sine litatione casæ, diuque non impetrata pax Deum. In capita consulum, republicâ incolumi, exitibilis prodigiorum eventus vertit: Ludi Apollinares, Q. Fulvio, Ap. Claudio consulibus, à P. Cornelio Sulla prætore urbis primùm facti erant. inde omnes deinceps prætores urbani fecerant: sed in unum annum vovebant, dieque incertâ faciebant. Eo anno pestilentia gravis incidit in urbem agrosque: quæ tamen magis in longos morbos, quàm in perniciales, evasit. Ejus pestilentie causâ & supplicatum per compita totâ urbe est, & P. Licinius Varus prætor urbis legem ferre ad populum jussus, ut hi ludi in perpetuum in statam diem voverentur. Ipse primus ita vovit, fecitque ante diem tertium Nonas Quindiles. Is dies deinde solennis servatus.

XXIV. De Arretinis & fama in dies gravior, & cura crescere Patribus. Itaque C. Hostilio scriptum est, ne disferret obsides ab Arretinis accipere: &, cui traderet Romam deducendos, C. Terentius Varro cum imperto missus. qui ut advenit, extemplo Hostilius legionem unam, quæ ante urbem castra habebat, signa in urbem ferre jussit, prædique locis idoneis disposuit, tum in foro citatis senatoribus obsides imperavit. Quum senatus biduum ad considerandum peteret tempus, aut ipsos extemplo dare, aut se postero die senatorum omnes.

omnes liberos sumpturum, edixit. inde portas custodire iussi tribuni militum, præfectique socium, & centuriones, ne quis nocte urbe exiret. Id segnius negligentiusque factum. septem principes senatus, priusquam custodiæ in portis locarentur, ante noctem cum liberis evaserunt. Postero die luce primâ, quum senatus in forum citari cœptus esset, desiderati, bonaque eorum venierunt. à ceteris senatoribus centum viginti obsides, liberi ipsorum, accepti, traditique C. Terentio Romam deducendi. Is omnia suspectiora, quàm antè fuerant, in senatu fecit. Itaque, tanquam imminente Etrusco tumultu, legionem alteram ex urbanis Arretium ducere iussus ipse C. Terentius, eamque habere in præsidio urbis. C. Hostilium cum cetero exercitu placet totam provinciam peragrarè, & cavere, ne qua occasio novarè cupientibus res daretur. C. Terentius, ut Arretium cum legione venit, claves portarum quum magistratus poposcisset, negantibus his comparere, fraude amotas magis ratus, quàm negligentia intercidiisse, ipse alias claves omnibus portis imposuit: cavitque cum cura, ut omnia in potestate sua essent. Hostilium intentius monuit, ut in eo spem, non moturos quicquam Etruscos, poneret, si, ne quid moveri posset, cavisset.

XXV. De Tarentinis inde magnâ contentione in senatu actum coram Fabio, defendente ipso, quos ceperat armis, aliis insens, & plerisque æquantibus eos Campanorum noxæ poenæque. Senatusconsultum in sententiam M. Acilii factum est, ut oppidum præsidio custodiretur: Tarentinique omnes intra mœnia continerentur. res integra postea referretur, quum tranquillior status Italiæ esset. Et de M. Livio, præfecto arcis Tarentinæ, haud minore certamine actum est, aliis senatusconsulte notantibus præfectum, quòd ejus socordia Tarentum proditum hosti esset; aliis præmia decernentibus, quòd per quinquennium arcem tutatus esset.

esset, maximèque unius ejus operà receptum Tarentum foret; mediis ad censores, non ad senatum, notionem de eo pertinere dicentibus. cujus sententiæ & Fabius fuit. adjecit tamen, *fateri se, operâ Livii Tarentum receptum, quod amici ejus vulgò in senatu jactassent; neque enim recipiendum fuisse, nisi amissum foret.* Consulum alter T. Quinctius Crispinus ad exercitum, quem Q. Fulvius Flaccus habuerat, cum supplemento in Lucanos est profectus. Marcèllum aliæ atque aliæ objectæ animo religiones tenebant. in quibus, quòd, quum bello Gallico ad Clastidium ædem Honori & Virtuti vovisset, dedicatio ejus à pontificibus impediatur: quòd negabant, unam cellam duobus rectè dedicari: quia, si de cœlo tacta, aut prodigii aliquid in ea factum esset, difficilis procuratio foret: quòd, utri Deo res divina fieret, sciri non posset. neque enim duobus, nisi certis, Deis ritè unâ hostiâ fieri. ita addita Virtutis ædes appropinquato opere: neque tamen ab ipso ædes eæ dedicatæ sunt. Tum demum ad exercitum, quem priore anno Venusiæ reliquerat, cum supplemento proficiscitur. Locros in Brutiis Crispinus oppugnare conatus, quia magnam famam attulisse Fabio Tarentum rebatur, omne genus tormentorum machinarumque ex Sicilia arcesserat: & naves indidem accitæ erant, quæ vergentem ad mare partem urbis oppugnarent. Ea ommissa oppugnatio est, quia Lacinium Hannibal admovebat copias: & collegam eduxisse jam ab Venusia exercitum fama erat, cui conjungi volebat. Itaque in Apuliam ex Brutiis reditum, & inter Venusiam Bantiamque, minus trium millium passuum intervallo, consules binis castris confederant. In eandem regionem & Hannibal rediit, averso ab Locris bello. Ibi ambo consules, ingenio feroces, propè quotidie in aciem exire; haud dubiâ spe, si duobus exercitibus consularibus junctis commisisset sese hostis, debellari posse.

XXVI. Hannibal quia cum Marcello bis priore an-

no congressus vicerat, victusque erat, ut, cum eodem si dimicandum foret, nec spem, nec metum ex vano haberet; ita duobus consulibus handquaquam sese parem futurum credebat. itaque, totus in suas artes versus, insidiis locum quærebat. Levia tamen prælia inter bina castra vario eventu fiebant: quibus quum extrahi æstatem posse consules crederent, nihilominus oppugnari Locros posse rati, L. Cincio, ut ex Sicilia Locros cum classe trajiceret, scribunt. Et, ut ab terra quoque oppugnari mœnia possent, ab Tarento partem exercitûs, qui in præsidio erat, duci eò jusserunt. Ea ita futura per quosdam Thurinos compertum Hannibali quum esset, mittit ad insidendam ab Tarento viam. sibi sub tumulo Peteliæ tria millia equitum, peditum duo in occulto locata: in quæ inexplorato euntes Romani quum incidissent, ad duo millia armatorum cæsa, & mille ducenti ferme vivi capti. alii dissipati fugâ per agros saltusque Tarentum rediere. Tumulus erat silvestris inter Punica & Romana castra, ab neutris primò occupatus: quia Romani, qualis pars ejus, quæ vergeret ad hostium castra, esset, ignorabant; Hannibal insidiis, quàm castris, aptiorem eum crediderat. itaque nocte ad id missas aliquot Numidarum turmas medio in saltu condiderat, quorum interdiu nemo ab statione movebatur, ne aut arma, aut ipsi procul conspicerentur. Fremebant vulgò in castris Romanis, occupandum eum tumulum esse, & castello firmandum: ne, si occupatus ab Hannibale foret, velut in cervicibus haberent hostem. Movit ea res Marcellum, & collegæ, *quân imus, inquit, ipsi cum equitibus paucis exploratum? Subjecta res oculis nostris certius dabit consilium.* Consentiente Crispino, cum equitibus ducentis & viginti, ex quibus quadraginta Fregellani, ceteri Etrusci erant, proficiscuntur. Secuti M. Marcellus consulis filius, & A. Manlius, tribuni militum: simul & duo præfecti sociûm, L. Arennius, & M. Aulius. Immo-

lassa

hæsse eo die quidam memoriz prodidere consulem Marcellum, &, primâ hostiâ causâ, jecur sine capite inventum; in secunda omnia comparuisse, quæ assolent. Austum etiam visum in capite: nec id sanè aruspici placuisse, quòd, secundùm trunca & turpia exta, nimis læta apparuissent.

XXVII. Ceterùm consulem Marcellum tanta cupiditas tenebat dimicandi cum Hannibale, ut nunquam satis castra castris collata crederet. tum quoque vallo egrediens signum dedit, ut ad locum miles esset paratus: ut, si collis, in quem speculatum irent, placuisset, vasa colligerent, ac sequerentur. Exiguum campi ante castra erat: inde in collem aperta undique & conspecta ferebat via. Numidis speculator, nequaquam in spem tantæ rei positus, sed si quos vagos, pabuli aut lignorum causâ longiùs à castris progressos, possent excipere, signum dat, ut pariter ab suis quisque lateribus exorirentur. Non antè apparuere, quibus obviis ab jugo ipso consurgendum erat, quàm circumiere, qui à tergo includerent viam. Tum undique omnes exorti, & clamore sublato impetum fecere. Quum in ea valle consules essent, ut neque evadere possent in jugum occupatum ab hoste, nec receptum ab tergo circumventi haberent; extrahi tamen diutius certamen potuisset, ni cœpta ab Etruscis fuga pavorem ceteris injecisset. Non tamen omisere pugnam deserti ab Etruscis Fregellani, donec integri consules hortando, ipsique ex parte pugnando rem sustinebant. Sed, postquam vulneratos ambo consules, Marcellum etiam transfixum lanceâ prolabentem ex equo moribundum vidère, tum & ipsi (perpauci autem supererant) cum Crispino consule duobus jaculis iesto, & Marcello adulescente, saucio & ipso, effugerunt. Interfectus A. Manlius tribunus militum, & ex duobus præfectis sociùm M. Aulius occisus, L. Arennius captus. & listores consulum quinque vivi in hostium potestatem venerunt:

nerunt: ceteri aut interfecti, aut cum consule effugerunt. equites tres & quadraginta, aut in prælio, aut in fuga, ceciderunt, duodeviginti vivi capti. Tumultuatum & in castris fuerat, ut consulibus irent subsidio; quum consulem & filium alterius consulis faucios, exiguasque infelicis expeditionis reliquias, ad castra venientes cernunt. Mors Marcelli quum alioqui miserabilis fuit, tum quòd nec pro ætate, (major jam enim sexaginta annis erat) neque pro veteris prudentia ducis, tam improvidè se, collegamque, & propè totam rempublicam, in præceptis dederat. Multos circa unam rem ambitus fecerim, si, quæ de Marcelli morte variant auctores, omnia exsequi velim. Ut omitteram alios, L. Cœlius triplicem rei gestæ ordinem edit: unam traditam famà; alteram scriptam laudatione filii, qui rei gestæ interfuerit; tertiam, quam ipse pro inquisita ac sibi comperta assert. Ceterum ita fama variat, ut tamen plerique loci speculandi causà castris egressum; omnes insidiis circumventum tradant.

XXVIII. Hannibal, magnum terrorem hostibus, morte consulis unius, vulnere alterius, injectum esse ratus, ne cui deesset occasione, castra in tumultum, in quo pugnatum erat, extemplo transfert. ibi inventum Marcelli corpus sepelit. Crispinus, & morte collegæ, & suo vulnere territus, silentio insequentis noctis profectus, quos proximos nactus est montes, in iis loco alto & tuto undique castra posuit. Ibi duo duces sagaciter moti sunt, alter ad inferendam, alter ad cavendam fraudem. Annulo Marcelli simul cum corpore Hannibal potitus erat. ejus signi errore ne cui dolus nesciretur à Pœno, metuens Crispinus, circa civitates proximas miserat nuncios: occisum collegam esse, annuloque ejus hostem potitum: ne quibus literis crederent nomine Marcelli compositis. Paulo antè hic nuncius consulis Salapiam venerat, quum literæ ab Hannibale allatæ sunt, Marcelli nomine compositæ:



*se nocte, qua diem illum secutura esset, Salapitan venturum. parati milites essent, qui in praesidio erant, si quod opera eorum opus esset. Sensere Salapitani fraudem: & ab ira, non defectionis modò, sed etiam equitum interfectorum, rati occasionem supplicii peti, remisso retro nuncio, (perfuga autem Romanus erat) ut sine arbitrio milites, quæ vellent, agerent, oppidanos per muros urbisque opportuna loca in stationibus disponunt: custodias vigilasque in eam noctem intentius instruunt. circa portam, quâ venturum hostem rebantur, quod roboris in praesidio erat, opponunt. Hannibal quartâ vigiliâ ferme ad urbem accessit. Primi agminis erant perfugæ Romanorum, & arma Romana habebant. ii, ubi ad portam est ventum, Latine omnes loquentes excitant vigiles, aperiri que portam jubent: consulem adesse. Vigiles, velut ad vocem eorum excitati, tumultuari, trepidare, moliri portam. cataraclâ dejectâ clausa erat. eam partim vestibibus levant: partim funibus subducunt in tantum altitudinis, ut subire recti possent. Vixdum satis patebat iter, quum perfugæ certatim ruunt per portam: & quum sexcenti ferme intrassent, remisso fune, quo suspensa erat, cataraclâ magno sonitu cecidit. Salapitani, alii perfugas negligenter ex itinere suspensa humeris, ut inter pacatos, gerentes arma, invadunt: alii è turri ejus portæ murisque saxi, sudibus, pilis, absterrent hostem. Ita inde Hannibal suamet ipse fraude captus abiit: profectusque ad Locrorum solvendam obsidionem, quam Cincius summâ vi, operibus tormentorumque omni genere ex Sicilia advecto, oppugnabat. Magoni, jam haud ferme fidenti retenturum defensurumque se urbem, prima spes, morte nuntiata Marcelli, affulsit. Secutus inde nuncius, Hannibalem, Numidarum equitatu præmisso, ipsum, quantum accelerare posset, cum peditum agmine sequi. Itaque ubi primum Numidas edito è speculis signo adventare sensit;*

senſit, & ipſe, patefactâ repentè portâ, ferox in hoſtes erumpit. Et primò, magis quia improvîſò id fecerat, quàm quòd par viribus eſſet, anceps certamen erat. deinde, ut ſupervenere Numidæ, tantus pavor Romanis eſt injectus, ut paſſim ad mare ac naves fugerent; relictis operibus machiniſque, quibus muros quatiebant. Ita adventu Hannibalis ſoluta Locrorum obſidio eſt.

XXIX. Crispinus, poſtquam in Bruttios proſectum Hannibalem ſenſit, exercitum, cui collèga præfuerat, M. Marcellum tribunum militum Venuſiam abducere juſſit. ipſe, cum legionibus ſuis Capuam proſectus, vix leſticæ agitationem præ gravitate vulnerum patiens, Romam literas de morte collegæ ſcripſit, quantoque ipſe in discrimine eſſet. *Se comitiorum cauſâ non poſſe Romam venire: quia nec via laborem paſſurus videretur, & de Tarento ſollicitus eſſet, ne ex Brutiis Hannibal eò converteret agmen. Legatos opus eſſe ad ſe mitti, viros prudentes: cum quibus, qua vellet, de republica loqueretur.* Hæ literæ recitatæ magnum & luſtum morte alterius conſulis, & metum de altero fecerunt. Itaque & Q. Fabium filium ad exercitum Venuſiam miſerunt: & ad conſulem tres legati miſſi, Sext. Julius Cæſar, L. Licinius Pollio, L. Cincius Alimentus, quum paucis antè diebus ex Sicilia rediſſet. Hi nunciare conſuli juſſi, ut, ſi ad comitia ipſe Romam venire non poſſet, dictatorem in agro Romano diceret comitiorum cauſâ. Si conſul Tarentum proſectus eſſet, Q. Claudium prætorem placere in eam regionem inde abducere legiones, in qua plurimas ſociorum urbes tueri poſſet. Eadem æſtate M. Valerius cum claſſe centum navium ex Sicilia in Africam tranſmiſit: &, ad Clupeam urbem exſcenſione factâ, agrum latè, nullo ferme obvio armato, vaſtabat. inde ad naves raptim prædatores recepti, quia repentè fama accidit, claſſem Punicam adventare. oſtoginta erant & tres naves. Cum iis haud  
procul

procul Clupea prospere pugnat Romanus. decem & octo navibus captis, fugatis aliis, cum magna terrestri navalique præda, Lilybæum rediit. Eadem æstate & Philippus implorantibus Achæis auxilium tulit. quos & Machanidas tyrannus Lacedæmoniorum finitimo bello urebat; & Ætoli, navibus per fretum, quod Naupactum & Patras interfluit, (Rhion incolæ vocant) exercitu trajecto, depopulati erant. Attalum quoque regem Asiæ, quia Ætoli summum gentis suæ magistratum ad eum proximo concilio detulerant, fama erat in Europam trajecturum.

XXX. Ob hæc Philippo in Græciam descendenti ad Lamiam urbem Ætoli, duce Pyrrhiæ, qui prætor in eum annum cum absente Attalo creatus erat, occurrerunt. Habebant & ab Attalo auxilia secum: & mille ferme ex Romanâ classe, à P. Sulpicio missos. Adversus hunc ducem atque has copias Philippus bis prospero eventu pugnavit: mille admodum hostium utrâque pugna occidit. Inde quum Ætoli metu compulsi Lamie urbis mœnibus tenerent sese, Philippus ad Phalara exercitum reduxit. in Maliaco sinu is locus est, quondam frequenter habitatus propter egregium portum, tutasque circâ stationes, & aliam opportunitatem maritimam terrestremque. Eò legati ab rege Ægypti Ptolemæo, Rhodiisque, & Atheniensibus, & Chiis venerunt, ad dirimendum inter Philippum atque Ætolos bellum. Adhibitus ab Ætolis & ex finitimis pacificator Amynander, rex Athamanum. Omnium autem non tanta pro Ætolis cura erat, ferocioribus quàm pro ingeniis Græcorum gentis: quàm ne Philippus regnumque ejus, grave libertati futurum, rebus Græciæ immisceretur. De pace dilata consultatio est in concilium Achæorum; concilioque ei & locus & dies certa indicta. interim triginta dierum induciæ impetratæ. Profectus inde rex per Thessaliam Bœotiamque, Chalcidem Eubœæ venit, ut Attalum, quem clas-

ſe Eubœam petiturum audierat, portubus & littorum appulſu arceret. Inde, præſidio relictò adverſus Attalum, ſi fortè interim trajeciſſet, profectus ipſe cum paucis equitum leviſque armaturæ, Argos venit. Ibi curatione Heræorum Nemeorumque ſuffragiis populi ad eum delatâ, quia ſe Macedonum reges ex ea civitate oriundos referunt, Heræis peractis, ab ipſo ludicro extemplo Rhium profectus eſt, ad indiſtum multo antè ſociorum concilium. Ibi de Ætolico finiendo bello actum, ne cauſa aut Romanis, aut Attalo intrandi Græciam eſſet. Sed ea omnia, vixdum induciarum tempore circumactò, Ætoli turbavere, poſtquam & Attalum Æginam veniſſe, & Romanam claſſem ſtare ad Naupaſtum audivere. Vocati enim in concilium Achæorum, in quo eadẽ legationes erant, quæ ad Phalara egerant de pace, primùm queſti ſunt quædam parva contra fidem conventionis tempore induciarum facta: poſtremò negârunt dirimi bellum poſſe, niſi Meſſeniis Achæi Pylum redderent, Romanis reſtitueretur Atintania, Scerdilædo & Pleurato Ardyzi. Enimvero indignum ratus Philippus, victos victori ſibi ultro conditiones ferre: *ne antea quidem ſe aut de pace audiſſe, aut inducias pepigiſſe, dixit, ſpem ullam habentem quieturos Ætolos; ſed ut omnes ſocios teſtes haberet, ſe pacis, illos belli cauſam quaſiſſe.* ita infectâ pace concilium dimiſit, quatuor millibus armatorum relictis ad præſidium Achæorum, & quinque longis navibus acceptis. quas ſi adjeciſſet miſſæ nuper ad ſe claſſi Karthaginiẽſium, & ex Bithynia ab rege Pruſia venientibus navibus, ſtatuerat navali prælio laceſſere Romanos, jam diu in ea regione potentes maris. ipſe ab eo concilio Argos regreſſus: jam enim Nemeorum appetebat tempus, quæ celebrari volebat præſentiâ ſua.

XXXI. Occupato rege apparatu ludorum, & per dies feſtos licentiùs, quàm inter belli tempora, remittente animum, P. Sulpicius, ab Naupaſto profectus, claſſem

classē appulit inter Sicyonem & Corinthum, agrumque nobilissimæ fertilitatis effusè vastavit. Fama ejus rei Philippum ab ludis excivit: raptimque cum equitatu profectus, jussis subsequi peditibus, palatos passim per agros gravesque prædā (ut qui nihil tale metuerent) adortus Romanos, compulit in naves. Classis Romana, haudquaquam læta prædā, Naupactum rediit. Philippo quoque ludorum, qui reliqui erant, celebritatem quantæcunque, de Romanis tamen, victoriæ partæ fama auxerat; lætitiæque ingenti celebrati festi dies: eo magis etiam, quòd, populariter dempto capitis insigni, purpuræque, atque alio regio habitu, æquaverat ceteris se in speciem: quo nihil gratius est civitatibus liberis. Præbuissetque haud dubiam eo facto spem libertatis, nisi omnia intolerandā libidine fœda ac deformia effecisset. vagabatur enim cum uno aut altero comite per maritas domos dies noctesque: & submittendo in privatum fastigium, quo minùs conspectus, eo solutior erat: & libertatem quum aliis vanam ostendisset, totam in suam licentiam verterat. Neque enim omnia emebat aut eblandiebatur, sed vim etiam flagitiis adhibebat: periculosumque & viris & parentibus erat, moram incommodā severitate libidini regiæ fecisse. uni etiam principi Achæorum Arato adempta uxor nomine Polycratia, ac spe regiarum nuptiarum in Macedoniam asportata fuerat. Per hæc flagitia solenni Nemeorum peractō, paucisque additis diebus, Dymas est profectus, ad præsidium Ætolorum, quod ab Eleis accitum acceptumque in urbem erat, ejiciendum. Cycliadas (penes eum summa imperii erat) Achæique ad Dymas regi occurrere: & Eleorum accensi odio, quòd à ceteris Achæis dissentirent: & infensi Ætolis, quos Romanum quoque adversus se movisse bellum credebant. Profecti ab Dymis, conjuncto exercitu transeunt Larisum amnem, qui Eleum agrum ab Dymæo dirimit.

XXXII. Primum diem, quo fines hostium ingressi sunt, populando absumpserunt. Postero die acie instructa ad urbem accesserunt, præmissis equitibus; qui, obequitando portis, promptum ad excursiones genus lacefferent Ætolorum. Ignorabant, Sulpicium cum quindecim navibus ab Naupacto Cyllenen trajecisse, & expositis in terram quatuor millibus armatorum, silentio noctis, ne conspici agmen posset, intrasse Elim. Itaque improvise res ingentem iniecit terrorem, postquam inter Ætolos Eleosque Romana signa atque arma cognovere. Et primo recipere suos voluerat rex: dein, contracto jam inter Ætolos & Trallos (Illyriorum id est genus) certamine, quum urgeri videret suos, & ipse rex cum equitatu in cohortem Romanam incurrit. Ibi equus pilo trajectus quum prolapsum per caput regem effudisset, atrox pugna utrinque accensa est, & ab Romanis impetu in regem facto, & protegentibus regiis. Insignis & ipsius pugna fuit, quum pedes inter equites coactus esset prælium inire. dein, quum jam impar certamen esset, caderentque circa cum multi, & vulnerarentur, raptus ab suis, atque alteri equo injectus, fugit. Eo die castra quinque millia passuum ab urbe Eleorum posuit. postero ad castellum (Pyrgum vocant) copias omnes eduxit: quò agrestium multitudinem cum pecoribus metu populationum compulsam audierat. eam inconditam inermemque multitudinem primo statim terrore adveniens cepit: compensaveratque eà prædâ, quod ignominie ad Elim acceptum fuerat. Dividenti prædam captivosque (fuerant autem quatuor millia hominum, pecoris omnis generis ad millia viginti) nuncius ex Macedonia venit, Eropum quemdam, corrupto arcis præsidii præfecto, Lychnidum cepisse: tenere & Darsaretiorum quosdam vicos, & Dardanos etiam concire. Omissa igitur Achaico bello, relictis tamen duobus millibus & quingentis omnis generis armatorum cum

Menippo & Polyphanta ducibus ad præsidium sociorum, profectus ab Dymis, per Achaïam Bœotiamque & Eubœam, decimis castris Demetriadem in Thessaliâ pervenit.

XXXIII. Ibi alii, majorem afferentes tumultum, nuncii occurrunt: Dardanos, in Macedoniam effusos, Orestidem jam tenere, ac descendisse in Argestæum campum: famamque inter barbaros celebrem esse, Philippum occisum. Expeditione eâ, quâ cum populatouribus agri ad Sicyonem pugnavit, in arborem illatus impetu equi, ad eminentem ramum cornu alterum galeæ præfregit. id inventum ab Ætolo quodam, perlatumque in Ætoliâ ad Scerdilædum, cui notum erat insigne galeæ, famam interfecti regis vulgavit. Post profectiorem ex Achaia regis, Sulpicius, Æginâ classe profectus, cum Attalo sese conjunxit. Achæi cum Ætolis Eleisque haud procul Messene prosperam pugnam fecerunt. Attalus rex & P. Sulpicius Æginæ hibernarunt. Exitu hujus anni T. Quintius Crispinus consul, dictatore comitiorum ludorumque faciendorum causâ dicto T. Manlio Torquato, ex vulnere moritur. alii Tarenti, alii in Campania mortuum tradunt. Id quod nullo antè bello acciderat, duo consules, sine memorando prælio interfecti, velut orbem rempublicam reliquerant. Dictator Manlius magistrum equitum, C. Servilium (tum ædilis curulis erat) dixit. Senatus, quo die primum est habitus, ludos magnos facere dictatorem jussit, quos M. Æmilius prætor urbis, C. Flaminio, Cn. Servilio consulibus, fecerat, & in quinquennium voverat. Tum dictator & ludos fecit, & in insequens lustrum vovit. Ceterum, quum duo consulares exercitus tam prope hostem sine ducibus essent, omnibus aliis omissis, una præcipua cura Patres populumque incessit, consules primo quoque tempore creandi; & ut eos potissimum crearent, quorum virtus satis tuta à fraude Punica esset; *quam toto eo bello damno-*

*damnosa prapropere ac fervida ingenia imperatorum fuissent, tum eo ipso anno consules, nimia cupiditate conferendi cum hoste manum, in necopinatam fraudem lapsos esse. ceterum Deos immortales, miseritos nominis Romani, pepercisse innoxiiis exercitibus: temeritatem consulum ipsorum capitibus damnassee.*

XXXIV. Quum circumspicerent Patres, quosnam consules facerent, longè ante alios eminebat C. Claudius Nero. Ei collega quærebatur, & virum quidem eum egregium ducebant, sed promptiorem acrioremque, quàm tempora belli postularent, aut hostis Hannibal: temperandum acre ejus ingenium moderato & prudenti viro adjuncto collegâ censebant. M. Livius erat, multis antè annis ex consulatu populi judicio damnatus. quam ignominiam adeo ægre tulerat, ut & rus migraret, & per multos annos & urbe & omni coetu careret hominum. octavo ferme post damnationem anno M. Claudius Marcellus & M. Valerius Lævinus consules reducerant eum in urbem: sed erat veste obsoletâ, capilloque & barbâ promissâ, præferens in vultu habituque insignem memoriam ignominie acceptæ. L. Veturius & P. Licinius censores eum tonderi, & squalorem deponere, & in senatum venire, fungique aliis publicis muneribus coegerunt. sed tum quoque aut verbo assentiebatur, aut pedibus in sententiam ibat, donec cognati hominis eum causa M. Livii Macati, quum fama ejus ageretur, stantem coëgit in senatu sententiam dicere. Tum ex tanto intervallo auditus convertit ora hominum in se, causamque sermonibus præbuit, indigno injuriam à populo factam, magnæque id damno fuisse, quoddam gravi bello nec operâ, nec consilio talis viri usa respublica esset. C. Neroni neque Q. Fabium, neque M. Valerium Lævinum dari collegas posse, quia duos patricios creari non liceret. eandem causam in T. Manlio esse, præterquam quoddam recusasset delatum consulatum, recusaturusque esset. Egregium par consulum fore, si M. Li-



viam C. Claudio collegam adjunxissent. Nec populus mentionem ejus rei ortam à Patribus est aspernatus. Unus eam rem in civitate is, cui deferrebat honor, abnuebat, levitatem civitatis accusans. *Sordidati rei non miseritos, candidam togam invito offerre: eodem honores pœnasque congeri. Si bonum virum ducerent, quid ita pro malo ac noxio damnassent? si noxium comperissent, quid ita, male credito priore consulatu, alterum crederent?* Hæc taliaque arguentem & querentem castigabant Patres, & M. Furium, memorantes, revocatum de exilio, patriam pulsam sede suâ restituisse. *Ut parentum severitatem, sic patriæ, patiendi ac ferendo leniendam esse.* adnisi omnes, cum C. Claudio M. Livium consulem fecerunt.

XXXV. Post diem tertium ejus diei prætorum comitia habita. Prætores creati L. Porcius Licinus, C. Mamilius, A. & C. Hostilii Catones. Comitibus perfectis, ludisque factis, dictator & magister equitum magistratu abierunt. C. Terentius Varro in Etruriam proprætor missus, ut ex ea provincia C. Hostilius Tarentum ad eum exercitum iret, quem T. Quintius consul habuerat. & L. Manlius trans mare legatus iret, visceretque, quæ res ibi gererentur: simul, quod Olympiæ ludicrum eâ æstate futurum erat, quod maximo cœtu Græciæ celebraretur, ut, si tutò per hostem posset, adiret id concilium: ut, qui Siculi bello ibi profugi, aut Tarentini cives relegati ab Hannibale essent, domos redirent, scirentque, sua omnia, quæ ante bellum habuissent, reddere populum Romanum. Quia periculosissimus annus imminere videbatur, neque consules in republica erant, in consules designatos omnes versâ, quàm primùm eos sortiri provincias, & præsciscere, quam quisque eorum provinciam, quem hostem haberet, volebant. De reconciliatione etiam gratiæ eorum in senatu actum est, principio factò à Q. Fabio Maximo. Inimicitia autem nobiles inter eos erant, & acerbiores eas indignioresque Livio sua calamitas

mitas fecerat, quòd spretum se in ea fortuna credebat. itaque is magis implacabilis erat: & *nihil opus esse reconciliatione*, aiebat. *acrius & intentius omnia gesturos, timentes ne crescendi ex se inimico collegæ potestas fieret.* Vicit tamen auctoritas fenatûs, ut, positis simultatibus, communi animo consilioque administrarent rempublicam. Provinciæ iis non permixtæ regionibus, sicut superioribus annis, sed diversæ extremis Italiæ finibus, alteri adversus Hannibalem Bruttii, Lucani; alteri Gallia adversus Hasdrubalem (quem jam Alpibus appropinquare fama erat) decreta. Exercitum ex duobus, qui in Gallia, quique in Etruria essent, addito urbano, eligeret, quem mallet, qui Galliam esset sortitus. Cui Bruttii provincia evenisset, novis legionibus urbanis scriptis, utrius mallet consulum prioris anni, exercitum sumeret. Relictum à consule exercitum Q. Fulvius proconsul acciperet; eique in annum imperium esset. & C. Hostilio, cui pro Etruria Tarentum mutaverant provinciam, pro Tarento Capuam mutaverunt. legio una data, cui Fulvius proximo anno præfuerat.

XXXVI. De Hasdrubalis adventu in Italiam cura in dies crescebat. Massiliensium primùm legati nunciaverant, cum in Galliam transgressum: erectosque adventu ejus, quia magnum pondus auri attulisse diceretur ad mercede auxilia conducenda, Gallorum animos. missi deinde cum iis legati ab Roma Sex. Antistius & M. Rætius ad rem inspiciendam retulerant, misisse se cum Massiliensibus ducibus, qui per hospites eorum, principes Gallorum, omnia explorata referrent. Pro comperto habere, Hasdrubalem ingenti jam coacto exercitu proximo vere Alpes trajecturum: nec tum cum quicquam aliud morari, nisi quòd clausæ hieme Alpes essent. In locum M. Marcelli P. Ælius Pætus augur creatus inauguratusque: & Cn. Cornelius Dolabella rex sacrorum inauguratus est in locum M.

Marcii, qui biennio antè mortuus erat. Hoc eodem anno & lustrum conditum est à censoribus P. Sempronio Tuditano & M. Cornelio Cethego. Censa civium capita centum triginta septem millia, centum & octo. minor aliquanto numerus, quàm qui ante bellum fuerat. Eo anno primum, ex quo Hannibal in Italiam venisset, comitium tectum esse, memoriæ proditum est, & ludos Romanos semel instauratos ab ædilibus curulibus Q. Metello & C. Servilio. & plebeiis ludis biduum instauratum ab Q. Mamilio & M. Cæcilio Metello ædilibus plebis. & tria signa ad Cereris iidem dederunt: & Jovis epulum fuit ludorum causâ. Consulatum inde ineunt C. Claudius Nero & M. Livius iterum. qui, quia jam designati provincias sortiti erant, prætores fortiri iusserunt. C. Hostilio urbana evenit: addita & peregrina, ut tres in provincias exire possent. A. Hostilio Sardinia, C. Mamilio Sicilia, L. Porcio Gallia evenit. Summa legionum trium & viginti ita per provincias divisa, ut binæ consulum essent; quatuor Hispania haberet; tres prætores binas, in Sicilia, in Sardinia, & Gallia; duas C. Terentius in Etruria; duas Q. Fulvius in Brutiis; duas Q. Claudius circa Tarentum & Salentinos; unam C. Hostilius Tubulus Capuæ: duæ urbanæ ut scriberentur. primis quatuor legionibus populus tribunos creavit: in ceteras consules miserunt.

XXXVII. Priusquam consules proficiscerentur, novemdiale sacrum fuit, quia Vejis de cælo lapidaverat. Sub unius prodigii (ut sit) mentionem alia quoque nunciata; Minturnis ædem Jovis & lucum Maricæ; item Atellæ murum & portam de cælo tacta. Minturnenses, terribilitus quod esset, adjiciebant, sanguinis rivum in porta fluxisse. & Capuæ lupus, nocte portam ingressus, vigilem laniaverat. Hæc procuratâ hostiis majoribus prodigia, & supplicatio diem unum fuit ex decreto pontificum. inde iterum novemdiale instauratum

tum, quòd in Armilustro lapidibus visum plueret. Liberatas religione mentes turbavit rursus nunciatum, Frusinone infantem natum esse quadrimo parem: nec magnitudine tam mirandum, quàm quòd is quoque, ut Sinuessæ biennio antè, incertus, mas an femina esset, natus erat. Id verò aruspices, ex Etruria acciti, foedum ac turpe prodigium dicere. extorem agro Romano, procul terræ contactu, alto mergendum. Vivum in arcam condidere, proVectumque in mare projecerunt. Decrevere item pontifices, ut virgines ter novenz, per urbem euntes, carmen canerent. Id quum in Jovis Statoris æde discerent, conditum ab Livio poëta, carmen, tacta de cœlo ædes in Aventino Junonis Reginae. prodigiumque id ad matronas pertinere, aruspices quum respondissent, donoque Divam placandam esse; ædilium cœculium edicto in Capitolium convocatz, quibus in urbe Romana, intraque decimum lapidem ab urbe, domicilia essent, ipsæ inter se quinque & viginti delegerunt, ad quas ex dotibus stipem conferrent. Inde donum pelvis aurea facta, lataque in Aventinum, purèque & castè à matronis sacrificatum. Confestim ad aliud sacrificium eidem Divæ ab decemviris edicta dies, cujus ordo talis fuit: ab æde Apollinis boves feminae albæ duæ portà Carmentali in urbem ductæ. post eas duo signa cupressæ Junonis Reginae portabantur. tum septem & viginti virgines, longam indutæ vestem, carmen in Junonem Reginaem canentes ibant; illà tempestate forsitan laudabile rudibus ingeniis, nunc abhorrrens & inconditum, si referatur. Virginum ordinem sequebantur decemviri coronati laureà, prætextatique. A porta Jugurivico in forum venere. in foro pompa constitit; & per manus recte datà, virgines sonum vocis pulsu pedum modulantes inceserunt. inde vico Tusco Velabroque, per Boarium forum, in clivum Publicium atque ædem Junonis Reginae perrectum. ibi duæ hostiæ ab decem-

viris immolatz, & simulacra cupressæ in ædem illata.

XXXVIII. Diis ritè placatis, delectum consules habebant acrius intentiùsque, quàm prioribus annis quiscumque meminerat habitum. nam & belli terror duplicatus novi hostis in Italiam adventu: & minus juventutis erat, unde scriberent milites. Itaque colonos etiam maritimos, qui sacrosanctam vacationem dicebantur habere, dare milites cogeant. quibus recusantibus, edixere in diem certam, ut, quo quisque jure vacationem haberet, ad senatum deferret. Eà die hi populi ad senatum venerunt: Ostiensis, Alfiensis, Antias, Anxuras, Minturnensis, Sinuessanus, & ab supero mari Senensis. Quum vacationes suas quisque populus recitaret; nullius, quum in Italia hostis esset, præter Antiatem Ostiensemque, vacatio observata est: & earum coloniarum juniores jurejurando adacti, supra dies triginta non pernoctaturos se esse extra mœnia coloniarum suarum, donec hostis in Italia esset. Quum omnes censerent, primo quoque tempore consulibus eundem ad bellum, (nam & Hasdrubali occurrendum esse descendentem ab Alpibus, ne Gallos Cisalpinos, neve Etruriam, erectam in spem rerum novarum, sollicitaret: & Hannibalem suo proprio occupandum bello, ne emergere ex Brutiis atque obviam fratri ire posset) Livius cunctabatur, parum fidens suarum provinciarum exercitibus: collegam ex duobus consularibus egregiis exercitibus, & tertio, cui Q. Claudius Tarenti præesset, electionem habere. intuleratque mentionem de volonibus revocandis ad signa. Senatus liberam potestatem consulibus fecit, & supplendi unde vellent, & eligendi de omnibus exercitibus, quos vellent, permutandique, & ex provinciis, quos à republica censerent esse, traducendi. Ea omnia cum summa concordia consulum acta. Volones in undevicesimam & vicesimam legiones scripti. Magni roboris auxilia ex Hispania quoque à P. Scipione M. Livio missa quidam ad id bellum auctores

auctores sunt: octo millia Hispanorum Gallorumque, & duo millia de legione militum, equitum mille, mixtos Numidas Hispanosque. M. Lucretium has copias navibus adduxisse: & sagittariorum funditorumque ad quatuor millia ex Sicilia C. Mamilium misisse.

XXXIX. Auxerunt Romæ tumultum literæ ex Gallia allatæ ab L. Porcio prætore: *Hasdrubalem movisse ex hibernis, & jam Alpes transire: octo millia Ligurum conscripta armataque, conjunctura se transgresso in Italiam esse, nisi mitteretur in Ligures, qui eos bello occuparet. se cum invalido exercitu, quoad tutum putaret, progressurum.* Hæ literæ consules, raptim confecto delectu, maturius, quam constituerant, exire in provincias cœgerunt, ea mente, ut uterque hostem in sua provincia contineret, neque conjungi, aut conferre in unum vires pateretur. Plurimum in eam rem adjuvit opinio Hannibalis: quodd, etsi eâ æstate transiturum in Italiam fratrem crediderat, recordando quæ ipse in transitu nunc Rhodani, nunc Alpium, cum hominibus locisque pugnando per quinque menses exhausisset, haudquaquam tam facilem maturumque transitum exspectabat. ea tardius movendi ex hibernis causa fuit. Ceterum Hasdrubali & suæ & aliorum spe omnia celeriora atque expeditiora fuere. non enim receperunt modò Arverni eum, deincepsque aliæ Gallicæ atque Alpine gentes; sed etiam secutæ sunt ad bellum. & quum per munita pleraque transitu fratris, quæ antea invia fuerant, ducebat; tum etiam, duodecim annorum assuetudine perviis Alpibus factis, inter mitiora jam hominum transibat ingenia. Invisitati namque antea alienigenis, neo videre ipsi advenam in sua terra assueti, omni generi humano infociabiles erant. & primò ignari, quò Poenus pergeret, suas rupes, suæque castella, & pecorum hominumque prædam peti crediderant: fama deinde Punici belli, quo duodecimum annum Italia urebatur, satis edocuerat, viam tantum Alpes esse: duas prævalidas urbes, magno in-

ter se maris terrarumque spatio discretas, de imperio & opibus certare. hæc causæ aperuerant Alpes Hadrubali. Ceterum quod celeritate itineris profectum erat, id morâ ad Placentiam, dum frustra obsidet magis, quàm oppugnat, corrumpit. Crediderat campestris oppidi facilem expugnationem esse: & nobilitas coloniz induxerat eum, magnum se excidio ejus urbis terrorem ceteris raturum iniectionum. Non ipsum solum ea oppugnatio impediit; sed Hannibalem post famam transitus ejus, tanto spe suâ celeriore, jam moventem ex hibernis, continuerat. quippe reputantem, non solum quàm lenta urbium oppugnatio esset, sed etiam quàm ipse frustra eandem illam coloniam, ab Trebia victor regressus, tentasset.

XL. Consules, diversis itineribus profecti ab urbe, velut in duo pariter bella distenderant curas hominum, simul recordantium, quas primus adventus Hannibalis intulisset Italiæ clades; simul, quum illa angeret cura, quos tam propitios urbi atque imperio fore Deos, ut eodem tempore utrobique respublica prospere gereretur? adhuc adversa secundis pensando rem ad id tempus extractam esse. quum in Italia ad Trasimenum & Cannas precipitasset Romana res, prospera bella in Hispania prolapsam eam crexisse. postea, quum in Hispania alia super aliam clades, duobus egregiis ducibus amissis, duos exercitus ex parte delessent multa, secunda in Italia Siciliaque gesta quassatam rempublicam excepisse: & ipsum intervallum loci, quod in ultimis terrarum oris alterum bellum gereretur, spatium dedisse ad respirandum. Nunc duo bella in Italiam accepta, duos celeberrimi nominis duces circumstare urbem Romanam, & unum in locum totam periculi molem, omne onus incubuisse. qui eorum prior vicisset, intra paucos dies castra cum altero juncturum. terrebat & proximus annus lugubris duorum consulum funeribus. His anxii curis homines digredientes in provincias consules prosecuti sunt. Memoriz proditum est, plenum adhuc iræ in cives M. Livium,

um, ad bellum proficiscentem, monenti Q. Fabio, ne, priusquam genus hostium cognosset, temere manum consereret, respondisse: Ubi primum hostium agmen conspexisset, pugnaturum. Quum quæreretur, quæ causa festinandi esset? aut ex hoste egregiam gloriam, inquit, aut ex civibus victis gaudium, meritum certe, etsi non honestum, capiam. Priusquam Claudius consul in provinciam perveniret, per extremum finem agri Larinatis ducentem in Sallentinos exercitum Hannibalem cum expeditis cohortibus adortus, C. Hostilius Tubulus incompósito agmini terribilem tumultum intulit. ad quatuor millia hominum occidit, novem signa militaria cepit. Moverat ex hibernis ad famam hostis Q. Claudius, qui per urbes agri Sallentini castra disposita habebat. Itaque, ne cum duobus exercitibus simul confingeret, Hannibal nocte castra ex agro Tarentino movit, atque in Bruttios concessit. Claudius in Sallentinos agmen convertit. Hostilius, Capuam petens, obvius ad Venusiam fit consuli Claudio. Ibi ex utroque exercitu electa peditum quadraginta millia, duo millia & quingenti equites, quibus consul adversus Hannibalem rem gereret: reliquas copias Hostilius Capuam ducere iussus, ut Q. Fulvio proconsuli traderet.

XLI. Hannibal, undique contracto exercitu, quem in hibernis, aut in præsidiis agri Bruttii habuerat, in Lucanos ad Grumentum venit, spe recipiendi oppida, quæ per metum ad Romanos defecissent. eodem à Venusia consul Romanus exploratis itineribus contendit, & mille ferè & quingentos passus castra ab hoste locat. Grumentum mœnibus propè injunctum videbatur Pœnorum vallum. quingenti passus intererant. Castra Punica ad Romana inter jacebat campus, colles imminiebant nudi sinistro lateri Karthaginensium, dextro Romanorum, neutris suspecti; quod nihil silvæ neque ad insidias latebrarum habebant. In medio campo ab statim omnibus procurstantes certamina, haud satis digna di-



ctu, ferebant. Id modò Romanum quærere apparebat, ne abire hostem pateretur. Hannibal, inde evadere cupiens, totis viribus in aciem descendebat. Tum consul, ingenio hostis usus, quo minùs in tam apertis collibus timeri insidiarum poterant, quinque cohortes, additis quinque manipulis, nocte jugum superare, & in averfis vallibus confidere jubet. tempus exsurgendi ex insidiis, & aggrediendi hostem, Ti. Claudium Afellum tribunum militum & P. Claudium præfectum sociùm edocet, quos cum iis mittebat. Ipse luce primâ copias omnes peditum equitumque in aciem eduxit. Paulo post & ab Hannibale signum pugnarum propositum est, clamorque in castris ad arma discurrentium est sublatum. inde eques pedesque certatim portis ruere, ac palati per campum properare ad hostes. Quos ubi effusos consul videt, tribuno militum tertiæ legionis C. Aurunculeio imperat, ut equites legionis, quanto maximo impetu possit, in hostem emittat. ita pecorum modo incompositos toto passim campo se fudisse, ut sterni obterique, priusquam instruantur, possint.

XLII. Nondum Hannibal è castris exierat, quum pugnantium clamorem audivit. itaque, excitus tumultu, raptim ad hostem copias agit. Jam primos occubaverat equester terror. peditum etiam prima legio & leखा ala prælium inibant. incompositi hostes, ut uenique aut pediti, aut equiti casus obtulit, ita concurrunt manus. crescit pugna subsidis, & procurrentium ad certamen numero augetur: pugnantisque (quod si in veteri exercitu, & duci veteri haud facile est) ter tumultum ac terrorem instruxisset Hannibal, nihortium ac manipulorum decurrentium per colles mor, ab tergo arditus, metum, ne intercluderent à castris, iniecisset. Inde pavor incussus, & fugam fieri cœpta est. minorque cædes fuit, quia proquitas castrorum breviorẽ fugam perculsis fecit. lites enim tergo inhaerebant: in transversa latera  
inva-

invaserant cohortes, secundis collibus viâ nudâ ac facili decurrentes. tamen supra octo millia hominum occisa: supra septingentos capti: signa militaria novem adempta: elephanti etiam, quorum nullus usus in repentina ac tumultuaria pugna fuerat, quatuor occisi, duo capti. Circa quingentos Romanorum sociorumque victores ceciderunt. postero die Pœnus quievit. Romanus, in aciem copiis eductis, postquam neminem signa contrâ efferre vidit, spolia legi cæsorum hostium, & suorum corpora collata in unum sepeliri iussit. inde insequentibus continuis diebus aliquot ita institit portis, ut prope inferre signa videretur: donec Hannibal tertiâ vigiliâ, crebris ignibus tabernaculisque, quæ pars castrorum ad hostes vergebat, & Numidis paucis, qui in vallo portisque se ostenderent, relictiis, profectus Apuliam petere intendit. Ubi illuxit, successit vallo Romana acies. & Numidæ ex composito paulisper in portis se valloque ostentavere: frustra tique aliquandiu hostes, citatis equis agmen suorum assequuntur. Consul, ubi silentium in castris, & ne paucos quidem, qui primâ luce obambulaverant, parte ullâ cernebat, duobus equitibus speculatum in castra præmissis, postquam satis tuta omnia esse exploratum est, inferri signa iussit. tantumque ibi moratus, dum milites ad prædam discurrunt, receptui deinde cecinit, multoque ante noctem copias reduxit. Postero die primâ luce profectus, magnis itineribus famam & vestigia agminis sequens, haud procul Venusiam hostem assequitur. Ibi quoque tumultuaria pugna fuit. supra duo millia Pœnorum cæsa. Inde nocturnis montanisque itineribus Pœnus, ne locum pugnandi daret, Metapontum petiit. Hanno inde (is enim præsidio ejus loci præfuerat) in Bruttios cum paucis ad exercitum novum comparandum missus. Hannibal, copiis ejus ad suas additis, Venusiam retro, quibus venerat itineribus, repetit, atque inde Canusium procedit. Nunquam.

quam Nero vestigiis hostis abskiterat : & Q. Fulvium, quum Metapontum ipse proficisceretur, in Lucanos, ac regio ea sine præsidio esset, arcesserat.

XLIII. Inter hæc ab Hasdrubale, postquam à Placentiæ obsidione abscessit, quatuor Galli equites, duo Numidæ, cum literis ad Hannibalem missi, quum per medios hostes totam ferme longitudinem Italiæ emensæ essent, dum Metapontum cedentem Hannibalem sequuntur, incertis itineribus Tarentum delati, à vagis per agros pabulatoribus Romanis ad Q. Claudium prætorem deducuntur. Eum primò incertis impli-  
cantes responsis, ut metus tormentorum admotus fate-  
ri vera cœgit, edocuerunt, literas se ab Hasdrubale  
ad Hannibalem ferre. Cum iis literis, sicut erant, si-  
gnatis, L. Virginio tribuno militum ducendi ad Clau-  
dium consulem traduntur. deæ simul turmæ Samniti-  
um præsidii causâ missæ. qui ubi ad consulem perve-  
nerunt, literæque lectæ per interpretem sunt, & ex ca-  
ptivis percunctatio facta ; tum Claudius, non id tem-  
pus esse reipublicæ ratus, quo consiliis ordinariis pro-  
vinciæ suæ quisque finibus per exercitus suos cum hoste  
destinato ab senatu bellum gereret, audendum aliquid  
improvisum, inopinatum, quod cœptum non minorem  
apud cives, quàm hostes, terrorem faceret, perpetra-  
tum in magnam lætitiâ ex magno metu verteret ; li-  
teris Hasdrubalis Romam ad senatum missis, simul &  
ipse Patres conscriptos, quid pararet, edocet, ut, quum  
in Umbria se occursum Hasdrubal fratri scribat, le-  
gionem à Capua Romam arcessant ; delectum Romæ  
habeant ; exercitum urbanum ad Narniam hosti oppo-  
nant. Hæc senatui scripta. Præmissi item per agrum  
Earinatem, Marrucinum, Frentanum, Prætutianum,  
quâ exercitum ducturus erat, ut omnes ex agris urbi-  
busque commeatus paratos militi ad vescendum in vi-  
am deferrent, equos jumenta que alia producerent, ut  
vehiculorum fessis copia esset. Ipse de toto exercitu  
civium.

civium sociorumque, quod roboris erat, delegit, sex millia peditum, mille equites: pronunciat, occupare se in Lucanis proximam urbem Punicumque in ea præsidium velle; ut ad iter parati omnes essent. Profectus nocte flexit in Picenum. Et consul quidem, quantis maximis itineribus poterat, ad collegam ducebat, relicto Q. Catio legato, qui castris præffet.

XLIV. Romæ haud minus terroris ac tumultus erat, quàm fuerat biennio antè, quum castra Punica obiecta Romanis mœnibus portisque fuerant. neque satis constabat animis, tam audax iter consulis laudarent vituperarentne. Apparebat (quo nihil iniquius est) ex eventu famam habiturum. *Castra prope Hannibalem hostem relicta sine duce cum exercitu, cui detractum foret omne, quod roboris, quod floris fuerit; & consulem in Lucanas ostendisse iter, quum Picenum & Galliam peteret, castra relinquentem nullâ aliâ re tutiora, quàm errore hostis, qui ducem inde atque exercitus partem abesse ignoraret. Quid futurum, si id palam fiat? & aut insequi Neronem, cum sex millibus armatorum profectum, Hannibal toto exercitu velit, aut castra invadere, prada relicta, sine viribus, sine imperio, sine auspicio? Veteres ejus belli clades, duo consules proximo anno interfecti terrebant. Et ea omnia accidisse, quum unus imperator, unus exercitus hostium in Italia esset: nunc duo bella Punica facta, duos ingentes exercitus, duos propè Hannibales in Italia esse. quippe & Hasdrubalem, patre eodem Hamilcare genitum, equè impigrum ducem, per tot in Hispania annos Romano exercitatum bello, geminâ victoriâ insignem, duobus exercitibus cum clarissimis ducibus deletis. Nam itineris quidem celeritate ex Hispania & concitatis ad arma Gallicis gentibus multo magis, quàm Hannibalem ipsum, gloriari posse. quippe in iis locis hunc cœgisse exercitum, quibus ille majorem partem militum fame ac frigore, quæ miserrima mortis genera sunt, amisisset. Adjiciebant etiam periti rerum Hispaniæ, band cum ignoto, duce G. Nerone congregurum: sed quem in saltu impedito deprehen-*

prehensus fortè, baud secus quàm puerum, conscribendis fallacibus conditionibus pacis frustratus elusisset. Omnia majora etiam vero præsidia hostium, minora sua, metu interprete, semper in deteriora inclinato, ducebant.

XLV. Nero postquam jam tantum intervalli ab hoste fecerat, ut detegi consilium satis tutum esset, paucis milites alloquitur. Negat ullius consilium imperatoris in speciem audacius, re ipsâ tutius fuisse, quàm suum. Ad certam eos se victoriam ducere. quippe ad quod bellum collega non antè, quàm ad satietatem ipsius peditum atque equitum data ab senatu copia fuissent majores instructioresque, quàm se adversus ipsum Hannibalem iret, profectus sit, eò ipsos, quantumcunque viriam momentum addiderint, rem omnem inclinaturos. Auditum modò in acie (nam, ne antè audiretur, daturum operam) alterum consulem & alterum exercitum advenisse, baud dubiam victoriam facturum. Famam bellum conficere, & parva momenta in spem metumque impellere animos. Gloria quidem ex re bene gesta parta fructum prope omnem ipsos laturos. Semper, quod postremum adjectum sit, id rem totam videri traxisse. Cernere ipsos, quo concursu, quâ admiratione, quo favore hominum iter suum celebretur. Et, Hercule, per instructa omnia ordinibus virorum mulierumque, undique ex agris effusorum, inter vota & preces & laudes ibant: illos præsidia reipublicæ, vindices urbis Romæ imperiique appellabant: in illorum armis dextrisque suam libertumque suorum salutem ac libertatem repositam esse. Deos omnes Deasque precabantur, ut illis faustum iter, felixque pugna, matura ex hostibus victoria esset: damnarenturque ipsi votorum, quæ pro iis suscepissent. Ut, quemadmodum nunc solliciti prosequerentur cos, ita paucos post dies læti ovantibus victoriâ obviam irent. Invitare inde pro se quisque, & offerre, & fatigare precibus, ut, quæ ipsis jumentisque u sui essent, ab se potissimum sumerent. benignè omnia cumulata dare. Modestiâ certare milites, ne quid ultra

tra usum necessarium fumerent: nihil morari, nec ab signis abstinere cibum capientes: diem ac noctem ire: vix, quod satis ad naturale desiderium corporum esset, quieti dare. Et ad collegam præmissi erant, qui nunciarent adventum, percunctarenturque, clam an palam, interdiu an noctu, venire sese vellet, iisdem an aliis confidere castris. Nocte clam ingredi melius visum est.

XLVI. Tessera per castra ab Livio consule data erat, ut tribunum tribunus, centurio centurionem, eques equitem, pedes peditem acciperet. neque enim dilatarı castra opus esse, ne hostis adventum alterius consulis sentiret: & coartatio plurium in angusto tendentium facilior futura erat, quod Claudianus exercitus nihil ferme, præter arma, secum in expeditionem tulerat. Ceterum in ipso itinere auctum voluntariis agmen erat; offerentibus sese ultro & veteribus militibus perfunctis jam militiâ, & juvenibus, quos certatim nomina dantes, si quorum corporis species roburque virium aptum militiæ videbatur, conscripserat. Ad Senam castra alterius consulis erant: & quingentos inde ferme passus Hasdrubal aberat. Itaque quum jam appropinquaret, tectus montibus substitit Nero, ne ante noctem castra ingrederetur. Silentio ingressi, ab sui quisque ordinis hominibus in tentoria abducti, cum summa omnium lætitia hospitaliter excipiuntur. Postero die concilium habitum, cui & L. Porcius Licinus prætor adfuit. Castra juncta consulum castris habebat: & ante adventum eorum, per loca alta ducendo exercitum, quum modò insideret angustos saltus, ut transitum clauderet, modò ab latere aut ab tergo carperet agmen, ludificatus hostem omnibus artibus belli fuerat. is tum in concilio aderat. Multorum eò inclinant sententiæ, ut, dum fessum viâ ac vigiliis reficeret militem Nero, simul & ad noscendum hostem paucos sibi sumeret dies, tempus pugnæ differretur.

No-

Nero non suadere modò, sed summâ ope orare institit, ne consilium suum, quod tutum celeritas fecisset, temerarium morando facerent. *Errore* (qui non diuturnus futurus esset) velut torpentem Hannibalem, nec castra sua sine duce relicta aggredi, nec ad sequendum se iter intendisse. antequam se movet, deleri exercitum Hasdrubalis posse, redireque in Apuliam. Qui prolataando spatium hosti det, eum & illa castra prodere Hannibali, & aperire in Galliam iter, ut per otium, ubi velit, Hasdrubali jungatur. Extemplo signum dandum, & excundum in aciem: abutendumque errore hostium absentium praesentiumque; dum neque illi sciant cum paucioribus, nec hi cum pluribus & validioribus rem esse. Concilio dimisso, signum pugnae proponitur, confestimque in aciem procedunt.

XLVII. Jam hostes ante castra instructi stabant. moram pugnae attulit, quòd Hasdrubal, proventus ante signa cum paucis equitibus, scuta vetera hostium notavit, quae antè non viderat, & strigosiores equos. multitudo quoque major solita visa est. Suspiciatus enim id quod erat, receptui propere cecinit, ac misit ad flumen, unde aquabantur: ubi & excipi aliqui possent, & notari oculis, si qui fortè adustioris coloris, ut ex recenti via, essent; simul circumvehi procul castra jubet specularique, num auctum aliquâ parte sit vallum: & ut attendant, semel bisne signum canat in castris. Ea quum ordine omnia relata essent, castra nihil aucta errorem faciebant. Bina erant, sicut ante adventum consulis alterius fuerant: una M. Livii, altera L. Porcii: neutris quiequam, quo latius tenderetur, ad munimenta adjectum. Illud veterem ducem assuetumque Romano hosti movit; quòd semel in praetoriis castris signum, bis in consularibus referebant cecinisse. duos profectò consules esse, & quonam modo alter ab Hannibale abcessisset, cura angebat. Minimè id, quod erat, suspicari poterat, tantæ rei frustratione Hannibalem elusum, ut, ubi dux, ubi exercitus esset, cum quo castra

castra collata haberet, ignoraret. Profectò haud mediocri clade absteritum insequi non ausum. magnopere vereri, ne perditis rebus serum ipse auxilium venisset: Romanisque eadem jam fortuna in Italia, quæ in Hispania, esset. interdum, literas suas ad eum non pervenisse, credere: interceptisque iis, consulem ad sese opprimendum accelerasse. His anxius curis, extinctis ignibus, vigiliâ primâ dato signo, ut taciti vasa colligerent, signa ferri iussit. In trepidatione & nocturno tumultu duces parum intentè asservati, alter in destinatis jam antè animo latebris subsedit, alter per vada nota Metaurum flumen tranavit. ita desertum à ducibus agmen primò per agros palatur; fessique aliquot somno ac vigiliis sternunt corpora passim, atque infrequentia relinquunt signa. Hasdrubal, dum lux viam ostenderet, ripâ fluminis signa ferri jubet: & per tortuosi amnis sinus flexusque errorem volvens haud multum processit, ubi prima lux transitum opportunum ostendisset, transiturus. sed quum, quantum mare abscedebat, tanto altioribus coercerentibus amnem ripis, non inveniret vada, diem terendo spatium dedit ad insequendum sese hosti.

XLVIII. Nero primum cum omni equitatu advenit. Porcius deinde affectus cum levi armatura. Qui quum fessum agmen carperent ab omni parte incurserentque, & jam, omisso itinere, quod fugæ simile erat, castra metari Poenus in tumulto super fluminis ripam vellet; advenit Livius peditum omnibus copiis, non itineris modo, sed ad conferendum extemplo prælium instructis armatisque. Sed ubi omnes copias junxerunt, directaque acies est, Claudius dextro in cornu, Livius ab sinistro pugnam instruit: media acies prætori tuenda datur. Hasdrubal, omisâ munitio-  
ne castrorum, postquam pugnandum vidit, in prima acie ante signa elephantos collocat. circa eos lævo in cornu adversus Claudium Gallos opponit, haud tantum



tum eis fidens, quantum ab hoste timeri eos credebat. ipse dextrum cornu adversus M. Livium sibi atque Hispanis (& ibi maximè in veteri milite spem habebat) sumpsit. Ligures in medio post elephantos positi; sed longior, quàm latior, acies erat. Gallos prominens collis tegebat. Ea frons, quam Hispani tenebant, cum sinistro Romanorum cornu concurrit. dextra omnis acies extra præhium eminens cessabat. collis oppositus arcebat, ne aut à fronte, aut ab latere aggrederentur. Inter Livium Hasdrubalemque ingens contractum certamen erat, atroxque cædes utrinque edebatur. ibi duces ambo, ibi pars major peditum equitumque Romanorum: ibi Hispani, vetus miles peritusque Romanæ pugnæ, & Ligures, durum in armis genus. eodem versu elephantis, qui primo impetu turbaverant antesignanos, & jam signa moverant locis: deinde, crescente certamine & clamore, impotentiùs jam regi, & inter duas acies versari, velut incerti quorum essent: haud dissimiliter navibus sine gubernaculo vagis. Claudius, *Quid ergo præcipiti cursu tam longum iter emensi sumus?* clamitans militibus, quum in adversum collem frustra signa erigere conatus esset, postquam eà regione penetrari ad hostem non videbat posse; cohortes aliquot subductas è dextro cornu, ubi stationem magis segnem, quàm pugnam, futuram cernebat, post aciem circumducit. & non hostibus modo, sed etiam suis inopinantibus, in sinistram hostium latus incurrit: tantaque celeritas fuit, ut, quum ostendissent se ab latere, mox in terga jam pugnarent. Ita ex omnibus partibus, ab fronte, ab latere, ab tergo, trucidantur Hispani Liguresque: & ad Gallos jam cædes pervenerat. Ibi minimum certaminis fuit. nam & pars magna ab signis aberant, nocte dilapsi, stratique somno passim per agros: & qui aderant, itinere ac vigiliis fessi, intolerantissima laboris corpora, vix arma humeris gestabant. Et jam dici medium erat, sitisque  
&

& calor hiantes cædendos capiendosque affatim præbebat.

XLIX. Elephanti plures ab ipsis rectoribus, quàm ab hoste, interfecti. fabrilis scalprum cum malleo habebant: id, ubi sævire belluæ ac ruere in suos cœperant, magister inter aures positum, ipso in articulo, quo jungitur capiti cervix, quanto maximo poterat ictu, adigebat. Ea celerrima via mortis in tantæ molis bellua inventa erat, ubi regendi spem vicissent. primusque id Hasdrubal instituerat, dux quum sæpe aliàs memorabilis, tum illà præcipuè pugnà. Ille pugnantibus hortando, pariterque obeundo pericula, sustinuit: ille fessos abnuentesque tædio & labore, nunc precando, nunc castigando, accendit: ille fugientes revocavit, omissamque pugnam aliquot locis restituit. postremò, quum haud dubiè fortuna hostium esset, ne superesset tanto exercitui suum nomen secuto, concitato equo se in cohortem Romanam immisit. Ibi, ut patre Hamilcare & Hannibale fratre dignum erat, pugnans cecidit. Nunquam eo bello unà acie tantum hostium interfectum est, redditaque æqua Cannensì clades, vel ducis, vel exercitus interitu, videbatur. Quinquaginta sex millia hostium occisa: capta quinquè millia & quadringenti: præda alia magna tum omnis generis, tum auri etiam argentique. Civium etiam Romanorum, qui capti apud hostes erant, supra quatuor millia capitum recepta. id solatii fuit pro amissis eo prælio militibus. Nam haudquaquam incruenta victoria fuit: octo ferme millia Romanorum sociorumque occisa. Adeoque etiam victores sanguinis cædisque ceperat satietas, ut postero die, quum esset nunciatum Livio consuli, Gallos Cisalpinos Liguresque, qui aut prælio non adfuissent, aut inter cædem effugissent, uno agmine abire sine certo duce, sine signis, sine ordine ullo, aut imperio; posse, si una equitum ala mittatur, omnes

mnēs deleri; *Superfint*, inquit, *aliqui nuncii, & hostium cladis & nostra virtutis.*

L. Nero eā nocte, quæ secuta est pugnam, citatiore, quàm inde venerat, agmine, die sexto ad stativa sua, atque ad hostem pervenit. Iter ejus frequentiam minore, quia nemo præcesserat nuncius, lætitiā verò tantā, vix ut compotes mentium præ gaudio essent, celebratum est: Nam Romæ neuter animi habitus satis dici enarrararique potest; nec quo incerta expectatione eventus civitas fuerit, nec quo victoriæ famam accepit. Nunquam per omnes dies, ex quo Claudium consulem profectum fama attulit, ab orto solē ad occidentem, aut senator quisquam à curia atque à magistratibus abcessit, aut populus ē foro. Matronæ, quia nihil in ipsis opis erat, in preces obtestationesque versæ, per omnia delubra vagæ suppliciiis votisque fatigare Deos. tam sollicitæ ac suspensæ civitati fama incerta primò accidit, duos Narnienses equites in castra, quæ in faucibus Umbriæ opposita erant, venisse ex prælio, nuntiantes cæsos hostes. Et primò magis auribus, quàm animis, id acceptum erat, ut majus lætiusque, quàm quod mente capere, aut satis credere possent: & ipsa celeritas fidem impediēbat, quodd biduo antè pugnatum dicebatur. Literæ deinde ab L. Manlio Acidino missæ ex castris afferuntur de Narniensium equitum adventu. Eæ literæ, per forum ad tribunal prætoris lætæ, senatū curiā exciverunt: tantoque certamine ac tumultu populi ad fores curiæ concursus est, ut adire nuncius non posset, trahereturque à percunctantibus vociferantibusque, ut in Rostris prius, quàm in senatu, literæ recitarentur. tandem summoti & coerciti à magistratibus: dispensarique lætitiā inter impotentes ejus animos potuit. In senatu primū, deinde in concione, literæ recitatæ sunt: & pro cuiusque ingenio, aliis jam certum gaudium, aliis nulla antè futura fides erat, quàm legatos consulūve literas audissent.

LI. Ipsos


LI. Ipsos deinde appropinquare legatos allatum est. tum enimvero omnis ætas currere obvii, primus quisque oculis auribusque haurire tantum gaudium cupientes. ad Mulvium usque pontem continens agmen pervenit. Legati (erant L. Veturius Philo, P. Licinius Varus, Q. Cæcilius Metellus) circumfusi omnis generis hominum frequentia in forum pervenerunt; quum alii ipsos, alii comites eorum, quæ acta essent, percunctarentur, & ut quisque audierat, exercitum hostium imperatoremque occisum, legiones Romanas incolumes, salvos consules esse, extemplo aliis porro impertiebant gaudium suum. Quum ægre in curiam perventum esset, multo ægrius summta turba, ne Patribus misceretur, literæ in senatu recitatæ sunt. inde producti in concionem legati. L. Veturius, literis recitatis, ipse planius omnia, quæ acta erant, exposuit cum ingenti assensu, postremò etiam clamore universæ concionis, quum vix gaudium animis caperent. Discursum inde ab aliis circa templa Deum, ut grates agerent; ab aliis domos, ut conjugibus liberisque tam lætum nuncium impertirent. Senatus, quòd M. Livius & C. Claudius consules, incolumi exercitu, ducem hostium legionesque occidissent, supplicationem in triduum decrevit. eam supplicationem C. Hostilius prætor pro concione edixit, celebrataque à viris feminisque est. Omnia templa per totum triduum æqualem turbam habuere: quum matronæ amplissimâ veste cum liberis, perinde ac si debellatum foret, omni solutæ metu, Deis immortalibus grates agerent. Statum quoque civitatis ea victoria movit: ut jam inde, haud secus quàm in pace, res inter se contrahere, vendendo, emendo, mutuum dando, argentum creditum solvendo, auderent. C. Claudius consul quum in castra redisset, caput Hasdrubalis, quod servatum cum cura attulerat, projici ante hostium stationes, captivosque Afros victos, ut erant, ostendi, duos etiam ex iis solu-


tos ire ad Hannibalem; & expromere, quæ acta essent, jussit. Hannibal, tanto simul publico familiarique i-ctus luctu, *agnoscere se fortunam Karthaginis*, fertur dixisse: castrisque inde motis, ut omnia auxilia, quæ diffusa latius tueri non poterat, in extremum Italiæ angulum Bruttios contraheret, & Metapontinos, civitatem universam, excitos sedibus suis, & Lucanorum qui suæ ditionis erant, in Bruttium agrum traduxit.

*Finis tomi secundi.*

End

u p









THE NEW YORK PUBLIC LIBRARY  
REFERENCE DEPARTMENT

**This book is under no circumstances to be  
taken from the Building**

[illegible]



